



35807

BIBLIOTHECA
UNIV. IAGELL.
CRACOVINENSIS


1. All. Hon.


P



35807

I





MEDITATIONES

SUPER VERITATES CHRISTIANAS ET ECCLESIASTICAS

Desumptæ ex Epistolis & Evangeliiis Missarum
totius anni, atque in singulos illius hebdomada-
rum dies & principalia festa distributæ

UNIVERSIS De CLERO.

*Ut & se ipsos ad Celebrandum seu dignè Communi-
candum, nec non ad quævis Ecclesiastica munia
Sanctè obeunda disponere; & Populum sua Cura
commissum debitè ac fructuose instruere valeant.*

OPUS UTILISSIMUM.

AUTORE M. *** PRESBYTERO CURATO
DIÆCESIS LUGDUNENSIS

Gallicè editum, latinitate verò à quodam Ca-
nonico Regulari S. Augustini donatum, in qua-
tuor partes divisum, & pro Bono Cleri Ger-
maniz Typis impressum.

NUNC DEMUM

AUTHORITATE & MANDATO

Illustrissimi Excellentissimi ac Reverendissimi
Domini Domini VENCESLAI HIERONYMI
de Bogustawice

SIERAKOWSKI


Archiepiscopi Metropolitani Leopoliensis

REIMPRESSUM.


PARS HYEMALIS.

à Dominica Prima Adventûs ad Diem Cinerum.

Leopoli. Typis Confrat: SSS. Trinitatis
Cum Privilegio S. R. Majestatis A. D. 1770.



*IGNIS IN ALTARI SEMPER ARDEBIT,
QUEM NUTRIET SACERDOS, SUBIICI-
ENS LIGNA MANE PER SINGULOS
DIES. Lev. 6. 12.*



35. 807
I



DIVO CAROLO
BORROMÆO,

S. R. E. CARDINALI
EMINENTISSIMO,
ARCHIPRÆSULI MEDIOLANENSI
VIGILANTISSIMO,
CLERI PATRONO
COLENDISSIMO.

*H*ASCE Meditationes ad fovendam Cleri
pietatem editas ut nomini tuo dedicarem,
Sanctissime Præsul, ipsamet pietas tua suavit
adduxit. Nec enim efficacius ad sanctiores vi-
ta normam Clericos adhortari poteram, quam
Tuis sub auspiciis, Cardinalis Piissime, cujus
virtutes eximias & prorsus singulares sic mi-
rantur Ecclesiæ Ministri, ut cuncti te velut

Ducem de Patronum suum colant, & venerentur. Universa, Jane perspecta est Ecclesia illa tua major omni praconio sollicitudo pastoralis in Clericis informandis, tum morum probitate, tum rerum Ecclesiasticarum peritia. Hanc omnibus praedicant profinienda Tridentina Synodo suscepti labores, pro regenda Plebe tibi commissa instituta Congregationes, erecta Seminaria, legesque perutiles, quibus non solum Episcopis, sed aliis etiam Sacerdotibus curam Animarum habentibus ad munus optime peragendum viam tradis & offers tutissimam. Hanc denique enuntiant celebrata Concilia, Provincialia seu Diaecesana undecim, Ordinationes varia, Institutiones innumera, quibus christianam simul & Ecclesiasticam disciplinam instaurare, collapsos Cleri Populique mores emendare tantopere conatus es. Hac omnia sub titulo Aërorum Ecclesiae Mediolanensis in unum collecta habemus omni thesauro nobis pretiosiora: siquidem ex hoc thesauro velut ex Academia quadam sacra doctrina quotidie prodire cernimus instructissimos Sacerdotes, consumatos ac indefessos Operarios, qui vineam Domini diligenter excolunt, vitiorum stirpes evellunt, christianas virtutes cordibus hominum inserunt, fructumque ex labore suo referant uberrimum. Tuis debentur curis, precibus & exemplis proventus isti, quibus affluit Dominicus ager, Amisthes Reverendissime; rogare ne desistas Dominum Messis, Episcopum Animarum nostrarum Christum Jesum, ut similes Operarios mittat in Messem seu

seu Vindam suam. Istius etiam, precor, memor sis Opusculi, ut ad hac emolumenta non nihil conducatur, Legentesque juvet ad Sacerdotii munia dignius obeunda, ut per sanctos Sacerdotes Populus quoque sanctificetur Christianus.

Est quidem tenue quod offero Tibi munusculum, Cleri Patrone colendissime; sed inatuere, quaeso, mentis affectum, ipse Dei quo fruieris in Caelo factus amulator, qui etiam in exiguis rebus offerentium gratum habet animum: nec ad confectionem Tabernaculi quod Moysi praeceperat, minutissima pauperum dona, pilos caprarum & arietum pelles, aliaque id genus dedignatus est; tametsi ditiores alii aurum & gemmas in id opus conferrent. Deo namque animisque sublimibus peculiare est, ut voluntatis affectum magis quam munera, & studium cordis magis quam censum pensent. Cuiusmodi studio tibi devotissimus & addictissimus Servus aeternum persisteram.

Auctor.

PRÆ-

P R Æ F A T I O

A U C T O R I S

Quamquam plurimi jam meditationum libri super Evangelia in lucem prodierint, nemo tamen mirabitur, si & iste lucem publicam aspiciat. Si quis enim illos accurate apud se expendat, advertet facile, quod, cum principaliter pro secularibus scripti fuerint, adeo minutatim & in particulari obligationes & functiones clericales tangere, & tractare nequiverint, proinde tam utiles, & salubres Clero esse non possint, ac ille, qui ex instituto, ac singillatim ac in hunc finem conscriptus est.

Verum est, non plura, sed unum tantum dari evangelium, secundum quod quicunque deum christianus vivere debet, ut loquitur S. Basilius Lib. 2. de bapt. q. 1. *omnis baptizatus, Evangelii baptismo, debitor est, ut secundum evangelium vivat.* Regula enim est, non tam laicorum, quam Ecclesiasticorum; tam eorum, qui in mundo vivunt, quam, qui altari deferunt; aliud expectare non possumus, quam judicandos nos esse, secundum veritates divinas, quas in se continet, prout ipse Dei Filius nos admonet futurum, Jo. 12. v. 28. Sed quamvis evangelium regula quaedam sit universalis, omnes-

omnesque concernens, certum nihilominus est, plus virtutis & sanctitatis in, & à clericis exigi, quam à secularibus; ab iis, qui vocantur *lux mundi & sal terra*, Math. 5. quam qui simpliciter sub nomine *ovium* comprehenduntur. Æquum igitur est, ut illis talia ad meditandum proponantur, quæ eminentiæ & sanctitati status ipsorum, & gravissimis eorum obligationibus magis conformia sunt; quæ tamen etiam secularibus haud inutilia erunt, siquidem ad perfectiora pervenire desiderent, & contendant.

Hic ipse finis & scopus fuit omnium, qui hanc materiam tractarunt; sed quia non ab omnibus, ut optandum erat, tam late & diffuse, ideo haud abs. re imo necessarium esse duxi etiam post illos de hac materia scribere, non ideo tantum, ut nova meditationum materia subministraretur, sed ut ad functiones sacras destinati ministri habeant, quibus meditandis, singulis diebus, occupari possint, qui præ cæteris magis obligati sunt, ut *in lege Domini meditentur die ac nocte*. Desumpta est meditationum istarum materia ex epistolis & Evangeliiis per annum, dum divina mysteria celebrantur, ab Ecclesia assignatis, ut clerici, qui talia frequenter legunt, & ut ita dicam, quasi continuo præ oculis habent, majus illicium exinde talia meditandi, & cum majore gustu fumant, & ut illi, quibus ex officio incumbit, talia populo proponendi & explicandi, hoc facere possint utilius & fructuosius, si ipsi prius meditando talia, probe penetraverint, siquidem orator.

Eccle-

Ecclesiasticus oratione, præ eloquentia indiget, juxta doctrinam S. Augustini lib. de Doctr. Christ. c. 5. *pietate magis orationum quam oratorum facultate indiget: ut orando pro se ac pro illis quos est allocuturus, sit orator, antequam dicat. Ipsa hora, ait hic S. P. jam, ut dicat accedens, priusquam exerat proferentem linguam, ad Deum levet animam sitientem, ut erudet, quod biberit, vel quod impleverit, fundat.*

Ut huic, S. hujus Doctoris, sensui me accommodarem, & clericos, præsertim curæ animarum addictos, non ad propriam solum, sed & aliorum perfectionem procurandam animarem, doctrinæ Ecclesiasticæ adjunxi, & immiscui etiam alias scientiæ moralis doctrinas, quas docere eos oportet, animas curæ suæ subjectas, ut adeo in qualibet septimana meditationum super epistolas & Evangelia facile reperturi sint, quid aliis proponere possint, si vel modicum temporis impendant ejusmodi materiis meditando, siquidem verissimum est principium S. Augustini, quod, qui utiliter Dei verbum prædicare velit, orationis seu meditationis exercitiū adjungere debeat: *oret, ut sermonem bonum det in os ejus. Si enim Regina Esther oravit pro sua gentis temporaria salute, locutura apud regem, ut in os ejus congruum sermonem daret, quanto magis orare debet, ut tale munus accipiat, qui pro æterna hominum salute in verbo & doctrina laborat. ibid. c. 3.*

Etiam illi, quibus cura incumbit, clericos docendi, & instruendi, subsidium quoddam invenient

venient, ut puncta meditationum eis præscribere valeant; nec est necesse ad magis particularia hic descendere; ipsa enim lectio harum meditationum usum earundem detegit, ac docebit. Hoc unum mihi sufficiat, advertere, & monere lectorem, quod, cum unum ex principalioribus christianæ pietatis, & devotionis exercitiis sit, si quis digne accedat, ad participandum de Sanctissimo altaris Sacramento, ad finem cujuslibet meditationis, subiecerim brevem aliquam de sanctissima Eucharistia reflectionem, ut ita quilibet se probet prius, antequam ad hoc tremendum mysterium accedat, ad quod, ii vel maxime, majori dispositione & præparatione indigent, qui insuper hac prerogativa gaudent, ut ipsum sacrificium hoc in-cruentum nomine Christi & Ecclesiæ offerre valeant. Est hæc animadversio Patris Blessensis in pretiosa illa epistola, quam ad Episcopum Londinensem scripsit, ne eum in sacerdotem consecraret; *voce humana*, ait hic sapientissimus & piissimus Archi-Diaconus, *explicari non potest, cum quanta devotione confici, cum quanta cautela dispensari, cum quanta reverentia suscipi debet corpus Christi. Conficere vereor, quod affecto suscipere; nam cum utrobique pura conscientia exigatur. tamen vita perfectior, & conversatio eminentior, propter varias illius ordinis circumstantias, à sacerdote requiritur. Qui vero diutius se occupare volunt, circa augustissimum hoc mysterium, consulere possunt meditationes, & iis vacare, quæ habentur in*
321a

gia parte à Feflo fanctiffimi corporis Chrifti
ufque ad Dominicam 3tiam poft Pentecofteen,
quæ ex inftituto tractant de fanctiffima eucha-
riftia, ut Sacramento, & ut facrifício.

En! paucis tibi apertum & intentum, &
difpofitionem hujus operis, quod humillime ex
totis præcordiis, judicio Ecclefie & Capituli ejus
vifibilis, à quo regitur & gubernatur, fubjicio,
fi quidem mihi alia intentio, aut mens non eft,
quam ut Ecclefie ferviam ea charitate, de qua
loquitur Apoftolus, quæ nascitur, *è corde
puro, bona conscientia, & fide non ficta.*
Quemadmodum etiam omnis & folus fru-
ctus ex his meditationibus trahendus ab eo fo-
lum proficifci debet, qui eft author omnium bo-
norum, ita enixe rogo eos, qui hunc librum
lecturi funt, ut pro me, & mecum Patrimife-
ricordiarum, & Deo totius confoiationis fup-
plicare velint, quo fuam fanctam benedictio-
nem pro gloria Sanctiffimis nominis fui, & ad
fanctificandos miniftros fuos eidem largiri di-
gnetur, ut facta feria fuprà excellentiam fla-
tus noftri reflexione graviffimas, quæ nobis in-
cumbunt, obligationes impleamus, & de die in
diem, mediantibus tam vocali quam mentali
oratione, tanquam duabus viis securis & neces-
fariis, in virtutibus crefcere, & ad perfectio-
nem pertingere valeamus juxta monitum &
confilium S. Bernardi: *nemo repente fit fummus,*
ait hic S. P. Serm: 1. in fefto S. Andree, *ascen-
dendo, non volando apprehenditur fummitas sca-
la: ascendamus igitur velut duobus quibusdam
pedibus, meditatione & oratione; meditatio fi-*
quidem

quidem docet, quid desit; oratio, ne desit ob-
 net, illa viam ostendit; ista deducit; meditatione
 ne denique agnoscimus imminetia nobis peri-
 cula; oratione evadimus, præstante Domino no-
 stro Jesu Christo, qui cum Patre & Spiritu San-
 cto, vivit & regnat in sæcula sæculorum, Amen.

MONITUM.

Cum auctor hoc suo opere non tantum Ecclesia-
 sticis ad propriam eorum perfectionem prodesse;
 verum etiam eos vel maxime, quibus Cura præ-
 dicandi verbi Dei incumbit ad instruendum Po-
 pulum juxare intenderit: methodum ejus, qui ex
 suis meditationibus conciones facile efformari
 possint, ad finem quartæ partis apponuntur. In-
 terim sit:

RATIO MEDITANDI.

seu Synopsis Orationis Mentalis, ad Mentem
 seu methodum beati Francisci Salesii Episcopi
 Genevensis expressi.

| | | |
|--|---|---|
| | Præparatione, quæ tres actus continet, puta | 1. Sistere se coram Deo. 2. Postulare gratiam bene precandi. 3. Rem, de qua me- ditandum sibi ob- culos ponere. |
| Oratio mentalis tribus par- tibus constat. | Meditatione, quæ alio no- mine corpus o- rationis dici- tur: & hæc i- tem tres actus habet, | 1. Discursu ac Consi- derationibus uti in rem propositam. 2. Pios affectus elicere. 3. Proposita statuere, vel de bono agendo, vel de malo vitando. |

Conclusionem,
quæ tres etiam
actus habet.

1. De progressu orationis gratias Deo referre.
2. Quæ proposueris eidem offerre.
3. Postulare gratiam præstandi, quæ proposueris.

A C T U S.

Faciendi ante Meditationem.

Flexis devote genibus, invocato Spiritu Sancto, facto Signo Crucis eliciendus est Actus.

1mo Fidei. O Deus infinite Majestatis, credo te hic esse præsentem.

2do Actus adorationis; Adoro te omni eo cultu, quo te adorant Sancti omnes in cælis, & omnes iusti in terris.

3tio. Actus Gratiarum actionis. Gratias ago bonitati tuæ, pro omnibus beneficiis, in genere, & in particulari mihi impensis, specialiter autem pro eo, quod me creasti, pretioso sanguine tuo redemisti, ad Fidem Catholicam vocasti, à multis malis præservasti, maximè autem quod me impunem ad agendam penitentiam, usque ad hoc momentum patienter expectasti.

4to. Actus Amoris; Diligo te o! Deus, & infinitum bonum meum, ex toto corde, ex tota mente, & totis viribus meis.

5to. Actus doloris; Et quia huc usque ingratus fui, summopere doleo de omnibus offensis, negligentis meis ob amorem tui.

6to. Actus. Detestationis. Detestor omnia peccata mea, defectus, & imperfectiones hucusque

que commissas cum firmo proposito: amplius non peccandi.

7mo. *Actus Oblationis*: Offero tibi Domine Deus meus summa propensione cordis mei, ad majorem gloriam tuam, quidquid cogitabo, loquar, patiar & agam, eaque unita esse volo, Vitæ & Passioni Dilectissimi Filij Tui.

Offero hæc omnia in satisfactionem peccatorum meorum, offero pro incolumitate S. Romane Ecclesiæ ejusque capite visibili Summo Pontifici, offero pro peccatorum conversione. Hæreticorum extirpatione, offero pro agonizantibus omnibusque fidelibus defunctis.

8vo. *Actus Petitionis*: Postulo humiliter bene meditandi gratiam.

9no. *Actus Invocationis*. Invoco auxilium Vestrū. Sanctissima Virgo Maria, Omnes Sancti Patroni, specialiter tuum o Sancte Angele custos.

A C T U S

Post Meditationem.

Gratiarum actionis: Gratias tibi ago o Deus infinitæ bonitatis pro doctrina in hac Meditatione recepta.

Actus doloris. Doleo summo opere quod me non gesserim secundum hoc lumen modo communicatum.

Actus Precationis: Ne reminiscaris Domine peccata mea, confiteor me esse indignum omni gratiâ tuâ, vitâ æterna & temporali, dignum autem æterno supplicio.

Actus Propositi: Propono firmiter non amplius peccare, vitia emendare, & abhinc in amore tuo, charitate proximi debita, cæterarumq; virtutum exercitio propter amorem tui me conservare.

VENCESLAUS HIERONYMUS

de Bogusławice

SIERAKOWSKI

Dei & Apostolicæ Sedis Gratiâ Archiepiscopus Metropolitanus Leopoliensis.

Librum, cui Titulus: *Meditationes Super Veritates Christianas & Ecclesiasticas &c.* de Gallico idiomate in Latinum traductum; in quatuor Partes divisum, cum nihil contrarium Fidei Catholicæ & bonis moribus contineat, quinimo ad pietatem, & Virtutes, ad perfectionem vitæ & Amorem erga Deum, omnes Fideles atque Sacerdotes ad quævis Ecclesiastica munia sanctè obeunda alliciat. Typis reimprimi facultatem damus.

In quorum fidem Datum in Palatio Nostro Archiepiscopali Dunajoviensi, hac Die Duodecima Mensis Januarii. Anno Domini Millesimo Septingentesimo Septuagesimo.

VENCESLAUS Archiepiscopus

(L.S.)



DOMINICA PRIMA A D V E N T U S

*Hoc scientes tempus, quia hora est nos de
somno surgere. Rom. 13. 11.*

DE USU TEMPORIS.

1. Pauci sunt, qui bene utantur tempore:
2. Quia ratione utendum tempore sit.

PUNCTUM I. **N**escio qua utiliore medi-
tatione, huic sacrosancto
tempori Adventus, ini-
tium facere valeam, quam ex verbis apostoli
primis hodiernæ epistolæ. Invitat nos Aposto-
lus, ut à somno hos ipsos excitemus, & *tempus*
illud à Deo nobis, ad salutem nostram, conces-
sum, melius deinceps impendamus. Tempus
hoc *urget* nos, dicit Apostolus, & tamen illud
perdimus, negligimus, & tam facile prodigi-
mus, quam primum in potestatem nostram venit.
Tempus hoc *breve* est, & tamen hos adeo pre-
mit, ita perturbat, & incommodum nobis est, ut
volupe nobis sit, si cito illud perdere, & inuti-
liter transigere valeamus. Bone Deus! ita abru-

tū re omnium pretiosissima, quam in mundo habemus, an non cœcitas maxima! exclamat. S. Bernardus; *volat tempus irremedabile, nec advertit insipiens*, quid amittat.

Examina te ipsum, quomodo tu ipse utaris tempore; si hoc examen rite, ut oportet, instituas, invenies non dies tantum, sed septimanas, imo annos deperditos! sed abstrahendo de præterito. Quomodo uteris hac ipsa die tibi à Deo concessa, ad agendam pœnitentiam, ad implorandam Spiritus gratiam, & ad aquirendam gloriam? an non illam perdis? an non illam consumis, in conviviis, in lusu, detractionibus, conversatione, & visitationibus inutilibus, imo forte in actionibus magis criminosis & prohibitis? *libet confabulari a junt*, pergit S. Bernardus, *donec hora prætereat*. O! *donec hora prætereat* O! *donec prætereat tempus!* *donec prætereat hora, quam tibi ad agendam pœnitentiam, ad obtinendam veniam, ad aquirendam gratiam, ad gloriam promerendam miseratio Conditoris indulget*. Ah! quot sunt sæculares & clerici in inferno, ob tempus male deperditum, qui aliud non optant, quam horas aliquot quas tu pariter male perdis, ad agendam pœnitentiam? sed eheu! porta misericordiæ Dei ipsis, qui sorte minora & pauciora peccata commiserunt, quam tu, clausa est; *dimidium peccatorum tuorum non peccavit Samaria, Soror tua*. Ezech. 16. 51. Expergiscere igitur de somno tuo, & monitum Apostoli ad utilitatem tuam trahere; *hora est jam nos de so-*

nno surgere. Et, ut damnum hoc, ex deperdito tempore, repares.

PUNCTUM II. Considera qualiter eo uti debeas? attende. cum S. Bernardo, *ad præteritum; ad præsens, ad futurum*, & secundum hanc triplicem differentiam temporis, occupationes & negotia tua ordinare stude.

Quantum ad *præteritum*, revoca ad mentem, & plange ex toto corde annos juventutis tuæ, quos male transegisti in oblivione Dei & salutis tuæ. Excita in te vivum dolorem, quod tam male tunc vixeris, & dic cum Propheta Isaya c. 38. 15. *recogitabo tibi omnes annos meos in amaritudine animæ meæ.* Felix anima quæ tali dolore compungitur! meretur sane, cui Deus lachrymas absterget, dolorem moderetur, & ad cor illius suaviter loquatur, se restitutum annos deperditos, ac dæmoni, mundo, & peccato consecratos; *reddam vobis annos, quos comedit locusta, bruchus, & rubigo* Joël 2. 25.

Quantum ad *præsens*, illud aliter figere, seu tenere non potes, nisi te Deo soli affigas, illi inhæreas, idque solum facias, quod ipse à te petit; quod nobis S. Joannes 1. Ep. 2. 17. insinuat, dum ait, *Mundus transit, & concupiscentia ejus, sed qui facit voluntatem domini, manet in æternum.* Applica igitur & consumme hoc tempus tuum; in iis, quæ tuæ sunt vocationis, & ita congregabis dies plenos, quales esse debent Electorum. *Dies pleni inveniuntur in eis* Psal. 72. 10.

Quantum ad *futurum*, si hoc tibi Deus in-

A

dile

Hebdomas prima Adventus

dulgeat, Deo gratias propterea dicere, & ita impendere illud debes, ut nihil bonorum operum statui & vocationi tuæ convenientium omittas. *Non defrauderis à die bono, & particula boni doni non te prætereat.* Eccl. 14. 14.

Quia autem hæc meditatio pro norma sequentium meditationum tibi servire debet, propositum fac, ita bene ordinandi, & inferendi tempus tuum in oratione, studio, & aliis actibus seu functionibus status tui, ut nullum sit vacuum, sed omnia momenta Dei gloriæ deserviant, juxta illud, quod quotidie in officio divino recitas, *Ordinatione tua perseverat dies, quoniam omnia serviunt tibi.* Psalm. 118.

Facto hoc bono proposito præcipuus fructus meditationis tuæ esse debet, ut te bene ad missam, vel Communionem præpares. Ad hunc finem Christum, quem brevi post sumpturus es in S. Communione, considera, eum nec unicuique momentum vitæ suæ perdidisse, quin illud tuæ salutis, bono tuo, impenderet; ita neque tu aliquod negligere debes, in quo non cum ipso utinam. Roga illum, dum eum intra te possides, ut quemadmodum per hoc sanctissimum Sacramentum, vitam suam nobis dedit, ita etiam doceat te non aliter vivere, nisi ipsi, & propter ipsum. Hoc unicum medium est, ut omne tempus vitæ tuæ sancte transigasi perdis, quidquid alio applicas, vel alibi consummis, prout ipse hoc testatus est in evangelio: *Qui non est mecum, contra me est; & qui non colligit mecum, dispergit.* Luc. 11. 28.

FE-

FERIA SECUNDA.

Nunc enim propior est nostra salus, quam cum credidimus. Rom. 13. 11.

DE PROGRESSU IN VIRTUTE.

1. Obligatio progrediendi.

2. Quam parum proficiamus.

PUNCTUM I. *Non audita verba magni huius Apostoli, hora est jam nos de somno surgere, quæ à Chrysostomo, tubæ evangelicæ, appellantur; consideremus etiam motiva, quæ affert, ad excitandum nos à torpore nostro, & ad progrediendum & proficiendum in virtute. Non licet nobis ultra dormire, dicit, quia salus nostra propior modo est, quam unquam fuerit, & quia ad finem cunius nostri venimus, satis est; imò plus quam satis tempus nostrum impendimus stultitiis, & rebus, statui nostro, & Christiano, & Ecclesiastico, prorsus indignis. Nimirum temporis huiusque dedimus vitæ sensualis; vivamus in postea conformiter fidei nostræ; incipiamus laborare pro salute nostra, pro gloria & voluntate Dei, ad sanctificandas animas, modico isto tempore, quod nobis superest; & ille, qui venturus est, dabit cuilibet secundum fidem & opera sua. Nunc enim propior est nostra salus, quam cum credidimus. Quo magis princeps aliquis civitati appropinquat, eo paratiores sunt subditi. Quo viciniore est termino suo viator, eo magis accelerat gressus suos; quo magis in annis, eo magis in virtute crescere & proficere debemus.*

mus. *Ecce sponsus venit*, ait evangelium, te-
neamus igitur paratas, & accensas lampades
nostras, & eamus illi in occursum, disponamus
nos per exercitium bonorum operum, & san-
ctitatem vitæ nostræ, ut comparere coram eo
possimus; ne & nobis idipsum dicatur, quod
fatis virginibus Matth. 25. *nescio vos*. Terri-
bilia plane verba! ait S. Hieronymus, quæ suf-
fecerunt ad puniendam negligentiam istarum,
suffectura etiam, ut puniant nostram; *sufficit*
virginibus pro pena, quod ignorantur à sponso,
Hier. in Matth. ibid.

O Domine! fac, ut lampadēs nostræ semper
ardeant, sicut arserunt lampades virginum prae-
dentum. Fac, ut hodie intelligamus, & capia-
mus, si hucusque non intelleximus, illud ma-
ximi momenti axioma & principium vitæ spi-
ritualis à SS. PP. traditum, quod incessanter
progredi debeamus, ni velimus deficere; *in via*
vita. non progredi, regredi est Bernard. serm. 2.
in purif. Bone DEUS! quam pauci sunt è
Christianis, imo etiam Ecclesiasticis, qui hoc
principio bene utuntur! quam multos è contra
reperire est, qui gradum in medio cursu sistunt!
qui ædificium perfectionis incipiunt, & non con-
summant, qui Spiritu incipiunt, & in carne fi-
niant! reflectamus nos ipsos supra hoc, an non
id ipsum in nobis reprehendi possit, quod Pau-
lus Galatis suis exprobravit; *Sic stulti estis,*
ut, cum spiritu caperitis, nunc carne consum-
memini. Gall. 3. 3. Et ut melius desuper in-
ferremur

PUN.

Feria Secunda.

PUNCTUM II. Advertamus obsecro, quam pauci sint, qui progressum in virtute faciunt; vel enim vivunt in seminariis, seu in schola pietatis, & virtutum? forte nec somniant tales de progressu; putant, satis esse in loco sancto habitare, ut sancti sint, parum hoc attendentes, *non locum sanctificare homines, sed homines locum*, ut ait S. Bernardus Serm. 3. de divers. Vel vivunt inter sæculares? & hi vivunt ut sæculares, imo, plus dico, & verum dico: multi ex sæcularibus, ordinatius, circumspectius, & magis ex virtute vivunt, quam multi Ecclesiasticorum. Putant tales se obligationi suæ satisfacere, si Breviarium recitent, Missam quotidie, sed valde deproperanter, & absque devotione legant, dum interim nullum studium, nullum curam adhibent emendandi, & corrigendi proprium ac naturale genium, malos contractos habitus; domandi passiones, superbiam, avaritiam, invidiam, iram, intemperantiam &c.

Quam turpiter sibi ipsi illudunt hi tales, qui ex virtute se agere posse putant absque certamine? an non tu ipse hoc errore teneris? si unus ex illis es, bene tibi applicare potes parabolam illius patrisfamilias, qui quærens fructum arboris, quam in vinea sua plantavit, & non inveniens, post tres annos illam succidendam & eradicandam apud se statuit, indignam judicans, quæ sine fructu terram occuparet; ecce anni tres sunt, ex quo venio, quærens fructum in ficulnea hac, & non invenio; succide er-

3 *Hebdomas Prima Adventus*

go illam; ut quid terram occupas? Luc. 13. 7. si ad hasce minas non contremiscis, fides tua omnino languet; ubi esses tu, si in singulas horas rationem fructus à te peteret Dominus, prout jure facere posset, quancumque illi placeret? quem fructum illi proferre valeres, à tempore isto, quo versaris in seminario, vel hoc beneficio gaudes? post viginti vel triginta annos à plantatione tua in Ecclesia sua, quem fructum tulisti? an non idem de te dicere posset, quod apud Isaiam; quid est, quod debui ultra facere vineæ meæ, & non feci? an quod expectavi, ut faceret uvas, & fecit labruscas? Isa: 5. 4.

Propone igitur in virtute progredi. *Vera virtus finem nescit*, ait S. Bernardus Epist. 25. Tempore non clauditur; nunquam justus arbitratur se comprehensisse, nunquam dicit, satis est, sed semper esurit, sititque justitiam, ita, ut si semper viveret, semper, quantum in se est, justior esse contenderet. Non enim ad annum, vel ad tempus instat mercenarii, sed in æternum divino se marcipat famulatui. Rogâ Deum virtutum, quem hodie sumpturus es, ut tibi virtutes illas concedat, quibus cares. Domine Deus viriatum exaudi orationem meam Ps. 93. 8.

✠ ————— ✠

FERIA TERTIA.

Abiciamus ergo opera tenebrarum & induamur arma lucis, Rom 13. 12.

DE PROMISSIS IN BAPTISMO FACTIS,

1. Quæ-

Feria Tertia.

1. Quoniam sint.

2. Et quam sollicitè renovanda?

PUNCTUM I. **A** Postolus aliud hic non præscribit, quam quod ipsi in baptismo promissimus. Vult, ut renuntiemus operibus tenebrarum, & assumamus arma lucis: an non ad hoc ipsum nos obligavimus, dum gratiam baptismi recepimus, & in sortem filiorum Dei adscripti fuimus? renuntiavimus sathane, pompæ, & operibus ejus, & promissimus, Deo nos daturos ex integro & pro semper. O quam pulchra promissa! sed quam male servantur! si renuntiavimus sathane, qui est princeps tenebrarum, debemus secundum doctrinam apostoli induere arma lucis, quibus illum expugnemus; & sumere scutum fidei, ut resistere possimus telis ignitis maligni hujus spiritus; *cui resistite fortes in fide.* 1. Petri 5. 9. Facimus hoc? Si pompæ diabolicæ, id est, principiis & vanitatibus hujus sæculi renuntiavimus, non debemus deinceps aliam habere regulam, quam Evangelium. *Sanctum Evangelium*, ait S. Augustinus serm. 25. alias de divers. 12. *lex testamenti novi.* Sequimurne hanc regulam? Si operibus sathane renuntiavimus, id est, omnibus actibus peccaminosis, de quibus Christus ipse testatur, quod, qui talia agit, odit lucem: *qui male agit, odit lucem.* Jo. 3. 20. Non deberemus ulli amplius vitio subiacere, Renuntiamusne omnibus hisce operibus? *Ambulamusne sicut in die bone se?* prout loqui-

tur Apostolus, *non in comessationibus & ebrietas, non in cubilibus & impudiciis.* Necdum sufficit. Renuntiavimusne certis quibusdam peccatis spiritualibus, quæ à superbia originem trahunt, & satis frequenter inter Christianos reperiuntur? *non in contentione & emulatione.* Ad omnia ista abrenuntianda obligavimus nos in baptismo. Credis hoc? elice proinde actum fidei circa hanc veritatem, prædica hanc doctrinam sæpius populo tuo, ut sciant, & agnoscant, baptismum, quem receperunt esse secundæ vitæ, ac purioris vivendi rationis, pactum cum Deo initum, ut ait S. Gregorius Nazianzenus.

PUNCTUM II. Vidisti modo, quæ in baptismo promiseris, ad quæ proinde sis obligatus; vide nunc etiam, an fidelis hucusque fueris in his servandis? invenies forte, si te desuper examinare velis, quod promissis tuis sæpius non fueris, non solum à tempore, quo Christianus, sed etiam Ecclesiasticus es, & in statu clericali vivis, qualis confusio, si toties fidem, non hominibus, sed ipsi Deo, datam fregisti! erubescere, & detestare perfidiam, & infidelitatem tuam! ora patrem misericordiarum, ut tibi contemptum hunc sanctæ legis suæ dimittrat, quam inviolabiliter ad mortem usque observare debueras. Dole ex intimo cordis tui, quod toties sordaveris vestem tuam candidam, quam sine macula, & ulla sorde porrare & afferre debueras ante tribunal Jesu Christi. Sollicitus esto, ut vota & sacra hæc promissa sæpius renoves,

noyes, quæ in facie Ecclesiæ emisisti, & tanto-
 pere, imo eo magis illis obligaris, quo ea, ope
 aliorum, & alieno ore, fecisti. Ratifica igitur,
 quæ Patrini tui nomine tuo pronūssē e, sed ex
 corde, & in effectū; *renuntiate non solum vo-*
cibus, sed etiam moribus; non tantum sono lin-
guæ, sed & actu vitæ; nec tantum labiis sonan-
tibus, sed operibus, pronuntiantibus, ait S. Aug.
 de Symb. ad Catech. Etiam atque etiam ac fre-
 quenter hæc cogita in die anniversario bap-
 tismi, vel ordinationis tuæ, vel quando aliis hoc
 Sacramentum administras; doce hanc ipsam
 praxim etiam penitentes tuos; dic illis id i-
 psū, quod S. Ambrosius agebat l. 2. de Sa-
 cram. c. 2. *Memor esto sermonis tui, & nun-*
quam excidat series cautionis tuæ.

Ut consilium ac propositum tam bonum exe-
 quaris, ita alloquere Jesum post S. Communio-
 nem, & ora: Ecce coram te Domine ante al-
 tare tuum constitutus propono, me omnibus
 diebus vitæ gratum tibi extitutum pro gratia
 baptismi; identidem renovaturum, quæ tibi pro-
 misi, eaque ad mortem usque inviolabiliter ob-
 servaturum; nec non festivo gaudio celebratu-
 rum anniversarium diem hunc, quo à servitute
 dæmonis ereptus, transivi in libertatem Filio-
 rum Dei. *Miserationum Domini recordabor.*
 Isai. 63. 7.



FERIA QUARTA.

• *Induimini Dominum Jesum Christum.*

Rom. 13. 14.

DE

DE SANCTITATE ECCLESIASTICORUM

Induere debent Dominum Jesum. 1. Intus.

2. Et foris.

PUNCTUM I. **N**on sufficit Apostolo nos admonuisse, ut induamus arma lucis; id est, ut ordinarias tantum practicemus virtutes, sed insuper vult, ut induamus Dominum Jesum, & desideria carnalia ex toto spernamus, quod virtutem non quamlibet seu ordinariam in ecclesiasticis requiri, indicat; nam quid deesse sibi patiatur, qui totus coopertus Christo esse debet, ita ut intus, & extra, Christum repræsentet? hoc ipsum autem est, quod per allegata verba juxta interpretationem S. Joannis Chrysostomi, in hunc locum, dicere vult; *undique nos illo circumdari jubet.*

Vestiti ergo esse debemus Christo, primo, intus in animo, id est, eodem Spiritu, iisdem principiis, iisdem cum eo inclinationibus agitari, & duci, ut adeo intellectus noster veritates illius sibi persuasas habeat; & voluntas nostra amore illius ardeat. *Vult enim, animam nostram illi donum esse,* pergit ulterius Chrysostomus ibid. *illoque nos veluti vestimento circumdari, ut is omnia nobis sit, sive interna, sive externa respicias: est enim plenitudo omnia in omnibus adimplentis.* Ah Domine, suntne taliter vestiti ministri tui, sacris altaribus destinati? paterne ex eorum modo vivendi, quod tu illis, instar vestimenti, sis? videmusne in illis tuam patientiam, tuam mansuetudinem,

TUAM

tuam puritatem, tuam humilitatem &c. posse
 suntne & illi dicere cum apostolo, vivit Chri-
 stus in me, & ego vivo in ipso, & pro ipso?
 nihil facient? nihil dicunt? nil cogitant aliud,
 nisi quod ab ipso sit? quod ad eum ducat? quod
 gloriam illius spectet? *vivo autem jam non ego,
 vivit vero in me Christus?* Galat. 2. 20. Exa-
 mina temetipsum coram Deo, qui omnia vi-
 det, quæ intra te sunt, an Christum indueris?
 an vere habitat in corde tuo? *an non cognoscitis
 vosmetipsos, quia Christus in vobis est?* 2. Cor.
 13. Si ita est, Deum lauda, & allabora, ut eum
 non solum intus, sed & foris & extra induere
 merearis.

PUNCTUM II. Christum Dominum etiam
 foris induisse, aliud non est, quam imitari ipsius
 sanctitatem externam, modelitiam, mortifica-
 tionem, zelum, poenitentiam, & mores plane
 divinos, quos in vita sua foris ostendit: si ergo.
 Ecclesiasticus Christum induisse videri velit,
 debet, quemadmodum ille, ita & ipse ambulare,
 & alios docere; uno verbo, modum agendi il-
 lius in omnibus imitari, & sequi debet. An
 hoc ipsum facis? estne Jesus Christus, exemplar
 tuum, & vestis tua? portasne illum tecum ad
 cathedram, ad mensam, ad conversationem &c.
 reportasne illum denuo, quin aliquid de interna
 recollectione amittas, quam tenere debet, qui
 Christo est vestitus; quæque reddere est, ut ita
 dicam, visibilem Christum toti mundo? *Semper
 mortificationem Jesu in corpore nostro circumfer-
 rentes.*

14 *Hebdomas Prima Adventus*

rentes, ut & vita Jesu manifestetur in corporibus nostris 2. Cor. 4. 10. Si taliter vestitus esses Christo Jesu, quod traheres ad Christum? cum veritate dicere posses illud Pauli, *Christi bonus odor sumus Deo* 2. Cor. 2. 15. Roga Deum pro hac gratia, ut taliter Christum induere, & ita vestitus incedere valeas, de quo S. Gregorius Nyssenus, Orat. 40. quod sit *magna sacerdotum tunica*. Stude Jesum addiscere, & exemplum virtutum suarum continuo præ oculis habere. Ad altare accedens illum repræsentas, ut minister sacrificii, quia per te, & pro te, ipse se offert Patri suo, ora illum, ut te ita vestire dignetur virtutibus suis, quemadmodum vestivit te sacerdotio suo. Quotidie illum in manibus tenes, an non æquum est, ut illum etiam in corde habeas, & talis sit sanctitas tua, quæ eluceat ex omnibus actibus tuis, ut populus eam intuens, Deum benedicat, & laudet, qui tales Ecclesiæ suæ dedit ministros; *Ut qui videt ministrum altaris, congruis ornatum virtutibus, auctorem prædicet, & Dominum veneretur, qui tales servulos habeat.* Ambros. l. 1. offic. c. 50.

FERIA QUINTA

Erunt signa in sole, & luna, & stellis, & in terris pressura gentium, præ confusione sonitus maris & fluctuum, arescentibus hominibus præ timore & expectatione, qua supervenient universo orbi. Luc. 21. v. 25. 26.

DE EXTREMO JUDICIO.

1. Timor judicii. 2. Utilitas hujus timoris.

PUNCTUM I. Evangelium hujus Dominice totum est de judicio extremo; hoc modo incipit, & terminat Ecclesia annum suum, ut nos doceat, pariter omnes actiones nostras totius vite, ita ordiri & finire, & ut nunquam nobis e memoria excidat hoc judicium. Quia autem principalis fructus, & utilitas hujus meditationis primario in eo consistit, ut exciteretur in nobis timor salutaris, qui est initium & finis sapientie, ideo proponit nobis ob oculos signa illa terribilia, quæ diem hunc præcedent, nimirum solem obscuratum, lunam eclipstatam, virtutes calorum commotas, mare horribiliter fremens, & effluens, universalem nature consternationem, descensum supremi Judicis, in consortio Angelorum, plenum gloria & majestate, ut definitivam de homine pro tota æternitate ferat sententiam. En grandem materiam præsentis meditationis, quæ tandem desinere debet in timorem & tremorem salutarem, *Domine memorabor justitiæ tuæ solius.*

Nescierunt sancti, ad conservandum spiritum suum elongare à se ista, & se tantum iis occupare, quæ consolationis essent, & suavia, sed ex eorum numero se quoque esse partabant, quibus talibus terroribus opus esset, & ideo iisdem, pro se, & pro aliis usi sunt utiliter. Imitemur illos, & sit etiam nostra me-
ditæ

meditatio & cogitatio frequens de judiciis divinis, ita ut nunquam elongentur etiam à spiritu nostro: *omnia judicia ejus in conspectu meo, & justitias ejus non repuli à me* Psal. 17. 23. Hic sæpe frequenter occuparunt se, Hieronymi, Nazianzeni, Ephremes, Bernardi, Vincentii Ferrerii, & tot alii, qui tamen adeo sancte vivebant; contremuerunt ad memoriam hujus judicii, & ego miserabilis peccator de illo non cogito, non me movet, non me terret! misere-re mei, & hujus duritiæ cordis mei, Deus! *confige timore tuo carnes meas, à judiciis enim tuis timui.* Psal. 118. 120. Postquam hanc à Deo gratiam postulaveris.

PUNCTUM II. Considera utilitatem hujus timoris. Necessarius hic est omnibus justis & peccatoribus; justis, ut eos conservet in humilitate, & in virtutibus progredi faciat! *& judicia tua adjuvabunt me.* Psal. 118. 175. Peccatoribus, ut excitentur à torpore suo, passionnes deponant, & destruant, &c. Si enim terribilis fragor tubæ hujus, mortuos omnes ad judicium citantis, eos à lethargo mortali suscitaret, nescio, quis alius eos convertat, siquidem interitum peccatoris ex eo provenire nos docent prophetae, quod neque Deum, neque judicia ejus ante oculos habeant; *non est Deus in conspectu ejus, inquinata sunt via illius in omni tempore; auferuntur judicia tua à facie ejus.* Psal. 9. 26. Sacerdotes Dei! persuasum vobis sit certo, quod aliter, quam per timo-

sem judicii divini, peccatores ad frugem haud
reducere possitis; igitur sapius hunc populo ven-
stro inculcate; vos enim estis, qui in locum,
& labores apostolorum intraistis, quibus manda-
vit Dominus, ut adventum hunc suum annun-
tiantur mundo, ut convertat se, & agat poenit-
tentiam; Act. 10. 2. motivum hoc efficacissimum
non solum in cathedra, sed & in tribunali poeni-
tentiae sapius adducite, & cum S. Gregorio ma-
gno hom. 2. in evang. peccatores ita urgetes;
*illum ergo diem fratres charissimi, tota inten-
tione cogitate, vitam corrigite, mores mutate,
mala tentantia resistendo vincite, perpetrata,
autem fletibus punite; adventum namque eter-
ni judicis tanto securiores quandoque videbitis,
quanto nunc distractionem illius timendo prave-
nitis.* O si ita & cum tali emphasi de hac ma-
teria, cum Sancto Paulo ad peccatores verba
faceretis! haud dubium, quin vel maximos pec-
catores tremore concuteretis; prout hic Apo-
stolus terruit Felicem de talibus cum eo lo-
quens; Act. 24. 25. *disputante autem tum illo
de justitia & castitate & judicio, tremefactus
Felix.*

Fac Domine, ut Pastores, Prædicatores, Con-
fessarii, ac Ministri tui omnes hoc timore con-
figantur, ut similem in omnibus, qui curæ eo-
ruth commissi sunt, causare valeant; & ut omni
possibili cura per sollicitudinem procurandi sa-
lutem proximi, propriam in tuto ponant. *Terror
ille securitatem parit, territi enim præstavimus;*

pra-

præcaventis salvi erimus, dicit Augustinus in Psal. 146.

Quantum ad Vissam; contremisce coram iudice tuo, & implora clementiam ejus, recordare in hunc finem, quisnam olim fueris? & quisnam forte adhuc sis? *O Domine! nihil dignum in conspectu tuo egi, ideo deprecor majestatem tuam, ut tu Deus deleas iniquitatem meam.* Adoro te ô Jesu! ut judicem meum; unica spes mea in infinita misericordia tua posita est. Appello à te irato, ad te placatum; *non sis mihi formidini, spes mea in die afflictionis.* Jerem. 17.

FERIA SEXTA.

Virtutes calorum commovebuntur Luc. 21. 26.

In extremo Judicio mali Ecclesiastici.

1. Confusio. 2. Damnatio.

PUNCTUM 1. Verba citata de commotione virtutum cælestium, li-

teraliter sumpta, indicant futuram in extremo judicii die, generalem stellarum & constellationum confusionem; in sensu autem spiritali denotant, secundum S. Augustinum, Epist. 199. n. 39. edit. nov. horribilem persecutionem totius Ecclesiæ illo tempore instantem ac futuram; proinde, vel ipsorum sanctorum etiam virtutes commovendas, *stellæ cadent de cælo, & virtutes calorum movebuntur; quoniam multi, qui gratia fulgere videbantur, persequentibus cedent. & cadent, & quidam fideles fortissimi turbabuntur.* Forte nos ipsi testes hujus ultimæ & crudelis

simæ

in fima persecutionis haud erimus; omnes tamen certo comparebimus hac ipsa die coram tribunali Christi Jesu, quando cœli & terra transibunt. Si ergo omnia perire debent, qualis debet esse vitæ nostræ sanctitas, exclamat hic Petrus; 2. Ep. 3. 11. *cum igitur hæc omnia dissolvenda sint, quales oportet nos esse, in sanctis conversationibus, & pietatibus?*

Qualis igitur pavor invadet quemlibet Christianum, magis autem Ecclesiasticum, qui immemor hujus magni diei vixit, & neque pietatem, de qua hic loquitur Apostolus, secum affert? quæ confusio illius, qui male adeptus est officium suum, & totam vitam suam in abusu ministerii sui consumpsit, ubi secum tot sacrilegia ad tremendum hoc judicium afferet, quot obtulit sacrificia, & pastoralia officia peregit? qualis confusio, si insuper sibi imputata audier, tot sacrilegia, quorum causa fuit, ob negligentiam suam, vel præcipitatas absolutiones? si tot homicidiorum spiritualium reus ibi agatur, quot animas suorum parochianorum, per scandalum illis datum, occidit, vel quibus saltem, quantum in ipso fuit, occasionem præbuit, quævis illi, per gratiam Dei, non sint lapsi; *non sibi ergo blandiatur, quia ille non est mortuus, sed homicida est, ut ait S. Augustinus.* En! qualis futura sit confusio ejusmodi infelicissimi pastoris, si se, ut homicidam animarum curæ suæ committarum, tractari videat! si tot testes malæ vitæ sur, contra se deponere audiat cœlum, terram, crea-

Cleric; infr: P.I.

B

turas

turas omnes, quibus tanquam instrumentis ad satisfaciendum passionibus suis, usus seu abusus fuit, possetne pati confusionem majorem? *revelabunt tibi iniquitatem ejus, & terra confusetur adversus eum.* Job. 2. 27.

Ah! aperi Domine oculos talis indigni ministri tui, quamdiu adhuc in statu est se corrigendi, ut miseriam suam agnoscat, ac emendet; fac, ut hodie adhuc corde vere penitente confitrito, imploret misericordiam tuam, ne in hoc extremo judicio, à justissimo furore tuo, confundatur, ubi eum nulla alia expectabit, aut reliqua erit penitentia, nisi æterna, & simul infructuosa. *Tunc vero. cum venerit judicii tempus, correctionis locus non erit, sed tantum damnationis, & erit ibi penitentia sed infructuosa, quia sera; vis; ut sit fructuosa? non sit sera; hodie te corrige.* Verba sunt S. Augustini in Psal. 51. 8.

LECTIUM II. Ad hanc confusionem mali Sacerdotis, si queatur ipse damnatio; damnatio tanto terribilior clericis, quo magis supra communem plebem elevati sunt, siquidem Spiritus S. asserit eos, qui alios judicaunt, severissime suo tempore judicandos; *judicium durissimum his, qui præsumunt, fiet.* Sap 6. 6. Audiant hoc, qui in officio constituti sunt; & qui hæc legunt, intelligat; *potentes potenter tormenta patientur,* ibid. vel minimi defectus illorum non subterfugient hoc judicium; *ulciscens in omnes adinventiones eorum.* Psal. 98. Exprobrabit nempe illis hori-

horribilem illum contemptum gratiæ, verbi divini, & sacramentorum suorum; & quod inter tot beneficia, tamen in obstinatione sua perseverint, quibus tamen alii bene, & ad conversionem suam, si talia illis obtigissent, usi fuissent; *si in Tyro & Sidone facta essent virtutes, quæ facta sunt in vobis, olim in cilicio & cinere penitentiam egissent.* Math. 11. 21. Quid pro justificatione sua afferent? sed ad quam desperationem devenient, exclamat hic S. Ephrem. *Serm. de pat. & consumat. sac.* quando contra se pronuntiarī audient ultimam sententiam illam, quæ peccatores separabit à Christo, & ad infernum ablegabit æterno ibi igne cum dæmonibus excrucandos? *discidite à me maledicti in ignem æternum, qui preparatus est diabolo & Angelis ejus.* Quis exprimat dolorem illum, qui illos invadet, postquam audierint sanctos omnes, una voce, justissimo judici, vivorum & mortuorum, acclamantes, & comprobantes illorum condemnationem? insultabunt nimirum illis sancti, & unanimiter clamabunt, omnino justè in infernum præcipitados omnes, qui obliti fuere Dei sui; & separandos esse merito ab eo, qui se ab eodem in vita sua separarunt; *convertantur peccatores in infernum, omnes gentes, quæ obliviscuntur Deum* Psal. 9. 18.

Præveniamus, fratres charissimi, adjungit hic S. Diaconus, & impediamus malum hoc, quam diu adhuc valemus; projiciamus nos in sinum misericordiæ divinæ, dum tempus habemus

mus, clamemus cum propheta, *miserere mei Deus secundum magnam misericordiam tuam, & secundum multitudinem miserationum tuarum dele iniquitatem meam.*

Pro præparatione ad Missam; recurre ad Jesum Christum tanquam ad mediatorem tuum, qui solus potest pacem facere, & patri suo, te reconciliare. Tanta cum devotione cum intrā te sume, ut, mediante gratia hujus primi sui Adventus in te, sperare valeas, te consecuturum misericordiam illius etiam in secundo: pro gratiarum actione roga, ut te non tractet pro meritis tuis, *non intres in iudicium cum servo tuo. Domine! quia non justificabitur in conspectu tuo omnis vivens.* Psal. 42. 2.

* * * * *

DIE SABBATHI.

His autem fieri incipientibus, respicite & levate capita vestra, quoniam appropinquat redemptio vestra. Lucæ 21. 28

DE ULTIMO ADVENTU DOMINI.

1. Desiderare hunc debemus ad exemplum omnium sanctorum;
2. Quare tam pauci illum desiderant.

PUNCTUM I. Ut ut formidabile sit iudicium extremum ob prodigia, quæ illud præcedent, & ob rigorosissimam, quam Judici supremo reddituri sunt omnes homines, rationem, nihilominus erit dies gaudii & consolationis, omnibus piis, ac bonis Christianis. si quidem

quidem Christus Jesus voluit, ut his fieri incipientibus, levarent discipuli sui capita sua, quoniam appropinquat redemptio illorum. Quemlibet quidem fidelem mors liberat; perfecta autem redemptio Ecclesiæ non erit, nisi in adventu glorioso Jesu Christi, qui omnes inimicos suos concludet in inferno, & electos suos perfecte liberabit, ut secum æternaliter regnent; ad hoc continuo suspirare debemus, ut adveniat Dominus, *expectantes beatam spem & adventum gloriæ magni diei, & salvatoris nostri Jesu Christi.* Tit. 2. 13 Hoc desiderium in corde omnium Sanctorum erat, prout notavit S. Augustinus, nec esse ibi desinet, quousque veniat ille, qui est dilectus, & desideratus gentibus. Primis temporibus Ecclesiæ, quæ præcesserunt partum Virginis, sancti suspirabant, & expetebant incarnationem filii Dei, postquam autem Jesus in cælum ascendit, ad illius gloriosum reditum anhelant, quando venturus est judicare vivos & mortuos. *Neque hoc Ecclesiæ desiderium ab initio usque in finem sæculi requievit aliquantum, nisi quamdiu hic cum discipulis in carne versatus est, ut totius corporis Christi in hac vita gementis vox convenienter intelligatur, defecit in salutare tuum anima mea, & in verbum tuum sapersperavi.*

Sacerdotes & pastores sunt nobilior pars, & portio corporis mystici Christi Jesu, quod gemit & suspirat super terram. Eorum proinde est ardentius suspirare post adventum Salvatoris;

eorum

eorum plus, quam aliorum interest, quia, dum eorum labores majores sunt, illorum etiam remuneratio major, & manifestatio gloriæ eorum clarior & excellentior erit; sed meminisse debent; ait Gregorius Papa super Ezech. hom. 22. quod ille solus adventum Domini desiderare possit, cujus vita pura est; qui nihil in conscientia sua habet, ob quod adventum Domini, cum ita clare cernentis, timere debeat; *nemo enim ad eum judicis diligit, nisi qui se habere causam in Judicio bonam novit.* Vide, utrum tua conscientia tale tibi testimonium det? *fermo causa tua,* ait S. Aug. in Psal. 147. *testimonium conscientia tua.* Hinc.

PUNCTUM II. Considera, cur tam pauci vivunt, in hac sancta impatientia, gloriosi adventus Christi Jesu? hoc ideo fit, ait S. Augustinus, quia pauci sunt, qui Salvatorem amant, & qui in bono statu, coram ipso comparituri sunt. Ex temetipso hoc collige: si tibi diceretur, cras veniet Christus, & mundum judicabit; quid ad hoc responderes? esse ne in tali statu, ut dicere audeas; ah utinam veniat! & quam vehementer hoc opto! non enim alii, nisi qui ipsum amant, ita loquuntur; *qui enim dicunt multum amant.* ibid.

Amate igitur, & sacerdotes & ministri Dei Jesum Christum, quantum eum amare debetis; & sic desiderabitis diem manifestationis gloriæ ipsius; *si enim amamus Christum, utique adventum ejus desiderare debemus,* ibid. Nova
conci.

concepe desideria hujus secundi adventus, quoties orationem Dominicam recitas; & cor tuum loquatur, quando ais, *adveniat regnum tuum*. O Jesu! quæ causa est, cur adventus tuus hic adeo desiderabilis, nihilominus à tam paucis desideratur? cur illum, qui ardentissimorum votorum in omnibus sanctis objectum fuit, nos tam indifferenter expectamus, vel omnino exhorrescimus? haud aliam causam inquirere debemus, quam corruptionem cordis nostri; corruptum est cor nostrum ab amore inordinato creaturarum, ex quo infinita peccata nascuntur, quibus vita nostra sordidatur. En Domine! quæ causa sit, cur adeo timeamus comparere coram te, & tibi reddere rationem! veni Domine Jesu in hoc cor meum, ut *medicus*, ut *salvator*, ut *Rex*; ut *medicus*, sana corruptionem illius, & depelle ex illo omnem deordinationem; ut *salvator*, erue me à captivitate demonis, & à servitute & mancipatu passionum mearum; ut *rex*, regna in illo solus, & supremum exerce in illud dominium. Deinceps, sine cessatione, post adventum tuum generalem suspirabimus, quia in eo statu vivere volumus, ut te Judicem & Deum nostrum absque confusione nostra suscipere valeamus; à te iusto Judice, confidenter speramus, recepturos nos coronam justitiæ, quam promeriti fuerimus, dono gratiæ & misericordiæ tuæ; à te autem Deo nostro absumendum id omne in nobis, quicquid mortale est, ut totus & solus tu nobis sis.

MIS-

Missam nunquam celebra, quin Domino Jesu Christo amoreni tuum, & desiderium adventus sui gloriosi testeris; *diligendus ergo est, & expectandus Domini adventus.* Aug. ep. 199. ad Hesich. Ante omnia autem roga illum, pro gratia quotidie ita vivendi, acsi ultimus foret dies, quo venturus esset ad te judicandum, ut alio die timore sis, quando coram illo comparere debes; *sic vive, quasi hodie venturus sit, & non timebis, cum venerit.* Aug. 265.

DOMINICA SECUNDA ADVENTUS

Quaecunque scripta sunt, ad nostram doctrinam scripta sunt, ut per patientiam & consolationem scripturarum spem habeamus. Rom. 15. 4.

DE LECTIONE S. SCRIPTURÆ.

1. Necessaria est Ecclesiasticis ad instructionem aliorum. 2 Et ad propriam sanctificationem.

PUNCTUM I. PRima verba hujus epistolæ docent nos, quod in scripturâ sacra quærere debeamus, & nostram & aliorum instructionem. Scriptura sacra, ajunt SS. PP. armamentarium est omnis generis armorum, ut defensive & offensive pugnare valeamus; apotheca est, omnis generis medicinas continens; unde sumere debemus remedia, si utiliter aliis mederi volumus; habesne tibi bene persuasam hanc veritatem, ut sibi persuasam habuit S. Augustinus? postquam consecratus fuit hic vir in presbyterum Ecclesiæ Hypponenfis à Valerio Epi-

Episcopo, injunctumque sibi habuit Officium prædicandi populo Dei verbum, frustra que diu, & omni conatu restitisset, neque medium ullum reperisset huic oneri se subducendi, litteras dedidit adhuc suum Episcopum; ut concederet sibi longius spatium, quo seipsum prius funditus in S. scriptura, informare posset. Epist. 21. ad Valer. Erubescant ad hoc exemplum illi juvenes clerici, qui se ulro ingerunt, & prædicare præsumunt, antequam S. scripturam legerint, in eaque se informaverint! noli eos imitari, sed sequere consilium S. Hieronymi, *sermo Presbyteri scripturarum lectione conditus sit.* Si conciones tuæ fundamentum suum in & ex scriptura non habent, loqueris de vitiis & virtutibus nonnisi superficialiter, & ut philosophus; id, quod dices, poterit auditoribus videri pulchre dictum, & bene excogitatum; mirabuntur forte eloquentiam tuam, cor autem eorum haud tanges, nec movebis, qui tamen lacrymas & gemitus, non autem laudes eorum, & applausus quærere; debes; *docente te in Ecclesia, non clamor populi, sed gemitus suscitetur, lacryma auditorum, laudes tuæ sint.* Scopus tuus esse debet, ut aliis horrorem de peccatis, & amorem pietatis & justitiæ ingeneres. Hoc autem opus non est in hominis potestate; Deus solus & verbum Dei hoc efficere possunt: lege ergo, meditare scripturam sacram, fac Deum, ex te & per te loqui, dum verbum Dei prædicas. Neque dicas, quod cura animarum tibi non incumbat, neque ex officio instruere habeas populū.

PUN-

PUNCTUM II. An non tibi cura & sollicitudo propriæ animæ tuæ incumbit? an non illi procurare debes remedia, & nutrimentum, quibus indiget? jam vero, ut docet S. Paulus, scriptura non solum utilis est ad docendum, ad arguendum, ad corrigendum, & ad ostendendam aliis viam justitiæ, sed insuper, *ut perfectus sit homo Dei, ad omne opus bonum instructus* 2. Tim. 3. 16. Tu es iste *homo Dei*, ibid. magis ad perfectionem obligatus, quam reliquum vulgus Christianorum; ergo legere debes sacram scripturam, siquidem sine hoc adjumento nunquam perfectus evade; ut Chrysostomus adnotavit; sed ne ab epistola hodierna recedamus, considera, quod hæc divinæ litteræ, à Deo nobis de cælo missæ sint, ad nutriendam, & roborandam spem nostram, & adconsolandum non in vitæ hujus tædio, & miseriis exilii nostri, *ut per patientiam, & consolationem scripturarum spem habeamus*. Quid est aliud scriptura, ait Gregorius Magnus Hom. 15. in Ezech. nisi litteræ omnipotentis Dei, quas ex bonitate & benignitate sua ad creaturas suas direxit! obsecro igitur te, ut verba creatoris tui singulis diebus legas, & mediteris; discas cor Dei in verbis Dei, ut ardentius ad æterna suspires, ut mens nostra ad cœlestia, majoribus desideriis accendatur.

O si clerici omnes, verba plane ignita sanctissimi hujus pontificis, bene perciperent, intelligerent haud dubie; quam necessaria ipsis sit lectio hæc divina! resolve igitur te ad lectionem

PUNCTUM I.

cce, quo zelo nos Apostolus
 ad hanc unionem adhortetur;
 ostendit nobis, maximam, quam Deo dare pos-
 simus, gloriam, in eo consistere, ut perfecte in-
 vicem unitissimus, quo eum uno ore laudemus.
 Ad hunc effectum nobis proponit perfectissi-
 mum exemplar, & motivum potentissimum, quod
 quis sibi imaginari possit, nimirum unionem il-
 lam, qua ipse Dominus Jesus dignatus est nos
 bis uniri, membra nos sua constituendo, & ita
 etiam patri suo una secum nos uniendo. Quis
 possit post hæc recusare uniri fratribus suis?
 defectus & imperfectiones nostræ impedire non
 poterit Christum, quin nobiscum uniretur, ne-
 que facere possunt, ut aliquando se à nobis se-
 pararet, nisi nos ipsi eo perveniamus, & gratiam
 ipsius perdamus; similiter defectus quidam, quos
 in fratribus nostris advertimus, haud sufficiens
 motivum esse debent, dissolvendi in hac unio-
 ne, quam cum ipsis habere, & invicem conser-
 vare debemus; excusare illos debemus, quem-
 admodum Christus nostros excusavit errores;
 sufferre debemus, in fratribus nostris, quidquid
 Deus in illis sustinet, & eoque cum illis uniti
 esse debemus quamdiu spes est, & apparet eos
 unitos esse Deo. Quando etiam ipsi per pec-
 catum separati sumus à Deo, ille se non rota-
 liter à nobis separat; manet adhuc aliqua ratio-
 ne nobiscum, quamdiu in mundo vivimus, per
 suam gratiam, & beneficia, quibus incessanter
 nos allicit, ut ad unionem cum ipso redeamus;

pari-

pariter si in fratribus nostris tale quid contingeret, per quod à Deo separarentur visibiliter, non tamen scindere debemus ex toto unionem cum illis; non participemus quidem cum illis in peccato, sed unionem fraternam cum ipsis teneamus, quo eos, si possibile est, quamprimum cum Deo iterum uniamus; exemplum hoc nobis dedit Dominus, quod plane sequi oportet; *suscipite invicem, sicut & Christus suscepit vos in honorem Dei* ibid. v. 7.

Pudeat ergo Christianos & Clericos, ac damnationem timeant, qui ob minimam sibi illatam à fratribus injuriam, ansam & pretextum sumunt dissidendi ab ipsis, qui ob levissimum contemptum se offensos putant, & nonnisi dissiculter reconciliationem ineunt; qui, quidquid ipsis in proximo displicet, statim condemnant, & ubique propalant, quæ à fratribus male fiunt. An non simili d. s. t. u. laboras? si ita est, veniam à Deo roga, & majori deinceps sollicitudine unionem & pacem cum fratribus conservare stude, prout alibi monet Apostolus, *soliciti servare unitatem spiritus in vinculo pacis*. Et ut in hoc proposito bono firmeris

PUNCTUM II Considera, quod nihil utilius & salubrius accidere possit Ecclesiæ, quam hæc unio filiorum suorum maxime sacrorum ministrorum; huic unioni, quæ tam perfecte florebat inter primos Christianos, debet Ecclesia conversionem gentium. Poterant equidem infideles & pagani resistere prædicationi, imo vel
ipsis

Ipsis miraculis, quæ fieri videbant, non tamen charitati, qua fideles intime secum uniebantur, adeo ut pro invicem mori parati essent; vide, inquit, *ut se invicem diligant, & ut pro alterutro mori sint parati.* Huic unioni etiamnum debet progressum suum, prædicatum, per Apostolicos ministros, Evangelium Dei; quantum boni causat in diœcesi sua Episcopus. si in pace cum suis subordinatis pastoribus animarum vivit? si talem se illis exhibeat, qualem se Paulus erga Titum præstitit? *dilecto filio, secundum communem fidem, gratia & pax à Deo Patre & Christo Jesu, salvatore nostro; hujus rei gratia reliqui te Creta, ut ea, qua desunt, corrigas,* ad Tit. c. i. Si etiam hi, ex parte sua veram submissionem & reverentiam, quam debent, Episcopo suo exhibeant? quantum boni præstare valet communitas illius, in qua omnes laborant, secundum mensuram talentorum suorum, absque invidia & emulatione vel zelo malo? si pluribus talentis ditati, non spernant illos, qui minoribus ditati sunt? qualis benedictio, qui fructus, in illa parochia sperandus, ubi parochus, vicarius, & alii subordinati, unanimiter concurrunt, ad curandas & sanctificandas animas; eaque communi labore ordinant, quæ ordinanda sunt? quanta fidelium ædificatio, si videant Ecclesiasticos omnes in Christo Jesu unitos, non propriam gloriam, sed utilitatem publicam & bonum commune Ecclesiæ quærere!

O Domine, da nobis, quæso, hanc unionem

fin-

sanctam, quam nobis promeritus es, quamque nobis mundus eripere vult; *ut sint consummati in unum*. Hanc à te petimus, ô bone Deus, pro omnibus omnino Christianis singulariter autem pro singulis ministris Ecclesiæ tuæ, fac, ut simus eandem charitatem habentes, unanimes, idipsum sentientes, nihil per contentionem, nihil per inanē gloriam, sed in humilitate superiores sibi invicem arbitantes.

Accedamus, in & cum hac dispositione ad altare Dei, memores nos recepturos sacramentum unitatis, quod facit, ut unum simus cum fratribus in Christo Jesu, qui nobis omnibus hoc Divinum nutrimentum dat, & aliud non est, nisi ipsemet; *unum corpus multi sumus, omnes, qui de uno paneparticipamus*. 1. Cor. 10. O sacramentum pietatis! ô signum unitatis! ô vinculum charitatis. Aug. tr. 27. in Joan.

FERIA TERTIA.

Deus autem spei repleat vos omni gaudio, pace incredendo, ut abundetis in spe, & virtute Spiritus S. Rom. 15. 13.

DE SPE.

1. Hæc virtus nos sustentare & animare debet.

2. Pauci illam admodum curant.

PUNCTUM II. GRATIAS Deo agamus, qui dignatur esse magnum objectū, & Deus spei nostræ, dum nobis promisit, nos eum in cœlo æternaliter possessuros, si ei. hic in terris positi, fideliter servierimus. O quam magna est
fors

fors & felicitas nostra, qui spem nostram, usque ad possessionem Dei ipsius elevare & extendere valemus, ut adeo expectatio ista merito cor illius, qui ex fide vivit, omni gaudio replere debeat; *Deus spei repleat vos omni gaudio & pace in credendo.* Frequenter actus hujus divinæ virtutis elice; medium hoc erit, ut mala vitæ hujus patienter seras, prout alibi nos docet Apostolus; *spe gaudentes, in tribulatione patientes.* Röm. 12. Nam, si vita hæc instar maris est, & anima nostra, navim à fluctibus agitatam, repræsentat, spes, quam de felici æternitate habemus, promissisque Dei, qui mentiri non potest, innotitur, inquit anchoræ nobis sit, quæ navim animæ nostræ firmet contra omnem procellam, & vim fluctuum, quibus expositi sumus; *quam sicut anchoram habemus anima tutam ac firmam.* Hebr. 6. 19. Si ergo virtus ista in nobis vivit, nil esse debet, quod nos evertere possit, neque venti tentationum, neque tempestates afflictionum, utat terribiles sint. Ah! si spes rerum terrenarum, quæ est valde incerta, mercatorem sustentat, in periculis negotiationis, & mercaturæ suæ; militem in laboribus & periculis armorum; operarios in difficillimis laboribus; si spes ista eos ad omnem laborem animat, quid non possit spes certissima, quam nos habemus possidendi Deum in cælo, quod est terra viventium? quid non, dico, possit in Christiano, in clerico, in paracho efficere? melius ista cogitantur, quam verbis exprimantur. Interim.


PUN.

PUNCTUM II. Fateri oportet, quod spes ista bonorum supernorum parum nos moveat. Si præpotens dominus hujus mundi certis clericis promittat, se de eorum promotione cogitaturum, vel potius formiaturum, satis hoc ipsis est, ut se eidem inviolabiliter addicant, & quandoque etiam contra statum, obligationem, & conscientiam suam; nil tam vile & abjectum est, ad quod se non demittant, ad conservandam bonam illius in se voluntatem, & negotia illius, etsi forte minus decentia, in se suscipiant, quia credunt & sperant, ut ipsi ajunt, fortunam suam inde pendere. Deus illis promittit bona solida, & æterna, illi tamen frigidos & negligentes ei se exhibent; Deus proponit nobis cælum, ait S. Chrysostomus, nos autem oculos & desideria nostra in terra defigimus; regnum cælorum illius est, qui illud acquirere vult & laborat; nos autem toti sumus in acquirendis miserabilibus bonis hujus mundi. *Immortalis aperitur vita, & nos circa ligna, lapides, villasque consumimur!* Chrysost. Hom. 10. in c. 4. 2. ad Tim. Deum derelinquimus, & currimus post mendacium; negligimus Deum, & in creaturis obdormiscimus, id est, in eo requiem quærimus, ubi eam invenire nequimus, finem illum gloriosum, ad quem destinati sumus, haud consideramus, vel non aliter, nisi à longe, & tanquam rem peregrinam, quæ ad nos non attingeret.

Quando Domine evigilabimus tandem, à
C tremena

tremendo isto lethargo, in quo vivimus? quando desistemus ab ista indifferentia nostra erga vitam æternam? quando è norma vitæ nostræ tandem elucebit, promissa tua nobis esse in æstimatione? tunc fiet hoc ô Domine, quando per gratiam tuam exacte legem tuam adimplebimus; quando per vitam sancte transactam, illam vitam merebimur, quæ finem non habebit,

Tota spes nostra fundata est in meritis Christi Jesu, quæ in sanctissimo Eucharistiæ sacramento inclusa reperitur; adeamus ergo cum fiducia ad thronum gratiæ, ut misericordiam consequamur, & gratiam inveniamus in auxilio opportuno. Hebr. 4. 16.



FERIA QUARTA.

Joannes, cum audisset in vinculis opera Christi, mittens duos de discipulis suis, ait illi; tu es, qui venturus es, an alium expectamus?

Matth. 11 v. 2. 3.

DE PERSECUTIONIBUS

- 1 Ecclesiastici ordinarie persecutionem patiuntur
2. Quid tempore persecutionum eos facere oporteat.

PUNCTUM I. **M**inas, carcerem, vincula; en talia reportant! qui magnatibus hujus mundi veritatem prædicant. Prædicavit S. Joannes in aula Herodis; audacter principi huic in faciem dixit; non licet tibi habere uxorem fratris tui. Marc. 6. 18. Exprobra-
vit

vit illi incestuosum & commercium, & publicum
exinde ortum scandalum, adeo exinde non pro-
fecit induratus hic princeps, ut potius præco-
nem hunc veritatis, in obscurum carcerem con-
jecerit; sed quam gloriosum est præcursori Mes-
siae causam Dei sui impensis propriæ vitæ &
libertatis tueri, & propugnare? nolite igitur
contristari fideles Dei ministri, si male vos mun-
dus tractet; difficulter obligationibus ministerii
vestri satisfacere poteritis, quin injustæ vobis
perferendæ sint persecutiones. Quid pati ne-
cesse erit ex parte dæmonis, si laboratis, ut de-
betis ad destructionem imperii ipsius, & ne re-
gnet peccatum? quid perferre ex parte ho-
minum, qui passionum suarum mancipia sunt,
si vitia ipsorum reprehenditis, & vitam arctam,
quæ ducit ad cælum, eos docetis? imo audeo
dicere, quod & à propriis confratribus vestris
aliqua patienda vobis occurrent, qui præocu-
pati forte, vestrum modum agendi non ap-
probabunt; certi estote, si obligationi vestræ
satisfacitis, minime defuturum, quin mundus
vos undequaque persequatur. Paulus hoc dicit,
2. Tim. 3. 12. & quidem non solum clericis hoc
prædicat, sed generaliter omnibus Christianis;
Omnes, qui pie volunt vivere in Christo Jesu,
persecutionem patientur; & ideo nil aliud ex-
spectet, ait S. Leo serm. 9. de quadrag. qui pie
vult vivere, nisi cruces & persecutiones; *nun-*
quam deest tribulatio persecutionis, si nunquam
desit observantia pietatis; sicut ergo totius est
Ca
corpo-

corporis, ita totius est temporis crucem ferre. Contremisce, si adhuc nihil pro nomine Jesu passus es, quia merito timere debes, an pie vivas in Christo, vide, ne nondum ceperis in Christo pie vivere ait S. Augustinus, in Psal. 55. quia quam primum ei placere ceperis, incipies etiam persecutionem pati; in angustias redieris; prepara te ad pressuras; ibid. Et si Deus id permittat.

PUNCTUM II. Id, quod ad exemplum S. Joannis facere debet, est, ut specialiter Christum recogites, *recogitate eum, qui talem sustinuit à peccatoribus adversus semetipsum contradictionem; ut ne fatigemini animis vestris, deficientes.* Hebr. 12. 3. Noli despondere animum, in medio tribulationum, laborum, & inimicorum, quos tibi ministerium tuum causat; noli inniti propriae virtuti, imo nequidem æquitati causæ tuæ, sed unice confide, in meritis illius, cujus nomine decertas; conjice incessanter oculos tuos in hoc exemplar, quod imitari debes; nam quemadmodum infantes, oculos suos defixos habent in patrem; & discipuli supra magistrum suum; eorum motus & modum agendi observando, ita & tu in hoc spiritali cursu sacerdotii, ac ministerii tui pastoralis, si hoc tibi incumbit, si ita currere desideras, ut ad coronam illam bene currentibus destinatam pervenias, oculos tuos pariter in Jesum, patrem & magistrum tuum, authorem & consummatorem fidei tuæ conjice, qui non
vitam

vitam mollem & tranquillam, qua frui poterat, elegit, sed crucem, ut Paulus loquitur Hebr. 12. 2. *aspicientes in authorem fidei, & consummatorem Jesum, qui proposito sibi gaudio, sustinuit crucem, confusione contempta*; Poterat nihil pati, si voluisset, siquidem peccatum nullum fecit, *nec est inventus in ore ejus dolus*. Ut S. Petrus ait 1. Ep. 2. 22. Si ergo ille, qui nihil habuit, quod eum crucis reum faceret, nihilominus pro nobis crucifigi voluit; si ex tot causis mortem promeruimus, an non æquissimum est, ut etiam nos omnia pro ipso sustineamus.

Hæc & similia pro præparatione ad Missam expende, & postquam illum intra te recepisti, qui est fortitudo martyrum, noli ullam persecutionem pertimescere; *nontimebo mala, quoniam tu mecum es*. Psal. 22. 4. Omnem fiduciam in ipso colloca; ipse vicit mundum, & faciet, ut & tu illum superare valeas; ille ipse est, qui spem & fiduciam hanc nobis facit, *in mundo pressuram habebitis; sed confiditis, ego vici mundum*. Joannes 16. 33.

FERIA QUINTA.

Euntes renuntiate Joanni, quæ audistis & vidistis; cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur; & beatus, qui non fuerit scandalizatus in me. Matth. 11. 5. 6.

DE BONO EXEMPLO.

1. Necessitas illius. 2. Et illius effectus.

PUN-

PUNCTUM I. **P**ER opera manifestum se facit Jesus discipulis Joannis Baptistæ; & dum eis ostendit à se facta miracula, quæ de ipso prædixerant Prophetæ, docet nos, quod nulla securior sit probatio ipsis operibus; nihilque fortius corda; mentesque hominum, & penetrare & movere queat, quam bonum exemplum, estque id ipsum, quo uti voluit Apostolos suos ad conversionem hominum, & ad adducendos Patri suo veros adoratores; *sic luceat lux vestra coram hominibus, ut videant opera vestra bona, et glorificent patrem vestrum; qui in celis est.* Matth. 5. 16. En qualis hamo, & esca piscatoria, tot pisces in retia sua attraxerint piscatores hi Evangelici! adeo perfuncti erant de hac veritate, felices isti Salvatoris discipuli, ut nil aliud jam operose rec commendaverint suis in sacro hoc ministerio successoribus, quam ut se normam & exemplar præberent populo sanctitate vitæ suæ; estote, ait illis princeps Apostolorum 1. Petri 5. 3. *regula & exemplar gregis vobis commissi; forma facti gregis ex animo.* Pascite eos magis exemplo bono vestro, quam doctrina; vivite modo tam puro & sancto, ut opera vestra bona, quæ in vobis videntur, reliquos fideles, imo & infideles trahant, & excitent ad glorificandum Deum; *conversationem vestram inter gentes, habentes bonam, ut ex bonis operibus vos considerantes Deum glorificent.* ibid. c. 2. 12. ad hoc constanter hortatur S. Paulus Timotheum & Titum,

Titum; discipulos suos; *exemplum esse fidelium*, monet primum, *in verbo, in conversatione, in charitate, in fide, in castitate*. Et ad secundum ait; *in omnibus præbe te ipsum exemplar bonorum operum. in doctrina in integritate, in gravitate*. 1. Timoth. 4. 12. Tit. 2. 7.

Facile exinde colliges, quam bono exemplo aliis esse debeat clericus. Examina nunc te ipsum, an juxta hanc normam vivas, quam Apostolus præscribit; *in verbo*. Suntne discursus tui ædificatorii? opponisne te omni, quod pietatem corrumpere possit, & bonos mores? *in conversatione*; esne bonæ conversationis? in-
 inspiras aliis horrorem vitiorum? æstimationem virtutis? amorem religionis? *in gravitate*; observasne ubique modestiam, & gravitatem clerico convenientem? *in charitate*; supportasne imperfectiones & errores proximi tui? habesne erga illos charitatem fraternam? *in fide*; anne vivis, juxta principia fidei, quin iis adhæreas, quæ sensibus blandiuntur? *in castitate*; habesne sollicitudinem evitandi obscenas voluptates, & quidquid sanctam virtutem castitatis lædere posset? facto hoc examine, vide nunc etiam.

PUNCTUM II. Effectus, quos causat bonum exemplum. *Corrigit & prodest*, ait S. Ambrosius in Psal. 118.

1. *Corrigat* peccatores, & eò adducit, ut virtutem amplectantur. Hoc ipsum est, quod S. Augustino evenit, quando conversionem Victorini oratoris sibi à Simpliciano narrari audiverit, qui

qui ejusdem cum ipso farina erat: statim enim desiderium in eo exarserat eum imitandi; *ubi mihi homo tuus Simplicianus de Victorino isto narravit, exarsi ad imitandum*, L. 8. conf. 5. Bonum exemplum os obstruit libertinis; quot enim sunt, qui explodunt omnia, quæ ipsis dieuntur? efficaciam autem boni exempli resistere non possunt; hinc ait S. Petrus, 1. Ep. 2. 15. voluntatem Dei non esse, ut cum ejusmodi hominibus disputemus, sed ut silentium ipsis imponamus sanctitate vitæ nostræ; *sic est voluntas Dei, ut benefacientes, obmutescere faciatis imprudentium hominum ignorantiam.*

2. Bonum exemplum prodest. Admonet negligentes obligationis suæ, & bonos ac perfectos in fervore conservat; *plerisque, justus aspectus admonitio correctionis est, perfectioribus vero latitia.* Ita loquitur S. Ambrosius, in hæc verba. Ps. 118. qui timent te, videbunt me; & latabuntur. Qui mira de hac materia habet, & advertit, S. Iulium ob hanc causam, perfectum Jerosolymam Metropolim hanc Judææ visurum, ubi primi fideles in pietate excellebant; *ut justos videret; & exinde concludit, sicubi ergo justus sedeat, sicubi accumbat, festinemus videre eum.* Pretiosa enim res est & valde proficua talem videre; videmus enim in eo imaginem Christi, & ad imitationem illius nos incitari sentimus; *vides ergo, quia inter multas Christi imagines ambulamus.* ibid.

Quæro, an pluribus opus sit, si quid fidei habeam.

habemus, ut ad dandum bonum exemplum animemur; igitur unusquisque vestrum proximo suo placeat in bonum ad edificationem, Rom. 15. & ut resolutio hæc effectum suum sortiatur; roga Christum, quem ad altare actionibus tuis representas, ut tibi gratiam concedat eundem etiam sanctitate vitæ tuæ representandi, ejusque virtutes fideliter exprimendi; tunc enim cum Apostolo vere dicere potes, *providemus bona non solum coram Deo, sed etiam coram hominibus.* 2. Cor. 8. 21.

* * * * *

FERIA SEXTA.

Quid existis videre? arundinem vento agitatam? Matth. 11. 8

DE CONSTANTIA IN BONO.

1. Quam necessaria sit hæc virtus Ecclesiasticis.
2. Examen, an illam habeamus?

PUNCTUM I. PROponit nobis Christus in S.

Joanne veram ideam & exemplar Ecclesiastici. Quærit ex adstantibus, *quid existis videre in deserto, arundinem vento agitatam?* significare volens per hoc, S. Joannem non esse levem & inconstantem, qui se quolibet vento moveri & agitari permittat, sed potius hominem cordatum, qui firmitate & constantia sua persecutionem Herodis sibi accersivit, cujus incestuosum connubium noluit approbare.

Talis esse debet verus Dei minister; quæ firmū, inflexibilem, obligationis suæ memorem esse decet;

decet; non enim, ut ait S. Paulus, dedit nobis Deus in ordinatione nostra, spiritum timoris, sed virtutis & dilectionis, & sobrietatis. Si pastor vel sacerdos timidus sit & formidolosus, quomodo audebit potentes hujus sæculi arguere vel admonere, non licet tibi habere vel alere faminam, quæ tua non est? quomodo audebit reprehendere principem, quod quavis se amantem justitiæ & zelatorem jactet, ille ipsemet sit, qui eam violat, & quidem turpius, quam quisquam alius, ut Nathan Propheta regi David id in faciem objecit? *tu es ille vir*. Si resolutus non est, quomodo ad exemplum Prophetæ Eliæ, audebit alicui in magna dignitate constituto in faciem exprobrare, illum esse, qui populum conturbat, violando leges sanctissimas; non vero pætochum, qui bono zelo animatus pro gloria Dei & salute animarum, mores illius & impium vivendi modum redarguit? ministrum ergo Christi firmum & constanti animo esse oportet, siquidem scopiissime valde odiosa tam populo quam magnatibus proponere & urgere debet, instar Jeremiæ *columna ferrea & murus æneus* esse debet, ut resistere & se opponere valeat omnibus, quando Dei vel Ecclesiæ interesse agnoscit. Vide nunc in 2do puncto, an hanc virtutem habeas?

PUNCTUM II. Firmitas seu constantia, de qua hic loquimur, non est illa, de qua quis proprio sensui vel judicio, sed obligationi suæ inhoeret; non nascitur, ex quadam severitate & melancholico humore, sed ex fundo charitatis, quæ

quæ nobis omnia possibilia media suggerit, ad
 assecurandam tum nostram tum aliorum salutem.
 Hanc habebat S. Franciscus Salustius, suavissi-
 mus cæteroquin ex omnibus spiritualibus dire-
 ctoribus, dum in quadam Epistola hisce verbis
 usus fuit: *ad hoc me resolvi, ut fideliter ac solim-
 pite propugnanda divina gloria me impendam;*
imprimis quo ad me ipsum, deinde quo ad omnia
illa, quæ officii & obligationis meæ sunt. Exa-
 mina te ipsum, utrum idem cum sancto hoc
 Episcopo sentias? utrum à te ipso incipias? nul-
 la te levitas & inconstantia prodit in tua ratione
 agendi? potesne dicere cum S. Paulo; 2. Cor.
 1. v. 17. *nunquid levitate usus sum, aut quæ*
cogito, secundum carnem cogito; ut sit apud me,
est & non? ah quam debilis & mutabilis es, in
 illo modico bono, quod facere proposuisti, mi-
 nima difficultas terret, & animum despondere
 facit. Sancti, nec minis nec promissis mundi, se
 moveri passi sunt, tu autem instar aruadinis flu-
 ctuas. Nihil moliri audes, timens, ne homini-
 bus displiceas; adeo timidus & formidolosus es,
 ut etiam sine causa timeas; *illic trepidaverant*
timore, ubi non erat timor. Psal. 13. Habesne
 firmitatem hanc etiam respectu proximi tui?
 prædicasne valide contra vitia? an non potius
 adularis passionibus illius, approbando consue-
 tudines malas, introducendo opiniones laxas, in
 dubium vocando firmissimas fidei nostræ regu-
 las & principia? *adulterantes verbum Dei.* Id-
 que admittendo, quod Apostolus prohibet? 2.

Cor.

Cor. 17. ut jam non simus parvuli fluctuantes; & circumferamur omni vento doctrinae, in nequitia hominum, in astutia ad circumventionem erroris. Habesne denique firmitatem hanc, in confessionali, ubi vel maxime occasionem illam erga tot peccatores exercendi habes, qui tabescunt in vitiis, nec inveniunt charitativam manum, quæ eos sanare satagat?

Agnosce infirmitatem tuam coram Deo; roga ipsum per Jesum Christum filium suum, quem proxime sumpturus es, qui est fortitudo omnium bonorum pastorum, ut te per virtutem hujus divini sacramenti firmare dignetur, & pro gratiarum actione post Missam dic illi cum propheta: Is. 50. v. 7. 8. ecce Dominus Deus auxiliator meus, ideo non sum confusus, ideo posui faciem meam ut petram durissimam, & scio, quoniam non confundar; juxta est, qui justificat me, quis contradicet mihi?

* * * * *

DIE SABBATHI.

Quid existis videre? hominem mollibus vestitum? ecce, qui mollibus vestiuntur, in domibus regum sunt. Matth. 11. v. 8.

DE HABITU CLERICALI.

1. Quanti illum æstimare debeamus.

2. Quam obligati simus illum portandi.

PUNCTUM I. SI Sanctus Joannes fortitudinis & firmitatis perfecta norma est, quam minister Evangelicus habere debet,

bet, ut testimonium perhibeat veritati, non minus exemplum præbet clericis, ut quam longissime absint ab eo omni, quod molliem, luxum, pompam & vanitatem hujus sæculi redolet; hinc Redemptor noster illum non solum ut intrepidum laudat, sed etiam ob austeritatem habitus. Disce exinde, quod per modestiam & regularitatem habitus tui alios ædificare debeas; *ex visu cognoscitur vir*, ait Spiritus S. Ecclesiæ 19. 27. *amicus corporis, & risus dentium, & ingressus hominis, enuntiant de illo.*

Per habitum clericalem intelligo tunicam talarem, crines tonsos, & coronam in capite; & ut hæc omnia, prout merentur, æstimare discas, audi nunc, qualem significationem habeant. *Tunica* ob colorem suum nigrum, & qualitatem panni, ex quo fit, nempe ex communi lana, denotat vitam pauperem, humilem & penitentem, quam ad exemplum Jesu Christi, magistri tui, ducere debes. *Crines tonsi*, admonent te, quod per acceptam sacram tonsuram omni superfluitati renuntiaveris, & solum Deum pro parte hæreditatis tuæ agnoveris. *Corona in capite*, quam habere debes, spineam coronam representat, quæ in passione capiti Christi fuit imposita, tibi que in memoriam revocat, oportere Ecclesiasticos esse Nazarcos Domini, id est separatos à sæculo, sanctificatos, specialiter divino cultui consecratos. Paulo accuratius considera sensum verborum istorum; meditare ista, dum habitum tuum Ecclesiasticum induis, ut
ita

ita sensim assuescas contemnere mundum, & omnibus ejus pompis & vanitatibus renuntiare: *expoliavi me tunica mea, quomodo induar illa? lavi pedes meos, quomodo inquinabo illos?* Cant. 5. 3. & ut similes reflexiones altius in animum tuum penetrent, considera in puncto 2do, quanta sit obligatio portandi habitum Ecclesiasticum.

PUNCTUM II. Quamvis habitus non faciat monachum, ut in proverbio dicitur, nihilominus quia Ecclesia opportunum esse duxit, ad ædificationem fidelium regulandi habitum clericorum, obligati sumus, ut nos sanctis ejusmodi ordinationibus conformemus; *etsi habitus non faciat monachum, oportet tamen clericos, vestes proprio congruentes ordini, semper deferre, ut per decentiam habitus extrinseci, morum honestatem intrinsecam ostendant.* Ita loquitur Concilium Tridentinum. Nota hos terminos: *oportet semper.* Deferre debes habitum clericalem; nec hoc intermittere potes, quin Ecclesiæ ordinationi inobediens existas; *oportet.* Debes illum portare ubique, non solum in civitate, sed etiam foris in itinere, & nunquam uti vestibus sæcularibus. *Habitu talari, tum domi, tum foris utantur.* Ait S. Carolus in 4to Concilio Mediolanensi. Descendit hic S. Cardinalis ad particularia, prohibet clericis limbos denticulatos, sericas aut alias ejusmodi vestes pretiosas; vetat insuper crines longos, crispatos, pulvere asperfos, uno verbo, quidquid sæculi vanitatem redolet, & Ecclesiasticæ simplicitati contrarium est, reje-

ctum

Num vult. Observasne hasce regulas? de quali panno vestes tue constant? nihilne affectatum videre est in linteo colli tui amictu, manicis, pileo, calceis &c.? Si quid reperis, rescinde illud, & illud sequi tecum statue, quod canone 45. quarti concilii Carthaginensis annotatur; *clericus professionem suam & in habitu, & in incessu probet, & nec in vestibus, nec calceamentis deuiorem querat.*

Pro Missa; quando vestes sacerdotales induis, assume pariter modestiam & humilitatem, & ita offer Deo victimam, ne in illo terribili die confundaris, ubi ille visitabit in ira sua omnes; qui vestes alienas portant, vanitatem, & spiritum filiorum huius seculi, simplicitati christianæ præsertim ministris sacris convenienti contrarium redolentes; *& erit: in die hostia Domini, visitabo super omnes, qui induti sunt veste peregrina.* Sophon. 1.3.

DOMINICA TERTIA ADVENTUS.

Gaudete in Domino semper; iterum dico, gaudete. Philipp. 4. 4.

DE RECREATIONE.

1. Utrum quandoque liceat recreatione uti?
2. Quomodo illa utendum.

PUNCTUM I. **L**audetur infinita Dei bonitas, qui nos per Apostolum suum monet, ut sancte nos recreemus; quique nobis concedit, uti quadam recreatione post labores

bones nostros. Non potest homo in presenti vita sine intermissione applicare se rebus seriis; infirmitas sua necessariam reddit homini recreationem; non est eadem ratio hominis & cælorum, qui in perpetuo motu sunt; continuus labor si ve animi, si ve corporis brevi vires exhauriret, & destrueret, nisi interruptio & quies aliqua, illum interpolaret. *Sapientem*, dicit Augustinus, *Lib. 2. de Music. decet interdum remittere animū rebus agendis intentum.* Scimus, quod vel ipsi anachoretæ & eremi incolæ (qui tamen implacabiles corporum suorum erant inimici, neque aliter hæc considerabant nisi victimas poenitentia,) nihilominus putarint, ac sibi persuaserint ipsam poenitentiam cum aliqua modica recreatione haud esse incompatibilem. Concesserunt illam in certis occasionibus non solum aliis, ut videre est apud Cassianum, Collat. 24. sed ipsi quoque ea usi sunt.

Sed summa cura cavendum est, ne hæc innocens libertas degeneret in licentiam aliquam vitiosam, & ne occasionem præbeat, ut secundum carnem vivamus; *cavendum, ne, dum relaxare animum volumus, solvamus omnem harmoniam, & quasi concentum quemdam bonorum operum.* Ait S. Ambrosius Lib. 1. offic. c. 20. Debent lusus & recreationes nostræ ad hoc, ut innocenter fiant; nec reprehendi possint, honestati congruere, & non contrariari decentiæ professionis nostræ. Ad hunc effectum.

PUNCTUM II. Considera, qualis esse debeat

beat recreatio nostra? hac uti non debemus, nisi ea indigeamus; hinc eam aliter considerare non debemus, nisi ut medium, ad hoc permissum, ut sit ad refocillationem & ad reparandas vires deperditas, tanquam id, quod infirmitati nostræ indulgetur, ut majori dein vigore ad labores nostros redeamus, & ideo aliter nos recreare concessum haud est, quam prout cibo & potu, somno & medicina utimur. Quid sentires de illo, qui continuo vorare vellet, aut dormire, adeo ut nunquam de mensa, aut lecto surgeret? quam talis abuteretur corpore & anima sua à Deo nobis in hunc finem concessis, ut ipsi fideliter serviamus? sed quam multos invenire nihilominus est inter Christianos, imo quod magis deplorandum, *nunc autem & flens dico*, etiam inter clericos, qui hoc modo vivunt? vix sciunt, qui ejusmodi sunt, quid sit serio se ad aliquid applicare, continuus apud ipsos est circulus recreationum & relaxationum: totum tempus suum transigunt in lusu, deambulationibus, officiosis sed inutilibus visitationibus, & salutationibus; *estimaverunt lulum esse vitam nostram*. Sap. 15. 12. 2. Moderate institui debet recreatio, & non nimium temporis in ea summi; nunquam autem illud, quod orationi, studio, & reliquis functionibus status nostri deputatum est. Si honesto quodam lusu uti volumus, hoc fiat cum æqualibus, nunquam autem in publico, ne ministerium nostrum vilescat, aut sæculares scandalum exinde sumant.

Cleric. instr. P. I. *D* *mant,*

maut, *ne clerici publice ludant, maxime cum laicis; nec pecunia intercedat in ludo, nec quidquam, quod facile pecunia aestimari possit.* Ue loquuntur concilia. Concil. Senon. 1528. Concil. Mediol. 1. p. de ludis. Sed tantum recreationis gratia. 3. Evitare oportet nugas & ineptias, & omnem juvenilem vel puerilem agendi modum, *juvenilia autem desideria fuge.* Ait S. Paulus ad Timotheum 2. Ep. 2. 22. Non debemus declinare ad jocos vel discursus parum honestos. Turpe est videre clericum, qui turpia loquentibus arrideat; adhuc autem turpius, si ipse turpia loquendo, aliis risum movere intendat, *fade ad cachinnos moveris; fadius moves.* Ait S. Bernardus; denique abstinere debemus à certis recreationibus & relaxationibus, quæ sanctitatem status nostri offendunt, uti sunt venatio, nundinatio, saltatio, comœdiæ, lusus aleatorius, vel similis, præcise à fortuna dependens, & generaliter omnia illa, quæ gravitati, modestiæ & professioni clericali, contrariantur. Examina te modo super defectibus, quos in tuis recreationibus commisisti hucusque, an non plus temporis in iis insumpsisti? an non minus decenter, in iis conversatus es? an non assuevisti recreationibus, aut ludis prohibitis? quam scandalosum est videre, clericum ac Dei ministrum, chartas seu picta folia continuo in manibus versantem, quibus tam frequenter corpus Domini nostri Jesu Christi tangit & tractat, uti & calicem sanguinem illius pretiosissimum,

finium, continentem, quis tam male jam assuetus sit, ut indifferenter cuilibet ludo se exponat, imo etiam cum personis alterius sexus, quod tamen adeo expresse prohibitum est à conciliis? quis tempus adeo pretiosum, quod studio S. Scripturæ, traditionum Ecclesiasticarum, ac functionibus sacris ministerii sui impendere deberet, exercitio huiusmodi infamiter miserabiliter consumit! deplora hoc malum, si hucusque ejusmodi lusibus deditus fuisti. Pete à Deo veniam, & resolutionem cape, imposterum etiam ab aliquibus tibi licitis & permisis abstinendi, ut præteritos tuos errores compenses.

Pro præparatione ad Missam, roga Christum per ipsius divinam recollectionem, quam in tota vita sua tenuit, ut tibi gratiam hanc donare dignetur, qua te imposterum sanctius recreare; & omne id evitare valeas, quod te nimium distrahere, & spiritum dissipare posset. *Qui se illicita meminere commississe, à quibusdam etiam licitis audeat abstinere; quatenus per hoc conditori suo satisfaciat; ut qui commisit prohibita, subimet ipsi abscindere debeat etiam concessa.* S. Greg. hom. 34. in Evang.

FERIA SECUNDA

Modestia vestra nota sit omnibus hominibus; Dominus prope est. Phil. 4. 5.

DE MODESTIA

1. Quam necessaria sit clericis, 2. Præsentia Dei,

De

est

est optimum medium illam acquirendi & conservandi.

PUNCTUM I. **G**audium, quo nobis Apostolus primum commendavit, gaudium sanctum est, ac tale, quod semper conjunctum esse debet cum aliqua recollectione, gravitate & modestia. Item vult Apostolus, ut hæc ipsa modestia nostra toti mundo innotescat. *Modestia vestra nota sit omnibus hominibus.* Hæc amabilis & prorsus angelica virtus, necessaria quidem est omnibus Christianis, elucere tamen debet modo quodam prorsus singulari in omnibus clericis. Vestis eorum tessera & insigne, per quod ab aliis distinguantur, modestia est; *induite vos sicut electi Dei, modestiam.* Coloss. 3. 12. Virtus ista clericis tam essentialis est, ut S. Ambrosius t. 1. off. c. 18. non obstante innata sua suavissima indole, è clero suo duos ejecerit, quorum unus in gestibus suis indecens & in oculis vagus erat; alter vero nimis affectate & dissolute incedebat. Eventus docuit justum fuisse de utroque judicium, quia unus ex illis factus est Arianus; alter metu persecutionis presbyterum se esse negavit.

Vide nunc, an hanc modestiam, quam Dominus noster à te requirit, habeas; quamque tibi his gravibus verbis Tridentinum Sess. 21. de reform. c. 1. commendat; *sic docet omnino clericos vitam moresque suos componere, ut habitum, incessu, sermone, aliisque omnibus rebus, nihil*

nihil nisi grave, moderatum ac religione plenum, præferant. Sequerisne has regulas? an ita componis modum tuum externum agendi, & vestitum: ut nihil indecens ibi advertere sit? *habitu?* vultum, oculos, totius corporis gestus? *gestu?* modum incedendi? incessu? ditcursus tuos, aliaque omnia? *sermone, aliisque rebus omnibus?* observasne ante omnia modestiam hanc in Ecclesia, & ad altare, ubi omnis populus, oculos in te defigit? ubi vel maxime dicere possumus, *spectaculum facti sumus mundo, & angelis, & hominibus.* O bone Deus! si nos bene examinaremus, inveniremus, quod infinities, contra hanc sanctam virtutem peccaverimus. Si te reum in aliquo nosti, medium te emendandi quære, medium inquiramus, opportunissimum suppedietabit.

PUNCTUM II. Modestia, ad quam nos S. Paulus invitat, non consistit præcise ac simpliciter in aliqua modestia exteriori, id est, in compositione vultus, & exterioris habitus; si præter hæc aliud non requireretur, non nisi falsa & pharisaica foret modestia, quæ sub externo decore cor absconderet depravatum ac vitiosum. Modestia, quam nobis commendat Apostolus, nasci debet ex fundo animæ; ut sit quasi aliqua effusio & reflexio interioris & solidæ cujusdam pietatis. Hinc opportunissimum medium illam & acquirendi & conservandi nobis suggerit, nempe exercitium præsentis Dei, qui omnia, quæ intra nos fiunt, videt, igitur quam

sc̃p̃is

scilicet me dicamus: *Dominus prope est*, Deus videt me, testis est omnium mearum actionum; rationem à me exiget cujuslibet verbi, gestus, & motus inordinati. Hæc persuasio præsentia Dei, conservare in nobis debet reverentiam, & modestiam etsi nullus hominum, qui nos videat, adsit. Includis te in cubiculum tuum, *Dominus prope est*. Extincta est lampas vel lumen, cubitum concedis. *Domine prope est*. Si quid indecens committere vis, aut immodestum, quare locum, quem immensitate sua non repleat Deus. S. Bernardus ait, quod cogitatio de præsentia nostri S. Angeli Custodis profundam reverentiam nobis inspirare debeat; & quod valde sit indignum, aliquid tale in ipsius præsentia agere, quod coram homine non auderes. An non igitur Dei præsentia potentior & efficacior erit; audebitne Clericus de hac sancta præsentia persuasus, non dico criminofum quid, sed vel minimum quid minus decens committere? pudeat ipsum imitari sæcularium mores, & ita se indecenter gerere, ut aliis risum moveat; omne malum nostrum exinde originem trahit, quod Deum obliviscamur; *non est Deus in conspectu ejus, inquinata sunt via illius in omni tempore*. Psal. 10. 5. O Domine, num te mihi præsentem esse cogitavi, quando talia olim feci! quæ modo fateri aut dicere non audeam? anne modo de hac tua præsentia vivaciter persuasus sum, dum spiritum meum horrendo tepore & acedia, quasi totum evanuisse sentio? ignosce Domine, & fac, ut tui im-
 poste-

posteram, non ita amplius obliviscar; & siquidem me semper vides, fac, ut ego quoque te semper mihi presentem statuam. O quam felix forem, si cum Propheta Regio Psal. 15. 3. dicere possem, *providebam Dominum in conspectu meo semper, quoniam à dextris est mihi, ne commovear.*

Pro præparatione ad Missam recordare, quod ad altare non solum in præsentia Christi sis, sed simul cum ipso sis, qui te suo proprio sanctissimo corpore nutrire vult. Roga Jesum, ut te participem facere dignetur admirabilis modellæ, quæ ex tota vita ipsius eluxit. Hoc attractivo, seu motivo uti debes ad exemplum Apostoli 2. Cor. 10. 1. ad movenda corda hominum peccatorum, ut eos ad eum trahas; *obsecro vos per mansuetudinem & modestiam Christi*

* * * * *

FERIA TERTIA.

Et pax Dei, qua exuperas omnem sensum, custodiat corda vestra, & intelligentias vestras in Christo. Jesu. Psal. 4. 7.

DE PACE ANIMÆ.

1. Quænam sit hæc pax. 2. Signa, ex quibus cognosci possit, an eam habeamus.

PUNCTUM I. **D**Um S. Paulus pacem Dei nobis optat, bonum adeo grande & amplum nobis optat, ut sit incomprehensibile; sensus hominis & omnis intellectus illius consue se non extendunt. Quod divinum

rum est, comprehendi non potest. nisi per Spiritum Dei, proinde sensus nostri, eò se extendere non possunt, *exuperat omnem sensum*. Non est ergo pax Dei, id, quod dicunt de illa homines, quod sancta & fideles Deo animæ de illa sentiunt, & experiuntur; ideo definiunt illam SS. Patres sic: *sapor Dei*; volunt dicere, quod oporteat eam gustare ad hoc, ut sciatur, quid sit? quia quemadmodum dulcedo mellis, per intellectum non cognoscitur. sed per gustum, ita etiam pax ista, non est id, quod à nobis exprimitur, sed quod intus sentimus, & experimur. Ut illam possideamus, oportet renuntiare passionibus nostris, & elevare nos supra sensus nostros, quia anima illa, quæ gaudere vult deliciis hujus mundi, non est capax, ut delicias divinas degustet, *anima saturata calcabit favum*. Prov. 27 7. Ita etiam S. Paulus testatur, pacem hanc omnino internam esse; non enim dicit, quod bona nostra, corpus & sanitatem, sed *custodiat corda vestra, & intelligentias vestras in Christo Jesu*, & quidem ita custodit in Christo Jesu, ut eas dæmoni invincibiles efficiat. Et sane, quid timere possit, vel ab hominibus, vel à dæmone, anima illa, quæ hac Dei pace gaudet? omnes conatus & nifus inferni & mortis frustranei sunt, si huic custodi vitæ nos confidamus; nec potest esse acre bellum ullum, nisi exinde, quia parum solliciti sumus, ut pacem hanc divinam queramus. Examina te nunc, utrum eam habeas?

PUN.

PUNCTUM II. En signa quædam, ex quibus cognoscere possis illam. Considera primo pacem hanc, quæ est fructus incarnationis, & nativitatis Domini nostri salvatoris, non esse datam nisi iustis & hominibus bonæ voluntatis. *Pax hominibus bonæ voluntatis.* Luc. 2. 2do. cum non sit aliud, quam requies bonæ conscientie, ut possideatur, expelli debere è corde nostro peccatum, cum sit impossibile animam illam Dei pace gaudere posse, quæ bellum cum Deo gerit; hinc admonet nos per Prophetam suum, Is. 7. quod *non est pax impiis, dicit Dominus.* 3tio neque sufficit renuntiare peccatis, ut pacem hanc habeamus; oportet insuper debellare, & expugnare passiones nostras, quæ nobis pacem hanc turbare, & eripere volunt. 4tum denique, adeo nos paratos esse oportet ad observantiam mandatorum, & submissos Providentiæ divinæ, ut quidquid nobis contrarium accidat, nunquam tamen serenitatem & tranquillitatem animæ nostræ perdamus; *pax multa diligentibus legem tuam, & non est illis scandalum.* Psal. 118.

Examina te modo super hoc. Eradica scilicet funditus peccatum è corde tuo, ut pacem hanc bonæ conscientie habeas, quam Spiritus Sanctus ordinarie conferre solet animabus vere poenitentibus? non es ne adhuc mancipium passionum tuarum? adeo, ut nec minimam tibi ipsi violentiam inferre velis, ut eas subigas? habesne illam legis divinæ dilectionem? in qua totum
suum

suum gaudium constituebat Propheta regius?
*quomodo dilexi legem tuam Domine? tota die
 meditatio mea est.* Psal. 118. Ah quantum abes
 adhuc ab ista perfectione! humilia te coram
 Deo, & ex toto corde ad eum clamas; *da ser-
 vis tuis illam, quam mundus dare non potest
 pacem.* Orat. Eccles. Ah bone Deus! ne de-
 neges nobis hanc beatam pacem! *ut corda nos-
 tra mandatis tuis dedita, & hostium sublata
 formidine, tempora sint tua protectione tran-
 quilla.*

Pro Missa considera, quod Christus Jesus per
 nativitatem suam pacem hanc mundo attulerit,
 eamque per SS. Eucharistiam conservare velit.
 Hinc à SS. Patribus vocatur sacramentum hoc,
vinculum pacis, vinculum tale, quod nos cum
 Deo, proximo, & nobiscum ipsis in pace con-
 servet. Adora Christum, ut principem pacis;
 roga ipsum, ut tibi donum adeo pretiosum con-
 cedat, & ita perfecte vive impotterum, ut eam
 conserves constanter; *perfecti estote; idem san-
 cite; pacem habete, & Deus pacis & dilectionis
 erit vobiscum.* 2. Cor. 13. 11.

FERIA QUARTA.

*Miserunt Judai ab Jerusalem Sacerdotes
 & levitas ad Joannem, ut interrogarent eum,
 tu quis es? & confessus est, & non negavit;
 confessus est, quia non sum ego Christus*

Joan 1. 19.

DE COGNITIONE SUI IPSIUS.

1. Nil

1. Nil magis necessarium. 2. Nihil magis nobis negligitur.

FUNCTUM I. **M**irare hic responsum, quod S. Joannes deputatis Juniorum, qui eum pro Messia habebant, dedit; quo magis eum elevare conabantur, eò magis se ipsum deprimebat. Principalis virtus sancti hujus præcursoris in eo consistebat, ut se ipsum bene cognosceret, quid non sit; excellentiam suam in humiliatione sua ponit, dum dicit, *non sum*. Et hoc dicendo, prout oportet, id est, cum profunda humilitate, simul nobis manifestat, se esse maximum ex omnibus hominibus, docet insuper, ut si quid apud Deum valere velimus, aliter id consequi non possimus, quam ut nos nihil esse existimemus. Cognitio nostri, id est, nihili nostri, & miseriarum nostrarum, sufficit ad hoc, ut omnes defectus nostros corrigamus. An ne se ipsum extollere possit clericus ob talenta sua? si ad hoc se reflectat, quod homo de suo nihil habeat nisi mendacium & peccatum, prout loquitur certum quoddam concilium? (Concil. Araus. 2. c. 22.) quid aliud faciat quis, in consideratione tantæ miserie, quam ut cum propheta exclamet: *vide Domine & considera, quoniam facta sum vilis?* Thren. 1. 11. hæc cognitio non solum nos humiliat coram Deo, sed insuper facit, ne nos supra proximum nostrum elevemus, siquidem aliud non est, quod nos contemnere faciat alios, quam quia ignoramus nos ipsos; nullus agros

tus alteri ægroto insultat, nisi obliviscatur propriæ infirmitatis, nullum unquam despiciemus, utut miserabilis & despiciendus videri possit, si nostras ipsas imperfectiones, nostra peccata, quibus subjacemus, vel quibus saltem subjacere possemus, si gratia Dei nos non sustentaret, consideraremus. Qui seipsum bene cognoscit, infinitos alios defectus evitat, quorum causa esse solet superbia; neque durus, neque immisericors erga alios est, qui seipsum respicit ut talem, qui vel talia passus sit, vel pati possit; non est invidus, quia persuasum habet, se nihil mereri, proin non putat honorem, qui alteri exhibetur, sibi deberi; non est vindicativus, quia modica illa, quam de seipso habet æstimatio, pro nihilo reputat offensas sibi illatas, non est impatiens, quia dum se minus habentem respectu aliorum in propria sua statera invenit, alios suffert, prout ipse ab aliis sufferri cupit; non est ambitiosus, quia attendit sua incapacitate, sua sorte contentus est; neque aliud, aut aliter de seipso sentit, quam quod sit pauper; *ego vir videns paupertatem meam.* Thren. 3. 1. En! hisce clare videre & agnoscere debes, quam necessaria sit sui ipsius cognitio; interim nit magis negligitur, prout statim id ipsum in 2do puncto videbis.

PUNCTUM II. Totus mundus recipit, & admittit hoc præceptum: *nosce teipsum*, sed pauci sunt, qui id exequuntur. Ut te ipsum convincas, considera, Deum homini dedisse tria media,

media ad acquirendam cognitionem sui: *rationem, legem, & conscientiam*. Ratio illi ostendit, quod sit homo; *lex* quod sit Christianus; *conscientia*, quod sit bonus vel malus. Utimurne hisce mediis? ipsemet iudex tuus esto, *Rat* o tibi dictat, quod sis conditionis fragilis & mortalis; interim, dum de morte recogitare deberes, quæ tibi in momenta singula imminet, ita vivis; quasi nunquam esses moriturus; negotia negotiis implicas, & talia tecum ipso disponis, quibus nec plures vitæ sufficiant, quæ stulticia! plenum esse miseriis & illas ignorare? nescire proprios defectus, quos nemo aliüs nescit? ab omnibus plane rideri, nihil tamen de hoc scire velle? o statum plane miserabilem! *Lex* docet nos, Christianos nos esse, & ut tales obligari nos ad observandas regulas illas, quas Deus nobis, ut sancti & heredes regni æterni evadamus, præscripsit; regulæ istæ in libris veteris & novi testamenti continentur; legimusne illas? observamusne illas? *Conscientia* testis est irreprehensibilis, qui pro, & contra nos, deponit, qui nobis & id, quod mali, & quod boni facimus, indicat; audimusne illam? imo hæc ipsa lumina conscientie fugimus; hos remorsus retundere & sedare cupimus.

Ah Domine! quam miser & cæcus hucusque fui; nunquam me ipsum ut oportet, cognovi: *revela oculos meos, & considerabo mirabilia de lege tua*. Ausus velamen ab oculis meis, ut videam mirabilia, quæ in lege tua abscondita sunt

84 *Hebdomas tertia Adventus*
sunt, & ut adimpleam ea, quæ ipsa à me requirit.

Sacramentum Eucharistiæ, sacramentum lusu
eis est; si hodie ad illud accedis, non alio fine
id fiat, nisi ut petas à Christo Jesu hanc duplicem
cognitionem, quam S. Augustinus tantopere & tam
sequerenter expetiit: *noverim te, noverim me.* Si me
cognovero, non nisi meipsum contemnam; si te,
sine fine laudabo infinitam misericordiam tuam,
illique omne id, quod bonum in me invenero,
attribuam, dicamque cum Propheta Regio: *Deus meus,
misericordiâ mea; misericordia mea, quid est?* adjungit
hic Augustinus in Psal. 58. *totum, quidquid sum, de
misericordia tua est.*

FERIA QUINTA.

*Ego vox clamantis in deserto, dirigite viam
Domini.* Joan. 1. 23.

DE PRÆDICATIONE S. JOANNIS
BAPTISTÆ.

1. Omnia in ipso prædicabant. 2. Omnia in nobis
pariter prædicare debent.

PUNCTUM I. Post elogium à Christo Domino
S. Joanni Baptista daturum, non surrexit major inter
natos mulierum Joanne Baptista, non credo, quod
quid magis, quid gloriosius, quid magnificentius
extollendis meritis sancti hujus præcursoris,
dici possit? quam responsio ista, quam ad sui
humiliationem

tionem deputatis Judæorum dedit: *ego vox clamantis in deserto*, ait se nonnisi debilem vocem esse, nonnisi tonum quemdam, qui ex se subsistentiam non habet; se præcise nonnisi præconem esse pœnitentiam hominibus annuntiantem; poteratne se humiliare magis? interim, cum quodam ex SS. PP. (S. Aug. serm. 288.) incerto sensu dicere possumus, quod illi nil gloriosius esse possit, quam hæc vox: *ego vox*; quia reipsa vox erat, & omnia in ipso clamarent. quidquid in Joanne est, loquitur; desertum ipsius clamat contra enormem dissolutionem, qua tot homines vitam suam miserabiliter transigunt; silentium ipsius penetrans vox est, quæ condemnat tantam verborum profusionem, originem ac radicem infinitorum peccatorum in plerisque hominibus; continua ipsius jejunia invitantur in excessus eorum, in sumptuosa convivia, in intemperantiam; pellis ista ex pilis camelorum, qua tegitur, elevat se, contra luxum & mollitiem tot voluptuosorum, qui nihil carni & corpori suo denegant; denique continua in illo recordatio Dei, oblivionem nostram arguit salutis nostræ, in qua plerumque nos omnes vivimus; ô excellentem prædicatorem! aliud nobis faciendum non est, quam ut audiamus id, quod nobis hac sua exteriori tanta humilitate, pœnitentia, mortificatione dicat, ut perfecti christiani ac sancti clerici evadamus; *Joannes vestitu, visu, loco, totus pœnitentia formatus incedis*. S. Chrysost. serm. 162.

Quam

Quam partem ex omnibus hisce virtutibus tu habeas? interim.

PUNCTUM II. Ignorare haud debes, quod omnia in ministro Christi Domini prædicare debeant; *sacerdotis Christi os, mens, manusque concordent*, ait S. Hier. ad Nepot. Si autem sacerdos ubique debet esse vox talis, vel maxime esse debet in cathedra, ubi verbum Dei annuntiat; hic oportet illum clamare ad homines instar S. Joannis, *parate viam Domini*; abrupte peccaminosa commercia, mutate vitam vestram, & facite fructus dignos poenitentiae; ego vox clamantis in deserto; *dirigit viam Domini*; declamare debet contra vitia & abusus; elevare vocem suam instar tubæ ad excitandum peccatores, & ad illos advertendos, quod in periculo versentur perdendi seipsos pro tota æternitate; *clama, ne tesses; quasi tuba exalta vocem tuam, annuntia populo meo scelera eorum*. Is. 58. 1. Ut hoc modo prædices, oportet, ait S. Franc. Salesius hæc tria habere, *bonam vitam, bonam doctrinam, & legitimam missionem*. Habesne qualitates istas? 1. esne vita irreprehensibilis? quid? audebisne annuntiare legem Dei, quæ tam sancta est, ore impuro? prædicare virtutem alijs, cum tu vitijs subjaaceas? *medice cura teipsum* Luc. 4. 23. 2. Sequerisne sanam doctrinam? persuasusne es, te nonnisi Evangelium Jesu Christi, & non opinioniones hominum prædicare debere? *tu autem loquere, quæ decet sanam doctrinam* Tit. 2. 1. 3.

Secutusne es vocantem Deum, antequam te ad ministerium prædicationis applicasti? consului, siue Episcopum, vel alium quemdam pium sacerdotem, utrum ad hoc capax es? quæ hæc temeritas, prædicare velle, non vocatum ad hoc? *quomodo prædicabunt, nisi mittantur?* Rom. 10. 15.

Si secutus es has regulas, Deum lauda, & insuper hanc adijunge, quæ tibi servire potest ad bene celebrandum, nimirum, ut te coram S. altari præpares ad prædicandum, ad eum consugiendo, qui solus debilitatem tuam confortare potest: *ecce dabit voci suæ vocem virtutis.* Psal. 67. 35. Roga ipsum, ut ponat verbum suum in ore tuo, & ut tibi concedat illam sapientiam, cui non possint resistere omnes inimici sui; *ego dabo vobis os, & sapientiam, cui non poterunt resistere, & contradicere omnes adversarii vestri.* Luc. 21. 15.

* * * * *

FERIA SEXTA,

Ego baptizo in aqua; medius autem vestrum stetit, quem vos nescitis. Joan. 12. 6.

DE COGNITIONE JESU CHRISTI.

1. Mundus eum non cognoscit. 2. Obligatio Ecclesiasticorum, ut eum mundo manifestum faciant.

PUNCTUM I. Multi sunt ex hominibus, quibus idipsum exprobrari possit, quod hic Judæis exprobravit S. Joannes. *Cleric. instr. P. I.* **E** **des**

des; medius vestrum stetit, quem vos nescitis;
 venit filius Dei in mundum, ut salvaret illum,
 & mundus noluit agnoscere salvatorem suum;
 opus ignoravit factorem suum, servus Domi-
 num, mancipium liberatorem suum; quis hoc
 credat, nisi Evangelium de hoc certos nos red-
 deret. *mundus per ipsum factus est, mundus*
eum non cognovit Joan. 1. 10. Verbum incar-
 natum, erat verissima lux hominum, sed ex-
 cæcati à passionibus suis homines, demersi in
 tenebris errorum suorum & peccati, non com-
 prehenderunt absconsum sub velamine carnis
 nostræ lucem hanc; eluxit in medio tenebrarum
 hoc lumen; radios suos in omnem partem emisit
 per puritatem doctrinæ, per exempla sanctita-
 tis, per miraculorum opera; nihilominus lux
 hæc incarnata, quæ à synagoga fuerat rejecta,
 quæque se repulsam vidit ab hominibus, eos
 exemplo animalium instruere, & docere hanc
 veritatem vult; *cognovit bos possessorem, & asinus*
præsepe Domini sui; Israel autem me non
cognovit; dici potest hanc cæcitatem Judæorum
 etiam ad nos transiisse, Christus Jesus in me-
 dio est nostrum, & quidem modo longe clariori,
 quam fuerit inter Judæos, toto vitæ suæ tem-
 pore; est ille grande ac magnum objectum fi-
 dei nostræ; primaria & capitalis veritas reli-
 gionis nostræ; porta, per quam intramus in Ec-
 clesiam christianam; servimus, cognoscimus,
 aderamusne illum ita, ut deceret? fuitne sta-
 bulum illud bethlehemiticum, locus adeo frigi-

dus & pauper, ut est cor nostrum? fuitne in-
 gratitudo mundi; qui eum in nativitate à se re-
 pulit, tanta, ac est indifferentia illa, in qua
 plerique christiani, imo & Ecclesiastici, quan-
 tum ad præcipua illius mysteria vivunt? non
 loquor hic de tot ignorantibus, qui nequidem
 sciunt, quid sit Jesus Christus, loquor de sapien-
 tibus hujus sæculi; examina illos, & invenies,
 etsi quam optime negotia sua tractare sciunt,
 eos nec minimam ideam de Christo, de Evan-
 gelio, de religione habere; si illum quandoque
 ore confitentur, non tamen agnoscunt, ut illi
 serviant. & eum imitentur; *confitentur se nosse*
Deum, factis autem negant. ait S. Paulus Tit.
 1. 16. Quinam sunt autem illi, qui hanc eis
 adimere ignorantiam debent? clerici sunt, quos
 Deus pro prædicatoribus suis elegit ac mini-
 stris; *pro Christo legatione fungimur.* 2. Cor. 5.
 20. Ut autem huic obligationi tuae satisfacias,
 discite.

PUNCTUM II. Primarium hoc esse, ut ipse
 prius Jesum Christum bene addiscere & intel-
 ligere studeas; oportet, ut de te idipsum dici
 possit, quod de quodam sancto sacerdote olim
 dicebat S. Hier. Epist. 3. ad Heliodor. *Lectione*
assidua, & meditatione diuturna pectus suam
bibliothecam fecerat Christi. Verus ac bonus
 Ecclesiasticus in hoc debet gloriari, quod aliud
 non sciat, nisi Jesum Christum, ut hac scientia
 Dei pro nobis incarnati & mortui instructus,
 paratus & idoneus sit, alios in quacunque oc-

catione idiptum docendi; non enim *judicavi me
scire aliquid inter vos, nisi Jesum Christum &
hunc crucifixum.* 1. Cor. 2. 2. ut ostendat ho-
minibus extremam miseriam, in quam nos ad-
ducit peccatum, & necessitatem maximam ha-
bendi redemptorem; siquidem *natura filii ira*
eramus. Ephes. 2. 3. quo non obstante, Deus nos
adeo amavit, ut filium suum unigenitum miserit
in mundum, ut salvos faceret nos, *ut servum*
redimeres, filium tradidisti; quanta miserieor-
dia! 3. explicare debet qualitates hujus salva-
toris; & ante omnia explicare, quid sit Deus,
qui factus est homo; Deus, plenus bonitate era-
ga nos, qui nos amavit ita, prout ipsum ama-
vit Pater suus æternus: *sicut dilexit me Pater,*
ita dilexit vos. Joan. 15. 9. Hinc ultra progredi
oportet ad pretium, quod pro redemptione non
stra exsolvit; pretium hoc infiniti est meriti, quia
sanguis est Dei, qui ad ultimam usque guttam
pro nobis effusus fuit, ut nos lavaret à peccatis
nostris; *in quo habemus redemptionem per san-*
guinem ejus, remissionem peccatorum Coloss. 1.
14. *hac loquere & exhortare.* Tit. 2. 15. præ-
dica hoc universo mundo, annuntia hoc populo,
clericis & secularibus; prædica hoc peccatori-
bus, prædica personis Deo sacratis, nobilibus
& pauperibus, magnis & parvis, ut omnes sciant,
quod *charitas Christi urget nos.* 2. Cor. 5. Quo-
modo autem sciant se à charitate Christi urgeri,
si de talibus nihil unquam loquaris? nihil proa-
ponas?

Resolve igitur te hodie, nullam deinceps habendi concionem, quin de eo, quantum fieri potest, mentionem facias; & pro preparatione ad Missam procide coram Deo, eumque instanter roga cum S. Paulo, ut tibi hanc gratiam concedat, qua possis comprehendere cum omnibus Sanctis, quænam sit latitudo, longitudo, altitudo, & profunditas mysterii incarnationis & amoris Jesu Christi erga nos, qui omnem cognitionem transcendit, ut ita repletus hac divina scientia, etiam aliorum corda eadem implere valeas; *ut det vobis scire etiam, supereminentem scientiæ charitatem Christi impleamini in omnem plenitudinem Dei.* Ephes. 3. 19.

DIE SABBATHI

Ipse est, qui post me venturus est, qui ante me factus est, cujus ego non sum dignus, ut solvam ejus corrigiam calceamenti. Joan. 1. 27.

DE HUMILITATE.

1. In quo consistat. 2. Quanti à nobis æstimanda sit.

PUNCTUM I. POSSIBILENE est, ut ista S. Joannis Baptistæ humilitas, nos non omnino in nihilum redigat? quo in loco nos ipsos peccatores ponere debemus, si omnium hominum sanctissimus, dignus non est procidere ad pedes Jesu, neque solvere calceamenta illius? quid aliud post hæc cum veritate de nobis ipsis dicere possumus? nisi illud prophetæ. Psal. 38. *Substantia mea tanquam nihilum ante te.* Non possu-

possumus aliam facere orationem, quam ut in abyſſo nihili noſtri nos contineamus; fateamur tantum, quod peccatores ſimus, & quidem majores quam ipſi credimus; & taceamus, vel ſi loqui volumus nonniſi ad petendam Dei miſericordiam hęc fiat, ut hoc modo ſpem aliquam concipere valeamus, poſtquam illum toties offendiſimus; *ponat in pulvere os ſuum, ſi forte ſit ſpes.* Thren. 3. Hoc eligere debet anima, quę vere humilis ſit; ſed & ipſa humilitas non in eo tantum conſiſtit, ut quis hoc dicat, ſed ut id ipſum exerceat; humilitas, ait S. Bernardus, tract. de grad. Humil. virtus eſt, quę chriſtiano dat oculos ſpirituales, & dum eum facit cognoscere nihilum ſuum, ei verum contemptum ſui ipſius affert; *humilitas eſt virtus, quę quis veriſſima ſui cognitione ſibi ipſi vileſcit.* Quando homo de ſeipſo meſuram ſuam ſumit, quando attendit ad id, quod eſt, & quod non eſt; ſi veros ſuos defectus comparat cum prætenſis perfectionibus ſuis, tunc ſeipſum nihil amplius æſtimabit; nihil ſibi ipſi tribuet, nequāquam in ſe confidet, ſed non niſi ſe ipſum contemnet. Itaque humilitas non conſiſtit ſimpliciter, neque in actionibus; neque in verbis; facile eſt incedere inclinato capite, oculis deſmiſſis, appellare ſe peccatorem & miſerabilem; ſed hoc nondum eſt totum; oportet vilem de ſe ipſo habere opinionem, ſe ipſum cognoscere & deſpicere. *Tota humilitas tua, ut cognoscat te.* Ait. S. Auguſtinus in Joan. tr. 25.

Quot

Quot sunt, qui putant se humilitatem possidere, & non nisi umbram & apparentiam illius habent, *multi humilitatis umbram, pauci veritatem sectantur.* Ait S. Hieronymus Epist. 12. an non ex numero istorum es? si quis tibi obfistat, si quis male de te loquatur, si quis contemnat, quid cogitas? quid ais? quid non facis, non solum ad te iustificandum, quod quandoque necessarium est, sed ad te vindicandum? quod nunquam permissum est, ut melius hanc virtutem cognoscas, vide in puncto 2do, quantum de illa habere debeas æstimationem.

PUNCTUM II. Omnia nos trahere debent, ad amplectendam & æstimandam humilitatem.

1. Ipsa electio Domini nostri Jesu Christi, qui eam ut oportunissimum medium sibi elegit, ad confundendam superbiam diaboli, & ut nos reconciliaret Deo Patri suo, *semet ipsum exinanivit.*
2. Sollicitudo ipsius Dei, qui toties nos hortari voluit ad exercitium hujus virtutis, quia vix est pagina aliqua in Scriptura sacra, ubi non dicat se superbis resistere, & humilibus dare gratiam suam, prout id ipsum adnotavit S. Augustinus de Doctr. Christ. l. 3. c. 33. *nulla est fere pagina sanctorum librorum, in qua non sonet; Deus superbis resistit, humilibus autem dat gratiam.*
3. Continua adhortatio Apostolorum, qua præ cæteris hanc nobis virtutem inspirare conantur; *omnes autem invicem humilitatem insinuate.* 1. Petr. 5. 4. Exemplum tan-
torum, qui omnes amplexi sunt humilitatem;

tan-

tanquam viam, qua ad cœlum pervenitur; huius te, mi Dioscore, ait S. August. Epist. 118. n. 22. ut tota pietate subdas, velim; nec aliam tibi ad capeffandam & obtinendam veritatem viam munias, quam qua munita est ab illo, qui gressuum nostrorum tanquam Deus vidit infirmitatem; ea autem est prima, humilitas, secunda humilitas, tertia, humilitas, & quoties interrogares, hoc dicerem.

Bene pondera has omnes rationes, sine dubio te perducent ad veram humilitatem, & ad amplectendam illam, à qua forte hucusque aversionem nonnisi habuisti; & pro præparatione ad Missam, roga Jesum, qui se ita humiliat, ut ad habirandum in te venire velit, ut tibi hanc gratiam faciat, debite æstimandi virtutem talem, quam ipse tantopere dilexit, & cujus in se ipso nobis præbuit exemplum & praxim, *discite à me, quia mitis sum & humilis corde.* Matth. 11. 29. Agnosco Domine! quod tu solus sis magister, qui docere possis nos hanc lectionem, quam nunquam alias bene apprehendere possem. Bone Deus, qui in nihilo meo simul extremam aliquam superbiam conjunctam vides, miserere mei; fac me, precor mitem & humilem corde, ut paupertatis ac miseriæ meæ convictus, me ipsum contemnam, & tanquam nihilum me tractari patiar, sequendo in hoc, hanc cujusdam veri servi tui excellentissimam regulam; *amâ nesciri & pro nihilo reputari.* lib. 1. imit. Christ. c. 2.

DOMINICA QUARTA ADVENTUS.

*Sic nos existimet homo, ut ministros Christi,
& dispensatores mysteriorum Dei. 1. Cor. 4. 1.*

DE DIGNITATE CLERICALI.

1. Quomodo populus honorare clericos. 2. Quo-
modo ipsi clerici suam dignitatem conservare,
debeant.

PUNCTUM I. **I**sta verba S. Pauli specialiter
populum concernunt; docet

fideles, qualiter ministros Christi Jesu confide-
rare debeant. Ordinarie judicium de Ecclesia-
sticis ex præoccupatione sensuum, juxta qua-
litates humanas, fertur; & quandoque ex eo,
in quantum nobis placent, aut etiam utiles no-
bis esse possunt, cum potius de iis ex judicio
fidei, & secundum sublimem, in quo Deus eos
posuit, gradum, sentire deberemus. Hic abusus
irrepsit in Ecclesiam Corinthiorum, prout ap-
paret ex ista Epistola, quam Apostolus ad eos
direxit; si tamen præsentem plurium Christia-
norum morem attendimus, inveniemus sæcu-
lum nostrum minime ab hoc pernicioso errore
exemptum esse, quod merito deplorare debe-
ret; quicumque vere bonum Ecclesiæ, honorem
ministorum ejus, & salutem fidelium cordi
habet. Huic igitur grandi malo remedium sub-
ministrat S. Paulus, dum vult; clericos, sacer-
dotes, & pastores animarum considerari non de-
bere ut homines ordinarios, sed ut ministros
Christi Jesu, & dispensatores mysteriorum Dei.

Igitur docet nos per hoc Apostolus, quod
tali

tali ministerio fungentes, aliter, quam ex fide
 judicari non debeant; oportere in iis non nisi
 eas, quas fides nobis detegit considerare qua-
 litates; nec minori eos habere in honore, quam
 prout fides nostra de iis judicat. Considerandi
 ergo sunt, ut ministri Dei, ut cooperatores ma-
 gni negotii salutis nostræ; ut dispensatores my-
 steriorum, gratiarum & meritorum Christi Jesu;
 ut homines, qui de autoritate & sacerdotio
 Christi Domini participant; quorum sententia,
 quam in terra pronuntiant, in cælo authorita-
 tem obtinet, potestatemque habent illud &
 aperiendi & claudendi. Considerare oportet,
 quod si Ecclesia sponsa est Christi, ipsi sint
 custodes, & constituti ministri, ut pro defen-
 sione illius die ac nocte invigilent, *super mu-
 ros tuos Jerusalem constitui custodes, tota nocte
 in perpetuum non tacebunt.* Is. 62. 6. Si Eccle-
 sia comparatur navi, clerici navarchi & recto-
 res illius sunt, qui hanc navim dirigant, & qui
 in hanc sortem vocati sunt, ut sint cooperatores
 Dei ad salutem proximi, *Dei adjutores sumus.*
 1. Cor. 3. 9. Denique si Ecclesia regnum Dei
 est, prout sæpius hoc in Evangelio asseritur,
 Ecclesiastici ministri illius sunt, quos magnus
 iste Rex cæli & terræ elegit, ut essent princi-
 pes curiæ; *separavi vos à cæteris populis, ut
 essetis mei.* Levit. 20. 26. Quicumque tali
 modo Ecclesiasticos consideraverit, facile sen-
 sus suos supergredietur, & nonisi cum reve-
 rentia de illis loquetur, si quos defectus ha-
 beant,

beant, tacitus apud se ingemiscet; & cum prudentia ac circumspectione eo rem hanc deferet, ubi remedium sperari possit; nunquam tamen eo se adduci patietur, ut quid de æstimatione & veneratione iis debita diminuatur, quam character plane divinus, quo præditi sunt, requirit. Ecce documentum, quod populus trahere debet ex iis, quæ S. Paulus hic dicit, *sc̃ nos existimet homo, ut ministros Christi &c.* Quantum vero ad nos, qui tales ministri sumus.

PUNCTUM II. Consideremus cum Petro Blessensi, quod verba ista S. Pauli, etiam ad nos dirigantur, *fratres, verba Pauli sunt, quæ ad nos diriguntur.* Quia, si verum est, quod sumus ministri Dei, ita vivere debemus, ut ministerium nostrum apud populum non vilescat; *si nobis à Deo ministerium creditum est, facite sicut ipse nos exhortatur, & docet: ut non vituperetur ministerium nostrum.* Conservemus eminentiam, & dignitatem status nostri, non per factum quemdam humanum, talemque honorem & reverentiam exigendo, quem potentes hujus sæculi, nimis cupide & zelose exigunt, sed sanctitate vitæ, quæ nos à reliquo populo distinguat. Hoc ipsum est, quod Ecclesia desiderat, ut Episcopi clerum suum frequenter moneant; *moneant Episcopi clericos suos, in quocunque ordine fuerint, ut conversatione, sermone & scientia commissa sibi Dei populo, præcant, memores ejus, quod scriptum est: sancti estote, quia & ego sanctus sum.* Concil. Trid. Sess. 14. de reform. præm.

Et si scire cupis, in quo sanctitas hæc consistat? en verba concilii Tridentini: *levia etiam delicta, quæ in ipsis maxima essent, effugiant, ut eorum actiones cunctis afferant venerationem.* Allaborare debent, ut non tantum vitent peccata mortalia, sed etiam venialia, & quidquid mali speciem habet; & eo tendere, ut virtutem in imminenti gradu acquirant, nec metam, aut finem perfectioni suæ ponant.

Esne talis? credis fortassis, quod magnus sanctus sis, quia peccata mortalia non committis? & ex hoc fundamento, nec minimum scrupulum tibi facis, si ludas, si tempus perdas, si distractus in oratione, parum modestus in peregrandis sacris functionibus sis; si jocos proferas, si non adeo bene de aliis loquaris &c. Anne hoc appellas, dignitatem Ecclesiasticam per sanctitatem non vulgarem, tueri? quot sunt sæculares & laici, qui longe plura faciunt.

Pro præparatione ad Missam propone deinceps majore zelo laborare, pro adipiscenda perfectione status tui, alias jure tibi exprobrari poterit, quod tu ipse sis, qui ministerium tuum vile facias in populo, *dicetur vobis hodie: sacerdotum conversatio est populi subversio.* Petrus Bleffensis. Serio itaque, de correctione tua cogita, neque expecta quousque te superiores severe corrigere, vel punire debeant; nemo se ipsum melius se ipso cognoscit. *Emendate igitur,* pergit Petrus Bleffensis, *& corrigite, fratres dilectissimi adus vestros, nec expedetis*

res correctionem alienam; unusquisque vestrum se novit. discutiat semetipsum, & excolat conscientiam suam, ut in ea colligat fructum vite.



FERIA SECUNDA

Hic jam quaritur inter dispensatores, ut fidelis quis inveniatur. 1. Cor. 4. 2.

FIDELITAS IN MINISTERIO SACRO

1. Quilibet punietur, aut præmium accipiet secundum fidelitatem suam. 2. Quisnam sit fidelis dispensator.

PUNCTUM I. **N**Equè gradus, neque dignitas, quam minister altaris in Ecclesia obtinet, nec existimatio, quam sibi apud homines comparavit; neque talenta, quæ habuit, sed usus horum omnium mensura erit pœnæ vel præmii. Itaque non sufficit esse Episcopum, parochum, presbyterum, prædicatorem aut directorem, vel habuisse plurima talenta ad directionem animarum, vel reputationem in populo, ut quis à Deo præmium sperare possit; hoc principale; imo totum est, juxta Apost. ut quis *fidelis* dispensator inveniatur; quis omnes hæc dignitates, omnia ista talenta, tota hæc existimatio, timoris potius, quam fiduciæ materia & occasio sunt, siquidem non obstantibus hisce omnibus condemnabitur, qui inventus non fuerit *fidelis* dispensator. *Dicis mihi* (scribebat S. Augus. cuidam è suis discipulis)

ego sum dispensator salutis aeternae; verum est, quod talis sim sicut innumeri alii, quibus eadem cura familiae divina incumbit; si hoc sum, prout debeo esse; si debite fungor officio meo, compensationem laboris recipiam; si autem non nisi coacte, & quia aliter non possum; hoc facio, id dispenso, quod mihi commissum est, quin ipse de hoc participem, quia etsi quis sit dispensator salutis per verbum Dei, & administrationem sacramentorum, non tamen propterea securus est se de hoc participaturum. Dantur boni dispensatores, pergit S. Pater, Epist. 260. ad Audacem edit. nov. alias non diceret Apostolus, estote imitatores Dei, sicut & ego Christi, sed dantur etiam mali, alias non dixisset Salvator de Scribis & Phariseis, quae dicunt: facite; secundum autem opera illorum nolite facere; dicunt enim, & non faciunt. Multi ergo sunt dispensatores, per quorum ministerium pervenitur ad aeternam salutem; sed quaritur inter dispensatores, ut fidelis quis inveniat, & inter ipsos fideles, in quorum numero ille, qui non fallitur, me computet; alius est sic, alius autem sic; sicut unicuique Deus partitus est mensuram fidei. Terribilis plane veritas! bene ad eam attende; maxime si tibi cura animarum incumbat; & considera in puncto 2do, quisnam sit fidelis dispensator?

PUNCTUM II. Non est necessarium, ut Deo placeas, & salutem tuam opereris, ditatum te esse magnis talentis, aut fungi statu, & officio

officio honorato; tantum abest, ut potius, quo plus talentorum habes, plus pariter timoris habere debeas, ne iis abutaris; quo magis elevatus, ac in sublimi stas, eo plus timendum, ne cadas; sed sive parum, sive multum possideas, quemcumque locum in Ecclesia Dei teneas, superiorem sive inferiorem (siquidem nihil parvum aut modicum est in Ecclesia, ubi & minimus gradus supra meritum nostrum est) de hoc solummodo agitur, ut quis *fidelis* dispensator inveniat. Quicumque minister Jesu Christi sit, sufficit illi, si faciat, quod potest, & *fideliter* id exequatur, secundum mensuram donorum & talentorum, quæ à Deo misericorditer accepit. Hæc *fidelitas* includit respectu omnium ministrorum Dei in se obligationem, ut quis Deo *fidelis* sit in prædicanda veritate cum zelo quodam eandem animose defendendo, tractando illam prudenter; *fidelis* Jesu Christo, honorando ministerium, quod nobis injunxit, sancta quadam libertate prædicando mysteria, & doctrinam illius, cum autoritate & incorrupte; applicando sacramenta gratiæ, & sanguinis ejus discrete & cum charitate. *Fidelis* erga animas, eas dirigendo per vias Domini, cum vigilantia, supportando eas sapienti condescendentia & conniventia; eas exhortando fortiter per bonum exemplum: *fidelis* denique Ecclesia, non quærendo Dominatum, non divitias, non promotionem, sed procurando, ut regnet ille, cujus ministri sumus; & ut quis se

semper intra limites servi illius contineat. Felix ille Ecclesiasticus, felix pastor & sacerdos, qui ita fideliter ministerium suum implet; sperare enim potest in hora mortis suae intraturum se in gaudium Domini sui beatus ille servus, quem cum venerit Dominus ejus, invenerit sit facientem Matth. 24. 46. Sed eheu! quam rari sunt servi ejusmodi prudentes, sapientes, & fideles! ut adeo melius te hodie ad Missam præparare non possis, quam ut instanter Divinum magistrum tuum roges, ut te unum ex numero paucorum istorum facere dignetur: qui putas est fidelis servus & prudens, quem constituit Dominus super familiam suam, ut det illis cibum in tempore? &c. Amen dico vobis, quoniam super omnia bona sua constituet eum. Ibid.

* * * * *

FERIA TERTIA.

Mihi autem pro minimo est, ut à vobis judicer, aut ab humano die, sed neque me ipsum judico: nihil enim mihi conscius sum, sed non in hoc justificatus sum; qui autem judicat me, Dominus est. 1. Cor. 4. v. 4.

DE JUDICIO HOMINUM

1. Contemnere debemus judicia hominum.
2. Et Dei judicia timere.

PUNCTUM I. Quando S. Paulus hic ait se parum curare, si à populi hominum, quisquis ille sit, judicetur, non ideo hoc dicit, quasi indifferens fuerit in suo modo

modo agendi, & conversandi respectu aliorum. Siquidem alibi asserit, *se omnibus omnia factum esse, ut eos Christo lucraretur*, sed respectu sui ipsius hoc dicebat, nimirum, quantum ad hoc, quod ipsum in particulari concernebat, parum se nimirum curare, quale de ipso homines formarent iudicium.

Eorum, qui alios iudicant, salutis interest, ut non forment temerarium iudicium; injustum, aut falsum, sive dein in favorem, sive in *pre-*judicium illorum sit, quos iudicant; intactos nimirum eos relinquant, & tales, quales in se ipsis sunt; si omnes simul conveniant ad laudandum nos, nihil prorsus adjicient meritis nostris; conspirent etiam ad nos calumniandum, pariter nihil de meritis nostris auferent; tales semper erimus coram Deo, & in nobis ipsis, quales prius eramus ante tale iudicium sive favorabile, sive calumniosum, imo plus boni in nos resultat ex malo, quam ex bono de nobis formato iudicio, quia male iudicantes, conferre aliquid possunt ad nos humiliandos, valde autem ordinarie ac frequenter contingere solet, ut quis supra alios se efferat. Quid igitur faciendum tibi? vide ac conare, ut ad exemplum Apostoli, supra hominum iudicia (qui vitam tuam, & modum tuum agendi culpae possunt, vel per ignorantiam, vel ex malignitate, vel ex repentino animi impetu; quique adeo propensi sunt, ad censurandum quidlibet, ut miraculum quasi sit, si quis eorum censuram evadat) te ele-

Cleric: Instr. P. I.

F

YES,

ves: mendaces filii hominum in stateris; Psal. 61. 10. noli eos attendere, sed operare, ut decet, bonum ministrum: per gloriam & ignobilitatem, per infamiam & bonam famam 2. Cor. 6. 8. Sed dum spernis judicia hominum, valde tibi time à judiciis Dei.

PUNCTUM II. Quamcunque favorabile sit judicium, quod homines de te formant; quamvis conscientia nostra nos non reprehendat, nullus tamen est christianorum, neque clericorum, qui non ad imitationem S. Pauli, sibi ipsi dicere, debeat, quod per hoc nondum justificatus sit, nihil enim mihi conscius sum, sed non in hoc justificatus sum. Nullus est, qui non timere debeat, ne si actiones suæ, in judicio Dei examinentur, inveniatur aliquid, quod damnari possit; qui autem judicat me, Dominus est. Ita comparatus erat Apostolus; ita omnes sancti sentiebant; quod notat S. Gregorius I. 5. in Job. c. 28. Sæpe homines multum aestimant ætus suos, quia ignorant, quam exactum & severum sit judicium, quod de iis fert Deus; si tamen se elevant usque ad supremum tribunal Dei, incipiunt perdere hanc suam prætersam securitatem, quam ipsis sua inspiravit præsumptio, & tanto magis in Divino conspectu trepidant, quanto nec bona sua digna e jus examine, quem conspiciunt, pensant. Hinc (pergit. S. Greg.) David, qui adeo in virtutibus & sanctitate, profecit, clamabat ad Deum, Psal. 34. omnia ossa mea dicent Domine, quis similis tibi? ac si
dice-

auderet, non habet caro mea, quod loquatur in conspectu tuo, quia cogitur infirmitas manere in profundo silentio, coram Tua Divina maiestate; sed ossa mea laudem Tue infinita magnitudinis persolvunt; quia ipsa quoque, quae esse in me fortia credidi, tua consideratione contremiscunt. Ibid. Omnes christiani ad hanc considerationem contremiscere debent; sed vos o sacerdotes & pastores animarum majori ratione timere debetis, quam alii, siquidem in tali statu & officio constituti estis, quod plane vel ipsos Angelos timore concutere posset, in cuius administratione, etiam sanctissimi obligantur quotidie in Missa sateri se reos innumerorum peccatorum, offensarum & negligentiarum. Time igitur iudicium illius, qui ut te iudicet, alium non consulit nisi suam veritatem, obligationes tuas, usum gratiarum tibi concessarum, modum tuum vivendi, ac conversationem tuam. Timor iste serviat tibi ad hoc, ut iudicia hominum contemnas, & hoc solum cures, ut illi placeas, qui te ita iudicabit, quin falli possit, quique potestatem habet & corpus & animam perdere in gehennam. Accede cum hoc tremore ad altare, & roga iudicem tuum, ut tecum faciat misericordiam; iudica iudicium meum & redime me. Psal. 118. v. 154.

FERIA QUARTA.

Itaque nolite ante tempus iudicare, quoad-
usque veniat Dominus, qui & illuminabit ab-

86 *Hebdomas quarta Adventus*
Scandita tenebrarum, & manifestabit consilia
cordium, & tunc erit laus unicuique à Deo.

1. Cor. 4. 5.

DE JUDICIO TEMERARIO.

1. Quomodo in illud quis cadat. 2. Quam injustum sit.

PUNCTUM I. **N**on prohibet S. Paulus, per hæc verba, judicare proximum, sed, ut non ante tempus judicemus; *nolite judicare, ante tempus*, id est, antequam de veritate clare constet. Si Deus nobis rem aliquam clare demonstraret, per ipsum eventum, vel per alias convincentes rationes, tunc permixtum est judicare de moribus confratrum nostrorum, quoad omnia, quæ clara & innegabilia sunt, sed non ultra. Qui hanc regulam non observat, non nisi temerarie de proximo judicat, & coram Deo reus efficitur secundum proportionem & gravitatem rei, de qua judicat. Igitur non licet judicare de rebus obscuris & incertis; & hæc quidem longe plura sunt, quam nobis imaginemur, quia ut ait S. Augustinus, in Psal. 138. n. 18. tempus vitæ hujus est instar noctis, ubi pauca cognoscimus cum certitudine; *nox est enim, quamdiu ista vita agitur*, neque cognoscimus ex fundo corda aliorum neque proprium cor nostrum; intentiones aliorum nobis absconditæ sunt; difficulter etiam proprias agnoscimus; quæ omnia nos instruunt; quod non satis cauti & continentes esse possimus à judicando proximo: *quia in hac vita difficile est,*
ut nos

ut nos ipsos noverimus, pergit S. Augustinus. *Quanto minus debemus de quoquam præpropere ferre sententiam.*

Passim videmus etiam eos, qui spirituales esse videntur, temere & præcipitanter ex incertis conjecturis, ex relationibus vagis, & indiscretis narrationibus, ex quadam naturali inclinatione, & pruritu loquendi, & similia aliis communicandi, alios judicare, eosque spiritualiter occidere, postquam se ipsos prius occiderunt. Annon is ipse tuus quoque est agendi modus? pete veniam à Deo imprudentiæ tuæ præteritæ, & in 2do puncto discce, quid te oporteat facere, ut hunc defectum corrigas.

PUNCTUM II. Considera bene injustitiam, quæ in hujusmodi judiciis temerariis intervenit; ad judicandum ut oportet; dæ qualitates absolute necessariæ sunt. Debet quis 1. habere potestatem seu auctoritatem judicandi: *nullus major defectus, quam potestatis.* 2. Debet habere lumen sufficiens, & bonam causæ cognitionem; porro qui temere judicat proximum suum, nec unam, nec alteram habet. Quam auctoritatem habet, ut præveniat judicium Jesu Christi, & servos illius condemnet? *tu quis es, qui judicas alienum servum; Domino suo stat aut cadit.* Rom. 14. 4. Quis es tu, ait S. Paulus, ut audeas censurare alienum servum? si cadit, aut firmiter stat, nonne hoc Dominum illius concernit? si bene vel male facit, non est tuum illum justificare, vel condemnare, sed

seu Jesu Christi, qui & tuus, & illius futurus est iudex: *unusquisque nostrum pro se rationem reddet.* Ibid. v. 12. Bene nota verbum hoc pro se, & non pro aliis, quare ergo occuparis in censurando vitam alicuiam? cum potius præparare te deberes ad reddendam rationem de tua. *Tu autem quid iudicas fratrem tuum? aut tu, quare spernis fratrem tuum? omnes enim stābimus ante tribunal Christi.* Ibid. v. 10. Secundo, qui temere iudicat, hoc facit absque sufficienti causæ cognitione; quia cum foris non appareant probationes sufficientes, non potest de internis iudicare, quorum cognitionem Deus sibi soli reservavit; neque penetrat secreta cordium, neque videt intentionem, quæ quasi anima est actionis; itaque per suam præcipientiam & ignorantiam exponit se periculo condemnandi illum, quem Deus iustificat; & condemnandi eum, qui vere apud Deum in honore est; ita Christus dixit ad Iudæos: *J. 8. 49. honorifico Patrem meum, & vos inhonorastis me.* Bene expende has duas rationes; sufficiunt certe ad agnoscendam injustitiam iudicii temerarii. Propone deinde in iudicando esse paulo exactior, & circumspectior; *causam, quam nesciebam, dicebat Job. c. 19. 16. diligentissime investigabam.* Ita & tu fac; si opus non potes; *intentionem excusa, ait S. Bernardus Serm. 40. in Can. puta ignorantiam, puta subreptionem, puta casum, & dicito apud te ipsum, vehemens fuit nimis tentatio; quid de me illa fecisset, & acce-*

accepisset similiter in me potestatem. Pro preparatione ad Missam roga Deum, ut effundere dignetur in cor tuum charitatem; cum illa semper bene judicabis: sine illa non nisi temere & præcipitanter. Charitas non agit perperam, ait Apostolus & S. Augustinus, charitas est quæ sola bene operatur. 1. cor. 13.

FERIA QUINTA.

Sub principibus Sacerdotum Anna & Caipha, factum est verbum Domini super Joannem Zacharia filium, in deserto. Luc. 3. v. 2.

DE VOCATIONE.

1. De necessitate vocationis ad statum Ecclesiasticum. 2. Quænam sint signa hujus vocationis.

PUNCTUM I. Benedicta sit divina providentia, quæ nobis tam clare hic indicat necessitatem vocationis ad statum & officium ecclesiasticum. Quid? Sanctus Joannes, qui ab utero matris suæ segregatus & consecratus ad obeundum officium præcursoris Messie, quique triginta annos transegit, in continua pænitentia, & recollectione spiritus, qui potius angelus, quam homo erat, expectat nihilominus novam vocationem, & missionem S. Spiritus, & expressam ordinationem à cælo ad exercenda munia ministerii? & nos, qui forte vitam ab infantia usque duximus omnino dissolutam, *alienati peccatores à vulva*. Psal. 57.

4. Nos, inquam, audemus nos ingerere in mu-

nia ecclesiastica? prædicare evangelium? suscipere in nos curam animarum, & subire periculosissimas functiones vocationis nostræ? deplorare hunc abusum nimis frequentem & communem in Ecclesia; & certus esto, neminem salutem suam operari, & consequi posse in tali statu, ad quem quis vocatus non est; à Domino dirigantur gressus viri. Prov. 20. Et si directoris spiritualis officium tibi incumbit, inspira aliis, qui pro consilio ad te veniant, hanc veritatem, ut per continuas preces instanter voluntatem Dei cognoscere procurent, eis cum S. Apostolo Paulo Ephe. 5. 17. dicendo, *nolite fieri imprudentes sed intelligentes, quæ sit voluntas Dei.* Si autem vocatio ad quemcunque alium statum necessaria est, & in quacunque vitæ conditione requiritur, sine dubio multo magis est necessaria pro statu clericali. Verba ista S. Pauli, quæ tam frequenter audisti, sufficiant ad te convincendum de hac veritate; *ne quisquam sumit sibi honorem: sed qui vocatur à Deo tanquam Aaron.* Hebr. 5. 4. Christus Jesus, Sanctus Sanctorum, non se ipsum ingressus in honorem Pontificatus sui, sed expectavit, ait apostolus, quouique à Patre suo ad hanc dignitatem vocaretur; quis non putasset, si quemquam; certe ipsum Dei filium, circa hoc fore dispensatum? nihilominus & ipse expectare voluit, quousque à Patre suo audiret, *tu es sacerdos secundum ordinem Melchisedech; sic Christus non semetipsum clarificavit, ut Pontifex fieret.* Ibid. Eritne post

post hæc, qui secum i, lo dispensare audeat in hac lege ab ipso Deo stabilita, perveniendi ad sacerdotium, tam in veteri, quam novo testamento? his perpensis dic ex animo: *scio Domine, quia non est hominis via e jus; nec viri est, ut ambulet & dirigat gressus suos, & in puncto* *ado disce.*

PUNCTUM II. Quænam sint signa hujus vocationis; en aliqua, super quibus te examinare poteris. 1. Qui ad statum clericalem aspirat, vitæ debet esse irreprehensibilis: *considerate viros boni testimonii*, dicebant Apostoli Act. 6. 3. loquendo de electione septem Diaconorum; talem igitur oportet esse *prudicum*, quia deinceps continere debebimus, & ducere vitam castam. *Sobrium* & gravem, modestum, inimicilium, seu processuum, non intentum lucris, minime violentum, sed æquum, moderatum, contentionibus minime deditum, prout S. Paulus ait. 2. Oportet tales habere qualitates, & talenta tam corporalia, quam spiritualia, *qui judicio Episcopi sit utilis aut necessarius suis Ecclesiis*, ait concilium Tridentinum. 3. Debet habere puram intentionem, hoc est, non debet amplecti statum clericalem ex superbia, avaritia, amore inordinato ad otium, neque ex ullo alio motivo humano, sed præcise ad eum finem, ut ipse sanctus sit, gloriam Dei promoveri, proximum lucrari, & se ipsum in servitium ecclesiæ insumere valeat. 4. Oportet habere spiritum clericalem, id est, debet habere magnam
de

de statu nostro æstimationem, specialem provisionem ad omnes virtutes illas, quæ ipsi conveniunt; magnum amorem erga functiones ejusmodi, & ut eas facile & bene exequi valeat. Denique ultimum signum, ut accedat electio seu approbatio Episcopi aut alterius sapientis & prudentis directoris spiritualis, qui quasi interpres sit voluntatis divinæ circa nos; *unges eum, quem monstravero tibi.* 1. Reg. 16. 3. Quicumque nunc demum sis, qui statum hunc clericalem amplecti vis, examina te ipsum super hoc. O! si omnes hoc fecissent, certe ecclesia non tot haberet ministros inutiles, à quibus debonoratur, ubi otiositas, minimū ex omnibus peccatum apud illos est! non tot darentur beneficiati, qui religioni nostræ, grave præjudicium afferunt; nec tot pastores animarum, qui in causa sunt, cur nomen Domini inter infideles blasphemetur. Ah Domine! cujus solius est eligere tibi ministros, fac, ut nullus sibi ipsi sumat hunc honorem, si non sit à te vocatus. Hanc à te, o Domine! gratiam peto pro bono ecclesiæ tuæ; quam adeo dilexisti, ut filium tuum unigenitum elegeris, ut esset Pontifex illius; noli quæso permittere, ut lupi & latrones aut mercenarii societatem ineant cum pastore tam sancto! *prorector noster aspice Deus, & respice in faciem Christi tui.* Psal. 83. v. 10.

Præparationem ante, & gratiarum actionem post Missam conformiter ad ista instrue, & dic: *ne tradas Domine sceptrum tuum his, qui non sunt.* Esther. 14. v. 11.

Et venit, in omnem regionem Jordanis prædicans baptismum penitentiae in remissionem peccatorum. Luc. 3. 3.

DE FIDELITATE VOCATIONI DEBITA.

1. Non sufficit vocatum esse, sed fidelem vocationi suæ. 2. Media, ut quis se fidelem exhibeat.

PUNCTUM I. S Joannes post quam verbum Domini, è cælo auditur, quo functiones ministerii sui aggredi jubebatur, statim obedivit, & incepit à deserto Judææ, ubi vitam suam hucusque transegit, in omnem regionem circa Jordanem prædicare baptismum penitentiae, eumque Judæis administrare in remissionem peccatorum, quam solus Jesus Christus dare poterat. Mirare hic *fidelitatem* sancti hujus præcursoris, circa vocationem suam, & scito, minime sufficere te à Deo vocatum esse ad talem statum, si non exacte implere studeas ea, quæ vocationis & officii tui sunt. Saul fuit quidem vocatus, sed quia voluntati Dei inobediens erat, misere fuit reprobatus. Judas fuit quidem ab ipso Christo Jesu vocatus; scis autem, quid de illo dixerit Salvator, Joan. 6. 71. *nonne ego vos duodecim elegi, & ex vobis unus diabolus est.* O quot sunt qui quidem videntur vocati, & habere bonam intentionem, qui tamen vocationi suæ non satisfaciunt! vocati quidem sunt, ut custodes vineæ Domini, ut eam excolant, tamen idipsum facere negligunt: *posuerunt me custodem in vineis, & vineam*

neam mentem non custodivi. Cant. 1. 5. Quamvis ergo signa quædam vocationis tuæ habeas, noli illis acquiescere, magnæ tibi esse debet consolationis, vocatum te esse ad statum tam sublimem & sanctum; sed quæ damnatio te manet, si huic gratiæ non respondeas, & infidelis inveniaris: *obsecro itaque vos, ego vincit in Domino,* ait Apostolus, *ut digne ambuletis vocatione, qua vocati estis, cum omni humilitate &c.* Et ad hunc effectum considera in puncto 2do media, ut te fidelem exhibeas.

PUNCTUM II. Media ad hanc tuam vocationem comprobendam, sunt 1. *Oratio*, quia Dei est, ad finem id perducere, quod per gratiam suam in te cœpit, *Deus est enim, qui operatur in nobis & velle & perficere, pro bona voluntate.* Philip. 2. 13. 2. *Praxis* seu exercitium virtutum & bonorum operum statui tuo convenientium; hoc est documentum, quod tibi Princeps Apostolorum dat, quando ait 2. Petri. 1. 10. *Satagite, ut per bona opera, certam vestram vocationem, & electionem faciatis.* 3. *Fuga* omnium eorum, quæ perfectioni. & sanctitati status tui obsistere possent, ut sunt societas, & negotia sæcularia, studia prophana, modus agendi & vivendi sæcularis & mundanus, *fugientes ejus, quæ in mundo est, concupiscentiæ corruptionem.* v. 4. Ultimum denique medium est *Perseverantia; Unusquisque in qua vocatione vocatus est, in ea permaneat.* Ibid. Si inconstans & irresolutus es, quid boni à te sperari possit?

si au

Si autem fideliter in statu, in quo Deus te posuit, perseveraveris, qualis & quanta pro te in hora mortis consolatio! dicere tunc poteris cum S. Paulo; non utcumque statui, & obligationi meae satisfacere studui, sed secundum mensuram gratiarum, quas accepi, operatus sum, ad salutem aliorum, quin propriam neglexerim; certavi pro iustitia & veritate; *bonum certamen certavi*, 2. Tim. 4. *meum cursum fideliter consummavi*; adverto, quod brevi migraturus sim; & similis sum victimae, quae jam aspersa est, ecce enim jam delibor, & tempus resolutionis meae instat; in reliquo reposita est mihi corona iustitiae, quam reddet mihi Dominus in illa die, iustus iudex. His sanctis cogitationibus munitus; communica hodie, & pro preparatione ad Missam, & gratiarum actione, offer te Jesu Christo, tanquam fidelem ministrum, & paratum in omnibus ei obediendi. O Jesu! per illam tuam, in SS. Eucharistia perseverantiam, qua non cessas glorificare, & honorificare Patrem Tuum, ac pro nobis orare, concede mihi constantiam & firmitatem in bono. O Domine! potius mori volo, quam ut fidelis esse desistam; hanc à te gratiam peto, neque aliud à te; tota vita mea petam; *non dimittam te, nisi benedixeris mihi*. Gen. 32. 26.

* * * * *
PRO VIGILIA NATIVITATIS

*Parate viam Domini, rectas facite semitas
ejus*. Luc. 3. v. 4.

DISPO.

DISPOSITIO AD FESTUM NATIVITATIS

1. Obligatio præparandi se ad hoc festum.
2. Quænam sint hæ dispositiones seu præparatio.

PUNCTUM I. AD utilitatem nostram, trahamus instructionem S. Joannis, quam Judæis dedit, ut eos induceret ad præparandas Domini vias, & ad disponendum se ad adventum Messie: *parate viam Domini*. Duce rationes obligant nos, ad rite recipiendum Dominum nostrum Jesum in hoc magno Nativitatis Domini festo; venit nasci *pro nobis*, en primam! vult nasci *in nobis*, en 2dam! si vel parum attendis has duas rationes, quid non facies, ad digne excipiendum tantum hospitem, qui non obstantibus tot miseriis nostris, nihilominus dignatur nos visitare; qui se unire vult naturæ nostræ, & esse victima generalis pro toto genere humano? *qui propter nos homines, & propter nostram salutem, descendit de calis*. Quasnam dispositiones non requirit à nobis, hoc magnum sacramentum amoris & bonitatis Divinæ erga homines? prout illud appellat S. Paulus, 1. Tim. 3. *sacramentum amoris & bonitatis*, quod evidenter apparuit in carne, quam assumpsit Deus pro peccatis nostris, sacramentum amoris & bonitatis per quod justitia & sanctitas, quæ erant in Deo, nobis communicata fuerant; cujus angeli primi, & primarii testes fuerunt; quod annuntiatum & publicatum gentibus, cujus fides per totam terram propagata, ac modo in cælo objectum est nostræ

nostræ æternæ beatitudinis: & manifeste manifestum est pietatis sacramentum, quod manifestatum est in carne, justificatum est in spiritu, apparuit Angelis, prædicatum est gentibus, creditum est mundo, assumptum est in gloria.

Altera ratio, quæ te movere debet, ad sancte celebrandum hoc festum, & ad te dignum reddendum gratiis, quas Deus hoc sancto tempore, animabus bene dispositis & paratis communicat est, quod Dei filius non alia de causa, in mundo nasci voluerit, quam ut nascatur in cordibus nostris, eaque convertat; *in hoc apparuit charitas Dei in nobis*, ait S. Joannes 1. Joan. 4. 9. *quoniam misit filium suum Deus in mundum, ut vivamus per eum.* Omnem igitur conatum adhibe, ut fructum referas ex hac ipsius Nativitate, *parate viam Domini.*

PUNCTUM II. *Rectas facite semitas ejus*
En dispositiones, quas à te requirit Deus! viæ, quas dirigere debes, inclinationes cordis tui sunt, à quibus peccatum abesse debet, si forte malæ cuidam consuetudini addictus esses, oportet illam abjicere, alias nullam partem habebis ex meritis Nativitatis salvatoris tui, *Christus vobis nihil proderit.* Anne ita cæcus sis, ut audeas cor plenum peccaminosis passionibus usque ad pedes sanctuarii afferre? an non id ipsum tibi conscientia tua exprobrat, quod olim ad infelicem quemdam Diaconum dixit S. Hieronymus, qui ipsam locum sacrum nativitatis dominicæ in Bethleem dehonestavit? O

te miserabiliorem omnibus hominibus! an non formidas, ne infans Jesus testis impudicitiae tuae, te è cunjs suis videat, & amaras propterea lacrymas profundat? *O infelicissime mortalium! non times, ne de praesepe vagiat infans!* propone igitur, non solum conversionem tuam in hoc festo, sed quod velis desistere etiam ab omni inordinata affectione, ut ita conformis fias Christo Jesu, qui ad hoc venit, ut poenitentiam pro nobis ageret, per paupertatem, humiliatones, calamitates, & ærumnas, quas ultro amplexus est, eundem animum & affectiones etiam poenitentibus inspirâ, si confessarius es. Pro communione, uni te cum illo, qui venit, ut se tecum uniret; & offer hunc divinum Filium æterno Patri, ex toto corde, quod plenum sit amore & gratitudine; profundè penetra magnitudinem miserationum illarum, quarum hac felici nocte memoriam celebramus, in qua liberati sumus à tyrannide diaboli, & servitute peccati. *O Juda, & Jerusalem nolite timere! cras egrediemini, & Dominus erit vobiscum, 2. Paralip. 20. 17.*

PRO FESTO NATIVITATIS D. N. J. C.

Natus est vobis hodie salvator, qui est Christus Dominus, in civitate David. Luc. 2. v. 11.

1. Adoremus. 2. Et imitemur infantem Jesum.

PUNCTUM I. **E**amus in spiritu usque Bethleem, & jungamus nos, illis

istis pastoribus, quos verbum incarnatum, pro
suis primis adoratoribus elegit; & adoremus
una cum ipsis, interiorē animæ Jesu Christi
dispositionem, in paupertate nativitatis suæ,
in contemptu & repulsâ, quam à toto mundo
passus est; uno verbo, in hac sua infantia, quæ
aliud non est, nisi schola humilitatis, ut ait
Augustinus serm. 13. *omnis hujus nativitatis
schola, est humilitatis officina.* Prostrati ad pe-
des divini hujus infantis, discamus esse infan-
tes ut ipse; pauperes ut ipse; amare oblivio-
nem & contemptum nostri, & privationem o-
mnium creaturarum, ut ipse; rogemus & ob-
testemur ipsum, ut per gratiam suam in cor-
dibus nostris nasci dignetur, ad operandum in
nobis omnes hos effectus. Non obliviscamur
ante omnia harum primarum suarum lacryma-
rum, quas effundere cœpit pro peccatis nostris,
& quæ solæ nos eripere potuere à planctu illo
æterno & instructuoso, in quem incurrissemus
in inferno, nisi ille factus fuisset homo, ut nos
inde liberaret. Sed perfectissima norma oratio-
nis, quam hodie imitari possimus, illa est, quæ
Beatissima Virgo & S. Joseph usi sunt hodie,
qui infantem Jesum contemplabantur instar
duorum Cherubin propitiatorium arcæ respi-
cientium, quæ non nisi figura illius erat. Mun-
dus ex toto evanuit, ex illorum memoria; uni-
ce intenti & occupati erant in consideratione
verbi, quod se ipsum exinanivit, non verbis,
non canticis, hoc ipsorum orationis exercitiū

Cleric. instr. P. I.

G

con-

constabat, sed profunda admiratione & silentio, præcise interioribus motibus suis, quos sentiebant, indulgendo, quos Divinus hic infans, in cordibus eorum causabat. Studeamus pariter illum honorare. Adoro te Divine infans, ut supremum magistrum, & Dominum meum, secundum omnem relationem, quam mecum contrahere voluisti, secundum omnes excellentias, & humiliaiones tuas, quibus pro salute mea, in hac nativitate te exposuisti. *O Nativitas supra naturam, sed pro natura! miraculi excellentia superans, sed reparans virtute mysterii!* S. Bern. in vig. Nat. Serm. 1. Adoro infinitum hunc amorem, qui te de cælo descendere fecit, & omnibus miseris nostris exposuit, agnosco bene necessarium mihi fuisse talem medicum, ut à vulneribus animæ meæ curarer; *magnus de calo venit medicus, quia magnus in terra jacebat agrotus.* S. Aug. Serm. 59. de V. B.

PUNCTUM II. Postquam adoraveris infantem Jesum, applica te ad illum imitandum. Uni igitur illud modicum pœnitentiæ tuæ, cum illis, quæ Divinus hic infans passus est. Nascitur in stabulo mediâ hyeme, & noctu, privatus omnibus omnino commoditatibus hujus vitæ. *Filius hominis non habet, ubi caput reclinaret.* Luc. 9. 58. Qualis pœnitentia! repulsus est à toto mundo, & à proprio populo suo; obligatus ad inhabitandum locum, ab animalibus sibi accomodatum; *in propria venit, & sui eum*

non receperunt. Joan. 1. Qualis humiliatio! positus est in præsepio, & captivus inter fascias tenetur; quanta paupertas; sed qualis, & quanta instructio pro nobis! ait S. Bern. ut eum imitemur, *quanto pro me vilior, tanto mihi carior;* Bernard. ibid. Sinamus nos saltem ligari, levibus regulis, & præceptis nostris, & procuremus nos ita unire, per hanc praxim, cum Christo Jesu, panis involuto & ligato; sed ante omnia imitemur silentium ipsius, quod non modicum conducet ad continendum nos, in modestia & recollectione, quam à nobis tam magnum festum exigit; quodque servire nobis potest ad expianda innumera peccata, per linguam, quæ est universitas iniquitatis, commissæ.

Domine Jesu, siquidem pro me nasci dignatus es, ah fac! ut hæc tua nativitas, ad novam & miliozem vitam, me faciat renasci, exspoliet me veteri homine, & illo spiritu novo me repleat, quem in terras tecum deportasti. Extingue in corde meo amorem creaturarum; s. c. ut ex integro renuntiem impietati, & secularibus desideriis; apparuit enim gratia Dei Salvatoris nostri, omnibus hominibus, erudiens nos, ut abnegantes impietatem, & secularia desideria, sobrie, & juste, & pie vivamus, in hoc sæculo, expectantes beatam spem Tit. 2. v. 11. & 2. Ecclesia ad contestandum suum gaudium ordinat, ut tres à quolibet sacerdote hodie legantur Missæ; quia vult, ut Dominus Jesus, in manibus sacerdotis sacramentaliter nascens, à

nobis adoretur, & triplex illius nativitas repræsentetur. Prima est, qua ab æterno è sinu Patris sui, fuit genitus; 2da, quam hodie è sinu virginæ matris, accepit; tertia, qua in cordibus nostris per gratiam suam nascitur. Venerare has tres nativitates, per ternam communionem tuam, nihil enim Deo gratius est, quam si vera & sincera pietate ac devotione ad illum accedas: *calix meus inebrians, quam præclarus est.* Psal. 22. v. 5.

* * * * *

PRO FESTO S. STEPHANI PRIMI MARTYRIS.

Meditatio.

Stephanus plenus gratia & fortitudine, faciebat prodigia & signa magna in populo. Act. 6.

1. Gratia & fortitudo veritatis in ore Stephani.

2. Gratia & fortitudo charitatis in corde ipsius.

PUNCTUM I. Quamquam acta Apostolorum expresse non referant, quæ nam fuerint hæc prodigia, quæ fecit S. Stephanus, postquam in Diaconum fuit ordinatus, nihilominus facile colligi potest fuisse gratiam & fortitudinem, qua prædicavit veritates evangelicas. Et vero, quod majus prodigium, quam persuadere filiis Synagogæ, ut adorarent eum, quem paulo ante crucifixerunt, illisque demonstrare, quod nulla eorum sacrificia à peccatis eorum, liberare eos possent; neque aliud superesse remedium, eorum veniam obtri-

obtinendi; nisi ut laventur in sanguine Jesu Christi, mediante baptismo illis applicando. Qui adeo felices erant, ut zelosum hunc Levitam audire potuerint, sentiebant cor suum intus sibi accendi & inflammar, quando ipsis explicabantur scripturæ; & sanctè impatientes erant, quousque dare possent Jesu Christo reciprocum amoris in illum sui testimonium, reddendo sanguinem pro sanguine, rolerantiam pro tolerantiâ, vitam pro vita. Quod si S. Stephanus ex una parte, nescio quid attractivi habuit, quocorda, adinstar magnetis ferrum attrahentis ad se trahere potuit, habebat insuper etiam ex altera parte invincibilem vim adamantis, ad resistendum eis, qui errores suos defendebant, ad detegendum eis imposturas illorum: ut maligni fuerint ejus inimici, minime tamen resistere potuerunt sapientiæ & spiritui, qui in eo loquebatur. Veritas, quam illis annuntiat, eos conturbat, fulminat, ad terram dejicit, & plenum de illis triumphum reportat, Compara jam zelum tuum, cum zelo illius. Quem ardorem habes in defendenda veritate? ah quoties eam turpiter deseris! ut hominibus complaceas, eorumque passionibus peccaminosis condescendas? deplora hæc coram Deo; & roga illum, ut fortitudinem tibi in ejusmodi occasionibus, concedat, ut stare & pugnare valeas contra inimicos veritatis & salutis tuæ: *nullus enim reprehensor formidandus est amatori veritatis.* S. Aug. l. 2. de Trin. Proxm.

PUNCTUM II. Cum nihil haberent inimici S. Stephani, quod sermoni hujus S. Prædicatoris opponerent, ad hoc se resolverunt, ut illum lapidarent. Mirare hic gratiam & fortitudinem charitatis, in corde illustrissimi hujus martyris respectu inimicorum suorum. Carnifices eum adoriuntur lapidibus, ille vero se contra illos non aliter obarmat, quam precibus; & quomodo pro eis orat? non satis est, quod undique in eum convolantibus lapidibus, tantum ille animi & libertatis habeat, pro iis orandis; oportet, ut etiam sui ipsius oblitus fuerit: ait quidam ex SS. Patribus (Aug. Serm. 29. de verb. Mich. edit. nov.) ut alterius, quam inimicorum suorum, non esset memor; oportuit eum plus fecisse pro iis, quam pro se ipso, illorumque salutem ardentius postulasse, quam propriam; quia non nisi erectus stabat, quando pro se ipso oravit; in genua autem sua procidit, & in terra prostratus orabat pro inimicis suis, per quod clare indicavit, magis se tangi peccatis persecutorum suorum, quam iis, quæ ab ipsis sibi toleranda erant. Et quid petit pro eis in oratione sua? *Domine, ne statuas illis hoc peccatum.* Obtestatur salvatorem suum, ut faciat illis secundum misericordiam suam, ut adeo inhumaniter secum procedebant; vitam eis precatur, qui ei mortem inferebant; sanguinem suum pro iis offert, quem illi effundunt; & oratio illius adeo efficax est, ut conversionem Sauli impetraverit, atrocissimi hostis illius,

illius, qui vestimenta illorum, à quibus lapidatus fuerat, custodiebat. *Nam si Martyr Stephanus non sic orasset*, ait S. Augustinus Serm. 382. alias 4. de Ss. *Ecclesia Paulum hodie non haberet; sed ideo de terra erectus est Paulus, quia in terra inclinatus, exauditus est Stephanus.* O charitatem! quam omnes aquæ tribulationum extingvere non potuerant, quis se committere possit, quin te imitetur? quodnam cor adeo durum sit, quod post tale exemplum odium aliquod contra proximum suum ferre audeat? depone hic omnem, te ipsum vindicandi sensum & animum, qui in corde tuo nasci posset contra eos, à quibus te forte offensum credis; & si accedens ad altare, memineris, quod frater tuus jure contra te conqueri possit, dimitte munus tuum, & reconciliare fratri tuo, ita enim expresse ordinat Christus, neque aliter præparatus unquam celebrare aut communicare potes. *Si offers munus tuum ad altare, & ibi recordatus fueris, quia frater tuus habet aliquid adversum te; relinque ibi munus tuum ante altare; & vade prius reconciliari fratri tuo, & tunc veniens offeres munus tuum.* Matth. 5. v. 24.



PROFESTO S. JOANNIS EVANGELISTÆ

MEDITATIO.

Discipulus, quem diligebat Jesus. Joan. 21.
S. JOAN

S. JOANNES ERAT DISCIPULUS.

1. Summe dilectus à Jesu. 2. Et summe diligens Jesum.

PUNCTUM I. S Joannes, quem hodierna die venerando colimus, agnoscitur in Evangelio ex hac qualitate, quod sit discipulus, quem Jesus diligebat, &, ut hoc ipsum nobis persvadeamus, alio opus non est, quam ut ad id advertamus, quod in ultima cœna, & in monte Calvaria gestum est. In cœna requiescit supra pectus ipsius Domini Jesu. O quanta felicitas, pedes Jesu hæreditas & pars sunt Magdalena; thronus gratia & aylum peccatorum; ipsius manus amplecti solebant parvulos, qui ad eum ducebantur; ipsis leprosos & cæcos tangebatur; oculi ejus unico solo obtutu, cient lacrymas ex oculis S. Petri, & infidelitatis suæ eum admonent. Sed pectus amorosum Jesu, vera pars & hæreditas est S. Joannis, & tanquam lectulus, super quo, dilectus Domini discipulus, requiescit. *Dominici pectoris particeps.* S. Aug. de consen. Evang. l. 2. c. 4. O quis edicere valeat abundantiam luminum! quæ ex hoc pectore hausit, quod est sanctuarium amoris, ubi reconditi sunt omnes thesauri scientiæ & sapientiæ Dei.

Secundum privilegium, quod à liberalissimo Domino accepit S. Joannes, fuit in cruce, ubi Jesus illi dedit matrem suam pro matre per tale testamentum, quod omnium erat solemnissimum & sacratissimum, dicit matri suæ; *mulier*

ecce

ecce filius tuus; deinde dicit discipulo: ecce mater tua. Joan. 19. 26. Salvator propediem spiritum exhalaturus de omnibus, quæ habuit, disponit, spiritum suum Patri consignat, suum sanguinem hominibus, paradysum bono Latroni, gratiam suam Ecclesiæ; sed superest adhuc mater, & hoc erat donum S. Joanni datum; *matrem virginem virgini commendavit.* O magne Sancte! quas gratias & benedictiones ex hac dignitate tua traxisti, quam tibi vel primus Angelorum invideat; quantæ puritatis virginitas tua existit, dum pro matre, virginem adeo puram accepisti; in quantum accrevit amor tuus, dum pro matre, matrem pulchræ dilectionis acquisivisti! quantum creverunt lumina tua, siquidem mater tua facta est, mater solis justitiæ; esto patronus noster & intercessor ad Jesum, qui tibi prorsus singularia amoris in te sui dedit signa, quibus non minori fidelitate respondisti.

PUNCTUM II. Si Jesus Joannem specialiter dilexit, S. Joannes pariter ac reciproce ex toto corde & ex tota anima Jesum dilexit. Amor discipuli istius erga magistrum suum, fuit *amor constans*; semper illi fidelis fuit, secutusque est illum usque ad pedem crucis, dum interim reliqui Apostoli, relicto eo, fugerunt. Amor ipsius semper fuit *ardentissimus*: lege libros sacros, quos scriptos reliquit; nil spirant, nisi sanctum amorem; ferme in omni linea, in omnibus verbis amorem Dei & proximi, nobis

commendat. Nullum majus habuit gaudium, quam si charitatem inter fratres regnare vidit; pari voluptate animi hoc repetebat, *filioli diligite invicem*, ac verba ista adeo memoranda, de æterna filii generatione Ecclesiæ reliquit; *in principio erat verbum*. Fornax nimirum erat cor illius, cujus flammæ undique se diffundebant, & totum mundum inundabant; omnes aquæ tribulationum haud sufficientes erant, extinguendi ejus ardorem, ferventis olei dolium, in quod Romæ ante portam latinam missus fuerat, minus ardens erat, quam charitas ipsius, & zelus, qui ad extremas mundi partes se extendit, & plane eousque audita fuit vox hujus filii tonitruï. Jugo Christi subjecit Parthos; fundavit & rexit omnes Asiæ Ecclesias; insatigabili cura & sollicitudine, commissum sibi à supremo Pastore gregem instruxit. Hier. de Vir. Illust. c. 9. Ecce quid sit amare Jesum, non verbis vel cogitatione tantum, sed in effectu & veritate! itane etiam nos illum amamus? S. Augustini opinio est, in Psal. 88. n. 14. quod plus non amemus ipsum, quam quantum amamus Ecclesiam ipsius, aut fratres ejus, ex quibus ipsa constat; *nemo offendit unum, & promeretur alterum*. Id ipsum nobis S. Joannes insinuavit verbis istis: 1. Ep. 4. 20. *qui non diligit fratrem suum, quem videt, Deum, quem non videt, quomodo potest diligere?* Præparatio tua ad Missam in eo consistat, ut te ipsum excites ad amorem Jesu & Ecclesiæ suæ.

[Cברי-

Christi in cordibus vestris non refrigescat. Amor matris hujus circa vos non torpescat. Hanc toto corde amate. S. Aug. tom. 6. Serm. de cultura agri Dom. Accede ad Eucharistiam, ut scintillam hujus Divini ignis extrahas inde, quem è Dominici pectoris sinu hausit S. Joannes; & pro gratiarum actione post Missam pariter in salvatore tuo requiesce, eum instantè rogando, ut quotiescunque per S. communionem ad te venire dignatus fuerit, amorem illum in corde tuo augere dignetur, quem erga ipsum & Ecclesiam suam te habere oportet, dicendo cum S. Augustino, Conf. l. 13. c. 18. da mihi te Deus meus; redde te mihi, te enim amo; & si parum est, amem validius.

PRO FESTO SS. INNOCENTII.

Tunc Herodes videns, quia illusus esset à Magis, iratus est valde, & mittens occidit omnes pueros, qui erant in Bethleem, & in omnibus finibus ejus, à bimatu, & infra, secundum tempus, quod exquisierat à Magis. Matth. 2. 16.

1. Crudelitas Herodis. 2. Bonitas Dei in jugulatione SS. Innocentium.

PUNCTUM I. *Statue tibi ob oculos crudelitatem Herodis, in occisione sanctorum istorum infantum, quorum hodie festum colimus. Considera, ad quantos excessus perveniat, qui cor suum ab ambitione*
pos-

possideri permittit. Tyrannus iste videns se illudum à Magis, vanitatem consilii sui agnosce-
 scere ac comprehendere debuisset, quod nihil efficere contra sapientiam Divinam, humana prudentia valeat; *non est sapientia, non est prudentia, non est consilium contra Dominum.* Prov. 21. 30. Adeo autem ad hoc non attendit, ut potius ad crudelitatem recurreret, tantumquam solum remedium, quod ipsi superesset; totum furorem suum vertit contra innocentes, & integram aliquam provinciam, sanguine horum infantum madere fecit, sperans recenter natum regem, cujus nuntio adeo turbatus fuerat, in hac barbara executione fore involvendum. O ambitio! supplicium ambitiosum, vitium detestandum, quod mala in mundum, & in Ecclesiam insert! *ô præsumptio nequissima, unde creata es cooperire aridam malitia, & dolositate illius?* Eccles. 37. v. 3.

Vide, an non tu ipse huic vitio subjaceas? annon ardentem concupiscas, ad officia vel dignitates pervenire? an non omnem moveas lapidem, illuc ascendendi? & postquam simile quid obtinuisti, & instar vulpis intraisti in aliud quod officium, an non postea instar leonis regnas, & illud administras? cum Herode quidem querendo Jesum, sed non ut eum adores, sed ut eum occidas in animabus, quibus avaritia & ambitio tua, occasio peccati & causa ruinæ est? *fur non venit, nisi ut furetur, & mactet & perdat.* Joan. 10. 10. Ora Deum,

ut animam tuam à tam periculosa passione, curare dignetur. Et postquam crudelis Herodis ambitionem detestatus es, mirare Dei bonitatem, hanc interneccionem SS. Innocentium permittentis.

PUNCTUM II. Verum est, quod nos omnes debitores simus Divinæ bonitati, & quod non sit homo super terram, cui suum Deus non exhibeat misericordiam: *misericordia Domini plena est terra.* Psal. 32. 5. Sed fateri oportet, sanctos hos innocentes eidem specialiter obligatos esse. Beatos ac felices eos reddit, antequam experti sint unquam quidquam miseria- rum; triumphare eos fecit supra mundum, antequam ejus malitiam & corruptionem cognoverit; liberat eos per compendiosam mortem à periculo, in quo nos perpetuo, in hac vita versamur eum offendendi. En omnes salvi facti sunt! quot autem ex illis fuissent forte damnati, si diutius vixissent? *haberet eos Synagoga filios*, ait S. Petrus Chrysologus, *si hoc Ecclesia martyres non haberet.* Lauda Dei providentiam, quæ tali modo, bonum è malo trahere scit, utendo crudelitate Herodis, qui in tanto numero infantum, Jesum occidere volebat; occisi sunt ab eo, ut modo calum beatissimis impleant; quos ut primitias martyrum, & ut dignas infante Jesu victimas, honoramus, qui natus in hunc mundum eos cælo nasci fecit. *Deus est, qui natus est, innocentes illi debentur victima.* S. Aug. Serm. 219. in

Append. alias, de SS. 8 Et difce exinde, perfecutiones, & alia hujusmodi mala hujus vitæ, vera bona noſtra, & media ordinaria eſſe, quibus Deus ad purificandos & ſanctificandos electos ſuos, utitur. Bene ad hoc attende, unum ex duobus neceſſarium eſt; vel tu Jeſum una cum mundo, vel mundus te, una cum Chriſto perſequi debet; elige jam! an non magna pro te ſit conſolatio, ſcire eum, qui te ad patiendum invitat, tibi ad hoc & gratiam, & exemplum præbere? accede igitur hodie ad altare cum iſta reſolutione, te pro gloria illius immolandi ſiquidem ipſe ſe pro te immolare vult; *immola Deo ſacrificium laudis; & redde altiſſimo vota tua* Pſal 49 14.

* * * * *

PRO FEſTO S THOMÆ EPIſCOPICAN-
TUARIENſIS & MARTYRIS.
MEDITATIO.

Certamen forte dedit illi, ut vinceret. Sap. 10. 12.

1. S. Thomas animatus fuit ſpiritu fortitudinis & conſtantiæ. 2. Eundem ſpiritum quolibet Paſtores animarum habere, oportet.

PUNCTUM I. VErus ac proprius, ſancti huius Archiepiſcopi Cantuarienſis character, fuit ſpiritus iſte fortitudinis & conſtantiæ, quo veritatem & juſtitiam ſecundum Deum ſuſtinuit & defendit, quin ſe ab hoc abduci paſſus ſit, vel promiſſis, vel terreriminis hominum: Ab ingreſſu in ſuum Episcopatum continuo ante oculos mentis ſuæ, hæc vere

ba sapientis versabatur; Eccles. 7. 6. *nolē
querere fieri iudex, nisi valeas virtute irrum-
pere iniquitates; ne forte extimescas faciem
potentis, & ponas scandalum in equitate tua.*

Ah! quot amaras lacrymas profudit, postquam
adventit se à primo fervore descendendi jura
Ecclesiæ suæ, contra terribilem, & contra se
irritatum regem nonnihil descivisse? ah Do-
mine! exclamabat tunc gemebundus; agnosco
me peccasse; & peccatum, quod commisi, tan-
tum mihi timorem incutit, ut me ipsum ad hoc
condemnem, ad altare deinceps non accedendi,
cujus me indignum reddidi. Custodiæ meæ com-
trististi Ecclesiam tuam, hanc ego turpiter de-
serui, ut non mihi placerem. vit. S. Thonæ p.
40. 41. & Baronius ad an. 1164. unico verbo,
destruxi omnem fructum, pro quo colligendo,
prædecessores mei tantum laborârunt. Januam
Ecclesiæ tuæ latronibus aperui, eamque pro-
fanationibus hominum exposui. Sed iusta sen-
tentia, mi Deus. & tuo iudicio recto me in
tantum dereliquisti, quia non ex schola salva-
toris, sed ex mediâ aula extractus fui, & ele-
vatus ad gubernandam Ecclesiam tuam. Plora-
bo igitur & in silentio permanebo, quousque me
visitaveris ex alto, & animam meam mihi red-
dideris per gratiam illius, qui locum filii tui
Jesu Christi hic in terris, ut vicarius tenet.

Error, quem sanctus hic Archiepiscopus tam
amare desiebat, alius non erat, quam quædam
subreptio & præcipitancia; quam tamen tanti

pon.

ponderabat, & enormem esse putabat in Episcopo, qui obligatus est veritatem omnino integerrime defendendi, ut à S. altari eousque abstinere decreverit, quousque ab Alexandro III. Pontifice Maximo, absolveretur & ad subeundas de novo Episcopales functiones, mandatum reciperet. Quid dicitis ad hoc? vos timidi & negligentes Pastores animarum! qui tot errores hucusque ex damnabili hominibus placendi studio commisit! exemplum Illustrissimi hujus Ecclesiæ Anglicanæ Primatis, nihil vos commoveat? discite hodie, quidnam à vobis locus iste, quem in Ecclesia Dei occupatis, requirat.

PUNCTUM II. Pastores Ecclesiarum, ait quidam S. Episcopus, Dominic. Bartholom. de Mart. Stim. Pastor. c. 5. ordinarie obligationes suas. ideo negligunt, quia infirmi sunt, ac hominibus placere satagunt; & dum vident consanguineos & amicos suos conqueri; quod hac ratione indignationi magnatum hujus mundi, exponantur, tales resolutiones capiunt, & consilia audiunt, quibus nec aurem præbere deberent, ne evangelicæ veritati, quam prædicare tenentur, præjudicent, prout Apostolus Paulus loquitur; Galat. 2. 5. *quibus, nec ad horam cessimus, ut veritas evangelii permaneat apud vos.* Si obligationi vestræ satisfacere cupitis (pergit hic zelosissimus Præsul) petite à Deo, cor adeo firmum & constans, quod inviolabiliter iureat, illi, quod eum à vobis exigere

noveritis; nolite credere cuilibet, quisquis ille sit, qui contrarium vobis persuadere nititur; contemnite illorum consilia, & nihili facite sollicitationes eorum, quaecunque violentæ sint. Nihil est, quod in hac vita vel speretis, vel timeatis, si de implenda vestra obligatione agatur; nullus hominum est, quem timeatis, itaque firmi & cordati estote; simul tamen sapientes, & circumspecti, & nunquam aliud cogitate, quam ut Deo soli placeatis; quæ, ut ait Propheta, Psal. 52. 7. *Deus confringet ossa eorum, qui hominibus placent.*

Ut fructum trahas ex hac instructione hujus dignissimi Præsulis, continuo ante oculos mentis tuæ habeas hanc S. Gregorii Nazianzeni regulam, seu fundamentum; Orat: 12. *ne quidquam metuendum est, quam, ne quid magis, quam Deum metuamus.*

Pro præparatione ad Missam, roga Dominum Jesum, ut te imitorem faciat sancti hujus, quem hodie veneramus; adoro te Dominum ac Deum meum; laudo & benedico te, quod S. Thomam, tanta abundantia Spiritus tui repleveris; quod eum tanta fortitudine munieris in prælio, quod tua causa in se suscepit, & quod denique eum tam gloriose coronaveris; donâ mihi, quæso, partem aliquam zeli hujus ardentissimi, quem pro justitia & veritate ostendit. Conforta me interius virtute gratiæ tuæ in prælio, quod mihi quotidie contra inimicos salutis & sanctæ legistæ gerendum est;

Cleric: *instr. P.I.*

H

fac,

fac, ut animose testimonium præbeam veritati
quin iram hominum metuam; & ut omni tem-
pore, & in omni loco id ipsum dicere possim,
quod tam frequenter sanctus hic Archipræsul
cum tuo Apostolo dixit, 2. Cor. 13. v. 8. *non
enim possumus aliquid dicere adversus verita-
tem, sed pro veritate.*

~~~~~  
PRO DIE TRIGESIMA DECEMBRIS

Ex Epistola Dominice infra octavam Nati-  
vitatis.

*At, ubi venit plenitudo temporis, misit Deus  
filium suum, factum ex muliere, factum sub le-  
ge, ut eos, qui sub lege erant, redimeret, ut  
adoptionem filiorum reciperemus. Galat. 4. v. 4. 5.*

DE INCARNATIONE FILII DEI.

1. De malis, à quibus nos liberavit. 2. De bo-  
nis, quæ nobis procuravit.

PUNCTUM I. **M**editare frequenter hoc ma-  
gnum misericordiæ Divinæ,  
pro salute hominum objectum, hoc est, incar-  
nationem filii Dei, D. N. J. C. & ut aliquid  
de illo comprehendere valeas, quantum nos  
amaverit Deus, considera sedulo, quid antea  
fuerimus *Eramus enim aliquando, ait Apo-  
stolus, increduli, errantes, servientes desideriis,  
& voluptatibus variis, in malitia, & invidiæ  
agentes, odibiles, odientes invicem. Et aliquid  
amplius, & tales adhuc essemus, si filius Dei  
incarnatus non fuisset. Primus homo, ait S. Au-  
gustinus, peccatum suum toti posteritati sua*

communicavit; traxit hoc peccatum; post se in-  
numeros errores, & poenas, quas consecutum  
fuiſſet ſupplicium æternum, quod ſuſtinere de-  
buiſſent homines, cum deſertoribus Angelis in  
inferno. Malum hoc, eò gravius & majus fuit,  
quò erat ſine remedio, quodque in dies auge-  
batur, dum homines, de peccato in peccatum,  
cecidere, & damnationem ſuam aggravarunt.  
*Talis erat, ait S. Doctor, miſerabilis ſtatus;*  
*quò natura humana redacta erat, quando ap-*  
*paruit bonitas Dei ſalvatoris, ut nos ex eo li-*  
*beraret.* Sed ad cognoscendam gravitatem &  
magnitudinem hujus beneficii & gratiæ, majori  
attentione & conſideratione, ait S. Bernardus,  
opus foret, deberemus nos conſiderare in hoc  
mundo, tanquam in exilio, & miſeriam no-  
ſtram agnoſcere; quia quicumque illam non a-  
gno ſcit, nunquam agnoſcet conſolationem il-  
lam infinitam, quam nobis Chriſtus Jeſus per  
incarnationem ſuam attulit; interim major pars  
Chriſtianorum, nec minimam de hoc facit re-  
flexionem; toti temporalibus negotiis intenti;  
non ſentiunt miſeriam ſuam, & ita miſericor-  
diam Dei oblivifcuntur, qui eos exinde libera-  
vit: *dum miſeriam non ſentiunt, miſericordiam*  
*non attendunt* S. Bernard. in Epih: Dom Serm.  
1. Veſtrum igitur eſto, ô miniſtri Domini! eos  
quoad hoc dirigere, prædicando iſtis ſervitu-  
tem peccati & neceſſitatem ſalvatoris, qui eos  
exinde liberavit. *Hæc loquere, & exhortare.*  
Tit. 2. 15. Exponite populo in ſermonibus &

exhortationibus vestris publicis, & privatis, gravissima illa mala, à quibus per incarnationem liberati sumus; & deinde bona illa, quæ nobis procuravit.

PUNCTUM II. Bona hæc sunt infinita; & ita videmus, quod ipsa sacra scriptura, non inveniat terminos satis expressivos illorum: sic enim dilexit Deus mundum, exclamat S. Joannes c. 3. 16. *ut filium suum unigenitum daret. Nos eramus*, ait S. Paulus, Ephes: 2. 4. *natura filii iræ, sed Deus, qui dives est, in misericordia, & propter nimiam charitatem suam, qua dilexit nos, cum essemus mortui peccatis, convulsavit nos in Christo, cujus gratia salvati estis.* Et in Epistola hujus diei; is ipse Apostolus docet nos, cum tempus hoc advenit, quo misericordia hæc magna super terram apparere debuit, in tota sua plenitudine, Deum misisse filium suum, qui nos à servitute peccati liberavit, & transfudit in libertatem filiorum Dei. O quanta gratia! transferte mancipia & peccatores, quales nos eramus, in filiationem Divinam per gratiam adoptionis, ac donare nobis Spiritum suum, & jus appellandi Deum; Patrem nostrum; dividendi nobiscum hereditatem suam, dignos nos reddendo, ut essemus in suis coheredes. Hæc sunt beneficia; quæ condigne demirari non possumus, quibus quæ recolendis continuo occupati esse debemus.

O Jesu! qui nostri nunquam oblivisceris;  
qui

qui nos adeo dilexisti, ut te ipsum pro nobis dederis, fac quaeso, ut magnitudinem beneficii hujus constanter recolamus, & ad hoc incessanter intenti simus, ut gratitudinem nostram, eamque infinitam, si quidem possibilis nobis foret, exhibeamus, *o terra tanto rigata sanguine, responde tanto sanguini!* S. August: tom. 6. Serm. de cult. agri Domin: n. 5. Si hodie ad altare accedis, fiat hoc, ut Divino liberatori tuo gratias agas, qui non contentus unitum fuisse naturæ nostræ, se certo quodam modo nostris corporibus & animabus, per Eucharistiam unit, & nos simili privilegio beat, quo sanctissima ejus mater gaudebat; quæ causa est, quo SS. PP. mysterium hoc adorandum, *extensionem incarnationis* appellarint; quodque nobis demonstrat, quanta puritate ad illam accedere debeamus, quia si de purissima ex omnibus virginibus, dicitur, *tu ad liberandum suscepturus hominem, non horruisti virginis uterum*, quid de nobis erit? plane causam haberemus non accedendi, nisi ipse salvator securos nos reddidisset, se non propter sanctos, sed propter peccatores venisse, *non enim veni vocare justos, sed peccatores.* Matth. 9 v. 13.

\* \* \* \* \*

PRO DIE TRIGESIMA PRIMA DECEMBRIS.

*Ecce positus est hic in ruinam, & in resurrectionem multorum in Israël, & in signum. cui contradicetur.* Luc. 2. 34. DE



# DE CONTRADICTIONIBUS QUAS PASSUS EST JESUS CHRISTUS.

1. Ipse erat signum contradictionis. 2. Veri discipuli ejus similiter talia signa esse debent, quibus homines contradicant.

**PUNCTUM I.** Venerabilis Simeon, prædicando Beatissime Virgini filium suum multis fore in ruinam & resurrectionem, docet nos adventum Jesu Christi haud esse rem quamdam indifferentem, quæque possit permanere respectu hominum sine quodam effectu. Oportet nimirum, ut nos, vel salvet, vel condemnet; sublevet vel deprimat; est enim sol, qui oritur, ut illuminet omnem hominem venientem in hunc mundum; qui oculos sanos habent, gaudent de lumine ipsius; qui vero male affectos habent oculos, dolorem exinde sentient, & resistent lumini.

Neque solum dixit Simeon Jesum Christum, futurum in ruinam & resurrectionem multorum; adjecit, fore etiam signum, cui ab hominibus contradiceretur, & sane habebat causam hoc dicendi, quia hic erat cruciatus ex omnibus, quos passus est, salvator, maxime diuturnus & universalissimus; reliqua tormenta finem habere cum morte illius; sed hæc contradictio hominum semper adhuc perseverat, & continuabitur usque ad finem sæculorum, est enim pars & hæreditas, quam reliquit Ecclesie sue, & quidem pars principalior passionum, quam adimplere debeat: *adimpleo ea, qua desunt passionum*

*Nonum Christi.* Coloss. 1. 24. ait Apostolus. Facile est clericis, si vel parem luminis, vel experientia habeant, videre, quod totus in eo sit mundus, ut Christo Jesu contradicat; veritates Evangelii corrumpat, vel infirmet, dum alii se opponunt per perversam doctrinam; alii per corruptam vitæ rationem, imo vel ipsi etiam iusti quandoque se ab illo elongant; quod in causa est, quare suspirando sic exclament: *Pecavi; quid faciam tibi, o custos hominum? quare posuisti me contrarium tibi, & factus sum mihi metipsum gravis.* Job. 7. 20. Et tu quoque coram Deo ingemisce, dum vides à tam multis Christo contradici, & in 2do puncto discas, quod veri ipsius discipuli, hoc ipsum experiri debeant.

**PUNCTUM II.** Ipsemet Salvator hujus rei nos admonet, & eritis odio omnibus propter nomen meum. Luc. 21. 17. En inauditam prophetiam! odio haberi ab hominibus, quando quis illis bene facit, & quidem summum illis confert bonum ex omnibus bonis, id est, procurando illorum æternam salutem! odio haberi propter Christum, qui mortuus fuit, ut iis mereretur vitam æternam. res est prorsus stupenda; id ipsum tamen est, quod fere quotidie veris discipulis salvatoris contingit. Si christianus vivere vult secundum regulas Evangelii, contradicitur ipsi, non solum ab infidelibus; sed insuper à talibus, qui eandem cum illo professentur religionem; si quis clericorum exacte sequi-

sequitur ordinationes & statuta Episcopi sui  
& obligationibus sui status satisfacere conatur,  
contradictent ipsi quandoque, vel ipsi sui con-  
fratres; si Parochus parochianos suos ducere  
vult per arctam viam, & à via spatiosa eos  
dehortatur, quæ ad perditionem ducit, tali se  
exponit temptati, quæ forte per totam i-  
psius vitam duratura sit; si abusus in parochia  
sua regnantes abolere conetur, murrant alij,  
& consurgunt contra illum; quare hoc? quærit  
Augustinus, 1. 10. conf. c. 73. ideo, quia homi-  
nes *amant veritatem lucentem, oderunt eam  
redarguentem.*

Si verus es Christi Domini minister, aliud  
non exspecta, quam, ut ad instar illius tra-  
cteris; roga ipsum pro hac gratia, ut te homi-  
num contradictionem, nihili facere doceat; of-  
fer ad hanc intentionem hodie sacrificium Mis-  
sæ, & pro gratiarum actione, stude dignum  
te reddere approbatione Dei in exequendo mi-  
nisterio tuo: *solicite cura teipsum probabilem  
exhibere Deo. operarium inconfusibilem, recte  
tractantem verbum veritatis. 2. Tim. 2. 15.*



PRO FESTO CIRCUMCISIONIS EX  
EPISTOLA.

*Apparuit gratia Dei salvatoris nostri om-  
nibus hominibus, erudiens nos. Tit. 2. 11.*

CIRCUMCISIO EST MYSTERIUM.

1. Humiliationis, pro Jesu Christo. 2. Et in-  
structionis, pro nobis. PUN.

PUNCTUM I. Circumcisio erat signum eternum, quod Deus olim

Abrahamo dedit ad distinctionem Hebræorum, id est, populi Deo dilecti, ab aliis nationibus terræ, & quo ad hoc nil nisi gloriosum habebat, sed simul etiam sacramentum esse voluit, per quod, juxta opinionem plurium SS. Doctorum, S. Th. 3. p. q. 70. a. 1 & 4. peccatum originale deiebatur; & quantum ad hanc institutionem, erat quid summæ humiliationis, siquidem erat character peccatoris; hinc S. Bernardus, ut exprimeret humiliationem Christi Domini quo ad hoc mysterium, vocat vulnus istud, *cauterium latronis*, cicatrix nimirum erat vulneris parum gloriosi; medela & remedium morbi extreme turpis, denique tale quid erat, quod *salvandi potius, quam salvatoris esse videtur*. S. Bern. in circunc. serm. 1. Et quasi non suffecisset tanta humiliatio, adjecit insuper salvator dolorem acerbissimum, & extreme sensibilem, quia nihil dicendo de teneritudine & perfectissima compositione temperamenti hujus sanctissimi corpusculi, ob quam vivacissime & intime quemlibet dolorem sentiebat, anima illius sanctissima pro tunc, non erat minus capax quid patiendi, ac in cruce fuit, dum aliorum infantum animæ, pro hoc tempore & ætate, quasi incapaces sunt quidquam patiendi, sicut & agendi, utpote totæ quasi demersæ ac sepultæ in sensibus. Gratias age Redemptori tuo, qui hodie incepit gustare  
cali-



calicem illum amarissimum, quem suo tempore usque ad fæces bibiturus erat; adora primicias sanguinis hujus sanctissimi, quem pro te effundit, quique securissimum pignus est abundantissimæ illius effusionis, quæ postea secutura erat, & in 2do puncto considera mysterium istud, magnam pro te instructionem continere in se; *erudiens nos.*

PUNCTUM II. Christus Jesus sub cultro existens, hocque signum peccatoris in carne sua recipiens, docet nos 1. quod, cum nos ipsi simus, qui peccavimus, portare debeamus ignominiam in anima nostra, & pœnam in corpore nostro, quia ista duo debentur peccato juxta *S. Paulum tribulatio & angustia in omnem animam hominis operantis malum.* 2. docet nos, quod nos omni jure ea subire teneamur, quæ sunt obligationis nostræ, siquidem ille se submisit cæremoniæ huic adeo dolorosæ & cruentæ, absque ulla obligatione. 3. docet nos aliorum defectus cum gaudio supportare; & si accidat, ut nos de eo accusemur, quod alius fecit, nos ipsos non defendamus, sed gaudeamus de nostra humiliatione, & quod quid pati possimus ob aliorum defectus & commissos errores, siquidem pro propriis tam raro mortificamur; & aliunde scimus, quod Jesus Christus solus sit, qui dicere potuit, *quæ non rapui, tunc exsoluebam.* Ps. 68. 5. Denique Christus Dominus incipiendo hodie officium Redemptoris, obligat nos ad nosmetipsos ipsi consecrandos, in principia

pio anni hujus ad adorandum illum, ut principium & finem vitæ nostræ; & ad consignandum nos in manus illius, pro tempore & æternitate, dicendo cum Propheta Regio, Ps. 30. 16. *Deus meus es tu; in manibus tuis sortes meæ.*

O Jesu, per sanguinem tuum pretiosum, quem hac die circumcisionis tuæ sudisti, purifica cor meum à præteritis; & sanctifica animum hunc, quem modo incipio; fac, ut per veram pœnitentiam reparem annos male transactos, ac mundo & dæmoni impensos & dedicatos.

Accedens ad altare, hanc ipsam à Deo pete gratiam, tuasque functiones, novo zelo & fervore repara, & ita incipe, ac si iste ultimus foret annus, quo Deo servire deberes: *Et dixit, nunc capi; hac mutatio dextera excelsi.* Ps. 76. 11.

~~~~~

SECUNDA JANUARIi

Abnegantes impietatem, & sæcularia desideria. Tit. 2. 12.

Ecclesiastici renuntiare debent 1. impietati & sæcularibus desideriis. 2. Ac temporalibus negotiis.

PUNCTUM I. Venit Christus destruere idolatriam, & stabilire verum Dei cultum, qui in sola Judæa notus erat, in toto mundo, supra ruinam templorum falsorum deorum; in nativitate ipsius cessarunt oracula, & coacti dæmones fateri se à superiori qua-

quadam virtute ligatos & in abyssum projec-
 tos; antequam quartum sæculum finem habuit,
 videre erat, quomodo ad invidiam usque, pro-
 phana altaria destructa fuerint, ut Deo viventi
 de cætero consecrarentur. Sed eheu! quamvis
 plura, quam tredicim sæcula abhinc effuxe-
 rint, & continuo interim prædicatum fuerit ev-
 vangeliū, novosque in dies progressus fecerit,
 nihilominus plures etiamnum videre est, idolo-
 latras in Ecclesia; & quod magis deplorandum;
 vel in ipso etiam sanctuario Quid refert, quod
 statua aliqua ex lapide vel metallo, non am-
 plius agnoscatur pro Deitate? quod eidem nec
 vota, nec incensum offerantur, quod genua co-
 ram talibus non flectantur, si pecunia adores-
 tur, & homines ventrem suum pro Deo adorent?
 S. Paulus docuit nos Christum Jesum, per ad-
 ventum suum voluisse, ut omnem impietatem à
 nobis elongaremus; *impietas est*, si Jupiter ado-
 retur, detestabilior autem, si vel ipsi christiani
 eo se adduci permittant; sed dantur adhuc aliæ
 & plures, in quas nimis quam frequenter in-
 currimus; *non uno modo sacrificatur transgres-
 soribus Angelis*, ait S. Augustinus, l. 1. conf.
 c. 17. *Impietas est*, si quis sibi ipsi, lex & re-
 gula vivendi esse velit? siquidem magistrum &
 dominum habemus in cælo; *impietas est*, con-
 temnere minas Dei, neque moveri promissis io-
 pfius; *impietas est*, credere, posse aliquem pro-
 priis viribus acquirere virtutem; *impietas est*,
 si nos ipsos ob bonum successum; quem Deus
 labo-

laboribus nostris spiritualibus concedit, extollamus, & nobis ipsis exinde complacemus, cum Deum potius auctorem talium agnoscere deberemus. Has omnes impietates fugere, & abhorreere oportet, si non velimus, eadem condemnatione cum idololatriis comprehendere; Sanctus Paulus idololatriæ conjungit, *secularia desideria*, & nos erudit, utraq; æqualiter fugere, id est, detestari mundum, pompas, stultitias, & vanitates illius adeo odisse & abominari, ac superstitiones paganorum averfari solemus.

Examina te ipsum modo, utrum huic ammori hujus mundi, quæ est inimicitia contra Deum, ut ait S. Jacobus, renuntiaveris? promissisti hoc in baptismo; & adhuc solemnitus in susceptione sacerdotii; servastine promissum tuum? roga Deum, ut cor tuum immutet, & tale efficiat, quale fuit S. Ignatii, quando ad Romanos scripsit, quod nil magis, in toto mundo desideret, ac, ut quamprimum ad Christum perveniat, *nunc incipio Christi esse discipulus, nihil de his, quæ videntur, desiderans, ut Jesum Christum inveniam*, & in puncto 2do.

PUNCTUM II. Considera quod clericus, non solum impietati & secularibus desideriis renuntiare debeat, sed etiam *negotiis temporalibus*; hoc est documentum, quod S. Paulus Timotheo, 2. Ep. 2. 4. & in persona illius, omnibus clericis dat; *nemo militans Deo, implicat se negotiis secularibus*. Bene pondera ista verba, vult dicere, quemadmodum miles, curam

familiæ

familix & negotiorum domesticorum à se abdicat, & nonnisi ad id intentus est, ut satisfaciatur illi, cui nomen suum dedit, ita etiam clericus renuntiare debet negotiis temporalibus: neque aliter se occupare, quam ad procurandam animarum salutem, quæ cura & sollicitudo unicuique medium est, illi placendi, à quo vocatus est ad officium adeo honorificum, *ut ei placeat, cui se probavit.* Ah! quam pauci sunt, qui taliter serviunt ecclesiæ! quam multos videre est, qui aliis omnibus potius intenti sunt, quam huic obligationi suæ, quorum cura omnis in eo versatur, ut se negotiis secularibus immisceant, processus forment, æconomos agant, & vix non publicani sint! quod videre est, qui mercaturam frumenti, vini, equorum &c. exercent? qui functiones ministerii sui negligunt? Bone Deus! qualis hæc mutatio status! an non similibus defectibus implicatus es? si ita? age poenitentiam; & in posterum pro regula tene id, quod olim doctissimus Petrus Blesensis ad quemdam Episcopum Anglicanum scripsit, tract. de inst. Episc. *Vacuum à secularibus oportet esse animum, Divina servitutis obsequio consecratum; magnis additus es, noli minimis occupari, minima sunt & vilia, quæcunque ad sæculi quæstum, & non ad lucra pertinent animarum.*

Reflecte te parumper, antequam ad altare accedas, quod valde difficile sit, prout S. Bernardus adnotavit, ut quis pietatem una cum
ejus-

eiusmodi negotiis secularibus conservet: *perit
ditatur pietas in negotiis*, ibid. de conv. ad
cler. c. 38. Sacerdos, qui spiritum suum di-
stratum & occupatum habet, rebus ac nego-
tiis secularibus, haud aptus est, ut enim cum
fructu sumat, qui vendentes & ementes è tem-
plo eiecit, quique hodie dum adhuc dicit nobis:
nolite facere domum Patris mei, domum nego-
tiationis, Joan. 2. 16.

TERTIA JANUARIi

*Sobrie & iuste, & pie vivamus in hoc saeculo,
expectantes beatam spem, & adventum gloriae
magni Dei, & salvatoris nostri, Jesu Christi.*
Tit. 2. 12. 13.

1. Vivere oportet in hoc mundo temperanter,
iuste, & pie. 2. Motiva ad ita vivendum.

PUNCTUM I. CURsus vitæ hujus, brevis
est, sed ab eo dependet æ-
ternitas; nil ergo magis nostrum interest, quam
ut sciamus, quomodo in hoc saeculo vivere de-
beamus; quod ipsum est, quod Apostolus nos,
istis verbis, docet: *sobrie, iuste, & pie viva-*
mus in hoc saeculo. Verba ista omnes nostras
obligationes in se continent, ait S. Bernardus;
de divers. serm. 54. *Temperantia* in se inclu-
dit, quidquid nos attinet; *iustitia*, quod pro-
ximum; *pietas*, Deum concernit. *Temperantia*
in eo consistit, ut excessus nostros modetemur,
tam quo ad voluptates, quam quo ad astrictas

tem: quò ad voluptates, nos intra limites necessitatis continendo; quo ad curiositatem, mortificando nos in omnibus. *Iustitia*, quam proximo debemus, consistit in eo, ut nullam ei injuriam inferamus, neque quo ad personam, neque quo ad illius reputationem, nec in aliis, quæ ipsius sunt; sed potius, ut illi omne, quod possumus, bonum præstemus, & id omne faciamus, quod ei debetur, ut alibi dicit Apostolus, *reddite omnibus debita; cui tributum, tributum, cui vestigal; vestigal, cui timorem, timorem; cui honorem, honorem; Rom. 13. 7.* Denique pietas quæ Deum concernit, exigit, ut quis de seipso nec minimum præsumat, sed omnem & solam fiduciam in eo ponamus, certo persuasi, nos per ipsum omnia obstacula, quæ nobis obesse possent, vincere posse. En debita, à quibus nemo se eximere, aut dispensare valet, quicunque ille sit, dives vel pauper, pusilli & magni; oportet omnes homines hanc viam tenere, ut ad cælum perveniant, quia alia haud superest; sed quam pauci christianorum, imo & clericorum, has ad salutem tam necessarias & essentielles dispositiones, habent! vide, ut tu deinceps illas habeas; & in puncto 2do considera motiva illa, quæ te ad hoc movere debent.

PUNCTUM II. Hæc ante oculos nobis ponit S. Paulus, dum dicit: *expectantes beatam spem & adventum gloriæ magni Dei, & salvatoris nostri Jesu Christi.* Omnes voluptates & deliciz, quas sectatoribus suis proponit mundus,

aus, non sunt capaces, ut nos seducant, si fir-
mam hanc spem futurorum æternorum bono-
rum continuo vivam haberemus; expectatio
hæc beatitudinis hujus ineffabilis, extingveret
in cordibus nostris, omne vanum gaudium, quod
nos corrumpit; horrorem & contemptum talium
conciperemus, & in loco exilii nostri vivere-
mus *temperanter, justè, & pie*, si pluris pa-
triam nostram diligeremus; quia Jesus Christus
nominat seipsum in S. Scriptura, *Patrem futuræ
sæculi*, II. 9. 6. Quæso, ne attendamus, vel
expectemus ea, quæ nobis non sunt promissa,
volo dicere, delicias, commoditates, & conso-
lationem hujus vitæ, sed quietem futuræ; &
felicitatem illam, quæ nunquam habitura est fi-
nem; non dixit, ut expectemus pingves hære-
ditates, beneficia, promotiones honorificas, sed
unicæ, beatitudinem, & gloriam illam cælestem.
Intenti igitur sumus in hoc mundo, ut calicem i-
psius bibamus, & participes passionum ipsius
efficiamur; unctio gratiæ ipsius, jam sciet da-
re temperamentum, & amorem illius dulcora-
re; minime autem præsumamus, ut ab uno pa-
radiso ad alium, à deliciis terrenis ad cælestes
transeamus. Hi, qui volunt hic ducere vitam
mollem & voluptuosam, audient dein suo tem-
pore illud; quod diviti illi infelici dictum fuit;
fili recordare, quia recepisti bona in vita tua;
Luc. 16. 25. Crux pars est, & hæreditas eo-
rum, qui sunt Jesu Christi; felicitas eorum
solummodo in hac spe consistit: hoc est, quod
Cleric. instr. P.I. I fre

frequentius fidelibus prædicare debetis; *hac lo-
quere, & exhortare.* Sed ut hoc cum fructu
facere possitis, ipsi prius de hoc persuasi esse
debeat; quia ut S. Augustinus ait, Homil. 1.
de undecim. in append. *parum est verbum, nisi
addatur exemplum.* Pro Missa; roga Christum,
ut in sanctissima Eucharistia, dux & socius pe-
regrinationis tuæ esse dignetur, ut sequi valeas
exemplum, & sanctitatem vitæ ipsius, quo vi-
vendo in hoc mundo, ut ipse vixit, *iuste, tem-
peranter, & pie,* dignus efficiaris eidem uniri
æternum in glorioso adventu ipsius. *Domine,
deduc me in iustitia tua, propter inimicos meos
dirige in conspectu tuo viam meam,* Ps. 5. 9.

* * * * *

QUARTA JANUARI

*Postquam consummati sunt dies octo, ut cir-
cumcideretur puer.* Luc. 2. 21.

DE CIRCUMCISIONE SPIRITUALI.

1 In quo consistat 2. Media illam exequendi
PUNCTUM I. *SI* Jesus Christus, huic se ex-
remoniæ subiecit, ideo prin-
cipaliter hoc fecit, ut finem imponeret carnali
circumcisioni Hebræorum, & circumcisionem
spiritualem christianorum introduceret, dum
nobiscum dispensavit in lege circumcisionis,
obligavit nos eo arctius ad circumcisionem cor-
dis, quæ est veritas, quam illa præfigurabat;
sunt igitur christiani; populus quidam circum-
cisus: *circumcisi estis, circumcisione non manu-
facta, in expolatione corporis carnis, sed in cir-*

Circumcisione Christi. Colois. 2. 11. Christus non est salvator, nisi animarum circumcisorum, & qui inter Christianos, hanc circumcisionem cordis non habet, delebitur de medio populi sui.

Sed in quo nam consistit hæc circumcisio adeo necessaria? consistit, in abscissione, seu reiectione continua omnis illius, quod generatione carnali ex Adam in nos corruptionis pervenit; & quod ipsi per voluntatem nostram propriam adjecimus, hoc est, oportet circumcidere cor nostrum, quo ad omnia perversa desideria; inclinationes corruptas, aversiones injustas; peccaminosas intentiones, desideria inhonesta, superbas elationes, avaritiam insatiabilem, ambitionem inordinatam, vanas inquietudines, superbas indignationes, spes frivolas, apprehensiones supervacaneas, sensualitates turpes; uno verbo, eradicare oportet amorem proprium. Felix ille christianus, felix ille clericus; qui hanc circumcisionem cordis recepit; talis verus est Israelita, verus christianus, verus clericus, qui laudem suam, non ab hominibus, sed ex Deo habet. *Circumciso cordis in spiritu, non litera, cujus laus non ex hominibus, sed ex Deo est,* Rom. 2. 29. Ecce! qualis debeat tua esse circumcisio; an de hac unquam cogitasti? & in puncto 2do.

PUNCTUM II. Disce; quænam sint media, illam exequendi; nunquam te ad hoc adduci permittas, quod legi divinæ contrarium est: *vos enim sumus circumciso, qui spiritu serviamus*

ius Deo, ait Apostolus, Philipp. 3. 3. hoc est; quod debeamus mortificare passiones nostras; rescindere voluptates sensuales, à quibus illæ nutriuntur; quod si non fiat, nunquam verum characterem filiorum Dei in nobis habebimus. *Si enim secundum carnem vixeritis, moriemini; si autem spiritu facta carnis mortificaveritis, vivetis*, Rom. 8. 13. Oportet mortificare propriam nostram voluntatem, proprium intellectum; proprium iudicium, consulere fidem & rationem in omnibus, quæ facimus, & non sequi proprium humorem, propriam phantasiam, proprias imaginationes; oportet mortificare sensus nostros, qui totidem portæ sunt, per quas peccatum intrat in animam nostram; uno verbo, debet christianus, maxime autem clericus, quo ad omnia esse circumcissus; *circumcisi per omnia*, ut Tertullianus loquitur. Habuistine curam hanc, ita te circumcidendi? vide, in quo hucusque defeceris, & cura illud corrigere; *circumcidimini Domino, & auferte præputia cordium vestrorum*, Jerem. 4. 4. Quia autem ex tempore nihil potes, roga eum, quem hodie in S. Communione sumpturus es, ut hanc mysticam in te circumcisionem, operari dignetur.

Veni Domine Jesu! veni, & vive in me, regna, & dominare super omnes meas passiones, qui non minus tui, quam mei sunt hostes, & inimici: *dominare in medio inimicorum tuorum*, Psal. 109. Adjuva me in hoc conflictu; dona
mihi

mihî vires & fortitudinem, ita me ipsum circumcidendi, & abjiciendi à me, quidquid veterem Adamum redolet; & fac per gratiam tuam, ut non deficiam, quousque hostes istos salutis meæ debellavero: *persequar inimicos meos, & comprehendam illos; & non convertar, donec deficiant*, Psal. 17. 38.

* * * * *

QUINTA JANUARIÏ

Vocatum est nomen ejus Jesus; quod vocatum est ab Angelo, priusquam in utero conciperetur. Luc. 2. 21.

DE SANCTISSIMO NOMINE JESU.

1. Mirabiles effectus illius. 2. Modus, & ratio illud pronuntiandi.

Potest hæc meditatio etiam servire, pro festo SS. Nominis Jesu, quod celebratur Dominica 2da post Epiphaniam.

PUNCTUM I. **A**doremus Patrem æternum, qui Christo Jesu filio suo, tam speciosum nomen dedit; *donavit illi nomen, quod est super omne nomen.* Philip. 2. 9. Nomen, per quod humilitas nativitatis, & exinanitio circumcisionis emendatur, submittendo illi omnia; Angelos, homines, & dæmones; cælum & terram, & infernum: *ut in nomine Jesu omne genu flectatur, caelestium, terrestrium, & infernorum*, ibid. Uniamus adorationes nostras, cum hoc homagio generali, quod ipsi universæ naturæ præstant; & consideremus deinde

deinde mirabiles effectus sanctissimi Nominis
 istius, quos in animabus producit: *lux, cibus,*
& medicina est, ait S. Bernardus, in cant. serm.
 15. *lucet prædicatum, pascit recogitatum, in-
 catum lenit & ungit. Unde putas*, ait hic S.
 Abbas, *in toto orbe, tanta & tam subita fidei
 lux, nisi de prædicato nomine, Jesu? nonne in
 hujus nominis luce, Deus nos vocavit, in ad-
 mirabile lumen suum, quibus illuminatis, dicat
 merito Paulus; fuistis aliquando tenebrae, nunc
 autem lux in Domino*, qui tanquam vas electio-
 nis ad hoc à Deo selectus fuit, qui hoc admi-
 rabile nomen coram regibus & gentibus por-
 taret; nonne scimus omnes, ex Apostolorum
 Principe, quod in nullo alio sit salus, nisi in
 Christo Jesu; nec enim aliud nomen est sub cae-
 lo datum hominibus, in quo oporteat nos salvos
 fieri. Act. 4. 12. *Nec tantum lux est nomen
 Jesu, sed est & cibus*, pergit S. Bernardus; *an
 non toties confortaris, quoties recordaris? quid
 ita exercitatos reparat sensus, virtutes robo-
 rat, vegetat bonos mores, atque honestos, ca-
 stus fovet affectiones? aridus est omnis anima
 cibis, si non oleo isto infunditur; si scribas,
 non sapit mihi, nisi legero ibi Jesum; si dispu-
 tes, aut conseras, non sapit mihi, nisi sonuerit
 ibi Jesus; Jesus mel in ore, in aure melos, in corde
 jubilus. Sed est & medicina; in virtute nam-
 que hujus remedii Apostoli daemonia ejicie-
 bant: in nomine meo demonia ejicient, Marc.
 16. 17. ægrotos sanabant; cæcos illuminabant;*
 mor-

trortuos solentabant; & infinita alia miracula
patiabant; quæ in Actibus Apostolorum legere
est, Act. 3. 6. Si autem remedium hoc adeo
efficax est in curandis corporibus, multo ma-
gis valet, ad curandas spirituales animæ infir-
mitates: *tristatur aliquis nostrum? veniat in*
cor ejus Jesus, & inde saliet in os; & ecce, ad
exortum nominis lumen, nubilum omne diffu-
git, redit serenum; labitur quis in crimen?
currit insuper ad laqueum mortis desperando?
nonne, si invocet nomen vitæ, confessim respi-
rabit ad vitam, Bernard. ibid. Si autem effe-
ctus hujus Sanctissimi Nominis in nobis sentire,
& experiri cupimus, discamus nunc in 2do pun-
cto, quomodo illud pronuntiari, & invocari
debeat?

PUNCTUM II. Pronuntiari itaque debet 1.
cum reverentia; est nomen salutis & sanctitatis,
vel ipsis etiam dæmonibus pertimescendum;
sanctum & terribile nomen ejus. Ps. 110. non
debemus illud unquam immiscere sermonibus
profanis, sed semper pronuntiare cum fide,
re igatione, & pietate; & ut hoc fiat, gratia S.
Spiritus indigemus: nemo potest dicere, Domi-
nus Jesus, nisi in Spiritu sancto, 1. Cor. 12. 2.
ex corde, quod Christi amore plenum sit, non
sufficit pronuntiare tantum nomen Jesu ore,
& labiis, nisi simul & cor nostrum idem sen-
tiat, laudabiliter sit, si sæpius ore pronuntiatur,
oportet tamen semper in idem etiam cor, spi-
ritum, & intentionem nostram consentire, ne-

mo autem sic dicit, nisi qui diligit, ait S. Augustinus, tract. 74. in Joan. ita pronuntiavit illud S. Paulus, quod toties in Epistolis ejus expressum invenimus, quique tantum laboravit, ut illud notum faceret hominibus: continuo in ore suo illud versabat, quia amabat Christum, sermo, & locutio illius effusio quædam cordis erat, quod saporem sanctissimi Nominis hujus sciebat, qui cum sponsa in canticis diceret poterat: oleum effusum nomen tuum. Cant. 1. 2. an ne & ipse taliter illum amas? 3. pronuntiare oportet hoc sanctissimum nomen, ex & cum desiderio sincero imitandi virtutes Jesu; quando Jesum nomino, ait S. Bernardus imaginor mihi hominem mitem, & humilem corde, bonum, sobrium, castum, misericordem denique ornatum omnibus virtutibus; pariter mihi represento Deum quemdam omnipotentem, qui sanat infirmitates meas, & per gratiam suam me sustentat; omnia mihi in mentem veniunt, quando Jesum nominari audio; imaginor mihi hominem sanctissimum, & exinde exemplum sumo, imitandi illum in virtutibus; item talem, tamque potentem, cujus solius auxilio salvari possum; sumo itaque mihi exemplar de homine, & auxilium à potente. Experirisne similem cum S. Paulo devotionem? ah! quam frequenter hucusque nominasti Jesum, & forte nunquam adhuc cogitasti de imitandis ipsius virtutibus; time hanc terribilem Evangelicam sententiam: non omnis, qui dicit mihi, Domine, Domine, intra-

intrabit in regnum calorum, sed qui facit voluntatem Patris mei, qui in calis est, ipse intrabit in regnum calorum. Matth. 7. 21.

Pro præparatione ad Missam, excita in te ipso similes affectus reverentiæ, amoris & zeli, quales sancti pro nomine Jesu habuere. Roga Deum, ut sanctissimum nomen ejus, quod toties in Missa repetis, tibi vere sit nomen salutis: *Deus in nomine tuo salvum me fac, Ps. 53.* Utere ô Jesu! omni illo jure in cor meum, & suprema potestate tua, quam habes ad me salvandum: *exurge Domine, adjuva nos, & redime nos, propter nomen tuum, Ps. 43. 26.*

PRO FESTO EPIPHANIÆ DOMINI

Surge, illuminare Jerusalem; quia venit lumen tuum, & gloria Domini super te orta est. Is. 60. 1.

1. Felicitas, quæ hac die Ecclesiæ obtigit.
2. Pars, quam exinde nos sumere debemus.

PUNCTUM 1. **L**Egi non potest Epistola hujus diei, quin aliquis quasi extra seipsum rapiatur præ admiratione divinarum expressionum, quibus Propheta utitur, ad describendam formationem & foundationem Ecclesiæ, docet ecclesiam non esse opus hominum, sed Dei; & quidem grande: *gloria Domini.* Deus, ut mundum conderet, aliud non fecit, quam dicendo unum verbum, sed ut formaret & stabiliret ecclesiam suam, factus est homo

homo, iudicemus modo, & deſumamus magnitudinem operis ex qualitate auctoris, & magnitudine actionis, Eccleſia ſponſa eſt Dei, qui homo factus eſt, ut eam ſibi ſponſam haberet, per gratiam ſuam, eam redemit; per lumen ſuum, eam illuſtravit, per amorem ſuum, eam ſibi univit; *dat tibi, quo redametur amans*, S. Proſp. de ing. Prius erat deformis, tenebris cooperta, & nocte infidelitatis ut totus mundus, ſepulta; ecce *tenebra operient terram, & caligo populos, ſuper te autem orietur Dominus, & gloria eius in te videbitur*. Pl 75. Quod Propheta adjunxit, ambulatoras gentes in lumine ipſius, & reges in ſplendore ortus ſui, indicat nobis vocationem gentium; olim verus Deus nonniſi in Judæa notus erat, *notus in Judæa Deus*, ſed hodie Magi, qui ſunt primitiæ gentium, ſuperne inſtructi, veniunt ad adorandum eum; & prima veſtigia deſignant, ac initium faciunt converſionis noſtræ, quia memores eſſe debemus, nos idem fuiſſe, quod ipſi fuiſſe; id eſt, idololatrias, ut ipſi; & etiamnum tales eſſemus, niſi miſericors Deus dignatus fuiſſet viſitare nos ex alto: *illi erant primitiæ gentium, nos populus gentium*, S. Aug. ſerm. 2. de epiph.

Gratias Deo agamus, quod nos ad Eccleſiam ſuam vocaverit, per miniſterium horum primorum Apoſtolorum Jeſu Chriſti filii ſui, dicamus ei cum propheta regio, pari affectu gaudii & gratitudinis: *O Domine, quia ego ſer-*

uus tuus, & filius ancilla tua, Psal. 115. & in 2do puncto videamus partem, quam nos in hoc mysterio habemus.

PUNCTUM II. Primum, quod facere debent clerici hac die, est, ut festum hoc, sancta quadam lætitia celebrent: *diem primitiarum nostrarum, & inchoationem vocationis gentium rationabili gaudio celebremus. Et profanum gaudium mundanum reprehendamus, qui excessibus & belluationibus hoc sanctissimo tempore vacant.* S. Leo Serm. in solem. Epiph. ubi aliud recogitare non deberent, quam ingens illud beneficium, & grätias, quas à Domino hodie acceperunt. Secundum est, ut renovemus zelum, & amorem nostrum erga S. Ecclesiam, Matrem nostram, laborando pro viribus, ut fidem illius propagemus, eique novos infantem, & filios, ad exemplum Magorum, procuremus, qui è stabulo Bethleemitico egressi; ubi publicarunt nativitatem Regis Regum, perque omnes regiones Orientis, cognitionem veri Dei & unici filii extenderunt. *Loquentes magnalia Dei.* 3tium denique, quod facere deberent clerici, est, ut inspirent populo obligationem, quam habent vivendi conformiter sanctitati baptismi sui; & ut sæpius repetant & renovent, quæ ibi promiserunt, unice adherendi Christo Jesu. Ecce! quam partem sumere nos oporteat de felicitate Ecclesiæ, quæ ei hodie obtigit.

Pro communione & Missa, id nobis faciendum

dum est, ut coram Christo Jesu instar Magorum, in genua provoluti ad pedes illius, illum adoremus, & omni possibili humilitatem sumamus; pro gratiarum actione pariter ut illi, per aliam viam revertamur, volo dicere, resoluti aliam deinceps vitam sanctiorem, & perfectiorem instituendi. Ita & nos in novitate vita, ambulemus. Rom. 6. 4.

* * * * *

SEPTIMA JANUARI.

Ecce Magi ab oriente venerant Hierosolimam, dicentes: ubi est, qui natus est Rex Judæorum. Matth. 2. 2.

1. Sollicitudo Magorum. 2. Negligentia sacerdotum in quærendo Jesu.

PUNCTUM I. QUAm primum natus est Jesus, continuo apparuit in oriente stella extraordinariæ pulchritudinis; quam, cum Magi (hoc nomine vocabantur apud Orientales ipsorum philosophi, seu sapientes) advertissent, crediderunt eam esse signum infallibile nativitatis regis Judæorum, quam quidam ex illorum prophetis, etsi idololatra Balaam, Num. 24. 17. prædixit, Deo ita permittente, fore illum supremum dominum totius mundi, dicens, prout in Scriptura S. refertur, tredecim fere sæculis, ante hanc nativatem, apparituram stellam ex Jacob, cujus lumine illustrandus esset totus mundus; id est, nasciturum ex progenie Jacob, hominem, per stel-

stellam istam præfiguratum, qui universum mundum per doctrinam suam esset illuminaturus, ac regnaturus in universa terra. Magi hoc oraculo animati, magis autem illustrati interiori lumine Spiritus S. quam splendore huius lucidissimæ stellæ, statim itineri se accinxerunt, adoraturi hunc regem recens natum. Mirare hic, quanta sollicitudine & cura, Messiam à tam longo tempore prædictum & promissum indagaverint: quomodo patriam suam, familiam & regna sua deseruerint, ut in regionem longinquam & incognitam proficiscerentur. Incommoda tam longi itineris, & pericula, quibus se ipsos, intrando in aulam Herodis, exposituri erant, nec quidquam illos absterrebat. Aliud non curant, nec attendunt hi veri Abraham filii, quam ut voci Dei obedi-
rent, & filium ejus Jesum Christum invenirent. O quam paucos quoad hoc, sui habent imitatores æque inter nos, 'ac apud Judæos! *apud Judæos Prophetæ loquuntur, ait S. Maximus, nec audiuntur; apud gentiles stella tacet, & suadet.* Apparêt stella, contra ordinarias leges naturæ; trahit ad se gentiles, & eos ad Deum perducit; omnes simul prophetæ, imo ipse Deus, & Dominus prophetarum Judæis loquitur, quin illum audiant; & adverte in 2do puncto, quod sacerdotes omnium negligentissimi, & quasi insensibiles fuerint.

PUNCTUM II. Herodes auditis Magis congregavit sacerdotes, & legis doctores, ut ex
ipsis

ipſis intelligeret, ubi Meſſias naſci deberet; reſponderunt iſti unanimiter, in Bethleem civitate, in tribu Judæ; & nemo ex illis viæ ſe dabat ad illum inveſtigandum. Quanta indifferentia; quantum frigus in his peſtoribus! indicant Herodi & Magis locum, ubi Jeſum invenire poſſent, minime tamen hanc difficultatem ſubire voluere, ut cum Magis eum adoratum irent. *Similes*, ait S. Auguſtinus, de Epiph. Dom. Serm. 1. *fabris arcæ Noë, quam aliis, ut evaderent, præſtiterunt, & ipſi diluvio perierunt; ſimiles lapidibus millitariis, viam oſtenderunt, nec ambulare potuerunt.* Tales ſunt multi clerici, qui aliis viam veritatis indicant; qui prædicant, confeſſiones audiunt, alios hortantur, & dirigunt, qui tamen nihilominus à via recta aberrant, *dicunt & non faciunt.* Matth. 23. 3. Explicant aliis legem Dei, quam ipſi violant; viam ſalutis populo digito monſtrant, à qua ipſi quotidie longe diſcedunt. *Alienati à vita Dei.* Eph. 4. 18. O Jeſu præſerva me à tali cæcitate; illumina tenebras meas; aperi oculos meos; adauge mihi fidem, & fac, ut ipſe etiam vias illas ambulem, quas aliis monſtravero.

Si hodie communicas, fiat hoc cum ſincero deſiderio quærendi Jeſum, majori cum ſedulitate, fidelitate & diligentia. Dic illi, quando ad altare accedis, majori cum devotione quam bucuſque feciſti: *utinam dirigantur viæ meæ ad cuſtodiendas juſtificationes tuas.* De 118.

*Vidimus stellam ejus in oriente, & venimus
adorare eum.* Matth. 2. 2.

1. Fidelitas Magorum in correspondendo gratiæ
2. Motiva, cur eos imitari debeamus.

PUNCTUM I. **M**irare hic promptitudinem
Magorum, & fidelitatem,
qua secuti sunt vocantem Deum; quamprimum
viderunt stellam, quæ eis, instar cælestis lin-
gæ annuntiavit hanc nativitatem, itineri se
accinxerunt, ut ei homagium suum præstarent,
eumque adorarent; *vidimus & venimus.* Intrant
metropolim Judææ, & in ipsum palatium
Herodis, ubi in præsentia totius aulæ quærunt,
ubi sit recens natus Rex Judæorum? quanta ge-
nerositas? quam intrepide hoc faciunt? non
quærunt de hac re informari, in quonam an-
gulo terræ, ubi invenirent infantem, quem stel-
la illis indicabat; sed sine hæsitazione pene-
trant in palatium regis, nihil sibi de hostibus
timentes, & vel ab ipso rege Judæorum, ab
Herode scire volunt, ubi sit Rex Judæorum?
querunt regem Judæorum, à rege Judæorum,
ait S. Augustinus. Serm. 2. de Epiph. Utuntur
hoc nomine novi Monarchæ; ut Principi in
proprio suo principatu timorem incutiant, ei-
que in faciem declarent, ipsum esse vasallum;
hujus recens nati infantis. Quid dicis ad hoc
exemplum? qui timidus & vecors, adeo times
displicere hominibus? qui trepidus in præsen-
tia magnatum, neque audes coram illis loqui;

de Jesu Christo, & de doctrina illius Evangelica? scimus equidem reges istos per gratiam interiorem fuisse confortatos, & à lumine fidei illustratos, dum foris in oculis eorum stella rutilabat, ut ait S. Leo: Serm. 4. de Epiph. *quasi stella teli, lux fidei*. Sed an ex hac parte conqueri potes? an non abundas ex omni parte, gratiis, instructionibus, ac bonis exemplis? quomodo iisdem uteris? esto impofterum gratiæ Dei fidelior, &

PUNCTUM II. Considera motiva, quæ te ad hoc obligant. 1. Est, quod gratiæ Divinæ nobis ad mensuram dentur; itaque nescimus e. g. an non illa, quam hodie accipimus, ultima sit in vita nostra, à qua nostra æterna salus, vel damnatio dependeat? non nisi certissimum est, quod tandem aliqua futura sit ultima, post quam nulla alia sequatur: *unicuique nostrum, data est gratia secundum mensuram donationis Christi*. Ephes. 4. 7. 2. Quamvis Deus ordinarie gratiam suam cuilibet det, non tamen dat eam in æquali gradu seu mensura. *Unusquisque proprium donum habet ex Deo*, ait Apostolus, *altus quidem sic, alius vero sic*. 1. Cor. 7. 7. Differunt inter se gratiæ, vel secundum differentiam officiorum, vel conditionum, in quibus nos esse voluit providentia Divina, vel secundum gradum perfectionis, ad quem nos vocat, status autem clericalis, ad quem te vocavit Deus, est tam sublimis, ut subitare non possis, plus fidelitatis à te, quam à laico

À laico requiri, siquidem perfectior illis esse debes: cui multum datum est, multum quæretur ab eo Luc. 12. 48 3. Denique, non correspondere gratiæ Divinæ, idem est, ac opponere se intentioni Divinæ circa salutem nostram; contemnere fructum passionis & mortis Jesu Christi; & exponere se instar Herodis & Judæorum, periculo æternæ damnationis. Ah Domine! quantum timere debeo, si me reflecto, supra abusum gratiarum tuarum! insuper contremisco magis, si attendo, quam in præsentia adhuc negligens sim, circa internas inspirationes tuas! quoties dixi cum Augustino, modo, modo, & hæc dilaciones nec finem, nec terminum habent. O Domine! quam juste timeo, ne me derelinquas, ut olim infelicem Babylonem! curavimus Babylonem, & non est facta, derelinquamus eam. Jerem. 51. 9. Ah proloqua bone Deus! quæso te, terminum infinitæ misericordiæ tuæ super me; fac, ut hodie adhuc incipiam, quod à tam longo tempore jam facisse debueram, nimirum, laborare pro salute animæ meæ, & tibi fideliter servire. Pete veniam infidelitatis tuæ præteritæ; & si hodie ad communionem accedis, cede omnino, tam seriæ & urgenti petitioni, quæ à te petit Jesus cor tuum; & quidem, ut intro in illi des, sicut ipse se totum, tibi dat: *præbe fili mi, cor tuum mihi, & oculi tui vias meas custodiant.* Prov. 23. 26.

NONA JANUARI

Tunc Herodes, clam vocatis Magis, diligenter didicit ab eis tempus stellæ, quæ apparuit eis, & mittens illos in Bethleem, dixit: ite, & interrogate diligenter de puero; & cum inveneritis, renuntiate mihi, ut & ego veniens adoræ eum. Matth. 2. v. 7. 8.

DE HYPOCRISI.

1. Quam commune. 2. & abominabile sit vitium.


PUNCTUM I. **Q**UIS non credidisset, (dum ita loquentem audit Herodem) eum revera intentionem habuisse sequendi Magos, unaque cum ipsis adoraturum infantem Jesum. *O calliditas* (exclamat hic unus ex SS. PP. S. Fulgent. Serm. 5. de Epiph.) *foeda! ô incredulitas impia! ô nequitia fraudulenta! sanguis innocentium, quem crudeliter effudisti, attestatur, quid de hoc puero voluisti?* Interabitis hic princeps, figura est hypocritarum, ait S. Gregorius Papa, Hom. 10. in Evangelio, *cujus persona: qui alii? quam hypocrita, designantur? qui, dum fide querunt, invenire Dominum, nunquam merentur.* Hypocritis est mendacium actionum, seu morum; vult hypocrita apparere, sed non esse virtuosus. Hoc vitium adeo commune est, ut omnem statum & conditionem pervadat; reflecte oculos tuos, in totum genus hominum, ait S. Augustinus, & invenis hypocritas. Dantur tales &que in clericos, ac inter saculares, inveniuntur tales

les in seminariis, in parochiis urbanis, & ruralibus, quia ubique dantur mali clerici, mali pastores; & qui tales sunt, plerumque, ac ordinarie hypocritæ etiam sunt. Vult, in minoribus constitutus clericus, ascendere ad ordines sacros, simulat devotionem, parochus dissolutus, non audet talis, qualis est, comparere; omnes eum detestarentur, & fugerent; quid facit? speciem pietatis induit. Anne propterea peccatum suum minuit? nil minuit, potius augeat, & duplicat illud, ut ait S. Augustinus *simulata equitas, non est equitas, sed duplex iniquitas*. Cum ergo hoc vitium adeo commune sit, examina te ipsum, an non & ipse reus illius sis quacumque demum ratione? &

PUNCTUM II. Considera, quid sit detestabile hoc vitium. i. *In se ipso*. Hypocrita vertit omnia, etiam sanctissima, in suam propriam perditionem, & damnationem: *sanctitatem vertit in crimen*. Chrysologus Serm. 7. Profanat sacramenta, abutitur verbo Dei, & omni eo, quod sacrosanctum, in nostra religione est, Considera Herodem! consulit scripturam, & prophetas; quæritne exinde proprium profectum? non; Christum perdere & occidere cupit, hoc intendunt hypocritæ: *oves sunt habitu, astu vulpes; astu, & crudelitate lupi*: Bern. Serm. 66. in cant. En! qualiter hypocritas depingat S. Bernardus! *Quo ad effectus* qui semper sunt funesti, ut nobis. per os J. h. Spiritus S. indicat, dum dicit: *spes hypocritarum perit*

peribit. Job. 18. Et quidam ex SS. PP. ita ait: *simulatio, cujus semel animum imbuerit, tota virtutum sinceritate & veritate fraudabit.* Ven. Beda. l. 4. in Lucam c. 52. 3. Ut, quam detestabilis sit hypocrisis, bene comprehendamus, desumere id possumus ex maledictionibus, quas Christus Dominus contra Phariseos, & legis doctores huic vitio deditos, pronuntiavit; quia dum in Evangelio de servo nequam mentio fit, dicitur: *partem illius futuram cum hypocritis in illo loco, ubi erit fletus & stridor dentium.* Matth. 24. 51. O quam timendum, & abominabile hoc est vitium! vix igitur clericis sacerdotibus, Pastoribus animarum hypocritis, qui sub prætecto longarum precum, devorant domos viduarum, & majorem sibi damnationem inde procurant. Vix legis doctoribus, & his novis pharisæis, qui dicunt & non faciunt; qui aliis imponunt onera insupportabilia, quæ ipsi nec digito suo movere audent! qui externus nescio, quam belle apparent, intus autem pleni sunt rapina & impuritate: *sepulchra dealbata, genimina viperarum*, quomodo æternam damnationem evadetis? donet Dominus, ut omnes istæ maledictiones, & infinitæ alie, quas Christus scribis & pharisæis seu hypocritis imprecatus fuit, ut nobis pro præservativo servent, contra detestabile hoc vitium, quod Christus adeo abominatus fuit in his falsis doctoribus. Si hodie celebras, aut etiam munas, fac hoc sincera, & vera devotione
 acti

ne: in azymis sinceritatis & veritatis, cave tibi, tam in ista, quam in aliis ejusmodi occasionibus à fermento pharisæorum, quod adeo displicet Deo nostro, quodque omnia bona opera nostra corrumpere & destruere valet: attendite à fermento pharisæorum, quod est hypocrisis. Luc. 12. 1.



DECIMA JANUARI

Et intrantes domum, invenerunt puerum cum Maria Matre ejus, & procidentes adoraverunt eum, & apertis thesauris suis obtulerunt ei munera, aurum, thus & myrrham. Matth. 2. v. 11.

1. Munera, quæ Magi Christo Domino offerunt. 2. Quid nos illi offerre debeamus.

PUNCTUM I. Vix egressi ex Jerusalem

Magi incredibili gaudio, iterum eandem stellam, in cælo rutilare viderunt, quam in oriente supra Judæam lucentem viderunt; quæque ante ipsos, in tali altitudinis distantia movebatur, ut ipsis serviret, produces; stabat deinde supra illum ipsummet locum, ubi erat infans Jesus, & quidem tali modo, ex quo clare desumebant hunc per illam designari; ita igitur à Deo instructi, stabulum ingressi, non illis sordet stabulum; ait S. Bernardus, Serm. 1. de Epiph. non pannis offenduntur, non scandalizantur lacrimantis infantia, procidunt, venerantur, aderant. Exhibent

ei signa liberalitatis, vel potius servitutis suae, proferendo thesauros suos, & offerendo aurum, thus, & myrrham; dona mysteriis plena, quibus ex una parte denotantur qualitates infantis huius, ex altera parte, quomodo ipsimet, intus in anima sua dispositi essent. Igitur in auro offerunt illi tributum gratuitum utpote magno regi, in thure tributum *laudis*, tanquam vero Deo, in myrrha donum, ut ita dicam quoddam *mortuale*, ac homini mortali conveniens. Insuper offerunt illi in hoc auro, totum amorem cordis sui. In thure, adorationem integram spiritus sui; in myrrha, omnem usum sensuum suorum, & omne, quod in corpore suo pati possunt. Pondera, & bene expende apud te metipsum, munera haec, quae Magi offerunt Christo Domino, &

PUNCTUM II. Vide, quid tu illi offerre debeas, eadem nimirum munera, & dona eadem offerre debes, quae sancti hi reges obtulerunt; & quidem eadem fide, quae tibi in Christo, nostris miseris & infirmitatibus cooperto, plenitudinem Divinitatis detegat. *Aurum*, quod obtulerunt, figura est *charitatis*, quam proximo, praesertim pauperibus exhibere debemus. Tamen enim obligati sunt Ecclesiastici, ut eleemosynis, quam, ut instructione & doctrina illis succurrant. *Talibus enim hostiis promeretur Deus.* Hebr. 13. 16. Incensum seu *thus*, imago est *orationis*, quam peragere debemus, tam propria quam pro salute populi; & quidem adeo

adeo ferventem, ut ad cælum ascendat, tan-
 quam incensum gratum Deo, ad obtinendam
 misericordiam illius: *dirigatur oratio mea, sicut incensum in conspectu tuo.* Psal. 140. *Myrrha; mortificationem & sollicitudinem repræ-*
sentat, quam habere nos oportet ad conservan-
dam integritatem corporis, æque iac puritatem
animarum nostrarum, per abnegationem volu-
ptatum, si Deo velimus offerre Hostiam san-
ctam: Deo dignam, talemque, quam nobis præ-
scribit Apostolus dicens: Rom. 12. 1. obsecro
vos fratres per misericordiam Dei, ut exhi-
beatis corpora vestra, Hostiam viventem, san-
ctam, Deo placentem. Sollicitudine fuisti huc
 munera hucusque Christo Domino offerendi?
 ut autem id imposterum facere possis, illum
 ipsum roga, ut tibi dare dignetur, quod ipsi of-
 ferre debeas. O Domine! Tu es Deus meus,
 qui bonorum meorum omnino non indiges; in-
 terim tamen ordinas, & dicis mihi: *ne in con-*
spectu tuo vacuus appaream; sed quid tibi Do-
 mine, indignissima creaturarum tuarum, dare
 possit? da mihi igitur id ipsum, quod à me exi-
 git, cor contritum, & humiliatum, quod nihil
 in hoc mundo exquirat, & quod incessanter in
 laudes tuas, & gratiarum actionem excurret.
 Pro Missa, gratias age Deo, quod tibi dona-
 verit Jesum Christum, qui ei rependat, quod
 tu debes, uni te cum hoc Divino mediatore,
 qui in Eucharistia continetur; quique solum,
 unicum, Deoque dignum donum est, quod ei
 homo

homo efferre possit. Offer igitur illud, in recognitionem omnium beneficiorum, quæ à Divina ipsius bonitate recepisti: *Dominus retribuet pro me: Domine misertcordia tua in saculum, opera manuum tuarum ne despicias* Ps. 137. 9.



UNDECIMA JANUARI.

Et responso accepto in somnis ne, redirent ad Herodem, per aliam viam reversi sunt in regionem suam. Matth. 2. 12.

DE ITINERIBUS CLERICORUM

1. Regula, quomodo instituenda sint.
2. Examen supra defectus, qui in illis committi solent.

PUNCTUM I. **M**odus sane sanctissimus Magorum, quem in itinere suo observârunt, regulas nobis præscribit, quomodo nostra pariter instituenda & ordinanda sint. 1. Erat iter illorum necessarium, nempe, ut adorarent Christum, & lumen fidei acquirerent; quod nobis indicat, rescindendi omnem peregrinationem inutilem, & nullam instituendi, nisi secundum sanam & rectam rationem. Clerici, qui gaudent circumcursare ex quodam spiritu inconstantis & levitatis, ordinarie contemptum incurrunt, & præter dispendium temporis, simul etiam spiritum pietatis prodigunt. 2. Iter Magorum non nisi per inspirationem cælestem susceptum fuit: neque nos aliquod suscipere debemus, nisi prius consulte

Deo.

Deo. Sæpius nos ipsos in similibus occasio-
bus decipimus, vel proprio amore, vel in-
quietudine spiritus ducti, quando nobis ipsis
imaginamur, nos non nisi à charitate proximi
& zelo gloriæ Divinæ duci. Quamquam mul-
tum desideraverit Paulus Romam ire, multa
bona ibi peracturus, nihilominus hoc iter ag-
gredi noluit, nisi petito prius à Deo per ora-
tionem consilio, ut voluntatem ipsius intelli-
geret: *Semper, in orationibus meis obsecrans,*
si quomodo tandem aliquando prosperum iter
habeam, in voluntate Dei venienti ad vos;
Rom. 1. v. 10. in quo ipso loco nos docet,
Deum, quemadmodum principium, ita & finem
peregrinationum nostrarum esse debere, ait e-
nim: *desiderio enim videre vos, ut aliquid im-*
partiar vobis gratia spiritualis, id est, simul
consolari in vobis per eam, quæ invicem est,
fidem vestram, atque meam. Ibid. 3. Ultima
instructio, quam ex hoc itinere Magorum du-
cere debemus, sollicitudo & cura est, qua He-
rodem evitârunt, & per aliam viam reversi sunt;
in regionem suam; per quod nobis indicant, e-
vitandas illas occasiones & societates esse, quæ
nobis nocere, aut ad minus distrahere spiritum
nostrum possint in via; quodque nos minime
adjungere debeamus aliis, quam quibuscum
nobis liceat continuare devotiones nostras &
exercitia spiritualia. Observastine hæc regu-
las? ut hoc cognoscas.

PUNCTUM II. Examina te ipsum, quomo-
do te

do te hucusque gesseris in itineribus tuis? an non sapius itineri inutili te accinxisti? quin iam
 lius memor fueris, quod dicitur: *qui multum peregrinantur, raro sanctificantur*? & si necessarium id tibi visum fuit, orastine prius, & consuluisti Deum, antequam iter tale aggressus sis? qualem intentionem formasti? quem fructum exinde haustuisti? amplexusne es societatem bonorum? miscuistine cum illis in via discursus edificatorios? declinastine sancta quadam dexteritate discursus contrarios? renouastine sapius in via cogitationem de praesentia Dei, juxta monitum sapientis: Prov. 3. 6. *in omnibus viis tuis, cogita illum, & ipse diriget gressus tuos*. Portastine semper habitum illum decentem, & modestum à conciliis praescriptum, quemque boni clerici observant? dixistine ante abitum preces illas? quas Ecclesia, itinerariam clericorum, appellat, & sancte pro clericis ordinatae sunt; nunquam oblitus es orationis? nunquam festinanter recitasti brevium? nihil unquam, vel in via, vel in hospitio commisisti, quod proximo potuisset esse scandalo? pete veniam defectuum istorum à Deo, si quos hucusque admisisti, & esto deinceps cautior, & circumspicior in itineribus tuis: *nemini dantes ullam offensionem: sed in omnibus exhibeamus nos metipsos sicut Dei ministros*. 2. Cor. 6. Pro praeparatione ad Missionem, adora Christum in tot itineribus, quae durante vita sua mortali fecit. O quam sanctos
 fines

fines habuit! quam ædificatoria erant omnia exteriora illius? cura illum imitari. O Domine! qui dedisti nobis filium tuum unigenitum. pro exemplari, largire mihi hanc gratiam, ut ipsum valeam imitari, quemadmodum expressit id nobis præcepit: *qui mihi ministrat, me sequatur*, Joan. 12. 26. Fiat per tuam misericordiam, ut ita ex hoc exemplo proficiamus, quo omnes gressus nostri totidem passus sint versus cælum, & ubicunque eamus, vel maneamus, semper cum illo uniti maneamus. Ita dispositus esse debet quilibet christianorum, sed multo magis clerici, qui hac felici sorte gaudent, ut eum toties in sacra communione recipere possint: *qui dicit se in ipso manere, debet, sicut ille ambulavit, & ipse ambulare*. 1. Joan. 2. 6.

DUODECIMA JANUARI.

Nolite conformari huic sæculo, sed reformamini in novitate sensus vestri, ut probetis, quæ sit voluntas Dei bonæ, beneplacens, & præfata. Rom. 12. 2.

DE SPIRITU HUIUS MUNDI.

1. Non debemus nos illi conformare. 2. Sed potius laborare, ut reformemus spiritum nostrum.

PUNCTUM I. PRæceptum, quod S. Paulus hic nobis dat, fortassis difficillimum ex omnibus in vita christiana est, præ-

præcipit, non, ut nos ab hoc mundo sepāremus, sed prohibet nos mundo conformari, id est, vult, ut non amemus ea, quæ mundus amat, nec faciamus ea, quæ mundus facit. Porro hoc tam facile non est, ac quisquam sibi ipsi imaginatur; necesse enim est, ut quis efficaciæ illi resistat, quam exempla habent, & quasi communis & generalis omnium consuetudo præsert; ubi est clericus, qui hoc faciat? *Vt tibi flumen maris humani!* exclamat hic S. Augustinus, l. 11. conf. 16. *quis resistet tibi? quamdiu non siccaberis? quousque volves Eva filios in mare magnum & formidolosum, quod vix transeunt, qui lignum conscenderint.* Si quis adhuc dubitat; tantum oculos aperiat; & videbit, totum mundum permittere se trahi ab hoc infelici torrente ad amandum hoc sæculum, & ad idipsum faciendum, quod alii faciunt; divitiæ, honores, voluptates, & gaudia hujus sæculi acclamant nobis continuo; felices nos cum ipsis futuros, & sine ipsis non nisi miseram vitam ducturos. Videmus, quod hoc quam plurimis persuaserint; aliorum sequimur exempla, & instar illorum, etiam nos gaudere volumus. Ah! quot sunt clerici, qui quamvis nolint haberi pro dissolutis, tamen sibi dominari permittunt quascunque sæcularium passionum, amant delicias, quærunto pecunias, avidè honoribus inhiant, uno verbo, amore præsentium inescati, eorum, quæ æterna sunt, obliviscuntur! interim vult S. Paulus, ut omnibus ejus-

ejusmodi inclinationibus, & desideriis resistamus, dum ait: *nolite conformari huic sæculo.* Anne hoc fecisti? qualiter sentis de rebus hujus sæculi, quas S. Joannes Apostolus, diligenter vetat? *nolite diligere mundum, neque ea, quæ in mundo sunt,* 1. Joan: 2. Quomodo loqueris de regulis, seu præceptis, & modo vivendi hujus mundi? nonne primus es? qui talia defendis, & auctoritatem illis concilias; cum, potius impugnare, ut contraria spiritui Christi, & Evangelio ejus, deberes? muta hunc tuum modum vivendi & agendi, &

PUNCTUM II. Scito ad hoc, ut te spiritui hujus sæculi non conformes, necesse esse juxta doctrinam Pauli, continuo laborare iad reformationem spiritus nostri: *reformamini in novitate sensus vestri;* vult dicere, quemadmodum mundus in id toto conatu incumbit, ut denuo in nobis reformet, & restituat spiritum veteris Adami, ita nos ex parte nostra extreme conari debere, renovandi in nobis continuo formam & spiritum novi hominis, qui nos contemnere res hujus mundi faciat, amoremque æternorum nobis ingerat; en transformationem! quam Apostolus nobis præscribit, & medium, seu modum ad eam perveniendi, nimirum, ut quæramus in omnibus voluntatem Dei, quid ipse approbet? quid amet? ut probetis, *quæ sit voluntas Dei bona, beneplacens, & perfecta;* hoc est, quemadmodum mundus, quasi singulis momentis, quid amet, qualiter judicet

de re

de rebus, nobis obtrudit, ita nos debere continuo inquirere, quid placeat Deo? quidque à nobis requirat? non deest Deus, quin continuam voluntatem suam iis notam faciat, qui serio eam scire volunt ex desiderio eam sequendi, qui puram intentionem & simplex cor habent; qui aliud non quærunt, consulendo Dominum, quam gloriam illius, & salutem suam; qui hanc dispositionem habent, quam S. Augustinus indicat, *conf. l. 10. c. 26. optimus minister tuus est, qui non magis intuetur hoc à te audire, quod ipse voluerit, sed potius hoc velle, quod à te audierit; vult dicere, verum Dei servum non desiderare id audire, quod suæ voluntati conforme est, sed potius satagere, suam cum Divina voluntate, conformare, adeo, ut si statum Ecclesiasticum, hoc officium, hanc malignitatem, vel curam animarum, sibi haud congruere sciret, tam contentus foret, ac si ad hæc omnia vel ab ipso Deo indignus haberetur.*

Anne ita cooperatus es? si talis esse vis, hodie statim renuntia omnibus affectionibus inordinatis, ac perversis moribus veteris hominis; purifica cor tuum ab omni secreta cupiditate, & quocunque desiderio, ad statum vel vitam præcise commoditati tuæ servientem, ut sic merearis à Deo illuminari ad cognoscendum, ad quid ipse te destinatum, & applicatum velit; esto fidelis ad ipsum audiendum, in orationibus tuis, in secessu spirituali, in silen-

tio, tranquillitate & pace passionum, & sensuum tuorum; dic cum S. Paulo, Act. 9. 6. praesertim. quando ad S. Communionem accedis: *Domine, quid me vis facere?* accede deinde ad Ananiam, volo dicere, ad Superiorem vel Patrem tuum spiritualem; & tibi dicitur ibi, *quid te oporteat facere*, ausculta illud, quod tibi dicturus est, cum docilitate, quæ discipulum decet, & instar fidelis servi, id exequere: *Domine, doce me facere voluntatem tuam, quia Deus meus es tu; spiritus tuus bonus deducet me in terram rectam.* Psal. 142.

DECIMA TERTIA JANUARIi.

Dico enim vobis per gratiam, quæ data est mihi, omnibus, qui sunt inter vos, non plus sapere, quam oportet sapere. sed sapere ad sobrietatem; & unicuique sicut Deus divisit mensuram fidei. Rom. 12. 2.

DE PRÆSUMPTIONE & BONA OPINIONE DE SEIPSO.

1. Quam sit communis error? 2. Quid facere oporteat ad corrigendum illum?

PUNCTUM I. SI hæc verba S. Pauli, attente legant Ecclesiastici, plurimum documenti exinde trahere poterunt, docent nos, ut nosipsum non ingeramus in ministerium vel predicationis, vel alterius cuiusunque officii clericalis, si donis ac gratiis ad illa necessariis careamus. Id, quod ostendit ex

pro

proprio suo exemplo: dico enim vobis per gratiam, quæ data est mihi; docet nos evitare præsumptionem, & bonam de nobis metipsis opinionem; quæ in causa est, cur vires nostras non mensuremus, secundum gravitatem officii; quod in nos suscipimus; & quod prius non superputemus bene, juxta consilium evangelicum: *an necessarios sumptus habeamus, ad perficiendum tale ædificium.* O quam communis iste est error, non solum quo ad sæculares, sed & clericos! nonnisi quam frequentissime videre est tales ministros, qui de propriis viribus præsumunt; qui non contenti eo loco, in quo Deus eos posuit; se honoratori dignos existimant, nec quidquam intermittunt, quo tandem ad talem eluctentur. Vicarius dignum se purat ipsa cura parochiali, & hanc ambit; parochus idoneum se credit, qui non unum tantum, sed plures Episcopatus administret, & quot sunt Episcopi, qui ultra hanc supremam dignitatem tendunt? bona hæc opinio, quam quis de seipso habet, facit, quod quis se ipsum ad omnia capax putet, nec alios limites admittat altius ascendendi, nisi puram impotentiam. O quot mala inter Ecclesiasticos, causat hoc vitium! deplora hoc coram Deo: *omne caput languidum, & omne cor marens; à planta pedis usque ad verticem, non est in eo sanitas.* Is. 1. 6. Præsumptuosus homo fiduciam ponit in suis propriis viribus, totus seipso occupatus; proprios conceptus suos adoratur; nil aliud appro-

approbat, quam quod ipse facit; nil affirmat,
quam quod ipse dicit; nullique cedere volens,
ob obstinationem & pertinaciam suam, omni-
bus se odibilem & insupportabilem reddit; vis-
ne, & tu talis esse? & detestare potius tam
gravem errorem! & si forte illi subjaceas, vi-
de in 2do puncto, quid te oporteat facere ad
illum corrigendum?

PUNCTUM II. Ut nos in moderatione il-
la, ad quam nos exhortatur S. Paulus, conti-
neamus, debemus considerare 1. quod præditi
non sumus omnibus talentis, vel omnibus gra-
tiis: *habentes donationes secundum gratiam, quæ
data est nobis, differentes*. Rom. 12. 6. 2. hu-
militer agnoscere dona, quæ à Deo accep-
imus; insuper laborare, ut iis bene utamur,
secundum ordinationem & instructionem, quam
à superioribus accepimus, qui sunt velut in-
terpretes voluntatis & dispositionis Divinæ
circa nos: *sicut divisit Deus mensuram fidei*.
3. sapius nobis ipsis applicare similitudinem
illam, qua utitur Apostolus, ut nos illo statu
contenti vivamus, in quo modo sumus. ait enim.
Cor. 12. 19. *sicut in uno corpore, multa membra
habemus; omnia autem non eundem actum ha-
bent, ita multi unum corpus sumus*. Cur ergo,
qui omnes membra sumus ejusdem corporis in
Christo Jesu, tales actiones & functiones obire
cupimus, ad quas destinati non sumus? *si to-
tum corpus oculus, ubi auditus? si totum audita-
tus, ubi odoratus?* vix illis, quorum ambitio,

Electric. in fr. P.L.

L

duc

aut avaritiâ, hanc monstruosam & diffinitatem
in corpore mystico Christi Domini, causant?
humiliabuntur suo tempore certo, & horribi-
liter; sumus ergo contenti, si vel infima pars,
in hoc tam nobili corpore, quod hac præro-
gativa gaudet, habere pro capite Christum in-
ipsum Dei filium, esse possimus, *non quæras in
corpore Christi, nisi sanitatem*, ait S. Augu-
stinus serm. 137. de verb. evang.

Pro præparatione ad Missam, agnosce hanc
de se ipso magnificam astimatorem, esse ma-
lum tam commune, ut valde difficile accidat,
te ab illo non pariter affici; roga Jesum, ut te
ab illo totaliter sanet: *Deus, qui præsumentes
de se & de sua virtute gloriantes humilias,*
orat. eccles. miserere mei; si præsumptio causa
fuit ruinæ in Principe Apostolorum; heu! quid
fiet nobis, qui neque tam cordati, neque tam
simili sumus, ac ipse; fac Domine, ut infirmia-
tates nostras continuo ante oculos nobis po-
namus, & ut in alio non confidamus, quam in
misericordia tua infinita: *quis non contremis-
cet ad illius columnæ casum? si Petrus lapsus est,
quis alius de se, jure præsumat?* S. Bernard.
serm. 6. in eand. Dom.

* * * * *

DECIMA QUARTA JANUARI.

*Remansit puer Jesus in Jerusalem, & non
reppererunt parentes ejus. Luc. 2. 43.*

DE ABNIGATIONE PARENTUM & CONSANGVINEORUM.

A. Oblis

1. Obligatio imitandi Christum in hoc puncto.

2. Comparatio inter ipsum, & nos.

Meditationes sequentes servare possunt pro diebus, qui forte adhuc supersunt usque ad Dominicam 2dam post Epiphaniam.

PUNCTUM I. **R**atio & modus ille agendi quem D.N.J.C. tenuit re-

spectu suorum parentum, dum infans illis remansit in templo, docet Ecclesiasticos, quod à tempore, quo ad sacra mysteria destinati & consecrati sunt, à se pariter abdicare debeant affectum ad suos consanguineos, imo si fieri possit, etiam separare se ab iis, & eorum conversatione, ut eo liberius salutem suam & aliorum vacare valeant. O quam necessaria esset nobis hæc instructio! *obliviscere populum tuum, & domum patris tui, & concupiscet rex decorem tuum.* Psal. 44. Si vel simplex tantum christianus obligatus est ad renuntiandum immodico affectui erga suos, siquidem Christus ad omnes omnino christianos dixit, Matth. 10. *qui amat Patrem aut Matrem plus quam me, non est me dignus,* quanto magis ergo necessaria erit ecclesiastico talis abnegatio, qui Dominum pro parte & hereditate sua eligit? visne ulteriorem hujus rei probationem? Considera, quod, quamvis sacerdotium judaicum fieri valde imperfectum, & maxima illius gloria in eo sita fuerit, quod fuerit figura sacerdotii novæ legis, nihilominus summo Pontifici prohibitum fuerit induere vestem lugubrem, & interesse funeralibus

Es

patris

pâtris & matris suæ, ne forte dando signa ista doloris, dedecus afferret sacre unctioni, quam in consecratione sua accepit, *super patre suo; & matre sua non contaminabitur.* Levit. 21. 11. Melchisedech, qui magis expresse præfigurabat Christum, summum Pontificem & sacerdotem novi testamenti, proponitur nobis in scriptura, *sine patre, sine matre, sine genealogia.* Quid sibi vult silentium hos adeo mysteriosum in scriptura? quæ alias genealogias omnes tam exacte refert solet, nisi, quod personæ Deo consecratæ, per characterem sacerdotii, consanguineos ita æstimare debeant, quasi nullos haberent; quod obligati sint ad abrenuntiandum illis affectionibus, quas eis inspirat caro & sanguis, à quibus retardari possent in via perfectionis, quam & ipsi ingressi sunt; perque eam & alios quoque ducere debent; sola ecclesia illis esse debet instar patris, matris, fratris, sororis & consanguineorum, ad exemplum Divini magistri sui, qui pro suis non agnoscebat alios, quam qui obedirent suo Patri æterni: *quicumque enim fecerit voluntatem Patris mei, qui in cælis est; ipse meus frater, & soror, & mater est,* Matth. 12. 50. An similiter dispositus, & affectus es erga istos? visne scire hoc?

PUNCTUM II. Fac, & institue ergo nunc comparisonem inter te & illum; & consulta. Hec, dum te carni & sanguini adeo addictum invenis, Christus Jesus, ætatis suæ annis duobus ætatibus, subavit se à parentibus suis, & manet
in terra.

in templo, ut ibi oraret & negotia Patris sui
æterni curaret; & tu, qui à tempore primæ
consecrationis renuntiasti tuis, Deumque pro parte
tua elegisti, resolvere te non potes ad eos re-
linquendos, ut per sex menses vel annum, se-
minarium clericorum inhabites, ad addiscen-
dum ibi vitam & mortes ecclesiasticos? Chris-
tus Jesus non consuluit parentes suos circa id,
quod Patris negotia concernebat; & quamquam
horum erga illum affectus, totus sanctus ac
spiritualis fuerit, nihilominus talem illis re-
sponsum dedit, ac si eos quasi non nosceret:
quid est, quod me quærebatis? non indigent
verba ista, ut justificentur, utpote ab eo, qui
sanctus sanctorum est, prolata; sed cave, & at-
tende tibi, ne te aliquando condemnent, qui
non audes respondere consanguineis tuis, dum
te ab exercitio ministerii & officii tui abstra-
here conantur; qui alios non consulis, nisi istos,
in omnibus tuis negotiis, qui eorum iudicio &
opinionem in omnibus cedis; qui aliam vocatio-
nem non agnoscis, nisi illam, quam ipsi tibi
inspirant; qui ex alio motivo non amplecteris
statum ecclesiasticum, nisi ut tui per te dicen-
tur, quique forte ex ulla alia causa sacerdo-
tium suscepisti, quam ut eorum necessitatem
sublevares. Quid tibi aliud dicere poterunt?
si semper cum illis conversaris, quam ut de
suis negotiis, causis, laboribus, curis, tecum
loquantur, ita omni se cura liberent; eamque
in te conficiant? ah! quam turpiter hucusque
hala-

halucinatus es, ut eorum negotia tractares? quas molestias, inquietudines, & curas sufferre debebas, ne eis displiceret. Examina te ipsum super hoc; adhuc hodie renuntia ejusmodi humanis & indignis affectionibus; quæ adeo honori sacri ministerii tui præjudicant. Pro præparatione ad Missam, roga Christum Jesum, quem proxime sumpturus es, pro gratia hac, quatenus ita vivere valeas inter tuos, quem, admodum ipse inter suos vixit in hoc mundo; ut cor tuum ab hac falsa teneritudine liberet, sicuti abstraxit cor S. Pauli, dum eum ad Apostolatum vocavit: *cum autem placuit ei, qui me segregavit ex utero matris mee, & vocavit per gratiam suam, ut revelaret filium suum in me, ut evangelizarem illum gentibus, continuo non acquievi carni & sanguini*, Galat. 1. 16. O Jesu! operare id ipsum in nobis, ut mundi per abstinentiam, tibi canamus gloriam, ut separati à mundo, & nostris, sancte tractare valeamus, quæ officii ac vocationis nostræ sunt.

* * * * *

DECIMA QUINTA JANUARI.

Dixit mater ejus ad eum: Fili, quid fecisti nobis sic? ecce Pater tuus & ego dolentes quærebamus te Luc. 2. 48.

DE JACTURA GRATIÆ.

1. Quam graviter sentire debeamus hanc jacturam. 2. Quid nos facere oporteat, ad eam recuperandam?

PUN

PUNCTUM I. Verba ista, quæ beatissima

Virgo ad Jesum dixit à corde, intimo dolore repleto, procedebant; de solatissima ex omnibus mater est, quæ hic loquitur, & quæ apud filium suum, & apud Deum quæritur, de tristissimo statu suo, in quem reducta fuerat propter elongationem & absentiam filii sui à se: *amaritudine valde replevit me omnipotens.* Ruth. 1. 20. O quis hic exprimat! quamnam fuerit afflictio Mariæ & Josephi, durante hoc triduo, quo Jesum deperditum investigabant? oportet scire & agnoscere amorem illum, quo erga Jesum flagrabant; ut quis comprehendere valeret, quam acerbè hanc jacturam senserint; & quis hoc possit? nisi ille ipse, qui hac ratione probare voluit fidelitatem illorum; *dolentes querebamus te.* Solerter expende verba ista, & disce exinde, quo dolore tangi debeas. si tam infelix fuisti, ut Jesum à te elongares per jacturam gratiæ ipsius. Beatissima Virgo, & S. Joseph, semper adhuc illi uniti erant, quamvis eum apud se non haberent; quia illius omnem suam culpam perdiderant; sed non ita tecum agitur; iniquitates enim tuæ causa sunt hujus perditionis & jacturæ: *iniquitates vestra dividerunt inter vos, & Deum vestrum.* Is. 59. 2. Perdidisti Jesum, & gratiam ipsius, ut passionibus tuis satisfaceres, ut mundum sequeris, ac vanitatem illius; quid aliud superest, quam ut plangas hanc jacturam tuam! *quæ daki. is.*

dabit capiti meo aquam, & oculis meis fontem lacrymarum, & plorabo die ac nocte. Perdidi te, & Jesu unicum thesaurum meum! non ita, prout sanctissima Mater tua, quæ nullam hujus jacturæ causam dedit; non ita, prout te quandoque perdunt innocentes animæ, quas tua consolatione privas, ut earum virtutem probes; patientiam exerceas; humilitatem robores, & fidem illorum perficias; sed eheu! perdidi ego te ex mea propria malitia. Fac ô bone Deus! ut magnitudinem jacturæ hujus comprehendam; ut flumina lacrymarum profundam; ut nullos dolori meo limites ponam, ut sicut illi regi poenitenti, sic & mihi quotidie, ab omnibus creaturis, hoc objici putem, quod Deum meum perdidderim: *fuerunt mihi lacryma mea panes die ac nocte, dum dicitur mihi quotidie, ubi est Deus tuus.* Psal. 41 4. Non sufficit autem dolere de hac gratiæ jactura; oportet insuper omni possibili modo curare, ut gratiam deperditam recuperes.

FUNCTUM II. Postquam sanctissima Virgo, & B. Joseph Jesum perdidierunt, absque mora illum inquisierunt; requirebant illum magna sollicitudine & labore, tandemque in templo quærentes, illum ibi invenerunt; idem & tibi faciendum, ut gratiam Dei recuperes, si pretiosum hunc thesaurum perdidisti; 1. oportet illam quantocius quærere, & eousque quærere, quousque eandem inveneris; documentum hoc est ipse Deus, quod per prophetam suam

nobis

nobis dat, II. 55. 6. *Quærit Dominum, dum inveniri potest, invocare eum, dum prope est.*
2. oportet illum querere sollicite, ad exemplum sponsæ in canticis: *num quem diligit anima mea, vidistis?* Cant. 3. 3. negligentia in querendo Deo, exponit nos periculo in peccato moriendi, & eum nunquam inveniendi juxta terribilem illam Judæis factam prædictionem: *ego vado, & quæretis me, & in peccato vestro moriemini*, Joan. 8. 21. 3. oportet eum querere in templo mediante oratione, & aliis bonis operibus; non autem inter lulum, in locis publicis, neque in palatiis magnatum; nec in domibus eorum, qui vitam mollem & delicias ducunt, inveniri potest J. sus: *non invenitur in terra suaviter viventium*, Job. 28. 13. sed in templo, in medio Ecclesiæ; in tribunalis poenitentium, ad pedes S. altaris; ibi invenimus gratiam & misericordiam Dei: *suscepimus Deus, misericordiam tuam in medio templi tui*, Psal. 47. 10. Vide, an tali modo quæseris Deum? ah! quantæ erant dilationes & retardationes tuæ in hac inquisitione! quot sunt ex clericis, qui non solum per triduum, sed integris mensibus, imo annis patiuntur sibi abesse Deum, dum interim veri ac sancti poenitentes illum requirunt cum zelo & fervore, plorando, jejunando, gemendo super jacturam gratiæ, quam incurrerunt, *irremediabilibus lacrymis*, Tob. 10. 4. humilia te, in consideratione temporis & negligentia tuæ; resolutio
tua

ea sit quærendi Deum impoſterum, majori ſollicitudine, & illi majori fidelitate inhaerendi: *tibi dixit cor meum; excluſit te facies mea; faciem tuam requiram Domine*, Pl. 26. Hoc autem in particulari, ac magis fiet in S. communionẽ, quod eum invenire poſſis; adora Jeſum in hoc ineffabili myſterio amoris erga te ſui; & ſi hanc gratiam habeas ad eum hodie accedendi, uni te cum ipſo ex toto corde, & pro gratiarum actione, promitte te eum nunquam amplius dereliſturum: *inveni, quem diligit anima mea, tenui eum, nec dimittam*, Cant. 3. 4.



DECIMA SEXTA JANUARI.

Quid eſt, quod me quærebatis? nesciebatis, quia in iis, quæ Patris mei ſunt, oportet me eſſe. Je. Luc. 2. 49.

SOLICITUDO SATISFACIENDI OBLIGATIONI SUÆ.

1. Debemus inſiſtere functionibus miniſterii noſtri. 2. Et evitare ea, quæ nos ab eis impedire poſſent.

PUNCTUM I. Bene ponderemus iſta prima verba Chriſti Domini, quæ in templo dixit; verba ſunt conſecrationis, ſacrificii, abnegationis & zeli, quibus nos inſtruit, debere nos totum tempus noſtrum, omniaque talenta functionibus miniſterii noſtri

stri applicare; esseque speciem aliquam furti,
aut rapinae in Deum & Ecclesiam, si talia ad
alios usus, quam ad hos, transferamus. En
amplam & grandem materiam meditationis
pro clericis! *in iis, quæ Patris mei sunt, oportet me esse*, & ut de hoc plene persuasus sis,
aliud necesse non est, quam, ut qualitates &
officium Pastoris animarum expendas: *homo Dei*
est, ut ad Timotheum S. Paulus, scripsit. 1.
Tim. 6. 11. *tu autem ô homo Dei; cum ergo*
homo Dei sit, alia negotia tractare non debet,
nisi Dei; *est homo orationis*, quem ecclesia ad
hoc selegit, ut esset ipsius mediator, & offerat
pro ipsa vota, dona, & sacrificia; ut hoc fiat,
oportet eum habere spiritum liberum, recol-
lectum, & defæcatum ab imaginibus rerum
mundanarum. Denique obligatur ad annun-
tiandum populo voluntatem Dei, mediante
prædicatione verbi Divini, & ad sanctifican-
dum illum per administrationem sacramento-
rum; quod facere haud potest cum fructu &
benedictione Divina, si se his functionibus non
totum applicet, quid? si Apostoli in se susci-
pere noluerunt curam viduarum, quamvis e-
xercitium aliquod charitatis fuerit; quomodo
audebimus nos mille negotiis distrahentibus, &
à vocatione nostra alienis, nos ingerere? *nos*
vero orationi & ministerio verbi instantes erim
us, Act. 6. 4. En applicationem & laborem
Apostolorum! tales & nos esse debemus; oc-
cupatum esse orationibus; totum se functioni-
bus

bus clericalibus dedere, vita est boni pastoris & boni sacerdotis; hæc debet esse illius temporis distributio, & si illi, status suus cordi est, omne id à se abscindet. quod cum sanctis ejusmodi occupationibus incompatible est.

PUNCTUM II. Quandoquidem bonus clericus, gaudium, delicias & quietem suam in eo tantum reponere debet, quod Dei cultum & sanctificationem animarum concernit, sequitur exinde per se eum evitare debere omnes alias occupationes, quæ ipsi quoad hoc impedimento esse possent, ut sunt negotia & commercia secularia, ita videmus, quod ecclesia ministris suis, ejusmodi occupationes expresse prohibeat tanquam contrarias sanctitati professionis clericalis. Tertium Concilium Carthaginense Can. 15. ita expresse habet: *phœquit, ut clerici non sint conductores, neque procuratores, neque ullo turpi, vel inhonesto negotio viduum quærant.* Concilium Calcedonense Can. 27. ita statuit: *decrevit sanctum hoc, magnumque Concilium, nullum deinceps clericum possessiones conducere, aut negotiis secularibus se immiscere.* Neque tibi imagineris, hæc decreta non amplius esse in usu, sacrum Concilium Tridentinum illa omnia renovavit, & S. Carolus fidelissimus illius interpretes, in praxim ea deduxit, in prima synodo Mediolanensi, quam pulcherrimis hisce verbis conclusit, quæ cordibus omnium ecclesiasticorum profunde insculpi mereantur. *Non*

saeculi

saeculi vos mercatores; non mammionum ministri estis, sed Christi ministri & mercatores. Non date vobis thesaurizare thesauros in terra, sed date lucrari animas Deo; & caeleste horreum augere.

Ex his cape resolutionem; neque contentus esto, ut ipse fugias ejusmodi saecularia negotia, sed fuge etiam illos ex confratribus tuis, qui se ejusmodi immiscent; negotiatorem clericum, quasi quamdam pestem, fuge, erat admonitio S. Hieronymi, data Nepotiano Epist. 2. in illa pulcherrima Epistola, quam ad eum scripsit, ut eum ad vitam clericalem formaret. Pro preparatione ad Missam; deplora miserandam plurimum clericorum distractionem & dissipationem, qui se ejusmodi negotiis mundanis ultro ingerunt; & una cum S. Propheta Jeremia ingemisce Thren. 4. 1. *quomodo obscuratum est aurum; mutatus est color optimus; dispersi sunt lapides sanctuarii in capite omnium platearum.*

DECIMA SEPTIMA JANUARIi.

Et descendit cum eis, & venit Nazareth; & erat subditus illis. Luc. 2. 51.

DE VITA OCCULTA CHRISTI DOMINI.

1. In quo consistat? 2. Quomodo ecclesiastici illum, quoad hoc imitari possint?

PUNCTUM I. Ultima verba Evangelii, quae meditanda suscepimus.

mus, nobis ob oculos ponunt vitam occultam Jesu Christi in domo Nazarethana. Abyssus est, in qua non nisi feliciter pereundum nobis erit; siquidem impossibile est, fundum in hac re invenire. Sufficiat nobis adorare cum profundo silentio, hanc pauperem, humilem, absconditam & incognitam vitam filii Dei, qui sic poenitentiam egit pro peccatis hominum. Totum, quod de hac vita Divina scimus, est, quod fuerit admirabilis, tota sancta; digna proin aeterna reverentia omnium hominum & Angelorum. Verum, quia te utpote clericum decet, mysterium hoc populo explicare; considera, quod per vitam occultam Jesu Christi, totum illud tempus intelligatur, quod ab anno duodecimo aetatis suae, usque ad trigesimum transiit, ubi praedicationem suam incepit, & de hoc toto temporis spatio, aliud non invenimus in evangelio, nisi subjectionem & laborem illius: super omnia autem silentium omni adoratione dignissimum, quod extraordinarium & incredibile pruritu nostrum garriendi, nos ipsos monstrandi, nos ipsos commendandi, nimis clare condemnat. An aliquid pulchrius? aliquid majus, aliquid utilius, denique quid divinius sit, quam vita Christi Jesu? & tamen octodecim ipsos annos transiit, in oblivione & obscuritate quadam imperetrabili. Discamus exinde nos ipsos occultare, amare silentium & solitudinem. Discamus ita interne mori omnibus rebus terrenis; ita vivendo in mundo, ac si ibi

non effemus: factus sum tanquam vas perditum.
 Psal. 30. 24. Ut adeo homines, nostri aliter
 non meminerint, quam si effemus mortui, & sepul-
 cri: sicut vulnerati, dormientes in sepulchris,
 quorum non es memor amplius. Ps. 87. 6. An
 ita dispositus es; ut talis sis? vide in 2do pun-
 cto, in quo imitari valeas hanc occultam vitam
 Christi Jesu?

PUNCTUM II. Non erit necesse exire in
 sylvas & deserta, ad ibi inveniendam solitudi-
 nem, & ducendi vitam absconditam, propriæ
 domus nostræ, erunt antra, & desertum no-
 strum; ibique inveniemus ad exemplum Jesu
 Christi, nos ipsos vel in medio civitatum oc-
 cultandi, si fideliter nos oculis hominum sub-
 trahere, vel ab ipsis ignorari velimus, & vi-
 vere in perfecta recollectione. Id, quod prin-
 cipale in vita occulta Christi, fuit, erat vita
 ista tota interna, & vere abscondita animæ il-
 lius Deo constanter unitæ, constanter apud se
 recollæctæ, constanter magis viventis vita Dei,
 quam sua propria & naturali. Et hanc vitam
 totam divinam, hanc infatigabilem assiduita-
 tem in oratione, & in laboribus, possunt cle-
 rici imitari, vel in mediis etiam functionibus
 publicis ministerii sui. Offeramus ergo nos
 Christo Jesu, ad hanc vitam occultam, laborio-
 sam, & penitentem; & siquidem, a quo nos,
 ac ille, corpore & anima constamus, iaciamus
 corpus nostrum continuo occupari in labore pen-
 itentiæ; super omnia autem conservemus animam

nam nostram, in vita omnino spiritali & re-
collecta in praesentia Dei; memores istorum
verborum Pauli: Coloss. 3. 3. *mortui estis, &
vita vestra abscondita est in Deo cum Christo.*
Accede ad S. communionem, cum fervore &
desiderio perveniendi ad talem statum perfe-
ctum. Christus Jesus est in S. Eucharistia Deus
absconditus: *verè tu es Deus absconditus*; II. 45.
15. si eum sumamus, ut oportet; id addiscemus;
& si in nos ipsos descendamus, nosque recol-
ligamus, hoc ipsum inveniemus, afferente hoc
ipsum evangelio, Luc. 17. 21. *ecce enim regnum
Dei intra vos est.* O Jesu, vive; & regna in
me! ut hoc internum regnum inveniam, quod
in eo consistit, ut tibi semper uniti maneamus:
michi adhaerere Deo bonum est. Psal. 12. 8.

DECIMA OCTAVA JANUARI.

*Vidit Joannes Jesum venientem ad se, &
ait: ecce agnus Dei, ecce, qui tollit peccata
mundi.* Joan. 1. 29.

1. De baptismo Christi. 2. De gratia, quam
nos in sacramento baptismi consecuti sumus.

PUNCTUM I. **A**dmirare hic humilitatem
salvatoris, qui se peccato-
ribus immiscet, ut una cum ipsis baptismum
poenitentiae recipiat. O quam iste modus pro-
cedendi, docet nos, ultro confiteri peccata
nostra, & confusionem nobis propterea debitam
toto amore supportare! S. Joannes agnovit
cum;

Eum sub hac à peccatoribus desumpta appa-
rentia, quâ tegere & occultare voluit Domi-
nus id, quod erat, hinc subito exclamavit,
dum eum vidit; *ecce agnus Dei! ecce, qui tol-
lit peccata mundi!* & accedens ad Jesum, cum
tali respectu & reverentia, qua se indignum
credebat, qui ei corrigiam calceamentorum sol-
veret; ait illi: Domine! ego habeo à te ba-
ptizari, quid ita facis? Jesus autem præcepit
ei, ut in functione sua pergeret, quia oportet,
ait, *nos implere omnem justitiam.* Dum autem
Dominus noster taliter se gessit, ac si esset pec-
cator, Pater æternus manifestavit sanctitatem
illius, dum è cælo vocem audiri fecit dicen-
tem, hunc esse filium suum dilectum, in quo
sibi summopere complaceret; & Spiritus san-
ctus, ut appareret oculis hominum, qui non nisi
res materiales videre possunt, formam columbæ
assumpsit, & super illo requievit.

Adora redemptorem tuum hic in flumine
Jordanis; gratias illi age pro eo, quod reci-
piendo baptismum Joannis, se similem nobis
fecerit, & quidem nobis ut peccatoribus. Ex
amore nostri, in statum nostrum se redigit, spon-
liat se ipsum, si ita loqui fas est, sua justitia, &
meritis, ut illis nos vestiât. O quam differt à
nobis in suo isto modo agendi! ipse sanctus
sanctorum; pro peccatore haberi vult; & nos,
qui non nisi miserrabiles peccatores sumus, non
nisi justî videri volumus: *quasi gens, quæ ju-
sticiam fecerit.* En materiam, quæ sola inter
Cleric. instr. P. I. M gram

gram meditationem facere posset; quia autem juxta opinionem SS. PP. per hanc ceremoniam, per contactum sanctissimi corporis sui, aquas istas sanctificare voluit, pro baptismo nostro, quem postea instituit, quique longe efficacius animas nostras purificat, quam baptismus corpora Hebræorum faciamus hic reflexionem aliquam circa gratiam hujus primi & primarii sacramenti novæ legis.

PUNCTUM II. Ad sublimem de hoc ideam nobis formandam; sufficeret in memoriam revocare, quod scriptura baptismum nostrum, incarnationi filii Dei in sanctissimo utero Beatissimæ Virginis, compareret; si quidem idemmet est Christus Jesus, qui tam in uno, quam altero producitur; idemque Spiritus S. qui hæc mysteria causat; qui obumbravit Sanctissimæ Virgini, reddendo illam Matrem Dei, quemadmodum hodieum, virtute & gratia sua aquas sacratas baptismi replet, sacundasque reddit, & idoneas producendi Christum Dominum in anima baptizati. Sed dicamus adhuc aliquid majus; baptismus non solum facit in anima Christiani nasci Christum, sed facit ex baptizato alterum Christum; eum Christo incorporat ita, ut verum membrum hujus Divini capitis evadat, & eadem cum illo res. *Admiramini, & gaudete*, exclamat hic S. Augustinus, in Joan. tract. 21. *Christus, facti estis*; quid mirum igitur, si audiamus per sacramentum istud, Deum fieri Patrem nostrum, & nos filios

filios ipsius; quod Pater æternus, in considera-
tione Filii sui Jesu Christi, nos non aliter, quam
filios suos charissimos consideret, in quibus sibi
complaceat, & quod veniat Spiritus S. requie-
scere super nos, per communicationem gra-
tiarum suarum, & donorum. O quam pretio-
sus Thesaurus est gratia baptismi! sed ubinam
est ille Christianus, imo, quod plus est, ille
ecclesiasticus, qui curam gerit illam conser-
vandi? ipsi de hoc judicemus, & videbimus, an
consolationem aliquam habere possimus de hoc
bono, quod perdidimus, & de malis, quæ com-
missimus? heu Domine, quam turpiter me ipsum
dejeci, ab augusto & honorifico statu filiationis
tuæ, & factus sum filius diaboli, adimplens vo-
luntatem illius, ac peccaminosa illius desideria
secutus! passio illa, quam erga creaturas ha-
bui, destruxit omnem pulchritudinem in anima
mea; nil aliud amplius in oculis tuis sum, nisi
corruptio, scio equidem, quod non supersit no-
vus & alter baptismus, postquam turpiter pri-
mo baptismo abusus fui; sed misericordia tua,
de alio mihi remedio providit in laborioso illo
baptismo pœnitentiæ, qui ex sanguine tuo, &
lacrymis meis constat, fac ô Domine, ut me
in hunc immergam, ibique lavem iniquitates
meas: *amplius lava me ab iniquitate mea, &
a peccato meo munda me.* Psal. 50. Pro com-
munionem vel Missa roga Dominum, ut per san-
ctissimum Eucharistiæ Sacramentum renover in
te gratiam illam, quam tibi olim in sacramento

182 *Hebdomas secunda post Epiph.*
baptismi contulit; die ad eum cum lacrymis
& gemitu: num unam tantum benedictionem
habet Pater? Gen. 27. 38.

* * * * *

HEBDOMAS SECUNDA POST EPIPHANIAM.

*Habentes donationes secundum gratiam,
quæ data est nobis, differentes, sive prophe-
tiam, secundum rationem fidei, sive ministerium,
in ministrando, sive qui docet, in doctrina; qui
exhortatur, in exhortando. Rom. 12. v. 6. 7. 8.*

2. Donâ clericis propria. 2. Examen, ad co-
gnoscendum, utrum illa habeamus?

PUNCTUM I.]N Epistola, quam hodie in
Missâ legimus, instruit S.

Paulus fideles, quæ ratione uti debeant do-
nis diversis, quæ à Deo acceperunt; initium
facit ab illis, quæ ecclesiasticorum sunt propria;
uti sunt sacrum ministerium, donum prophe-
tiæ; doctrinæ, & exhortationis. Per *ministerium*
oportet intelligere characterem, quem Deus
nobis donare dignatus est, elevando nos ad
sacerdotium, officia, & dignitates ecclesiasticas.
Orig. l. 9. in c. 12. ad Rom. *Per prophetiam* in-
telligitur, non donum prædicendi futura, prout
communiter apprehendere solemus hoc vera-
bum, sed donum declarandi & explicandi se-
creta & mysteria S. Scripturæ juxta regulam
fidei, nihil proponendo, quod huic non sit con-
suetudo. *Doctrina* est donum clare explicandi
verba

veritates Christianas; *exhortatio* autem efficaciter inducendi homines, quibus loquimur, ad praxim & exercitium bonorum operum, & ad satisfaciendum suis obligationibus, en dona, quæ clericis conveniunt. Sed, quam pauci sunt, qui hæc dona possideant! siquidem major pars illorum in eo deficit, quod Apostolus ab eis exigit, tanquam fundamentum reliquorum, id est, ut se serio ministerio suo applicent, ad quod à Deo vocati sunt, *sive ministerium in ministrando*. Attendere deberent officio suo, ipsi autem aliis longe rebus intenti sunt. Hæc deberet esse unica ipsorum occupatio, ipsi vero aliis omnino se occupant, an igitur mirum sit, si major pars illorum, nec sint *prophetae*, nec *doctores*, nec *efficaces* in suis exhortationibus, sed potius aulici, vel politici, mercatores, publicani, eo quod magis se applicant ad hoc, ut placeant mundo. Mercatura, & bonorum suorum curæ ac venditioni potius se dedunt, quam lectioni sacrarum scripturarum, aut studio fundamentorum nostræ religionis, vel ut idonei & potentes evadant ad persuadendum odium vitiorum, & amorem virtutis illis, quibuscum loquuntur. Sed non tam sollicitus esto de aliis, quam ut te ipsum examines, si hæc dona possideas, de quibus hic Apostolus loquitur; quia si ea saltem non in aliquo gradu habeas, quod servitium præstare poteris Ecclesiæ? & ad hunc finem.

PUNCTUM II. Vide, utrum *Propheta* sis
in eo

184 *Hebdomas secunda post Epiphaniam*
in eo sensu, quem paulo ante explicavimus, id
est, probe versatus in sacris scripturis ad pe-
netrandum sensum, & mysteria inibi contenta;
ad solvenda dubia, & difficultates, quæ tibi
opponi possent? habesne donum *doctrinae*? esse
in statu explicandi populo, modo quodam se-
curo, & claro, & intelligibili, veritates fidei,
tam quo ad mysteria religionis nostræ, quæ
scire debent, quam quo ad præcepta, quibus
tenentur? habesne dona *exhortationis*? præ-
dicasne valide, aliud non querendo, quam, ut
corda auditorum permoveas, & convertas: lo-
quimini ad cor Jerusalem. Is. 40. 2. Potesne
idipsum dicere, quod S. Paulus, quod sis lega-
tus Jesu Christi, & quod nomine & auctori-
tate ipsius loquaris; quod sis vox & organum
Dei per communicationem, quam cum ipso
in oratione habeas & meditatione? *pro Christo*
legatione fungimur, tanquam Deo exhortante
per nos. 2. Cor. 5. 20. Denique applicasne te
serio ministerio & officio tuo, quod est unicum
medium perficiendi in te dona ista, & ut utilis
evadas Ecclesiæ? si vel simplex tantum cleri-
cus fores, obligareris tamen vivere, ut cleri-
cus, & nec minimas clericatus functiones re-
spuere, si in ordinibus sacris, seu majoribus es,
debes hoc ipsum tibi summo honori ducere, &
obligatum te scire, exercendi functiones tuas,
cum omni devotione, & omni possibili atten-
tione, quia per bonum usum ministerii sui ascen-
dere merentur ministri inferiores ad gradum
ultio

alteriorem & superiorem. *Qui enim bene ministraverint*, ait Apostolus 1. Tim. 3. 13 *gradum bonum sibi acquirunt*. Proponere igitur, te ex integro functionibus sacris ministerii tui applicare. Quemcumque locum vel gradum in ecclesia teneas, laborare debes ad perfectionem sanctorum, & ad ædificationem corporis Jesu Christi. Ephes. 4. 12. Tale officium sine dubio satis nobile, & tam sublime est, ut honorificum plane tibi sit, illud exercere; tamque magni momenti, ut te totum sibi jure vendicat. Christus Jesus nulli alteri rei se applicavit, durante vita sua mortali; potestne quid melius facere, quam ut exemplum illius sequaris, cujus ministerio decoratus es? quid? Deus totum se dedit, & homines audeant se ipsos dividere in partes? estne hoc tolerandum?

Pro præparatione ad Missam; pete à Deo veniam, quod functiones ministerii tui hucusque adeo neglexeris; conare obligationi tue deinceps melius satisfacere, ut cum Apostolo dicere possis, te, quamdiu victurus es, honoraturum ministerium illud, cujus honore Deus te insignivit: *quamdiu quidem ego sum gentium Apostolus, ministerium meum honorificabo.* Rom. 11. 13.

FERIA SECUNDA.

Qui præest, in sollicitudine. Rom. 12. v. 8.
DE VIGILANTIA.

1. Quam

1. Quam necessaria sit illis, qui curam animarum habent. 2. Rationes, quare ad illam sint obligati.

PUNCTUM I. Qui curam fratrum suorum in se suscepit, faciat hoc cum vigilantia, ait S. Paulus, materia hæc est pro meditatione, quæ pastores, superiores, ecclesiasticos, & generatim omnes illos concernit, quibus cura aliorum incumbit. Apostolus omnes hos hortatur, ut necessitatibus eorum invigilent, quos Deus eorum curæ commisit, ut nihil sollicitudinis omittant. *Qui præest, in sollicitudine*, id est, quod diu noctuque aliud cogitare non debeant, quam ut provideant necessitatibus animarum illarum, quas dirigendas in se susceperunt. Magnus hic Apostolus, tam erat persuasus de hac veritate, ut in 2da Epistola sua ad Timotheum, in persona discipuli hujus, omnes animarum pastores instruens, hanc vigilantiam, tanquam principalem illorum obligationem illis commendet, & inculcet: *tu vero vigila, in omnibus labora; opus est Evangelistæ, ministerium tuum imple; 2. Tim. 4* pastor nunquam ex integro obligationi suæ satisfaciet, nisi vigilet in omnibus, & omni tempore; in hoc puncto deficiat, tantum alteri parti officii sui satisfaciet; hoc non sufficit, ut salvus fiat. Sit exemplaris & ædificatoria vita ipsius. Nondum propterea coram Deo justificabitur, si se cum insatigabili vigilantia non applicet, ut scandalis provideat, ut
abusus

abusus irrumpere non sinat, ut regnum diaboli destruat, ut animabus medeatur. *Tu vero vigila*, oportet, ut eorum saluti invigilet, qui curæ ipsius commissi sunt. Vigilantia ista, quam ab ipso S. Scriptura requirit, est tam magna, ut quasi omnem quietem excludat: *discurrere, festina, suscita amicum tuum, ne dederis somnum oculis tuis, nec dormitent palpebrae tuae.*

Pro. 6. 3. O pastores animarum! comprehensitisne bene hanc veritatem? convincitisne intellectum vestrum? an ex modo vestro agendi elucet, quod de illa bene persuasi sitis? quia autem res summi momenti hæc est.

PUNCTUM II. Examina hic in particulari rationes illas, quæ vos ad hanc vigilantiam obligant. 1. Non potest in aliqua parochia bonus ordo stabiliri absque labore & difficultate. Pastores obligati sunt, ut bonum procurarent, siquidem illis omnibus in persona Apostolorum dictum fuit à Christo Domino, Joan. 15. 16. *posui vos, ut eatis, & fructum afferatis, & fructus vestri maneat.* Certum est, ejusmodi fructum afferri haud posse sine aliqua contradictione, & consequenter sine sollicitudine & vigilantia. Parochus, qui nullam curam habere vult, sed quemlibet juxta placitum suum vivere permittit, pastor est, solo nomine talis. *O pastor! & idolum! derelinquens gregem.* Zach. 11. 17. Qui vero obligationi suæ satisfacere satagit, & laborando pro salute animarum propriam suam salutem quærit, facere hoc

non

non potest, nisi erectus & vigilans sit. *Diligenter agnosce vultum pecoris tui, tuosque gre-
ges considera.* Prov. 27. 23. 2. ratio est, quod
abusus, incredibili quadam facilitate introdu-
cantur; bonus vero usus quantocumque abroge-
tur! hinc parochus obligatur ad incessanter in-
vigilandum; explorator nimirum, & custos est
à Christo Jesu positus, qui in omnem partem
invigilet, quo ad scholas, quo ad capellanos, si
quos habet, quo ad ecclesiam suam, ut nimi-
rum omnia fiant *dignè Deo*; quo ad ægrotos,
quo ad pauperes, circa administrationem sa-
cramentorum; uno verbo in omnibus, quæ quocum-
que modo ad animarum salutem conferunt: *su-
stor, quid de nocte? custos, quid de nocte?* Is.
21. 11. 3tia ratio est, quod errores, qui à ne-
gligentia pastoris proveniunt, ferme omnes sint
irreparabiles. Infans moritur sine baptismo,
ægrotus sine sacramentis, quis talibus malis me-
deatur? si aliquis mortem meretur, qui vitam
corporalem proximo suo ademit, quid non me-
reatur pastor ille, qui animas per suam ne-
gligentiam absque subsidio mori permittit?
cede igitur hisce rationibus; *non dormiamus,
sicut & ceteri, sed vigilemus.* 1. Thessal 5. 6.
& pro præparatione ad Missam, roga Pastorem
Divinum, quem brevi de altari sumpturus es,
ut te participem faciat vigilantia suæ, ut ipse
quoque in hora mortis tuæ id ipsum dicere
possis cum illo: Joan. 17. 12. *Pater sancte,
quos dedisti mihi, custodivi, & nemo ex eis*
perit.

perit, nisi filius perditionis. Da mihi ô Domine oculos vigilantiz pastoris, tam raræ, tam necessariæ! conserva illos semper apertos, ut nunquam obdormiam amplius; largire quæso hanc ipsam gratiam, omnibus omnino pastoribus animarum, & universis ministris ecclesiæ tuæ, ut inimicus nostræ salutis, qui sine cessatione perditioni animarum invigilat, nos nunquam improvisos adoriatur: *illumina oculos meos, ne unquam obdormiam in morte; ne quando dicat inimicus meus; prævalui adversus eum.* Psal. 12. 5.

FERIA TERTIA.

Solitudine non pigri, spiritu ferventes, Domino servientes. Rom. 12. 11.

DE FERVORE IN SERVITIO DIVINO.

1. Obligatio, quam habemus, Deo serviendi cum fervore. 2. Cur illi tam negligenter serviamus?

PUNCTUM I. **J**ure hortatur nos S. Paulus ad serviendum Deo, cum fervore spiritus, siquidem destinati sumus servituti, tam magni Domini, qualis est ipse Deus. *Dominus est, cui servimus*, totum hoc est, quod dici potest, nec possumus nimium sollicitudinis ostendere ad serviendum tanto Domino. Cum quanta cura serviunt homines, regi cuidam terreno? etiam potentissimi ac magni alias Domini honori sibi ducunt, ac obligationis suæ esse cre-

predunt, ad invidiam usque demerenda, quispam inter illos plus affectionis & servitii regi suo exhibere possit; continuo illum circumstant, & sua obsequia ei deferunt. Pro nihilo habent, statum adeo alligatum & incommodum, quem ultro elegere, tota fere vita ipsorum in quadam specie servitutis consumitur, quin de hoc conquerantur; sæpius ab ipso Principe molestissimas repulsas patiuntur, & quandoque etiam, vel ab ipsis etiam comministris suis; nihil tamen valet ardorem eorum extinguere, quem ostendunt in servitio Principis sui; unde hoc? quia ille, cui serviunt, rex est; homo equidem est ac illi, sed præditus est summa potestate; & hoc sufficit, ut se illius servitio inviolabiliter & incredibili fere ardore addicant: *oportet negotia regis impleri*, ajebat impius Nicanor. 2. Machab. 15. v. 5.

Bone Deus! unde hoc, quod tibi tam negligenter ac somnolenter serviamus? reges terræ, quamvis homines sint ut cæteri, nihilominus plures quandoque quam velint, reperiunt, qui se eorum servituti inviolabiliter & unice mancipant, & rex cæli, vix aliquos invenit fideles servos? reges terreni, duras imponunt conditiones, & terribiles suis aulicis, hoc tamen neque numerum, neque affectum illorum erga eos diminuit; tu non nisi servas & dulces, quia jugum tuum suave & leve est; & quot sunt, qui illud sine murmuratione portent? reges terreni non promittunt, nisi recompensationes in-


certas, & modicæ considerationis de via ordinaria, nihilominus totus fere mundus post eos currit, & eorum servitio se addicit; tu promittis nobis, quod ipse velis esse nostrum præmium: *ero merces tua magna nimis*. Gen. 15. 1. Promittis bona æterna & infinita; ais, te nos laetum reges in celo, si tibi fideliter hic in terris servierimus, & tamen à te discedimus, & vix est, qui tibi cum fervore & devotione serviat? quæso, unde tam insolitus & stupendus agendi modus? hoc ipsum examinandum nunc est in 2do puncto.

PUNCTUM II. Ratio, quare Deo nostro tam negligenter serviamus, hæc est, quod parum nos reflectamus supra honorem illum, qui in nos ex servitio Dei redundat; *Domino servientes*. Ne quæramus, quæso, aliam causam corporis nostri, quam istam Obliviscimur, quod Christus Jesus sit, cui servimus, quod negotia regni ipsius spiritualis nobis tractanda sint; quod materialia huic Divino architecto præparemus, pro structura templi illius, quod pro gloria Patris sui erigit; en causam, quare tam tepidè ac negligenter obligationibus nostris satisfacere studeamus. Si quis pastorem sæpius apud se exenderet, se Christum Jesum visitare, quando ægrotum invisit, certe aliter ad illum non accederet, nisi cum summa reverentia, devotione & fide; sed quia hoc à nobis tantum ex consuetudine fit, etiam valde distracte & negligentè fit. Si bene persuasum nobis esset

Christ.

Christum Jesum in persona pauperis residete; nemo eos tam durè vel adeo contemptim tractaret, si quis attentè cogitaret, Deo nos servare, dum prædicamus, dum instruimus alios, dum aliam ministerii nostri functionem peragimus, haud dubito, majori cum fidelitate & zelo, talia fierent. Sed nonne frequenter loquimur de Deo, & ut ministri illius operamur? verum est, quod os multorum plenum sit Deo, quorum corda Deo vacua sunt; loquuntur de Deo, sed os tantum est, quod loquitur; cor autem nequaquam; occupatur potius rebus terrenis, consequenter valde elongatum à Deo est. *Populus hic labiis me honorat, cor autem eorum longe est à me.* Matth. 15. 8. Time statum adeo periculosum; & vide nunc, an non ipse sis, ex numero istorum tepidorum, quibus Deus ita minatur: *utinam frigidus esses aut calidus; sed quia tepidus es; & non frigidus, nec calidus, incipiam te evomere ex ore meo.* Apoc. 3. 15. Noli me ô Domine à te rejicere! secundum meritum teporis mei, & negligentia mea præterita: *ne projicias me à facie tua, & Spiritum sanctum tuum ne auferas à me.* Pl. 50. Pro Missa, roga Christum Dominum; ut per communicationem sanctissimi corporis sui, accendat in corde tuo ignem amoris sui; & expellat ab eo longe, ac pro semper, omnem teporem & negligentiam, ut ei tali cum fervore, servire possis, quem S. Paulus à suo discipulo postulat, dum ait: *admoneo te, ut resuscites*

gratiam Dei, qua est in te, per impositionem
manuum mearum. 2. Tim. 1. 6.



FERIA QUARTA.

*Spe gaudentes, in tribulatione patientes,
orationi insistentes.* Rom. 12. 12.

MEDIA, CONSERVANDI SPIRITUM
FERVORIS & DEVOTIONIS.

1. Gaudium, quod affert spes. 2. Patientia
in afflictione 3. Perseverantia in oratione.

PUNCTUM II. **T**Ria media suppeditat no-
bis S. Paulus, ad conser-
vandum fervorem devotionis, ad quem paulo
ante nos hortabatur. Primum est *gaudium* il-
lud, quod in nobis causat spes æternorum bo-
norum, quæ à Domino nostro, cui servimus,
exspectamus, *spe gaudentes*. Ut hoc intelligas,
alio opus non est, quam ut consideres; quid
sit devotio? *devotio*, ajunt SS. PP. (S. Th. 2.
2. q. 8. 2. a 1.) est bona voluntas, quæ nos
promptos recidit ad omnia, quæ servitium Dei
& gloriam illius concernunt; est certa qua-
dam sedulitas, qua pro salute nostra, ac pro-
ximo nostro, laboramus, ignis quidam
cælestis est, qui omnes actiones novi hominis
animat; calcar quoddam est, quod cum ur-
get, & nunquam in tadium aliquod, vel otio-
sitatem, cadere permittit. Facile exinde vide-
re est, quod ut quis veraciter *devotus* sit, in
suis piis exercitiis simul conservare debeat

ternum aliquod animæ gaudium, quæ sibi cœna placet in eo, quod servire Deo possit: *servire Domino in latitia*. Ps. 99. 2. Hæc animadversio & instructio majoris momenti est, quam nobis imaginemur. Quia, si quis sibi non caveat, recordatio peccatorum præteritorum, & sensus præsentium miseriæ, quas patimur, insensibiliter ac facile in animum nostrum inducunt tristitiam aliquam, quæ sæpius degenerat, deinde in quamdam amaram morositatem, hanc igitur tristitiam, quæ mortem etiam asferre potest, evitare oportet, & servire Deo, in & cum tali gaudio, quod nobis fiducia in ipsius misericordia & continua experientia, de ipsius infinita bonitate inspirare potest. *deleat dare in Domino, & dabit tibi petitiones cordis tui*. Psal. 36. Conservemus itaque nos in hoc sancto gaudio, ut longe sit à corde nostro tristitia, quæ est obstaculum omnis boni: *omnis plaga, tristitia cordis est*. Eccl. 25. 17. ait Sapiens.

PUNCTUM II. Secundum medium, conservandi in nobis fervorem pietatis, est *patientia* in adversitatibus. *In tribulatione patientes*. Nil magis nos roborat, quam crux, siquidem illam portemus cum Christo, & in Spiritu Christi; hinc hortatur nos Ecclesiasticus: *conjugere Deo, & sustine*. Eccles. 2. 3. Sustineamus igitur cum humili submissione erga Dei voluntatem, tribulationes, afflictiones, adversitates, morbos & alia ejusmodi mala, à Dei provia

providentia, ideo nobis permiffa, ut in hac vita habeamus, quod patiamur. Si totum hoc patienter feramus, perfectionem virtutis ibi reperiemus, juxta pulcherrimam hanc S. Jacobi sententiam: *patientia opus perfectum habet.* Non datur perfectio sine patientia, si ut neque patientia, sine adversitate. Perfectio, quam nos tribulatio invenire facit, in & per patientiam; non est perfectio aliqua tantum idealis, sed probata in fornace tanquam aurum, quæque nos consolatur per internum & tam efficax testimonium Spiritus S. ut dicat, esse nos filios Dei, urpote æque ad passionem ac fidem Christi Jesu vocatos: *quia vobis donatum est pro Christo, non solum, ut in eum credatis, sed, ut etiam pro illo patiamini.* Philipp. 1. 29.

PUNCTUM III. Tertium medium conferendi nos in spiritu fervoris, est oratio; sed talis, quæ sit sine intermissione, *orationi instantes.* Quemadmodum id, quod in causa est; quod sagitta procul, ac quam fortissimè protrudatur; ab arcu, bene & valide intenso provenit: sic etiam afflictiones & adversitates stringendo aliquo modo, & arcendo cor nostrum, vim conferunt orationi nostræ, & faciunt, ut ad cælum usque pertingat, & in vitam æternam, oratio, sine tristitia compunctionis; sine timore; sine magna fiducia & grandi desiderio peracta, cadit in terram; si autem prædicta intus in nobis sentiamus, orationem nostram faciunt esse continuam. Non possumus sine in-

Cleric. in fr. P.I. N ter

remissione persolvere preces vocales, neque
 semper orare mentaliter, sed amare possumus
 semper & continuo, semper timere, semper sen-
 tire pondus & onus miseriarum nostrarum,
 æque, ac beneficia Dei, quibus in momenta
 singula obruimur; & cor nostrum nunquam va-
 cuum debet esse, ab his instantiis & internis
 affectibus. *Per omnem rationem & obsecratio-
 nem, orantes omni tempore in spiritu, & in
 ipso vigilantes in omni instantia.* Ephes. 6.
 18. Cura & sollicitudines hujus vitæ in causa
 sunt, quare in cordibus sæcularium sapius ex-
 tinguatur ignis ille; sed in corde clericorum
 nunquam extingvi debet, qui talibus curis &
 inquietudinibus tam distracti & divisi non sunt.
 Propone igitur deinceps esse assiduus in ora-
 tione, ut illum decet, qui tanquam minister
 ecclesiæ ratione status & professionis suæ, ad
 cultum Dei, & ad servitium altaris destinatus
 est; & pro præparatione ad Missam, pete à Deo
 etiam reliqua duo media, quæ prius expen-
 disti, ut ei majori cum fervore, servire valeas.
 O Domine, qui vis, ut tibi serviamus, *in spi-
 ritu & veritate*; quique potius cor, quam mem-
 bus respicis, lagire nobis hoc sanctum gaudium,
 hanc in adversitate patientiam; hancque in
 oratione perseverantiam, ad quam nos Apo-
 stolus tuus hortatur, & tanquam propriissima
 media ad pergendum in via perfectionis præ-
 scribit. *Ferveamus in itineribus bonorum ope-
 rum, hoc est enim ambulare nostrum.* S. Augustinus
 in Ps. 32. enarrat. 3: 11. 10.

FERIA QUINTA.

Necessitatibus sanctorum communicantes; hospitalitatem sedantes. Rom. 12. 13.

DE CURA PAUPERUM.

1. *Zelus, quem clerici habere debent, ut eos solentur.* 2. *Qua ratione id facere debent.*

PUNCTUM 1. **PR**ædicat hic nobis S. Paulus curam ac sollicitudinem,

quam circa pauperes habere debemus; appellat illos *Sanctos*, ut nos amplius moveat, & ostendat, quod aque reverentiam nostram mereantur. Vult, ut eos non solum consolemur, sed insuper etiam cor nostrum illis concedamus, & partem aliquam in eorumdem miseriis habeamus; *non dicit, necessitatibus illorum subvenite*, ait S. Chrysostomus, *sed necessitatibus illorum communicantes*. *Zelus, quem circa pauperes Apostolus iste habuit, tam magnus erat, ut nullam ex ejusdem epistolis inveniamus, ubi eorum non meminerit, prout ipsi à S. Petro, S. Jacobo, & S. Joanne fuerat demandatum; tantum, ut pauperum memores essemus; quod etiam sollicitus fuit, hoc ipsum facere.* Galat.

2. 10. *Negotium istud adeo ipsi cordi erat, ut plus quam trecentas leucas, itinerando confecerit, quo pauperibus Jerosolymitanis elemosinas collectas afferret. An non satis sit hoc exemplum ad accendendum in nobis ignem charitatis nostræ? quilibet ergo clericorum, verba ista prophetæ non aliter attendat, ac si sibi dicta forent: tibi derelictus est pauperes*

Ns

orphan

orphano tu eris adiutor. Ps. 2. 38. sed magis adhuc in particulari, ac singulari quodam modo pastores animarum sibi ea applicent; quia cum sint patres populi, & successores Apostolorum in cura animarum, obligatio magis stricta iis incumbit pauperes consolandi, illisque de necessariis providendi; & hic vocantur à SS. PP. *provisores pauperum.* S. Justin. Ap. 2. id est, quod omnibus eorum indigentis subvenire debeant, nec unquam lassari, tum ut per se ipsos illos juvant, tum ut aliis idipsum commendent. Quia omnibus eorum necessitatibus ipsi satisfacere nequeunt, debent ad exemplum S. Augustini, Serm. 58. de B. V. in ipsorum favorem, vices subire legatorum apud fideles; & in hunc finem adhibere preces, exhortationes, obsecrationes, quo illis subveniant: *quia ergo ad eorum necessitatem explendam idonei non sumus, ad vos legati ipsorum sumus.* Examina te modo, quem zelum hucusque circa pauperes habueris? anne negotium hoc tamquam gloriosissimum ad ministerium tuum pertinens considerasti, ut eorum necessitatibus subvenires, iuxta pulcherrima verba ista S. Hieronymi? Epist. ad Nepot. *gloria sacerdotum est pauperum inopia providere.* Domus tua, animum illorum Christi, teneant apud te indicem illorum? qui in tua Parochia sunt, ut nulli debitum subsidium desit; quemadmodum S. Carolus, & tot alii sancti pastores fecerunt? sollicitudine es illos consolari, in eorum miseria

visitare illos? dum agitant; instruere ignorantēs, ad exemplum nostri divini magistri, qui declarat se à Patre suo atero specialiter ad hoc fuisse deputatum ac missum? *pauperibus evangelizare, misit me.* Luc. 4. 18. Ah quoties defuncti huc, quæ obligationi tuæ circa pauperes! pete veniam à Deo; & ut te corrigas.

PUNCTUM II. Audi nunc modum, quem nos tenere vult S. Paulus in illis consolandis, duas circa hoc nobis præscripsit regulas in epistola, quam hic explicamus. *Qui tribuit in simplicitate.* En primam! oportet eleemosynam dare in & cum *simplicitate*, id est, non sibi ipsi applaudere de bono, quod fratribus nostris præstamus; neque exinde laudem hominum querere, sed unicè gloriam Dei, & solatium pauperum; quicumque hanc reſtitutionem intentionis non habet, non agit *simpliciter*, ait quidam è PP. (Origenes l. 9. inc. 12 ad Rom *non est ergo simplicitas, si aliud videatur agi in manibus, & aliud queratur in corde.* Hec *simplicitas* juxta S. Chrysostomum consistit non solum in eo, ne quis proprium suum interesse, vanitatem, complacentiam querat, aut acceptor personarum non sit, sed, ut insuper illas frivolas humanas ratiocinationes rejiciat, quæ impedire solent, ut quis in largitione eleemosynæ tam largus & effusus non sit, ac oportet esse: *non enim sufficit dare; oportet & largiter illud facere.* 2do. vult Apostolus, ut eleemo-

syna

syna detur cum gaudio, qui miseretur in *hita-*
laritate. Qui non nisi coacte, & quasi per vim
 dat, non potest Deo placere; ad hoc, ut illi
elemosyna placeat, debet esse effectus chari-
 tatis, & non donum tale, quod quasi ab avari-
 tia extorqueri debeat, ut alibi docet Apo-
 stolus: *hilarum enim datorem diligit Deus.* 2.
 Cor. 9. 7. Enim vero, an non materia vel causa
 magis gaudii sit, quod Deus nostro ministerio
 ut velit ad succurrendum filiis suis, & mem-
 b. his vivis filii sui? quod nos instrumenta fa-
 ciat providentiae suae, & pro solutione debito-
 rum nostrorum acceptare dignetur dona talia,
 quae non nisi ipsius sunt? felix ille dives, qui
 veritates hasce apprehendit, & regulas istas
 apostolicas sequitur; dando nempe elemosy-
 nam, acquirit thesaurum in caelo, qui nunquam
 finem habiturus est.

Pro preparatione ad Missam; roga Jesum,
 ut cordi tuo ejusmodi sensus inspirare dignea-
 tur. Domine Jesu, qui toties in cordibus no-
 stris, per sanctam communionem habitas, fac
 nos misereri fratrum nostrorum; & ut hoc con-
 tenti non simus, toties te de altari sumere, sed
 ut te insuper in domos nostras recipiamus in
 persona pauperum, ut tandem etiam nos illud
 audire mereamur in extremo die judicii, quod
 tunc ad electos tuos dicturus es: *hospes eram,*
& collegistis me: nudus, & cooperuistis me; &
amen dico vobis, quamdiu fecistis uni, ex his
fratribus meis minimis, mihi fecistis. Matth.
 25. 36. 40.

FERIA SEXTA.

*Nuptia facta sunt in Cana Galilææ, & erat
Mater Jesu ibi* Joan. 2. 1.

DE MATRIMONIO.

1. Sanctitas hujus sacramenti non in sufficienti honore est apud eos, qui illud recipiunt.
2. Instructio, quam ecclesiastici iis de hoc dare debent.

PUNCTUM I. **P**rin cipalis intentio, quam ecclesia habet, dum nobis proponit evangelium de nuptiis in Cana Galilææ, est, ut nos inducat ad instruendum populum circa ea, quæ sacramentum matrimonii concernunt, cujus sanctitas, neque satis cogitata, neque satis in honore est illis, qui illud recipiunt. En! quam obligati sint clerici, & inter eos præcipue pastores animarum, ut è cathedra, maxime autem in confessionali verba ista S. Pauli Hebr. 13. 4. proponant: *honorabile connubium in omnibus, & thorus immaculatus*; matrimonium quoad omnia cum honestate tractandum, & thorum nuptialem sine macula esse debere. Non est mirum, si pagani, qui ignorant Deum, se totos brutalitati passionum suarum dedant; propriaque sua corpora inhonorant, & deturpant ex motivis purè carnalibus invicem sibi copulentur; sed quod Christiani, qui filii Dei, & secundum vocationem suam, sancti esse deberent, statum istum amplectantur, corde omnino impuro, res est prorsus abominabilis coram Deo, & nihilominus
id.

id ipsum est, quod quotidie fieri cernimus. Quot sunt, qui non nisi ex morivo proprii interesse, & ambitionis matrimonium ineunt? vel ad satisfaciendum sensualitati? quot sunt, qui sacramenti hujus gratiam negligunt? qui ad illud accedunt sine requisitis ad dignam illius susceptionem dispositionibus? anne mirum deinde sit si in matrimonio imitar infidelium vivant? si in plerisque familiis & domibus, nil aliud videre sit, quam divisiones, dissensiones & morum pervertitatem? quomodo salutem suam quis operari valeat in tali statu? à quo Iesum prima statim die, qua illum amplectitur, excludit? dum loco castitatis, orationis, & elemosynarum, quæ media illa sunt, divinum hunc hospitem invitandi, aliud non videtur inter conjuges christianos, quam impuritates, saltationes, crapulae, & ebrietates. Bone Deus! an non sufficiant tanti abusus; accendendi & lum ecclesiasticorum, præsertim parochorum? qui per se obligati sunt ad instruendum populum circa sanctitatem matrimonii?

PUNCTUM II. En tibi duo, vel tria capita principalia, in & de quibus oporteat christianos instrui? 1. oportet eos scire & bene comprehendere, quod ad statum matrimonialem indigeant vocatione Dei; omnes in hoc conveniunt, quod qui statum clericalem, vel claustralem amplecti vult, particulari vocatione indegeat; quantum vero ad statum conjugalem, pauci sunt, qui vocationem singularem

neceſ.

necessariam putent, ut quis eum amplectatur; popularis hic error est, qui enim dedocere oportet christianos, dicendo illis cum S. Paulo, quod qui matrimonium inire cupit, faciat hoc christiane, ac nonnisi consulto Deo; *nubat in Domino*, 1. Cor. 7. Dei est, destinare certos homines huic statui, quemadmodum aliis statibus; & si quis illum amplectitur contra ipsius voluntatem, timendum illi est, ne tota vita sua infelix sit, quod ipsum insinuare nobis vult scriptura, dum ait, Prov. 19. 14. *domus, & divitiae dantur à parentibus; à Domino autem propriè uxor prudens*. 2. Proponi & demonstrari illis debet, qui conjugium inire volunt, quod ad id fine honesto duci, & moveri debeant; e. g. ut unus alteri subveniat, ut eo facilius hujus vitæ incommoda tolerant, & majori cum utilitate, propriam salutem operari valeant, hoc motivum videtur insinuari per hæc verba Genes. cap. 2. *non est bonum, hominem esse solum, faciamus ei adiutorium simile sibi*. Aliud motivum, quod sponsi habere debent, quodque etiam sancti Patriarchæ habuere, est, desiderium procreandi liberos, non tam, ut hæredes bonorum suorum habeant, quam, ut eos ad pietatem forment, quo suo tempore inter electos computentur in regno celorum: *hac debet esse piorum conjugum intentio*, ait S. Augustinus contra Julian. *ut regenerationis generatio præparetur*. 3. est, ut bene instituantur circa usum matrimonii, ut sciat vas suum unusquisque posse si de.

fidere in sanctificatione & honore, non in passione desiderii, sicut & gentes, quæ ignorant Deum, 1. Thessal. 4. 4. Oportet eos sapienter & prudenter monere, ut castè utantur matrimonio, ut sibi invicem fidem servant, ut Deum timeant, & solliciti sint circa educationem liberorum suorum: bonum ergo sunt nuptiæ, ait S. Augustinus de bono conjug. c. 19 in quibus tantò meliores sunt conjugati, quantò castiores & fideliores Deum timeant; maxime, si filios, quos carnaliter desiderant, etiam spiritualiter nutriant. Itane intruxisti eos? qui antequam matrimonium inirent, curæ tuæ se commiserunt? si quoad hoc obligationi tuæ in re tanti momenti non satisfecisti, cape hodie adhuc resolutionem, rem istam deinceps accuratius pertractandi; sed memor esto semper, quid hoc tanto majori circumspectione fieri debeat, quanto magis cavere debes, ne propriam animam inquines, dum laborare vis ad sanctificandos alios. Hanc gratiam hodie petere potes, pro præparatione ad Missam; ô Domine, qui ipse vis, ut sancti simus, si ad te accedere volumus, conserva nos, quæso, omni tempore, & loco in sanctitate illa, quam à nobis requiris. Illi clerici, quibus cura non incumbit instruendi sponso, vel personas conjugatas, possunt meditationem hodie instituere, de nuptiis spiritualibus, & illam intimam conjunctionem considerare, quam Dei filius cum illis, in & per S. communionem contrahit. O quam.

quantam hic materiam inveniunt, seipfos humiliandi, si considerent, non solum impropor-
tionem infinitam, quæ inter illos intercedit,
& divinum animarum suarum sponsum, sed
insuper etiam infidelitatem suam, circa hoc,
hucunque commissam: *vide Domine, & consi-
dera, quoniam facta sum vilis.* Thren. 1. 11.
Miserere mei, & compatere vilitati, ac pau-
pertati meæ; converte aquam in vinum, id est,
imperfektionen & defectus meos in virtutes;
*cito anticipent nos misericordia tua, quia pau-
peres facti sumus nimis,* Ps. 78. 3.

DIE SABBA THĬ.

*Vocatus est autem & Jesus, & discipulũ
Jesus ad nuptias:* Joan. 2. 2.

DE CONVIVIIS.

1. Cur Jesus interesse voluerit nuptiis in Cana.
2. Cur ecclesiastici convivia evitare debeant?

PUNCTUM I. Quamvis D. N. J. C. in-
teresse voluerit huic co-
vivio, una cum discipulis suis, non tamen ex-
inde sequitur, clericos pariter iisdem interes-
se posse, ut adeo nonnisi prudentissime illis
talia convivia, & societates interdixerit ec-
clesia. Habuit divinus servator noster suas
particulares rationes, cur nuptias istas sua præ-
sentia honorare voluerit; præterquam quod,
cum fuerit ipsa sanctitas, capax non fuerit, vel
minimam maculam exinde contrahendi; vole-
bat,

bat, ait S. Augustinus, serm. 123. nov. edit. & tract. 9 in Joan. ostendere, quod esset auctor matrimonii, & in futurum condemnare errorem quorundam hæreticorum, qui illud, ut rem malam, detestabantur; volebat illud elevare ad dignitatem sacramenti, & illi tales conferre gratias, quæ sufficerent, ad sanctificandos eos, qui statum, tot tentationibus expositum, amplecti vellent; item intendebat nobis exponere mysterium, in hoc magno sacramento absconditum, & docere, quod esset figura, & imago unionis, & ineffabilis conjunctionis, quam cum natura nostra, & ecclesia, inire & contrahere voluit; intendebat palam facere potentiam suam, per quoddam miraculum, ut sic confirmaret fidem discipulorum suorum; item sublevare necessitatem consanguineorum sanctissimæ Matris sue; lucrari insuper corda affinium suorum, eos abstrahendo à rebus istis terrenis, ut secum uniret, inspirando eis amorem virginitatis; insuper hoc addere possumus, quod generaliter omnibus christianis, exemplum modellæ, ac temperantiæ in ejusmodi occasionibus præbere voluerit; siquidem de isto nuptiali convivio, idipsum vere dicere possumus, quod Tertullianus de convivio piumorum christianorum, *agape*, dicto, dixit, apolog. ad gentes; quod non tam convivium fuerit, quam lectio, seu doctrina sobrietatis, & frugalitatis: *ut non tam canam, quam disciplinam gustasse videantur.* Vide nunc obiter, quæ
liter

liter te hucusque in conviviiis, quibus intere
fuisti, gesseris? &

PUNCTUM II Disce modo rationes, cur
talia evitare debeas. Prima desumitur ex sol-
licitudine, quam habere debes de propria tua
reputatione, & servando honore ministerii tui,
apud seculares, qui ordinarie illos clericos
contemnere solent, qui convivia amant, &
ventri suo deserviunt: *facile enim contemnitur
clericus, qui saepe vocatus ad prandium, ire non
refusat*, ait S Hieronymus (epist. ad Nepot.
Alia ratio est, quod virtus clericorum, nimis
magno periculo exposita sit; & quod bonum
forte illicitum praesentia praestandum, vel mala
per eos impedienda ibi, in comparisonem ve-
nire non possint cum inconvenientiis, quae ibi
accidere solent, quaeque toti mundo nimium
constant ab experientia, cum magno scandalo
ecclesiae; hinc plures edidit canones, in qui-
bus clericis talia convivia, praesertim nuptia-
lia, interdicuntur; rationes in compendio refert
quoddam concilium Gallicanum, (concil. Au-
gath. ann. 506. can. 23. refertur dist. 34.
cap. presbyter.) *Presbyter, diaconus, subdia-
conus, vel deinceps, quibus ducendi uxores li-
centia non est, etiam alienarum nuptiarum e-
vitent convivia: nec his catibus misceantur,
ubi amatoria cantantur, & turpia; aut obsceni
motus corporum, choreis & saltationibus ef-
feruntur, ne auditus, & oblitus sacris myste-
riis deputati, turpium spectaculorum atque vera-
borum*

torum contagione, polluantur. Ejusmodi igitur
 conventui, ubi plerumque levitates, una cum
 aliis committuntur, verba liberiora, ludicra,
 scurrilia proferuntur, quæ inter sanctos audiri,
 vel saltem tolerari non deberent; ejusmodi, di-
 co, Societatibus, ubi neque Dei, neque obli-
 gationum nostrarum, amplius memores sumus;
 non tantum interesse noli, sed deplora potius
 illorum mundanorum ecclesiasticorum cœcita-
 tem, qui quasi continuo convivii intersunt, vel
 in propriis domibus, vel alibi, qui ejusmodi
 occasiones querunt; qui è domo sua academiam
 quasi luseum & helluationum faciunt, qui pri-
 mi sunt ad provocandum alios ad æquales hau-
 stus; quique post transactam noctem integram
 in excessivo potu, tenerario ausu mane ad
 altare accedunt absque ulla peracta prius con-
 fessione. Fuge societatem talium perversorum
 clericorum; audi Apostolum, Rom 16. 18 *de-
 clinare ab illis; hujusmodi enim Christo Do-
 mino non serviunt, sed suo ventri, & per dulces
 sermones & benedictiones seducunt corda inno-
 centium.* Pro præparatione ad Missam, totus
 esto occupatus, & intentus sanctissimo Bucha-
 ristix convivio; quia tam felix es, ut toties
 hoc cœlesti pabulo nutrirî possis; nauseare &
 contemnere debes cepe & allia Ægyptiorum;
 volo dicere, tales dencias & voluptates, quæ
 in ejusmodi conviviiis inveniuntur; si tamen
 quandoque ex honestate & decencia iis inesse
 cogaris, ita modeste & temperanter ibi te geres

Iproue

prout à te ministerium tuum requirit, nempe,
ut Deo placeas, & proximum iustices: sicut
in die honestè ambulemus, non in comessationi-
bus & ebrietatibus: sed induimini Dominum Je-
sum Christum. Rom. 13. 13.

* * * * *

DOMINICA TERTIA POST
EPIPHANIAM.

Nolite esse prudentes apud vosmetipsos.

Rom. 12. 17.

REGULÆ PRUDENTIÆ CHRISTIANÆ.

1. Proprio suo iudicio diffidere. 2. Consule-
re alios.

PUNCTUM I. PRÆscribit hic nobis S. Pau-
lus, regulas sapientiæ, ac
prudentiæ christianæ; instructio, quam nobis de-
super dat, hæc est, ut nobis ipsis non simus
sapientes; estque idipsum, quod nobis Spiritus
sanctus interdicit his verbis: *ne innitaris pru-
dentia tua.* Prov. 3. 5. O quam necessarium
hoc est documentum, non solum omnibus ho-
minibus, sed vel maxime clericis! qui nun-
quam satis sibi ipsis diffidere possunt in tot
difficultatibus, quæ ipsis in exercitio ministerii
sui occurrere possunt, Assume hoc pro ma-
teria meditationis tuæ: *nō sis sapiens apud
te metipsum,* ibid. v. 7. ecce! circa quod re quam
utilissime occupare possis; sibi ipsi sapientem
videri, ac proprio lumini, seu scientiæ fidere,
præsumptio est tam periculosa, ut scriptura sa-

era de illa non aliter loquatur, nisi cum indignatione, & male ominando: *vel qui sapientes estis in oculis vestris; & coram vobismetipsis prudentes.* II. 5. 21. Quo magis sibi complacet Deus, lumen suum in eos effundere, qui parvuli sunt in oculis suis, qui de sua modica intelligentia & scientia persuasi sunt; qui propriam infirmitatem suam agnoscunt; tanto magis etiam complacet sibi, tenebras effundere animabus illis superbis, quæ de viribus suis, de proprio lumine, temerè præsumunt; citius convertet hominem gravibus & infamibus sceleribus oppressum, quam aliquem ex ejusmodi falsis sapientibus, qui cum illo Episcopo in apocalypsi dicunt, cap. 3. 17. *dives sum, & locupletatus, & nullius egeo.* Neque difficile est rationem hujus rei detegere; quia ejusmodi infamia scelera secum ipsis portant, & causant horrorem illis qui talia in se considerant, se ipsos horrore & abominationi habent, facilius se ipsos humiliant; & odorando & sentiendo putredinem, quasi ac saniem, quæ ex vulneribus eorum provenit, cælestem medicum inclamant; plus docilitatis habent, & cæca quasi, ac integra submissione, se ab eis duci permittunt, qui eos dirigunt; quid autem faciet medicus illis, qui se ipsos curare volunt, vel potius, qui se ægrotos esse minime credunt? qui alios contemnunt; vel aliorum compassionem non tenentur, & propriam cecitatem ignorant? qui vident festucam in oculis fratris sui, & trahent

in proprio non advertunt; tales erant pharisei. Erant ipsi turpi vanitate inflati; solos se habiles, vel saltem habiliores aliis credebant, nullus, nisi propriam sententiam sequebantur, se ipsos tanquam magistros in Israël, considerabant; duces cæcorum sibi ipsis videbantur, & lux eorum, qui in tenebris erant, ac clavis scientiæ; sed quid cum his omnibus lucrati sunt? publicani, & meretriciæ mulieres convertentur, & cælum intrârunt; à quo ipsi excluderentur. Deus avertat, ne id ipsum adhuc hominibus in ecclesia accidat, ut, dum simplices fideles ac christiani verbum Dei audiunt, & alios consulunt, regnum cælorum ad se rapiant; multi è contra clericorum, dum sibi ipsis sapientes videntur, per suam superbiam & præsumptionem non seipsos perdant, & damnent. Discede igitur proprio tuo sensui; & memor esto, ministerium tuum, quod exerces, ministerium esse humilitatis; & quamvis nescio quæ talenta, studium, aut sublimem intellectum habeas, te in infinitis quasi occasionibus cæcum tamen esse experieris, consilique alieni indigum, ut prudenter agere possis: *consilium custodiet te, & prudentia servabit te.* Prov. 2. 11.

PUNCTUM II. Quamprimum clericus de hoc persuasus fuerit, non posse se abque temeritate, proprio lumini, seu iudicio fidere, per se sequitur, illum debere audire confatres suos, & ab iis consilium capere, qui idonei sunt ad aliquod dandum: *audiens sapiens sapiens*

Electus in fr. P. I.

O

piens

pienior erit; & intelligens gubernacula pos-
 scabit. Prov. 1. 5. Aequè ad ecclesiasticos,
 quam ad alios, sequentia dirigit sapiens, fili,
 sine consilio nihil facias, & post factum non
 panitebis. Eccles. 32. 24. en regulas, à quibus
 nullus hominum eximi potest; examina te ip-
 sum, quomodo eas observaveris? an non nimi-
 um proprio sensui tuo adhasisti? ita quidem,
 ut omnes actiones tuas, ipse solus regere &
 ordinare volueris, absque reflexione ad hanc
 regulam seu doctrinam sanctorum? qui se sibi
 magistrum constituit, stulto se discipulum sub-
 dit S. Bernard. epist. 87. An non illa bona
 de te ipso opinio in causa est, cur negligas
 eligere bonum quemdam directorem, pro ne-
 cessitatibus & dubiis conscientiae tuae? consiliari-
 us sit tibi unus ex mille, Eccles. 6. 6. An non
 ita temerarius fuisti, ut statum, ac officia ec-
 clesiastica amplexus fueris absque consilio,
 tuum proprium iudicium pro magistro, & ar-
 bitro vocationis tuae statuendo? denique in tot
 difficultatibus, quae in ministerio tuo, & fun-
 ctionibus tuis fere quotidie occurrunt, nun-
 quam credidisti te sufficienti lumine prae-
 ditum, quin necesse habeas alios consulere? ne-
 que considerans, quod nec sapiens, ac multa
 experientiae homo totum videat, quod videre
 deberet; quodque utilissimum sit, etiam illos
 consulere, qui minus sapientes, & experti vi-
 dentur? *salus autem, ubi multa consilia*, Provi-
 11. 14. Humilia te itaque, quod quo ad hoc
 pun-

punctum tam parum exactus fueris, forte hoc ipsum, quod hucusque in omnibus, proprium tantum sensum tuum secutus fueris, quin à Deo, vel iis, qui te hac in parte instruere potuissent, consilium exquisieris, origo fuit omnium errorum tuorum, quos commissisti? *os Domini non interrogaverunt.* Roga veniam de præterito; & in posterum nihil age, absque consilio virorum prudentum; roga Christum Jesum, magni consilii angelum, quem in sanctissima Eucharistia sumpturus es, ut hanc tibi gratiam concedat; prostratus in genua coram sacro altari pete ab ipso, hunc spiritum sapientiæ tibi à Deo necessarium: *da mihi Domine, sedium tuarum assitricem sapientiam; mitte illam de celis sanctis tuis, & à sede magnitudinis tuæ, ut mecum sit, & mecum laboret; ut sciam, quid acceptum sit apud te.* Sap. 9. 4. 10.

FERIA SEDUNDA.

Providentes bona non tantum coram Deo, sed etiam coram omnibus hominibus, si fieri potest, quod ex vobis est, cum omnibus hominibus pacem habentes. Rom. 12. 17.

**QUA RATIONE, & MODO, VIVERE
DEBEANT CLERICI, INTER, &
CUM SÆCULARIBUS.**

1. Debent illos ædificare, & pacem habere cum illis. 2 Pax ista eos impedire non debet, ab impugnandis, & debellandis eorum vitiis.

PUNCTUM 1. Omnes homines generaliter; pusilli & magni, divites & pauperes, obligati sunt; præceptum hic ab Angelo nobis datum, observandi, ut sint solliciti bene faciendi, non solum coram Deo, sed etiam coram hominibus, & vivendi in pace; quod fieri potest, cum omnibus. Si autem hæc obligatio indispensabilis est, respectu fidei cuiuslibet status, aut conditionis sint, infinite magis stringit clericos; sunt enim *lux mundi*; neque ob alium finem positi sunt supra cancellarium ecclesiæ, quam ut sublimius luceant, quo major illorum bonis exemplis Deo reddatur gloria, & homines eorum exemplo ad exercitium virtutum inducantur. Præpositi nempe sunt fidelibus, tanquam exemplar: *forma facti gregis ex animo*, 1. Petri 5. 3. radiare debent instar astrorum, ut in tenebris vite hujus luceant, & quaquaversum bonum odorem Christi Jesu de se spargant; hinc non satis est, si in sanctitate solum in præsentia Dei ambulant; debent tales etiam apparere coram hominibus; non debent contenti esse, si nihil faciant, quod oculos hujus interioris testis divini, cujus oculi tam perspicaces sunt, ostendat; sed tam regulariter, & ordinate coram hominibus, qui omnes gressus eorum tam solcite observant, ambulare, ut nihil ab eis fiat; quod proximo esse posset in scandalum: *providentes bonâ, non tantum coram Deo, sed etiam coram hominibus*. Bonum exemplum; quod clerici

rici populo dare, obligantur, debet eos etiam ad hoc urgere, ut cum ipsis in pace vivant: *cum omnibus hominibus pacem habentes*, memores esse debent, se esse à Domino electos, tanquam angelos pacis, qui eam quocunque vadant, secum afferant, & stabiliant; *in quacunque domum intraveritis, primum dicite; pax huic domui*. Luc. 10. cum per eminentiam gradus sui, in ecclesia aliis excellent, ideo specialiter laborare debent, ut pacem & bonum ordinem ubique conservent, ut ait S. Augustinus, in Psal. 17 *excellentes quippe in ecclesia, paci debent, vigilantem intentionem consulere*. Illi sunt, qui controversias, inter parochianos suos, componere; dissensiones inter familias tollere; patrem cum filio, maritum cum uxore, vicinum cum vicino conciliare debent; uno verbo, omnibus id ipsum dicere debent, quod S. Paulus ad Hebræos scripsit: *pacem sequimini cum omnibus, & sanctimoniam, sine qua nemo videbit Deum*. Hebr. 12. 14. Hæc est obligatio clericorum, si utiliter ad salutem animarum laborare velint. Examina te ipsum modo, qualiter in hoc puncto, usque in præsens te gesseris? servasne ipse bonum ordinem? dasne bonum exemplum? amasne & quaris sincerè pacem? nil tibi inter parochianos tuos componendum restat? fersne injurias cum patientia? evitasne omnia, quæ hanc sanctam pacem turbare possent, adeo nobis ab Apostolo commendatam; & sine qua nihil boni procurare potes

potes inter eos, qui directioni tuæ commissa sunt; quia autem S. Paulus hic exceptionem adiecit, dicendo: *si fieri potest: & quod ex vobis est*, hinc adverte in 2do puncto, quod pax illa, de qua hic loquitur, minime impedire te debeat, quin peccatores reprehendas, & vitii eorum bellum indicas.

PUNCTUM II. Scias igitur, duas esse species pacis; unam *internam*; alteram *externam*; *interna* consistit in illa tranquillitate animi, quæ in fundo cordis conservatur; quæ semper conjuncta est cum vera charitate, id est, quod sincerissime diligamus Jesum Christum, & fratres nostros, quamvis, nescio quomodo irritati contra illos videamur; *externa* consistit, in quibusdam signis exterioribus unionis, & amicitiae, proximo à nobis datis, vel quæ ab ipso recipimus, quidquid accidat; primam illam pacem nunquam licet interrompere, siquidem nunquam permissum est, amicitiam seu charitatem erga fratres nostros tollere. Quantum ad alteram, & si omnia, quæ à nobis dependent, impendere debeamus, ut hæc conservetur, nihilominus plurimæ dantur occasiones, ubi ab ea cessare debemus; & hoc accidit toties, ait S. Gregorius, quoties id proximi salus & Dei gloria, & honor exigit: *pacem cum eo exteriorem solvite, sed interiorem circa illum medullitus custodite; ut peccantis mentem sic vestra discordia feriat, quatenus pax à cordibus vestris nec abnegata discedat*, Pastoral.

p. 3. admon. 23. Si pastor e. g. toleraret in sua parochia tales excessus, quibus mederi posset per suam admonitionem, falsus esset pastor, & prævaricator ministerii sui, si talia dissimularet ex apprehensione, quod eorum inimicitiam incurreret, qui talibus infecti sunt, & qui scandalo suo reliquum gregem inficiunt; si vel ipse dominus loci, vel honoratiores in parochia sic offenderentur, dum ordinationem Episcopi sui exequeretur, & choreas diebus dominicis, & festis, excessus in hospitiiis committi solitos, vel similes abusus abrogare deberet, nequaquam hæsitare deberet; alias negligeret præceptum Domini, qui ait: *exalta, quasi tuba vocem tuam*; item, *nolite timere eos, qui potestatem habent in corpora, & bona temporalia*; imo nec illi ad hoc silere debent, quibus ex officio non incumbit, opponendi se, & sistendi cursum ejusmodi scandalosum: *ferveat in nobis*, ait S. Bernardus, suavissimus alias, & moderatissimus sanctorum Patrum, *serra. in nativ. S. Joan. Bapt. amor justitiæ, odium iniquitatis, nemo fratres vitia palpet, peccata dissimulet nemo, quod in se est, equanimiter ferat, cum viderit ordinem disperire; minui disciplinam; est enim consentire, silere cum arguere possis, & scimus, quia similis pana facientes maneat, & consentientes*. Cuiuslibet hoc incumbit (salva tamen prudentia & charitate) ut studeat eradicare vitia, rescindere malas consuetudines, non obstante contradictione, & offensa.

offensione phreneticorum agrotorum, qui medicum verbis injuriis invadunt. An ita hucusque dilexisti fratres tuos? & vitis bellum indixisti? roga Deum pacis, quem hodie de altari sumpturus es, ut te talem faciat. O Domine, qui nos mittis in mundum, tanquam agnos inter lupos, dona nobis spiritum pacis, ut semper uniti mereamur cum fratribus nostris, non solum illis, qui boni sunt & mansueti, sed iis etiam, qui graves nobis sunt & molesti, sequendo in hoc verbum prophetæ tui, *cum iis, qui oderunt pacem, eram pacificus*. Psal. 119. sed si ul' etiam nobis inspira, tantum animi & fortitudinis, ut non toleremus in ipsis tales delectus, ad quos corrigendos charitas nos urget; fac, ut eos ita diligamus, quo simul in iis odio habeamus peccatum, quod & tuus, & nostrer est inimicus, juxta mentem cujusdam S. Patris: *diligite homines, interficite errores*, S. August. Hom. 6.

FERIA TERTIA,

Non vometipfos defendentes charissimi, sed date locum ira: scriptum est enim, mihi vindicta, ego retribuam, dicit Dominus. Rom. 12. 19.

DE VINDICTA.

1. Quam dedeceat clericum.
2. Remedia contra illam.

PUNCTUM I. Non potest quidquam efficacius afferri ad reprimendam

memendam vindictæ cupiditatem, quam allegata
ex S. Paulo verba: *non vosmetipsos defendentes* &c. audita enim hac sententia, quid dici
posset de tali christiano vindicativo, nisi, quod
monstrum quoddam sit christianæ religionis,
utpote, quæ tota ex charitate constat; quid?
anne audeat vermiculus terræ, usurpare jus
& potestatem divinam? quanta hæc temeritas?
quid? anne audeat discipulus Christi Jesu se
moveri odio, & ad vindictam trahi? quis fu-
ror? quæ rabies? sed quid cogitandum de cle-
rico, qui mancipium sit hujus tam turpis pas-
sionis? quale scandalum! si videamus eos, quos
oportet prædicatores esse mansuetudinis, & mo-
derationis christianæ, plus habere fallis, & ira-
cundiæ, quam ipsos paganos, & gentiles phi-
losophos? Interm, nonnisi plus quam verum
est, dari ejusmodi clericos (quod sanè deplo-
randum) sunt nimirum, qui tam infelices sunt,
ut vel ipsa cathedra veritatis, & auctoritate,
quam habent administrandi sacramenta, utan-
tur, vel potius abutantur ad satisfaciendum
sux iracundiæ, & ad demonstrandum se fuisse
offensos, & cathedra, & prædicta auctoritas,
in eum finem ipsis commissæ sunt, ut justam
Dei iram in peccatores ab iis avertant, ipsis
autem servire debent ad satisfaciendum pro-
priis passionibus injustis; heu! in quantum pro-
brum, & infamiam cedit hoc religioni nostræ,
quam detestanda res in se ipsa! quam abomi-
nabilis in oculis Dei! quam scandalosa coram
hominibus

hominibus! ô Domine! qua ratione id tolerare potes? ministri indigni! qui, cum cathedra veritatis conscendere deberetis, ad reaccendendam charitatem inter christianos fere extinctam, eam ideo conscenditis, ut magis impune contra inimicos vestros, declamare possitis, sive deinde eos expressè nominando, sive eos taliter designando, ut satis dignotici possint; an non meministis cathedram vestram fundatam esse in cruce Jesu Christi, & ab hac, omnem suam auctoritatem, trahere? nescitis, Christum Jesum crucem suam, quasi cathedram conscendisse, ut ex illa, tam exemplo, quam verbo, vos hortaretur ad ignoscendum inimicis vestris? & vos, qui abutimini auctoritate illa, quam character vester vobis dat in sacramenta, repellitis, vel accedere non permittitis eos, qui vobiscum litem & controversias habent? an ignoratis, quod per hæc sacramenta, tanquam per sacros canales, supra fideles decurrat sanguis ille, quem Deus pro inimicis suis profudit? quique adhuc, quasi recenter sumans in manibus vestris, vobis acclamat, ignoscite inimicis vestris, sicut ego ipse vobis ignovi? quomodo hanc vocem audientes, potestis adhuc somnare vindictam? cur aspectus hujus pretiosissimi sanguinis, à tam nefando abusu non absterret? bone Deus! aperi oculos cæcis hisce voluntariis; fac, ut proprium suum malum agnoscant, & da illis omnem illum horrorem, quem de tanta, ac tam detestabili

bili passione, eos habere oporteret. Sed quia non sufficit aversionem aliquam contra illam concipere, disce in 2do puncto, media, quomodo ei sit resistendum?

PUNCTUM II. Tria valde utilia nobis suppeditat S. Paulus, imum est, ut primos motus, & iracundiae ardorem, aliquantulum remittere sinamus, *dare locum iræ*; quousque ratio habenas arripere valeat; vel prout S. Chrysostomus explicat, *dare locum iræ divine*, qui vindicare sufficienter te poterit. Sed cave, ne ab ipso punitionem inimici tui petas; quin potius in secreto, & apud teipsum fuisse dole, quod incidat in manus Dei vindicativi, dicendo cum Apostolo: Hebr. 10. 31. *horrendum est incidere in manus Dei viventis*. 2. Oportet, ut inimicum nostrum lucrari conemur, & per orationem, ac bona opera nostra, itam illius exarmemus: *si esurierit inimicus tuus, ciba illum, si sitit, potum da illi, hoc enim faciens, carbones ignis congeres super caput illius*. En potens remedium lucrandi inimicum tuum, eumque convertendi! sed bene adverte expressionem, qua utitur Apostolus; *carbones*: opus est carbonibus; oportet eos bene accensos esse igne S. Spiritus; debent insuper applicari in magno numero. Si contenti tantum essemus certo numero carbonum, nihil efficeremus, hoc est, omnes actiones nostrae inflammatae esse debent charitate, & omnem viam, & modum tentare oportet, quo inimicum nostrum lucremur, sic enim fiet, ut durities cordis illius emol-

emolliatur; propriam suam malitiam perhorrescat, & seipsum recolligat, siquidem, ut S. Augustinus de Cathed. rud. c. 4. dicit. *nulla major ad amorem invitatio, quam prevenire amando.* 3. tam parum dispositi, & proni esse debemus ad vindictam, ut potius omnem conatum adhibeamus, ut sic malum bono vincamus: *noli vinci à malo, sed vince in bono malum.* Non sufficit tantum vincere odium, quod naturaliter in corde nostro nascitur, & exsurgit contra eos, qui injuria aliqua nos affecerunt, sed insuper in corde ipsius inimici nostri illud vincere debemus; ubi locus natiuitatis illius est, ex quo nos aggreditur. Igitur haud contenti simus, ut illum præcisè non odiamus, sed ita eum amare debemus, ut eum etiam ad nos redamandum obligemus. *Vince in Christo.* O quam dignæ sunt tanto apostolo hæ regulæ, quas hic nobis suggessit! vide, dum legis hanc ipsius epistolam, quomodo eas secutus fueris? roga Deum, qui est charitas, quemque proxime sumpturus es de altari, ut eas cordi tuo imprimat. Pete ab eo gratiam hanc, qui pro suis inimicis in cruce oravit, & mortuus fuit; crucem tuam ad pedes ipsius crucis pone; recogita illum infinitum quasi numerum injuriarum, quas tibi remisit, & condonavit. Tunc plane pro nihilo reputabis illas, quibus tu afficeris. Exinde nascitur, quod tuæ tibi illatæ injuriæ, tibi insupportabiles videantur, quia oculos tuos ab opprobriis, quæ Christus sustinuit,

nuit, avertis. O Jafu! fac, ut nobis contineas,
ante oculos nostros verferis; certus sum enim,
tunc nec somnianturos nos amplius vindictam ul-
lam: *in te inimicos nostros ventilabimus cornu,*
& in nomine tuo spernemus insurgentes in no-
bis, Pl. 43. 6.

FERIA QUARTA.

Ecce leprosus veniens adorabat eum; dicens;
Domine, si vis, potes me mundare, & exten-
dens Jesus manum, tetegit eum, dicens: volo,
mundare; & confestim mundata est lepra ejus.
Matth. 8. i.

MEI HODUS BENE ORANDI.

i. Debemus nos sistere coram Deo, tanquam
ægrotus coram Medico. 2. Et accedere ad il-
lum cum fiducia.

PUNCTUM I. ¶ Venimus in Evangelio præ-
senti modum quemdam o-
randi, qui omnibus sane congruit; quia cujus-
cunque demum dignitatis, & conditionis simus;
sumus nihilominus peccatores, & consequen-
ter miseri ægroti; qui necesse habent, recur-
rere ad medicum, &que exponere mala nostra;
quibus premimur. *Effundo in conspectu ejus ora-*
tionem meam, ante ipsum pronuntio. Pl. 141.
Nonne scriptura sacra docet nos, peccatum nil
aliud esse, quam lepram, per quam anima de-
formis, & insensibilis redditur? quid ergo aliud
facere possumus ad talem statum redacti? quam

ut ad pedes Christi Jesu prostrati, ipsumque adorantes, dicamus eum hodierno leproso: *ali Domine! vides utique, quisnam sum? si vis, potes me sanare: magis & vulneribus plenus sum: à planta pedis usque ad verticem non est sanitas, II. 1. 6. Et tanto magis confundor, & mala mea erubescio, quod ipse sum causa lotum. Heu mihi Domine, miserere mei; heu mihi, ecce vulnera mea non abscondo; medicus es, ager sum; misericors es, miser sum. S. Aug. l. 10. conf. c. 39. Ostende mihi extremam necessitatem meam Domine, quod non nisi à te curari valeam, & da mihi sincerum desiderium id à te consequendi, quia, si hoc desiderium mihi desit, possetne inveniri super terram, miserabilior agrotus? quam ego! non mereor gratiam istam, qua indigeo; imo vix illam à te postulare audeo: totam, quod mihi superest, est; ut cor à te prostratus permancam, dicamque tibi: Domine, si vis? potes me mundare. Orastine huiusque sic, conatusne es te ita humiliare coram Deo, exponere illi miseriae tuas? indigentiam tuam? interiores plagas, & vulnera animae tuae? ut eum ad præstandam tibi misericordiam flecteres, prout propheta regius faciebat? *inclinà Domine aurem tuam, & exaudi me. quoniam inops & pauper sum ego. Psal. 85. Cum nihilum tuum, ac miseriae tuas agnoscere & fateri debuisses, an non potius unus ex illis falsis devotis fuisti qui de se ipsis præsumunt, & divites se esse**

in virtutibus credunt; neque advertunt; ut apostolus calypticus ille Episcopus, quod pauperes sint, & miserabiles? nescis, quia tu es miser, & miserabilis, & pauper, & cecus, & nudus. Detestare hanc præteritam superbiam tuam, & postquam didicisti, te humiliare.

PUNCTUM II. Accede cum fiducia ad eum, qui solus te curare potest; consilium hoc tibi dat apostolus. Hebr. 4. 15. *adeamus cum fiducia ad thronum gratiæ, ut misericordiam consequamur*. Comparemus cum integra fiducia; coram throno gratiæ illius, qui ipsemet miseras nostras in se suscipere dignatus est; appropinquemus huic divino salvatori sine hæsitatione, ipse omnes languores nostros portavit, expertusque in se ipso est remedia illa, quibus nos indigemus, ut illa redderet utiliora, & efficaciora; exhibeamus illi humiliter totum id, quod sumus, dicamusque ei: *respice in me, & miserere mei, quia unicus & pauper sum ego*. Psal. 24. 16. Si hunc Pontificem Divinum pro mediatore habemus, qui ideo in cælum ascendit, & continuo se coram Deo pro nobis sistit, *ut appareat nunc vultui Dei pro nobis*. Quid non speremus de precibus intercessoris & advocati adeo potentis, qui jam dudum, totum pretium exsolvit pro gratiis illis, quas unquam à Deo consequi possimus. Ecce! quam graves, & iustas causas fiduciæ in amore illo, quem hic divinus salvator nobis exhibuit, & in illis effectibus, quos hucusque, sui in nos amoris,
expere

experti sumus, fundatas! si nunc in temporē;
 accedimus ad thronum illius, inveniemus thro-
 num gratiæ & misericordiæ, & non rigoris, aut
 justitiæ, *nunc est sedes gratis; non sedes ju-
 dicii*, ait S. Ch. ylostomus in Ep. ad Hebr. 4. si
 autem nimis diu expectemus, & tardemus, in
 vānum accedemus, quia veniet tempus, ubi in
 throno suo non sedebit, nisi ut iudicium exer-
 ceat, & justitiam. Utamur ergo ad profectum
 nostrum hoc tempore misericordiæ suæ; an
 autem aliquod aliud in comparationem venire
 queat, cum tempore S. communionis, ubi no-
 bis pro medicina dat carnem & sanguinem
 suum? accede igitur ad illum novo cum fer-
 vore; offer te Christo Jesu talem, qualis es,
 ut te reddat talem, qualem te esse vult. Dic
 cum omni simplicitate: ô Domine; en ægro-
 tum! tu es medicus! *vide humilitatem meam,
 & laborem meum; & dimitte universa delicta
 mea*. Psal. 14. 18: Plura non addo; ô Jesu!
 amor in me tuus satis intelligit silentium cor-
 dis mei; quia miseria mea satis per se ipsam
 loquitur: *sufficit, ut noveris; non enim amas,
 & deseris*. S. Aug. Tract. 49. in Joan.

* * * * *

FERIA QUINTA.

Vade, ostende te sacerdoti. Matth. 8. 4.
 DE SACRAMENTO PÆNITENTIÆ.

1. Commoda, atque utilitates illius. 2. Quæ
 ad illud requirantur dispositiones.

PUN

PUNCTUM I. **D**um Christus huic leproso, prout omnibus aliis, quos curavit, praecepit, ut se sacerdoti sisterent, satis clare indicat, & docet, quam necessarium sit, ut sacris ministris, seu sacerdotibus statum conscientiae nostrae detegamus. Ipse solus magnus & supremus medicus est animarum nostrarum, prout eum appellant S. PP. *sanguis agrote anima incantator, & medicus.* S. Clem. Alex. paedag. l. i. c. 2. Sed bonitas illius adeo se extendit, ut ministerio sacerdotum uti velit ad nobis medendum, instructo ad hunc finem ex proprio suo sanguine balneo salutari, in sacramento poenitentiae, per quod lavari, ac mundari possemus à peccatis nostris, & primam innocentiam recuperare. Gratias age amabilissimo huic salvatori, quod nobis de remedio tam efficaci prospexerit, adeo ut neque proprio sanguini & vitae pepercerit: *de suo sanguine medicamentum fecit agrotis* S. August. in Ps. 58. Et hanc resolutionem cape, toties ad illud recurrendi, quoties conscientiae tuae necessitas id postulaverit. Omnes Christiani sapius ad id accedere debent, sed specialiter clerici, qui cum continuo res sacras tractent, magis indigent, ut se continuo purificent. *Mundamini, qui fertis vasa Domini.* Il. 54. 11. Porro non potes melius invenire medium conservandi te in statu gratiae, quam frequentem usum sacramenti poenitentiae. Omnes boni de hoc persvasi sunt, ut Concilium Tridentinum Sess. 14. *Cleric. instr. P.I.* P de

de poenit. c. 5. advertit, quod, quidquid sanctitatis & pietatis in ecclesia invenitur in particulari, huic sacrae confessioni attribuentum sit; per hanc tranquillitas conscientiae nostrae semper restitui potest; per hanc disponitur poenitens, ut pacatius admittat correctiones, quas ibi audit, ut patientius toleret labores poenitentiae; ut ardentius diligat Deum; ut vigilantior evadat supra seipsum; humilior in consideratione peccatorum suorum; gravior, quas recipit, grata ter agnoscat, & sollicitior fiat ad eas conservandas. Ah! utinam haeretici rite secum perpenderent omnia haec! possentne tot bona pra oculis habere, quin summe dolerent, & damnum illud deplorarent, quod patiuntur? quin reformationem illam detestarentur, quae illis praxim tam sanctam, tam salutarem, & ecclesiae adeo necessariam, sustulit? deplora hic illorum excitem; quia autem non sufficit tantum recurrere ad hoc sacramentum, vide in puncto 2do.

PUNCTUM II. Dispositiones illas, quas afferre debes ad digne recipiendum hoc sacramentum. Prima est, sufficiens, & requisitum *examen* conscientiae nostrae; &, ut hoc fiat omnino exacte, prout negotium tanti momenti id requirit, roga Deum, ut tibi donare dignetur cognitionem peccatorum tuorum, quae commisit. *Quantas habeo iniquitates & peccata, scelera & delicta mea ostende mihi. Job. 13.*
 2. Altera est vera contritio, quae anima est poeni-

pœnitentis; sine qua neque confessio, neque absolutio, neque indulgentiæ, neque jejunia, neque eleemosyna, vel quidquid aliud delere potest ullum peccatum. *Fuit quovis tempore, ad impetrandam peccatorum veniam, hic contritionis motus necessarius.* Conc. Trid. ibid. c. 4. Tertia est *integra & fidelis confessio* omnium peccatorum; quæ fieri debet sine excusatione, sine simulatione, sine ambagibus, sine occultatione: *sine ullo velamine occultationis, excusationis, palliationis,* ait S. Bonaventura, Memor, de conf. Quarta consistit in sincera voluntate & desiderio *satisfaciendi* iustitiæ divinæ; pro peccatis, quæ confessi sumus, cum serio proposito adhibendi omnia media, nunquam in eadem recidendi. *Verebar omnia opera mea, sciens, quod non parceres delinquenti.* Job. 9. 28.

Accessistine, cum omnibus hisce dispositionibus ad sacramentum pœnitentiæ? an non deliquisti in non faciendo sufficienti examine, ex eo, quod tanto tempore distuleris accedere ad confessionem? qualis erat dolor tuus? tuum propositum? qualem curam & sollicitudinem adhibuisti corrigendi superbiam, iracundiam, maledicentiam tuam, detractiones? &c. quomodo confessus es? an non hoc factum fuit superficialiter, & omnino festinanter? habuistine zelum quemdam, & fervorem satisfaciendi iustitiæ divinæ? potesne dicere cum propheta regio: Ps. 37. 18. *ego in flagella paratus sum, & dolor meus in conspectu meo semper?* Si forte er-

poros commisit; in materia tanti momenti, eos
 quantocyus reparare stude, & prior idipsum
 exequere, quod alios docere prætendis. Si
 difficile tibi accidat, ad hoc te resolvere, con-
 sidera ignem infernalem, quem peccata tua
 promeruerunt: si de exomologesi conquereris;
 gehennam in corde considera, quam tibi exomo-
 logesis extinguet. Et panā prius magnitudinem
 imaginare, ut de remedii adeptione non dubi-
 tes. Tert. de penit. c. 11. Pro communione,
 vel Missa, fere à Christo Jesu spiritum pro-
 mitentiz: O Jesu, qui bene nosti, quam sim
 culpabilis, concede mihi, ut te offeram Patri
 tuo divino, tanquam cautionem æternam, ut
 per te, ipsi satisfaciendo, per te ipsum, merear
 salvari; Domine I vim patior, responde pro me.
 Is. 38. 25.

FERIA SEXTA.

Domine, puer meus jacet in domo paralitici.
 Et male torquetur, Et ait illi Jesus, ego
 veniam, Et curabo eum. Matth. 8. 67.

LE VISITATIONE INFIRMORUM.

1. Obligatio, quam habemus, eos invisendi.
2. Modum, quem in tali visitatione tenere
 debeamus.

PUNCTUM 1. Mirare hic charitatem D.N.
 J. C. qui se in viam dedit
 ut pauperem & ægrotum servum invisere-
 Et quatenus hoc exemplo suo, valde nos monet &
 docet.

docet nequaquam negligendi curam, & visitationem infirmorum! si vel simplices tantum Christiani essemus, fieri seu dari posset occasio, ut omissio hujus exercitii charitatis, nobis in grave peccatum imputari posset, siquidem evangelium expresse dicit, quod in extremo die judicii Dominus æterno supplicio puniet eos, qui neglexerint ipsum in persona infirmorum visitare; ubi est contrario ait, quod mercedem recepturi sint illi, qui huic suæ obligationi satisfecerint; *infirmus eram, & visitastis me, venite benedicti Patris mei: possidete paratum vobis regnum à constitutione mundi &c. Infirmus eram, & non visitastis me, discedite à me maledicti in ignem æternum, Matth. 25. 36. 43.* Stante ista formali tam clara & terribili sententia, possitne pastor aliquis adeo cæcus esse, ut prætereundum audeat, visitationem infirmorum, opus non nisi supererogatorium esse? si tamen respectu laicorum; vel etiam eorum, quibus non nisi cura propriæ salutis incumbit, tale esset; certe curatus, qui de omnibus animabus curæ suæ commissis, in extremo judicio Deo rationem reddet, dubitare minime potest, hanc ex principalioribus unam, esse obligationem officii ac ministerii sui? parochus, ait Rituale Romanum, *imprimis meminisse debet, non postremas muneris sui partes esse, agrotantium curam habere* Omnia statuta synodalia, id ipsum habent, & si ulteriorem rationem, quæ te convincat, requiras,

quid dicturus esses de pastore, cui cura gregis incumberet, si morbidas oves relinqueret, aut lupo auferendas exponeret, vel nullam sollicitudinem adhiberet eas salvandi, & eidem eripiendi? sine dubio condemnares illum; & tamen, *tu es ille vir*, si agrotos & infirmos parochiæ tuæ negligis. Christus Jesus oves suas curæ tuæ commisit, idem tibi dixit, dum curam hanc in te suscepisti, *custodi virum istum, qui, si lapsus fuerit, exit anima tua pro anima ejus.* 3. Reg. 20. 39. Et tu parochiam tuam deseris, dum agrotos in illa habes? dilcedis ab eis eo ipso tempore, quo maxime opera tua indigent? in illo ipso terribili instanti, quo de æternitate res agitur? ubi daemon crudelis animarum hostis, quam maxime vigilat, ut eis noceat? putasne, te ita satisfacere obligationi pastoris? si autem hanc tibi Deus concessit gratiam, ut obligationem tuam agrotos visitandi agnoscas, 2dum punctum docebit te modum, quem tenere debeas, ut huic tuæ obligationi satisfacias.

PUNCTUM II. 1. Debes invisere omnes absque distinctione; divites & pauperes, omnes inspicere debes, & toties quoties indigerint; sic enim affectum & amorem illorum erga te, tibi conciliabis: *non te pigeat visitare infirmum; ex hoc enim in dilectione firmaberis.* Ecclesi. 7. 39. 2. Ut visitationem hanc utilem & fructuosam efficias; si pauperes sunt, vide quomodo eos etiam subsidio temporalium juvare valeas, vel

vel procurando eis elemosynas à piis & devo-
tis fidelibus; vel, si male vixerint, hoc tempore
utendo, ubi magis dispositi sunt ad admittendas
correctiones, ut sic eos ad meliorem suam
reducere possis. Si graves dolores patientur,
consolare eos verbis bonis, ad patientiam eos
exhortando: *verba bona, verba consolatoria.*
Zachar. 1. 13. Ora pro illis, commenda eos pu-
blicis precibus, si scias inimicitias cum aliis
habere, vel aliena bona possidere, hortare illos,
ut quamprimum in amicitiam redeant, restitu-
tionem faciant, & suis rebus mature provideant.
3. Dispone illos ad bene suscipienda sacramen-
ta; & si vis mali, seu infirmitatis incremen-
tum sumat, sollicitudinem & curam tuam pa-
riter auge; visita eos majori assiduitate, eosque
dispone ad sanctius moriendum. Quod si eos
toties invisere non potes, ac ipso optares, traxe,
& commenda eos cuidam charitativæ personæ,
quæ coram illis subinde renovet actus amo-
ris Dei, contritionis, patientiæ, fidei, in De-
um, submissionis, & resignationis in divinam vo-
luntatem. Examina te ipsum nunc, an talem
curam infirmorum habueris? an non contempsisti
& neglexisti pauperes? an non de nocte re-
cussasti venire? aut alium pretextum illos in-
visendi habuisti? nullusne mortuus est è tuis
sine sacramentis ex tua culpa? o si fecisti hoc!
qualem consolationem habere poteris, si hanc
Dei comminationem tecum perpendas? *ille*
quidem in iniquitate sua morietur, sanguinem
aulem.

autem ejus de manu speculatoris requiram!
 Ezech. 33. 8. Pete à Deo veniam negligentiarum
 tuarum prateritarum; roga Jesum, ut eas ab-
 luere dignetur per virtutem infinitam sangui-
 nis sui, quem brevi sumpturus es; & in futurum,
 accuratius huic tuæ obligationi satisfacere stude.
Religio munda & immaculata apud Deum &
Patrem hæc est, visitare pupillos & viduas in
*tribulatione eorum. Jac. 1. 27. **



DIE SABBATHI.

Domine non sum dignus, ut intres sub tectum
meum, sed tantum dic verbo, & sanabitur puer
meus. Matth. 8. 8.

DE SACRA COMMUNIONE

Ut Jesum in S. communionem digne sumas, o-
 portet cum centurione agnoscere, 1. dignitatem
 illius, 2. indignitatem nostram.

PUNCTUM I. Quam admirabile est hoc cen-
 turionis exemplum! hand
 miror, quod ecclesia illud assumat, pro norma
 & regula, quam in S. communionem sequi de-
 beamus. Verba ista in os nostrum ponit, ante-
 quam sanctissimum corpus Christi nobis sumen-
 dum præbeat, quæ centurio hic, salvatori no-
 stro dixit, ad impetrandam ab eo servi sui sa-
 nitatem, ut nos eadem profundius in corde no-
 stro expendamus. Considera ergo cum centu-
 rione, quoniam sit ille, qui ad te venire velit.

Domine

Domine Deus virtutum, quis similis tibi? Ps.
 3. 3. filius est Patris aeterni; victima novi te-
 stamenti; sponsus ecclesiae. Quid te facere on-
 portet, ut te disponas, ad illum bene recipien-
 dum? ecce sponsus venit: aptate vestras lam-
 pades, exite obviam ei. Matth. 25. Si Beatissi-
 ma Virgo præ horrore contremuit, dum an-
 gelum ita ad te loquentem audiit, quod filium
 altissimi in sinu suo conceptura esset, an non tu
 præ nimio terrore totus perhorrescas, qui eum
 quotidie in S. altari gignis? qui eum in manibus
 tenes? & tam frequenter intra te sumis? si S.
 Joannes Baptista, præcursor illius, eum attin-
 gere, & baptizare non audeat, si S. Petrus, prin-
 cept Apostolorum, eum rogat, ut à se tanquam
 peccatore, recedat, dum miraculum aliquod,
 coram se, ab eo patrari videt, si mulier fluxu
 sanguinis laborans, coram eo comparere non
 audet, eumque solum retro tangit in fimbria;
 si denique centurio non audet ipsi in persona
 propria loqui, dicitque se indignum esse, quem
 intra domum suam recipiat; Luc. 7 & quis es
 tu, ut ad eum accedere audeas, eumque quo-
 tidie in sacrificium offeras? magna est & su-
 perminens caelestis dignitas sacramenti, & quis
 poterit ad eam, ait Petrus Blessensis Epist. 123.
 ad London. episcop. & tamen quotidie cerni-
 mus clericos, ignorantes, rudes, carnales, in
 tanto numero, qui nullam ad hæc attentionem
 & reflexionem faciunt. Video autem hodie,
 quod & flens dico, innumeros illiteratos, aut
 potius

potius idiotas, & nihilominus carnaliter conver-
santes, usurpare tanti officii gradum; ita, quod
sacramenti dignitas, ex indigna numerositate,
vilesceat, & evenit, quod Osée propheta conque-
rendo deplorat, & dicit: multiplicavit populus,
altaria ad peccandum; facta sunt ei ara in de-
lictum. Osée 8. 11. Et postea subiungit hic piis-
simus Archidiaconus ista verba, quæ bene no-
tanda sunt. *Ex inordinata & indisciplinata*
multitudine sacerdotum, hodie datur ostentui,
nostra redemptionis venerabile sacramentum.
Ne & tu quoque tanti abusus reus inveniaris,
sæpe & cum viva fide considera infinitam il-
lius majestatem, quem ex altari sumpturus es;
postea conijce oculos tuos supra propriam tuam
indignitatem

PUNCTUM II. Quæso te! possetne illa,
esse major? daturne in toto mundo, habitatio
magis indigna, pro sanctitate salvatoris tui,
quam sit cor tuum, et si forte non sit corruptum
peccaminoso amore creaturarum, quæ omnino
sacrilega foret profanatio. Negligentia tua,
cum qua vivis; & modica sollicitudo, quam
adhibes, præparandi te ad recipiendum hunc
divinum hospitem, merito tibi timorem incute-
re, & facere deberent, ut, in consideratione
indignitatis tuæ, exclames: *Domine, non sum*
dignus, ut intres sub tectum meum. Ah Domi-
ne! non est, nisi solus æterni Patris tui filius,
& habitatio, quæ te digna sit; & dum digna-
tus es descendere in virginalem Mariæ uterum,

rum per mysterium incarnationis, obstupescere
desuper omnes cœlestes, ac angelicæ intelli-
gentiæ; siquidem adeo profunde te humiliasti,
& quasi annihilasti, quatinus sanctissimum cor-
pus tuum, per virtutem Spiritus S. fuerit for-
matum. Non contentus hac tua submissione,
vis insuper in medio nostrum habitare. Quid
tu ô Domine! venis ad me? tu, qui es Deus
vividus, & supremus cœli, terræque Dominus?
ad me, qui maximus sum omnium peccato-
rum? ah! qua ratione ego dignus sim, come-
dere panem angelorum! ego, qui nequidem
mereor, vel ipsum tantum panem communem,
& usualemente comedere, quin pro sustentatione,
& nutrimento hominum, nobis donasti: *non enim
est bonum sumere panem filiorum, & mittere
canibus. Marc. 7. 27.* Quia tamen Dominus
(cujus misericordia infinites excedit merita
nostra, de quo canit ecclesia: *qui merita super-
plicum excedis & vota: Orat. eccles.*) se tibi
dare, & communicare ultro vult, quameun-
que sis miser, & miserabilis, ideo accede ad
eum cum aliquo, ac debito rubore, & erube-
scentia, quod mensæ angelorum assidere tibi
liceat. Et quidem eo magis talis debet esse
sensus tuus de te ipso, quo non solum propriis
peccatis onustus accedis, sed insuper peccatis
populi, ac gregis tui. Ut adeo causam habeas
exclamandi cum Esdra: cap. 9. *Deus meus con-
fundor, & erubescio levare faciem meam ad te.*
Pro præparatione ad Missam; roga. Jesum, ut
suis

suis te divinis virtutibus vestire, & ornare dignetur; & pro gratiarum actione, admirare effectus infiniti illius in te bonitatis; confiteatur Domino misericordia ejus, & mirabilia ejus, filiis hominum; quia satiavit animam inanem, & animam esurientem satiavit bonis.
Psal. 106. 8 9

* * * * *

LUMINICA QUARTA POST EPIPHANIAM.

Nemini quidquam debeatis, nisi ut invicem diligatis; qui enim diligit proximum, legem implevit. Rom. 13. 8.

DE PIETATE SEU DEVOTIONE

Vera devotio consistit in eo, ut quis satisfaciat
1. Obligationi justitiae. 2. Et charitatis.

PUNCTUM II. **V**eram, substantialem, ac solidam devotionem reducit Apostolus, ad praxim & exercitium, harum duarum virtutum, & obligationum. Ut nemini quidquam debeamus; 2. ut nos invicem amemus: *nemini quidquam debeatis, nisi ut invicem diligatis.* Si quis satisfaciat his obligationibus, justitiae & charitatis, ille vere, & solide pius seu devotus est; secus, non datur vera devotio; si ergo sincerum habes desiderium exercendi te in pietate & devotione, quemadmodum Apostolus hortatur: *exerce te ad pietatem.* 1. Tim. 4. 7. applica te ad cognoscendum, quae tua sit obligatio, erga Deum; erga proximum; erga te metipsum *Quoad Deum;*

Deum; debes illi hunc supremum cultum, & venerationem, ut non solum eum, in spiritu & veritate adores, sed ut insuper illum ames super omnia, juxta mentem & verba ista S. Augustini Epist. 119 *pietas, cultus, Dei est; nec colitur ille, nisi amando. Quoad proximum; oportet dare cuilibet, quod suum est: reddite ergo omnibus debita; cui tributum, tributum; cui timorem, timorem; cui honorem, honorem; denique quoad se ipsum, obligaris adimplere ea omnia, quæ Deus in statu ac vocatione tua à te requirit; sacerdos sacerdotalia, curatus quæ curæ suæ commissæ sunt, curare debet &c. Igitur pietas seu devotio, nequaquam consistit, prout plurimi sibi imaginantur, in certis actionibus exterioribus, quibus quis ex proprio gustu afficitur, sed in adimplentione obligationum suarum; mulier e. g. fallit se ipsam, si putet se valde devotam, quia totam diem in ecclesia transigit, ac interim domi ea negligit, quæ marito liberis, ac domesticis suis debet: pastor pariter seipsum decipit, qui se multum in virtutē profecisse putat, si tempus studio transigat, vel meditationibus insumat, si interim administrationem sacramentorum, & instructionem parochianorum suorum negligat. Si, quod absit, hucusque talis opinionis, & erroris fuisti, corrige, & esto potius in contrarium persuasus, quod omnes inordinatæ, insolitæ, obstinatæ, & in proprio judicio fundatæ devotiones aliam stigmam non habeant, nisi, quia non satis præceptum*

ceptum illud apostoli: *nemini quidquam de-
beat*, attendimus; quia autem vera devotio
& pietas, insuper comprehendit obligationem
charitatis; quousque hæc se extendat, discere ex
2do puncto:

PUNCTUM II. Distinguit Apostolus obli-
gationem charitatis, ab obligationibus iustitiæ;
ex eo, quod quoad istas, si quis iisdem satis-
fecerit, nemini quidquam ultra debeat; sed
quoad obligationem charitatis non potest quis;
juxta ipsius mentem, huic suæ obligationi ita
satisfacere, quasi totum hoc debitum ex inte-
gro sit solutum: *charitas semper debetur*, ait
S. Augustinus, epist. 92. ad Cælestin. *Et nun-
quam exsolvitur*. Debemus illam omnibus ho-
minibus, amicis, sive inimicis; debemus illam
omni tempore; nunquam cessare debemus à di-
ligendo proximum; & dum illum amamus, non
viam contrahimus obligationem, eum plus aman-
di, & quod singulare est, ipse Jesus Christus;
cui infinite obligati sumus, reliquit nobis pro-
ximum pro depositario juris sui, quod in nos
habet; quod illi damus, & facimus, tanquam
sibi datum & factum reputat; quod illi repen-
dimus, sibi refusum habet; itaque non nimium
progredi possumus in amore proximi, neque id
æquare, quod ipsi debemus; reliqua debita per
solutionem extinguuntur; debitum autem cha-
ritatis semper manet: *semper debeo charitatem;*
quæ sola, etiam reddita, semper detinet debi-
torem, ibid. Vide, ut bene comprehendas hanc

veritatem, quæ grande illud fundamentum pietatis, sed devotionis christianæ est; diligenter illam populo explicare stude, ita, ut tibi, & tuis pro regula serviat; docebit te, quod non sufficiat, aliquam cleemosynam erogasse; sed debes eam continuare; non satis esse, in certa aliqua occasione, patientiam te exercuisse; oportet eam habere in omnibus; non potes dicere, hoc, & hoc patiar, & non ultra, sed tunc me ulciscar; oportet charitatem tuam invincibilem esse quoad omnes injurias, cujuscunque demum generis sint & nominis; sic etiam, dum Petrus à Christo scire voluit, quoties fratri suo ignoscere, & dimittere debeat? utrum sufficiat, si septies? Christus ei respondit, non satis esse, si tantum septies dimittat, sed usque septuagies septies, id est, oportere tantam habere charitatem, quæ nullos limites sciat. En! quid sit veram habere pietatem, seu devotionem; heu! quam rara est hæc! pete illam instantè à Deo, per Jesum Christum filium ejus, quem eidem hodie in sacrificium oblaturus es; expone illi grandem necessitatem tuam, & quantum hac devotione indigeas; est enim tibi necessaria, ut ecclesiæ servire, proximum edificare, & teipsum sanctificare, seu perfectum reddere possis: illa est, *quæ ad omnia utilis est, promissionem habens vitæ, quæ nunc est, & futura.* 1. Tim. 43.

Dilectio proximi malum non operatur.

Rom. 13. 10.

DE AMORE PROXIMI.

1. Constitit primo in eo, ut nihil mali ei facias. 2. Ut omne bonum, quod in potestate tua sit, ei procures.

PUNCTUM I. **C**haritas proximi, duas magnas obligationes imponit nobis, quæ in scriptura indicantur; prima, in illis verbis Tobiz: *quod ab alio oderis fieri tibi, vide, ne tu aliquando alteri facias*, Tob. 4. 10. altera per hanc sententiam Christi, in evangelio, contentam: *omnia ergo quaecunque vultis, ut faciant vobis homines, & vos facite illis*. Matth. 7. 12. Ista duo præcepta, ait S. Gregorius Papa, in Job. l. 10. c. 4 nobis necessaria æqualiter erant: *per unum malitia compefcitur, per aliud benignitas prorogatur*; igitur, ut proximus vere diligatur, debet dilectio ista in nobis omne illud reprimere, quod ei nocere possit; in intellectu nostro omnia iudicia temeraria, & præjudiciosa; omnes cogitationes despicientiæ, quæ in nobis exsurgere possent; in voluntate nostra, omnes motus iracundiæ, invidiæ, odii, vindictæ; in memoria, recordationem injuriarum, contumeliarum &c. in ore nostro, omnia verba duriora, disceptationes, detractiones &c. uno verbo, oportet dilectionem proximi adeo regnare, seu prævalere in omnibus actionibus nostris, ut proximo nostro

ne minimum quid mali inferamus: *dilectio proximi malum non operatur*. O quam multa in se includunt, & dicere volunt verba ista! intelligis? comprehendisne plenam illorum significationem? toties violatur charitas proximi, & quidem tam diverso modo, & viis, & quis est, qui ad hoc advertat? qui rem istam, ut deberet, intelligat? quod, qui in hoc delinquit, totius legis violatæ, se reum faciat, ut S. Augustinus, post Apostolum, notavit, epist. 29. *qui contra charitatem facit, unde tota lex pendet, reus fit omnium, faciendo contra eam, de qua pendent omnia*. Vide, in quo hucusque peccaveris? &

PUNCTUM II. Considera, non sufficere, evitare ea, quæ proximo nostro nocere possunt; oportet. insuper ei exhibere omnem assentionem & servitium, quantum à nobis dependet: *non diligamus verbo, nec lingua, sed opere & veritate*, 1. Joan. 3. 18. Oportet e. g. ut pastor & ecclesiæ minister, omnibus tam spiritualibus, quam temporalibus miseris & necessitatibus proximi, tangatur, ut iis, omni meliori, quo potest, modo succurât, qui ab aliis opprimuntur, aut in aliqua miseria sunt; ut discordes ad concordiam, & pacem reducat; ut viam iustitiæ eos doceat, qui ab eâ aberrant; ut mitiget per verba consolatoria dolores eorum, qui in afflictione aliqua sunt; ut monitis salutariibus passiones eorum reprimere, & corrigere studeat, qui concupiscentia, & mundano

amore tenentur; ut se tanquam clypeum patientiæ, iis opponat, qui bono resistunt; ut patientiæ suæ, severitatem disciplinæ, adjungat, contra eos, qui pleni sunt, occulta quadam superbia: paucis oportet errores eorum, qui curæ suæ commissi sunt, tali cum temperamento & discretionem, corrigere, ut neque mansuetudo, quæ zelum illius moderetur, nimia severitate justitiæ tollatur; neque zelus quoad puniendos aliorum defectus animetur, limites misericordiæ aut moderationis transgrediarur, S. Greg. Hom. 17. in evang. Felix ille ecclesiasticus; felix pastor ille, qui hoc modo sollicitus est, & laborat! talis vere amat proximum suum, & sic amando, legem Dei plenarie observat; *qui enim diligit proximum, legem implet.* Pro preparatione ad Missam, roga Dominum, ut talem te efficiat; recordare, quod non sis simplex tantum sacerdos, quo precise hanc consolationem habeas, ut sacrificium Missæ offerre possis, sed te ipsum sacrificare debes variis necessitatibus proximi tui; non possumus quieti nos dare, nisi quousque, nullus amplius ignorans, instruendus adsit, vel peccator convertendus vel ægrotus, quem consolemur, & in hoc laborare debemus, juxta talenta nostra, & lumina à Deo accepta; non habemus ullum jus vivendi de oblationibus fidelium, & de pretio peccatorum, nisi in quantum laboramus ad expianda peccata populi, per preces, & penitentiam nostram, & ad eam

Venda, seu pravenienda, per crebras exhortationes, scandala gregis nostri: pensemus fratres, cujus damnationis sit, sine labore, hic percipere mercedem laboris, ait S. Gregorius. Hom. 17. in evang. ecce ex oblationibus fidelium vivimus, sed numquid pro animabus fidelium laboramus? illa in stipendium nostrum sumimus, quae pro redimendis peccatis sunt, fideles obtulerunt, nec tamen contra peccata eadem, vel orationis studio, vel predicationis officio, ut dignum est, insudamus; dicamus itaque cum eodem sanctissimo pontifice: Oremus. Deus qui nos pastores in populo vocare voluisti, praestitum, ut quod humano ore dicimur, in tuis oculis esse valeamus, per Dominum nostrum &c. ibid.

FERIA TERTIA.

Plenitudo ergo legis, est dilectio. Rom. 13. 10.

PLENITUDO SEU EXTENSIO CHARITATIS.

1. Omnia continentur in hac virtute: 2. Sollicitudo & cura, quam adhibere debemus, ad hanc acquirendam, conservandam, & augendam.

PUNCTUM II. Non aliter discipulus loquitur, quam magister; Christus Jesus dicebat, legem & prophetas contineri in dilectione Dei & proximi; S. Paulus id ipsum nobis hic dicit; ut nimirum bene hoc capiamus, totum in charitate includi, & ad hanc

omnia reliqua mandata, reduci: omne mandatum de sola dilectione est, & omnia, unum praeceptum, sunt: quia quidquid praecipitur, in sola charitate solidatur, Hom. 27. in evang. Neque conqueri potes, ait alius quidam S. Pater, de multitudine mandatorum, semel breve praeceptum tibi praecipitur; dilige, & quod vis, fac; siue taceas, dilectione taceas; siue clames, dilectione clames; siue emendes, dilectione emendes; siue parcas, dilectione parcas; radix fit intus dilectionis, non potest de ista radice, nisi bonum existere, S. Aug. tract. 7. in 1. Joan. 4. num. 8. Qui plenum charitate cor habet. pergit S. Pater, sine errore totum comprehendit, quod tam abundanter scriptura de religione docet, observat absque difficultate totum, & omnino, quod praecipitur; plus dico: ille itaque tenet, & quod patet, & quod latet, in divinis sermonibus; qui charitatem tenet in manibus. Idem serm. 39. de temp. Ministri Domini estote, quam optime de hac veritate persuasi, quod nunquam scripturas sacras, ut oportet, intellectu sitis, neque observaturi mandata divini magistri vestri, prout servari deberent, si hanc charitatem non habueritis, quae est plenitudo legis, finis omnium mandatorum, & qui nascitur de puro corde, conscientia bona, & fide non ficta, uti alibi docet apostolus, 1. Tim. 1. 5. qui haec possidet, dignus erit pastor, qui ecclesiam regat; siquidem sola est virtus, quam Dominus in hoc mundo exigeret, dum illi esset

ram ovium suarum commisit, si autem hæc virtus desit; si nequaquam Dominum ac Deum suum amat; ex tota fortitudine, ex toto corde, & ex tota anima quascunque demum alias qualitates & talenta possideat, indignus erit, ut non tantum sit pastor, & ecclesiæ minister, sed nequidem in numerum ovium seu fidelium venire mereatur: *adde charitatem, prosunt omnia, detrabe charitatem, nihil prosunt cetera; quale bonum est charitas? fratres, quid pretiosius, quid luminosius? quid securius?* Idem serm. 50. de V. D. Si res ita se habeat, ah! quo ardore non oportet te allaborare, ut virtutem hanc possideas?

PUNCTUM II. Quia charitas res est tam pretiosa, sequitur, quod omnem contum adhibere debeamus, illam acquirendi, conservandi, & augendi. O utinam tam felices essemus ut tantum donum possideamus, nihil plane difficile nobis accideret amplius in exercitio, & functionibus, ministerii nostri, continuo in gaudio & deliciis versaremur; incessanter festum diem ageremus; siquidem, ut Augustinus ait tract. 10. in 1. Joan. *ubi est charitas, ibi non sunt angustiae.* Apostolus, pergit ulterius hic S. Pater, agnovit latitudinem, quam cor, charitate plenum, sentit, dum ad fideles Corinthios, ita scripsit: *os nostrum patet ad vos, o Corinthii! cor nostrum dilatatum est, non angustiamini in nobis; angustiamini autem in visceribus vestris;* 2. Cor. 6. 11. si hæc ipsa chari-

Hebdomas quarta post Epiph.

animas ecclesiasticorum occuparet, pa-
cor illorum aperiret, & dilataret erga
aperes, qui ea præ aliis indigent, sint mi-
tus grati, imo ingratissimi, denique eos Deo
deceantur. Ministri Domini! querite igitur
totam sollicitudinem hanc divinam virtutem! *sedan-*
mihi charitatem, 1. Cor. 14. 1. Hoc omni cura,
& sine intermissione fecerant sancti omnes, &
quia hoc ab ipsis factum fuit, cum omni appli-
catione, & perseverantia, eam acquisierunt;
neque ullum genus bonorum operum fuit, utut
difficilia fuerint, quod non executi sint, lege-
vitas tot sanctorum Patrum & pastorum, &
narrare mirabilia, quæ in eis charitas ista ope-
rata est; vide Paulos, & Barnabas, homines
amore Dei prorsus inflammatos, quique se tot
tot nomini Christi Jesu sacrificarunt: *tacuit au-*
tem omnis multitudo, ait S. Lucas, Act. 15. 12.
& audiebant Barnabam & Paulum, narrantes
quanta Deus fecisset signa, & prodigia in gen-
tibus, per illos. O Domine! ah dona mihi cor
S. Pauli, & talium virorum apostolicorum, qui
toti audebant præ amore tui, ut dignus efficiar
pascere gregem tuum, & servire ecclesie tue
tanta cum fidelitate, ac ipsi servierunt, quid-
quid demum occurrere possit grave, difficile,
onerosum, quod me ab hac mea obligatione im-
pedire possit. Accede hodie ad altare, ut hoc
grande donum à Christo Jesu petas; dic illi cum
Isponta in Caliceis: *indica mihi, ubi pascas; ubi*
tubes in meridie, Cant. 1. 6. O Jesu! satis
intel-

intelligo, quod in Eucharistia, tanquam in meridie amoris, recumbas; ah! ne patere, ut ad illam accedam, quin aliquid, de hoc igne divino, participem, quem venisti mittere de celo in terram, accende me hoc igne, quem propediem accensurus sum supra altare; tu solus, o Jesu! me docere potes, quomodo te amem possum quidem habere alios etiam in hoc magistros, sed cor meum nannisi voci tue obedit, tu vis in corde meo requiescere; patere igitur, ut me, in tuum cor, projiciam, sic enim fiet, ut ego in te, & tu in me maneas juxta verbum dilecti discipuli tui: *Deus charitas est, & qui manet in charitate, in Deo manet, & Deus in eo*, 1. Joan. 4. 16.

FERIA QUARTA:

Ecce motus magnus factus est in mari, ita ut navicula operiretur fluctibus. Matth. 8. 24.

DE STATU ECCLESIE HIC SUPER
TERRAM.

1. Exposita est magnis tempestatibus. 2. Quam graviter & dolenter id sentire debeant ecclesiastici.

PUNCTUM I. **N**avis ista, quam Dominus una cum discipulis suis intrat; imago est status ecclesie super terram, qui est status periculorum, timoris, tentationum, turbinum, & tempestatum. Tertul. lib. de bapt. c. 12. Aug. enarr. 2. in Ps. 23. Postquam

quam spontis ipsius ceteros ascendit, Judæi, gentiles, magnates hujus mundi convenerunt in unum, & simul conspiraverunt, illam quasi adhuc incunis vagientem suffocandi, destituerunt, annihilandi, sed prima ista persecutio repulsa & repressa fuit per patientiam martyrium, quorum sanguis copiosissime effusus, fecundum semen Christianorum fuit. Nunquam magis effloruit, quam primis hisce sæculis; hanc consolationem demum consecuta, ut vel ipsi persecutores & tyranni protectores illius evaserint; illi, qui prius dixerant: *exinanite, exinanite usque ad fundamentum in ea*, muros illius edificarunt ex saphiro & aliis lapidibus pretiosis; filii eorum, qui eam humiliaverunt, inque rogam illius jurarunt, honori ac gloriæ sibi duxerunt, quod nutritii illius esse potuerint; suscitavit dein diabolus hæreticos, qui omni subtilitate philosophorum, gentilium, & ratiocinii humani, armati, dururnum ei bellum intulerunt. Hic secundus assultus retundebatur per sapientiam sanctorum Patrum, ac Doctorum, & ecclesia, contra quam portæ inferi nunquam praevalerunt, victrix permansit, de mendaciam, mediante lumine, & efficacia veritatis; post has omnes persecutiones, quas experta est, & sustinuit ecclesia, aliam modo patitur, ait S. Bernardus, serm. 33. in Cant. quæ tanto magis digna est lacrymis, & gemitu nostro, quod vel à propriis suis filiis, eam pati cogatur. *Olim pradiatum est, & nunc tempus imple-*

pletionis advenit: ecce in pace amaritudo mea
amarissima; amara prius in nece martyrum;
amarior post in conspectu hæreticorum; amarissi-
ma nunc in moribus domesticorum. Hæc plaga
ecclesiæ, pergit hic S. Pater, intestina est, &
inlanabilis; & ideo in pace amaritudo ejus
amarissima; sed in qua pace? & pax est, &
non est pax: pax à paganis & ab hæreticis,
sed non profecto à filiis, filios enutrivit, &
exaltavit, ipsi autem spreverunt me; spreverunt
& macularunt me à turpi vita, à turpi qua-
estu, à turpi commercio, à negotio denique pe-
rambulante in tenebris. Neque sperandum,
hanc speciem persecutionis, unquam cessaturam,
aut defuturam; quin, quo magis, ad finem sæ-
culorum, propinquamus, magis augebitur, &
accrescet; ista enim prædixit salvator: quoniam
abundavit iniquitas, refrigescet charitas mul-
torum, adeo ut in 2do adventu suo, vix reper-
turus sit fidem super terram. Filius hominis ve-
niens, putas, inveniet fidem in terra? Luc 12.
O! materiam seria meditatione plane dignissi-
mam! quia autem clericos res ista magis con-
cernit, & tangit.

PUNCTUM II. Si ecclesiam diligimus, ut
eam diligere debent clerici, qui non solum filii
illius sunt, sed insuper ministri, debemus sane
intime commoveri, & valde dolenter, cum S.
Bernardo, hoc malum sentire, & affligi ob ea,
quæ ab infidelibus & hæreticis, & malis chri-
stianis, ei patiendâ occurrunt; hic erat S. Au-
gustini.

gustini in ecclesiam amor, nimirum erat, *domi-*
piciis lucris gaudens; & damnis marens, Possid.
 vit. S. Aug. c. 18. sit igitur etiam noster. I-
 mitemur S. Theresiam, quæ cum à religioso
 quodam, qui ex India, & ab alio, qui ex Gal-
 lia, red ère, edocta fuisset, grandem illum nu-
 merum animarum, propter idolatriam, & hæ-
 resim, pereuntium nonnisi ingemuit; & sacrifici-
 um lacrymarum, pro salute & conversione
 peccatorum Deo obtulit, væ nobis! si nos mala
 ista ecclesiæ nequidquam tangant; causam cer-
 to habemus timendi, ne nobis etiam, sponsus
 illius amare id ipsum exprobet, *nihil patie-*
bantur, super contritione Joseph, Amos. 6. 6.
 Parem igitur affectum, & sensum doloris; cum
 sancta ecclesia, matre nostra, in nobis excite-
 mus; gratius nobis sit, esse cum illa in dolore
 & afflictione, quam sine illa in gaudio, si ergo
 videmus, quod peccent fratres nostri, si cer-
 nimus, quod ii ipsi etiam, penes quos aucto-
 ritas & potestas est, suæ obligationi desint, sal-
 tem nos non obliviscamur obligationis nostræ,
 ploremus cum illa, intime sentiamus lapsus
 similes, & dicamus cum Apostolo, 2. Cor. 12.
 29. *Quis infirmatur, & ego non infirmor? quis*
scandalizatur, & ego non uror? Pro prepara-
 tione ad Missam considera, quod pro universis
 ecclesiæ necessitatibus hoc grande sacrificium
 Deo offeras, ora Deum, ut tibi tales oculos
 concedat, quos vocat Apostolus, *illuminator*
oculos cordis, ut omnia illa videre possis, quæ
 illa

illa patitur: *hi viderunt mala, quæ fiebant in populo Juda & Jerusalem*, 1. Mach. 2. scriptum est de Matathia & de filiis ejus. An non æquum foret, ut id ipsum de nobis dici posset, nimirum pari nos, ac intima commiseratione eorum tangi, quæ ecclesia patitur, ac illi, ob ea, quæ in Jerusalem fiebant; certe melius quid facere haud possumus quam ut ecclesiam amemus; ut ecclesiæ serviamus; ut pro illa premus, & omne id, quod eam affligit, etiam nos exerceat. Ah Domine! dona nobis cor Matathia, & sentire nos fac mala populi tui! tunc enim pariter cum illo dicere poterimus: *va mihi! ut quid natus sum videre contritionem populi mei, & contritionem civitatis sanctæ*. Machab. 2. v. 7.

* * * * *

FERIA QUINTA.

Ipsæ vero dormiebat. Matth. 8. 24.

DE DORMITIONE, SEU SOMNO.

1. Dispositio exterior. 2. Et interior, ut christiane cubitum ire, & dormire quis possit.

PUNCTUM I. **N**on tam leviter transiliamus verba ista evangelii: *ipse vero dormiebat*; omnis actio Salvatoris nostri Jesu Christi, nostra instructio est, sic enim nobis & obligationes nostras, & suam voluntatem declarat: *quia ipse Christus verbum Dei est*, ait S. Augustinus tract. 24. in Joan. *etiam factum verbi, nobis verbum est.* Adora, mirare
divin

divinum hunc Salvatorem, & gratias illi age, quod licet verus Deus fuerit, nihilominus somno se subicere voluerit, ut eum, in sua persona, sanctificaret, gratiamque nobis mereretur, ut & nos sancte dormire possemus: *somnum capit*, ait S. Gregorius Nazianzenus, *ut somnum benedicat, fatigatur, ut fatigationem sanctificet*, Orat. 31. ut igitur sancte somnum capias, prout decet ecclesiasticos, primo cura, ut dormitum semper eas, & iterum surgas illa ipsa hora, quam in privata tua distributione temporis assignasti, aut quæ in communitate tua præscripta est; si hoc exacte observes, obedientiam exercebis, & simul voluntatem Dei perficies, qui, dum tibi necessariam aliquam quietem indulgit, simul tamen vult, ut excessum in somno evites tanquam rem noxiam animæ tuæ: *nos à quiete noxia, mersos sopore libera*, Hymn. Eccles. 2do nunquam cubitum concedas, nisi peracta prius oratione, & aliqua lectione S. scripturæ, vel alterius cujusdam libri spiritualis: *tenenti codicem somnus obrepit, & cadentem faciem pagina sancta suscipiat*, Hieron. epist. 22. instructio est S. Hieronymi ad virginem Eustochiam. 3tio exuere te stude tali cum modestia, ut vel minimam etiam nuditatem evites; utque nunquam videaris sine tunica clericali, quæ ultimo deponatur, memor interim esto obligationis tuæ exuendi veterem hominem, & induendi novum: *expoliantes vos veterem hominem cum actibus suis, &*

induentes novum. Corol. 3. 9. 4to. non debes in & per somnum aliud querere, quam necessitatem corporis, non autem sensualitatem vel molitiem; hinc volunt sancti, ut simplici lecto utamur. & ibi cum modestia cubemus: *simplici cubili, & frugali utendum est, quod habeat id, quod nos juvet, moderatum & conveniens; si auster sit quod protegat; si sit frigus, quod foveat.* Clem. Alex. pedag. l. 2. c. 9. Observastine has regulas? id ipsum est, supra quod te modo reflectere debes, & quantum ad dispositionem interiorem, quam dormitioni adjuunges.

PUNCTUM II. Debes somnum tuum tam sancte capere, ut sit quædam oratio ad Deum: *sanctis etiam ipse somnus est oratio,* Hieron. epist. 22. ad Eustoch. Debes quamprimum à te repellere tentationes, & laqueos diaboli, qui incessanter nos perdere cupit, quique assultus suos de nocta geminare solet, ad hunc effectum asperge te aqua benedicta, arma te quadam cogitatione sancta, offer Deo somnum tuum in unionem illius, quem ipse etiam Christus admisit: *& reliquia cogitationis diem festum agens tibi,* Psal. 75. Lectum tuum tanquam sepulchrum considera; linteamina tua mortalia esse cogita, somnum pro imagine mortis habes; & ora Deum, ut te ab omni peccato præservare dignetur: *ne unquam obdormiam in morte, ne quando dicat inimicus meus, prævaluit adversus eum.* Psal. 12. S. quidam Abbas, cujus opus

inter

inter opera S. Bernardi leguntur, ita te hortatur: *Iturus ergo ad somnum, semper aliquid defer tecum, in memoria vel cogitatione, in quo placide obdormias, quod nonnunquam somnare juvat, quod etiam evigilantem te excipiens, in statum besterna intentionis restituat.* Gvil. Abb. ep. ad FF. de monte Dei c. 11. Denique quia non tota & integra nox somno destinata est, hinc consulunt SS PP. ut quandoque etiam de nocte surgamus: *sape etiam è lecto surgendum est, Deusque laudandus, ibid.* Bone Deus! quam saepe hucusque deliqui contra tam sanctam praxim! fiat per gratiam tuam, ut deinceps fidelior in observantia illius sim; ut ejusdem eum sanctis sim opinionis, idque faciam, quod ipsi, quoad ultimam hanc diei actionem secuerunt, quo temporalis ista quies mihi deserviat, ut ad illam magnam requiem perveniam, quæ electi tui per totam æternitatem in te consummati gaudebunt: *exultabunt sancti, latabuntur in cubilibus suis.* Psal. 149. Pro Missa, adora Christum Jesum in cruce pendentem, pete ab eo veniam defectuum commissorum, in capiando somno, & ut eosdem emendes, & repares, vide, & cura, ut hac occasione utaris ad præstandum aliquod homagium, mysteriis mortis, & sepulturæ dominicæ: *in pace in idipsum dormiam. & requiescam,* Psal. 4.

FERIA SEXTA.

• *Domine, salva nos; perimus.* Matth. 9. 25.

DE CURA ANIMARUM.

1. Quam terribile onus sit. 2. Quid facere oporteat, antequam quis huic curæ se ingerat.

PUNCTUM I. **S**I navis ista, in qua Christus cum discipulis suis erat, figura est ecclesiæ, prout ex S. Augustino, serm. 53. de verb. evang. constat, possumus etiam hoc addere periculum, in quo se apostoli constitutos videbant, representare nobis difficultatem illam, quæ in cura animarum reperitur; onerare seipsum præter peccata propria, etiam peccatis aliorum, bone Deus! quantum periculum! *res difficilis & ardua est*, exclamat Petrus Bleffenfis, epist. 123. ad Episc. Londin. *ministrare in sacerdotio, animas regere, & juxta verbum Salomonis mittere se in turbam populi, & alligare sibi peccata duplicia; quæ tamen pauci ex clericis ista apprehendunt, ut hoc ipsum melius tibi persuadeam, probe considera, gravitatem oneris istius: imposuisti homines super capita nostra*, Psal. 65. 11. Homines sunt valde diversi in moribus, & conditione differentes, quos Deus non solum brachiis, vel humeris nostris imposuit; sed insuper capiti nostro, quod demonstrat, pondus istud exigere, à nobis laborem capitis, & totalem spiritus, ac intellectus nostri applicationem, animæ sunt, sanguine Jesu Christi redemptæ, id est, pretio infinito, quarum ratio reddenda tibi est sub comminatione jacturæ propriæ animæ: *erit anima tua pro anima ejus*, 3. Reg. 3. 16.

Tam arduum nobis bellum indicitur in hoc ministerio, ut Salomon dicat, idem quasi esse, hic congregari, & vinci: *illaqueatur es verbis oris tui, & captus propriis sermonibus*, Prov. 6. 2. Ita scimus, excellentissimos pastores contemuisse sub hoc infinito quasi pondere officii sui; S. Gregorius Nazianzenus ait, curam hanc atque periculosam esse; ac inambulare supra funem in altum elevatum; & extensum; esseque onus hoc adeo grave homini, qui ratione uti velit, *ut sit tinea ossum viro prudenti*. Orat. 1. Alter Gregorius, nempe Magnus, & pontifex maximus, illud pro loco tempestatum & naufragii habet: *veni in altitudinem maris, & tempestas demersit me*; ait scribens ad Anatasium Episcopum Antiochenum, l. 1. epist. 7. hinc concludit *periclitanti igitur mihi, orationis vestra manum tendite*. Nolo hic adducere omnes, magnasque illas conditiones; quas S. Paulus à tali pastore requirit, quamque enucleate referat omnis generis virtutes, quas habere debeat, siquidem alibi locus opportunus occurreret, de his tractandi; satis sit hic advertere, apostolum, in genere omnes pastores animarum, & superiores alloquentem extraordinariam ab iis sollicitudinem & curam exigere: *ipsi enim pervigilant, quasi rationem pro animabus vestris reddituri*, H. br. 13. 17. Bene nota vim hujus verbi: *pervigilant*; non sufficit sollicitudo communis; neque lapsus aliquis negligens est; prout sibi multi ex clero imaginantur; qui

qui se temerarie cæco quasi modo in regimen animarum ingerunt, quin de periculo, cui se exponunt, cogitent. De hoc ergo tu cogita, & time, & si defacto jam huic negotio implicitus es, adhuc magis time, sciens, quanta tibi reddenda sit ratio de animabus, quæ curæ tuæ commissæ sunt: *commissa tibi est villicatio gravis, villicationis hujus rationem exactissime requireret terribilis in judicis suis Deus*, Petrus Bleff. epist. 132. quia autem cessare non debes à labore & servitio ecclesiæ debito, si Deus te ad hoc vocat.

PUNCTUM II. Principale, quod observare debes, hoc est, ut te huic negotio non implices, nec curam animarum in te suscipias, nisi spiritu prius replearis in & per aliquem secessum spirituales, seu exercitia: *nemo enim aptus est ministeriis spiritualibus, donec sancti spiritus ardore purgetur*, ibid. Pergit ulterius Petrus Blessensis; erat hæc regula continuo in ecclesia observata, ut nemo ad sacerdotium vel officia clericalia promoveretur, nisi quis per longum & diuturnum exercitium virtutum, & servitia prius fuisset probatus; hinc originem traxerunt interstitia præscripta; interim ad confusionem sæculi hujus, & temporum nostrorum dicere debemus, ingerere se magno numero neophytos in sacerdotium. & munia pastoralia. Ah! quot dantur, qui adhuc infantes in pietate, invitam quasi episcopum cogunt, ut eos in numerum Patrum admittat? qui vix discipuli

puli esse coeperunt, velint esse doctores? prout
S. Hieronymus epist. ad Rustic. loquitur: *miles,*
antequam tyro, prius magister, quam discipu-
lus; si hoc fiat ex avaritia, aut ambitione, quod
in talia se officia intrudent? sunt latrones &
lupi, qui non intrant in ovile, nisi ut furentur,
& mactent, Joan. 10. 10. si ex presumptione?
 superbia est, quæ eos exaltat; ipsi vero cadent
 in damnationem illam, de qua apostolus, 1. Tim.
 3. 6. *non neophytum, ne in superbiam elatus,*
in iudicium incidat. diaboli. Si vero ex zelo
 quodam indiscreto charitatis fiat, qui eos ad
 laborandum in cura animarum alliciât, tunc di-
 scant prius à SS. PP. zelum suum moderare
 secundum scientiam; si sapias, ait *S. Bernardus*
 serm. 18. in Cant. *concham te exhibebis, non*
tanalem; implere prius, & sic curato, effundere
Et de cumulo, si vales, adjuva me; sin autem
pax cito tibi. En regulam, quam sequi debeas.
 Pro præparatione ad Missam, roga supremum
 animarum pastorem, qui se quotidie per manus
 tuas immolat, ut hanc tibi gratiam exhibeat,
 qua bene penetrare, & capere valeas has ra-
 tiones, ut eas aliis quoque communicare possis;
 interim deplora cæcitatem tot juniorum eccle-
 siasticorum, qui se violenter ingerunt in curam
 animarum, quin se prius ad eandem præparave-
 rint per exercitia, studia, & frequentem ora-
 tionem. Quid? miratur hic *S. Gregorius: nul-*
la ars doceri præsumitur, nisi intenta prius
meditatione discatur; ab imperitis ergo pasto-
 ribus

tribus officium pastorale suscipitur quadam re-
meritate, quoniam ars est artium, regimen ani-
marum. Pastoral. l. i. c. i.

DIE SABBATHI

Dixit eis Jesus, quid timidi estis modicæ
fidei? tunc surgens imperavit ventis & mari,
& facta est tranquillitas magna. Matth. 8. 26.

DE FIDUCIA IN DEUM.

1. Omnem fiduciam in Deo collocare debe-
mus. 2. Et ab ipso expectare consolationem,
& tranquillitatem nostram.

PUNCTUM I. Adorâ redemptorem tuum
Jesum Christum, qui, dum
discipulos ob modicam fidem illorum, repre-
hendit, invitat nos, reverentia sane paterna,
ut omnem nostram fiduciam in eo collocemus;
scit nos habere graves necessitates, & inimi-
cos seu adversarios potentes, ut ab illis nos
liberet, ab istis vero securos reddat, ipse vult
esse fortitudo nostra, securitas nostra, spes
nostra: factus es spes mea, turris fortitudinis,
& facies inimici. Psal. 60. 4. Grâcias agamus
divino huic redemptori; ad eum confugiamus;
inque brachia ipsius nos conjiciamus, prout S.
Augustinus loquitur, *fuge ad ipsum*; non est
præter ipsum, qui possit esse refugium nostrum,
& qui nos à corruptione, quæ est in nobis, &
ab ea, quæ in mundo est, quam fugere debemus,
liberare queat; scimus, quod nil boni in nobis
sit: *scio, quia non habitat in me bonum*, Rom. 7.

Ra

Faci

Facile etiam nobis est, id cognoscere in tempore gravis tentationis, quia id experimur; sed hoc non sufficit, oportet, ut abyssus miseriarum nostrarum, quas patimur, faciat nos recurrere ad Deum, in quo inveniēmus abyssum misericordiae; secundum quod scriptum est; *abyssus abyssum invocat*; an hoc ipsum faciamus nos? Examina te nunc coram Deo, an omnem tuam, ut oportebat, in eo fiduciam posueris; qui in virtute hac bene fundatus est, unice tam praesenti, quam quoad futurum, bonitati divinae innititur; ne timeas defecturam forte sanitatem, vires, vel fundum, unde subsistere, vel te alere possis; siquidem perbene scit, nunquam defuturum, quod necessarium est illi, qui Deum timeret, & ei fideliter servit: *quoniam non est inopia timētibz eum*, Ps. 33. Qui totam fiduciam suam in Deo ponit, non turbatur in ulla adversitate, si vel totus mundus contra eum insurgeret; immobilis permanebit, dicetque cum propheta: *Dominus protector vitæ meae; a quo trepidabo?* Psal. 26. pro nihilo reputat gratiam principum, favores magnatum, & similia aliorum sublevamina, & si quandoque necesse habeat ad talia recurrere, non nisi, ut instrumenta providentiæ divinae respicit, quibus quandoque uti licet, sed non in iis se fundares seu confidere, juxta verba prophetae; *maledictus homo, qui confidit in homine, & ponit carnem brachium suum*. Jerem. 17. 5. Esne ita comparatus? quos timores, diffidentias noti es

stendisti tempore afflictionis tuæ? excita fidem tuam, renova fiduciam, *quid timidi estis? mon- dica fidei?* en! quomodo Salvator, *imperavit ventis, & mari & facta est tranquillitas magna!* Disce ex hoc, quod ab eo tranquillitatem & consolationem tuam expectare debeas, & possis juxta hæc verba Salomonis: *qui timetis Dominum, sperate in illum, & in oblationem veniet vobis misericordia.* Eccles. 2. 9. & sane.

PUNCTUM II. Post incarnationem filii Dei, in quo Pater æternus nos amat, eumque propter nos afflixit, non est amplius respectu, & erga fideles, quando eos etiam graviter affligit, severus, aut rigorosus judex, sed Pater misericordiarum, & Deus totius consolationis. Adeo igitur non murmurare vel conqueri debes, si quid mali pateris, ut potius cum S. Paulo, illum benedicas, & omnem ab eo consolationem expectes, quam impertiri solet iis, qui pro gloria sua quidquam patientur: *benedixit Deus & Pater Domini nostri Jesu Christi, Pater misericordiarum, & Deus totius consolationis, qui consolatur nos in omni tribulatione nostra,* 2. Cor. 1. 3. O quam bene notanda, & ponderanda sunt verba ista, quæ ecclesia martyribus pontificibus attribuit! dum apostolus ait, quod Deus nos consoletur in omni tribulatione, indicat, & docet nos juxta S. Chrysostomum in hunc locum, quod Deus nos non ab una vel altera tantum afflictione, sed generatim ab omnibus liberet: *in omni tribulatione nostra;* non salvat nos tantum in uno præ-

lio, ita ut nos derelinquat in alio; sed semper,
 & per omnia. Nil magis confortare debet chri-
 stianum, super omnia autem clericum, quam
 promissio ista, & spes, quam habemus; nimis
 cum Deum secundum proportionem fidelitatis
 nostræ erga se in tribulationibus nostris, etiam
 daturum consolationem; sed satis non est, quod
 ipsi tantum de hac veritate sumus persuasi; o-
 portet, ut eandem populo etiam annuntiemus
 ac prædicemus; liquidem juxta mentem ejusdem
 apostoli &que sumus canales, per quos de via
 ordinaria Deus consolationes suas, ac alias gra-
 tias in eos derivari vult: ut possimus & ipsi
 consolari eos, qui in omni pressura sunt, per
 exhortationem, qua exhortamur & ex ipsi à Deo,
 ibid. quod S. Hieronymo causa fuit dicendi in
 Isai c. 40. Dum quoad hoc expressum nobis
 mandatum dedisse, quando per prophetam su-
 um dicit; *consolamini, consolamini popule meus,*
dicit Deus, sacerdotes loquimini ad cor Jeru-
salem; consolamini eam, quia repleta est bu-
milas ejus. Felix ille pastor! felix sacerdos!
 si huic suæ obligationi satisfaciat; meretur per
 hoc, ut & ipsum in tribulationibus suis consoletur
 Deus, & ut id ipsum tunc experiatur, quod
 David in medio afflictionis suæ ad Deum dixit:
secundum multitudinem dolorum meorum in cor-
de meo, consolationes tua latificaverunt animam
meam. Psal 93. 19. Pro Missa; scias te acce-
 dere ad divinum consolatorem tuum, qui in
 sanctissima Eucharistia requies est, & tranqui-
 litas

litas animarum sanctarum. Pete ab eo veniam modicæ fiduciæ tuæ, quam in ejus bonitate hucusque collocasti. Protestare te deinceps firmius & fiducialius eidem inhæsurum: *misce vere mei Deus, miserere mei, quoniam in te confidit anima mea.* Psal. 56. 1.

DOMINICA QUINTA POST EPI- PHANIAM.

Induite vos, sicut electi Dei sancti & dilecti, viscera misericordiæ, benignitatem, humilitatem, modestiam, patientiam. Coloss. 3. 12.

DE MANSVETUDINE.

1. Æstimatio, quam de hac virtute habere debemus. 2. Fructus, atque commoda illius.

PUNCTUM I. **Q**uem non moveant prie-

ma ista verba hujus epistolæ! quam sublimia! quam efficacia! quam divina! quam digna tali apostolo, qui speciali titulo vocari meretur, Doctor charitatis! qui nequaquam amplius vivebat vita humana & mortali, sed vita Christi Jesu, ut ipsemet dicebat: *vivo autem, jam non ego; vivit vero in me Christus.* Galat. 2. 20. Præbe te docilem verbis adeo ædificatoriis; roga Deum, ut per suam benedictionem hæc doctrina illius in te solvat glaciem cordis tui, & hodie adhuc incipe virtutes has amplecti, quas hic adeo commendat apostolus: *induite vos, sicut electi &c.* Si autem non vales omnes simul & semel aggredi, roga

roga Deum in hac meditatione, ut tibi mansuetudinem donare dignetur, adeo nobis in S. Scriptura commendatam, ut, si gravissimis, & summis viris, praesertim, quibus cura alios dirigendi, & regendi incumbbat, elogium aliquod dare vel t, nonnisi de mansuetudine eorum loquatur, omnium quasi aliarum, qualitarum, & virtutum tantorum virorum, oblita. Vide, quid de Moyse populi Israelitici duce dicat: *erat enim Moyses vir mitissimus super omnes homines, qui morabantur in terra.* Num. 12. 3. Tacet de mirabilibus, quae illo operatus est, ut nobis eum omnium hominum mansuetissimum fuisse, indicet. Idipsum fecit David, Psal. 131. homini plane secundum cor Dei; memento, Domine David, & omnis mansuetudinis ejus. Conclude ergo ex hoc, quomodo placeat Deo virtus ista; & quam divinam aestimationem habere debeat. Quae interim tua est de illa idea? agnoscisne meritum, & necessitatem illius? quam curam & sollicitudinem affers virtutem talem acquirendi, quam SS. PP. & Doctores adeo commendant ecclesiasticis, maxime iis, quibus cura & spiritualis directio aliorum incumbit? *erudimini, qui judicatis terram, ait S. Bernardus serm. 23. in cant: ad illos, discite subditorum matres vos esse debere, non dominos; studete magis amari, quam metui; & si interdum severitate opus est, paterna sit, non tyrannica, Matres fovendo, patres eos corrigendo exhibeat; mansvescite; ponite feritatem, suspendite verbera, producite ubera, pectora lacte*

lacte turgescant, non cypho turgcant. Quid iugum vestrum super eos aggravatis, quorum potius onera portare debeatis? verum si particularia motiva desideres, ut virtutis hujus amore capiaris.

PUNCTUM II. Considera commoda, & emolumenta, quæ ex praxi seu exercitio hujus virtutis nascuntur. imo per hanc amabilem virtutem, gratum & charum te reddis Deo & hominibus; illis luminibus, & gratiis divinis, iis, qui ad ministerium ecclesiæ à Deo vocati sunt, tam necessariis, idoneum te præbes, quæque ordinarie talibus, qui spiritus cujusdam turbulentis sunt, non conceduntur; quia, ut ait scriptura, non complacet sibi Dominus in turbulentis, seu homine passionibus iracundiæ, agitato: *non in commotione Dominus*, 3. Reg. 19. 11. sed in serenitate animæ tranquillæ & pacificæ: *factus est in pace locus ejus*. Ps. 77. 2. 2do per hanc mansuetudinem possidebimus pacifice animas nostras, longe à corde nostro, proscribendo omnem angorem, mæstitiam, inquietudines, impatientias. Gaudio illo solido fruemur, quod in servitio divino invenitur, & quod Spiritus sanctus effundit in animas secum unitas: *mansueti hereditabunt terram; & delebuntur in multitudine pacis*. Psal. 36. 11. 3tio hoc spiritu, qui est proprius Christi Jesu spiritus, & character novæ legis, nos regendo utiliter & fructuose, pro salute animarum laborabimus, & digni ministri evangelii evadimus;

dimus: ecce ego mitto vos, sicut oves in medio
 luporum Matt. 10. 16. en! quid salvator nobis
 dicat, in persona apostolorum? mittit nos in
 mundum tanquam oves, & agnos inter lupos,
 nec alia nobis arma assignat, nisi mansuetudi-
 nem & patientiam. Propone igitur, quod man-
 suetior & benignior deinceps esse velis, quam
 usque in præsens fueris; & quia virtutem hanc
 propriis viribus acquirere nequis, ut te ad Mis-
 sam præpares, pete illam à Christo JESU, quia
 ipsemet te ad hoc invitat, qui in se ipso tibi
 illius exhibuit exemplum: *discite à me, quia
 mitis sum, & humilis corde, & invenietis re-
 quietem animabus vestris.* Matth. 11: 29. A-
 gnosco o Jesu! quod homines nimis feri, tru-
 culenti & superbi sint, quam ut me docere
 possint veram mansuetudinem & humilitatem
 cordis, tu solus mihi talem lectionem dare
 vales, mihi adeo necessariam, & utilem; ad te
 igitur, dulcissime salvator confugio; tu solus
 magister ille es, quem audire debeo; loquere,
 ô Jesu! loquere ad cor meum, & converte il-
 lud; ero deinceps unus ex veris discipulis tuis
 si harum divinarum virtutum tuarum fuero
 imitator. *Audiam, quid loquatur in me Domi-
 nus Deus; quoniam loquetur pacem in plebem
 suam, & super sanctos suos, & in eos, qui con-
 vertuntur ad eum.* Psal. 84. 9.

FERIA SECUNDA.

*Supportantes invicem, & donantes vobis
suetipis, si quis adversus aliquem habet quer-
relam, sicut & Dominus donavit vobis, ita &
vos. Coloss. 3. 13.*

DE MANSVETUDINE.

1. In quo consistat mansuetudo ecclesiasticis
necessaria. 2. Media, illam acquirendi.

PUNCTUM I. **N**on contentus nos ad man-
svetudinem invitasse, vult

insuper S. Paulus nos scire, in quo illa consi-
stat, nihilque tam necessarium est ecclesiasti-
cis, quam ut hoc addiscant. Mansuetudo ista
non consistit in quadam abiectione animi; neque
est, quædam vecors condescendentia, & com-
passio, quæ (ut quis sibi gratiam populi con-
ciliet, comis, commodusque existetur) to-
leret, ut leges ecclesiæ violentur, & sanctis-
simæ illius regulæ, susleque vertantur, hæc
adeo non est mansuetudo, & patientia lauda-
bilis, ut potius sit detestanda crudelitas juxta
S. Bernardum, qui de indulgentia Heli, erga
filios suos, ita ait: *patientia omni digna im-
patientia; non possum, fateor, non irasci huius
patientia.* Igitur non consistit in simili effemina-
ta complacentia, mansuetudo, ecclesiastico
conveniens, sed in tali pace & tranquillitate
animi, quæ quis reformet ea, quæ reformanda
coram Deo, judicet; stabilitoque, in quantum
fieri potest, bono ordine contra neminem ama-
ro sit animo; nemini irascatur, nullam perso-
nam

nam offendat, quamquam ex omni parte repe-
 riat obstacula, quæ bono, quod inducere cupit,
 opponantur; quamvis gravissimas etiam susti-
 nere cogatur injurias. Consistit in eo, quod
 quis magna compassione, erga peccatores, te-
 neatur; quantumvis gravissima commiserint cri-
 mina, ut eos obviis & expansis brachiis, re-
 cipiat ad portandum, & deferendum eos, in
 viscera D. N. J. C. qui pro salute peccatorum
 mortuus est. Consistit in eo, ut quis utatur o-
 mni condescendentia christiana, ad reducendum
 eos in viam bonam, qui ab ea se elongaverunt,
 non parcendo, neque verbis, neque precibus,
 ut errorem suum agnoscant; eosque demum
 progrediendo, si necesse foret, ut quis se ad
 pedes eorum, abjiciat, dicatque cum lacrymis:
obsecramus pro Christo; reconciliamini Deo. 2.
 Cor. 5. 20. Denique mansuetudo ista consistit
 in eo, ut se affabilem præbeat, omnibusque
 facilem ad se accessum concedat; *stude amari*
& amare, ait S. Bern. Serm. 1. de SS. Petro
 & Paulo. *Blandum & affabilem exhibere; sup-
 portare non solum patienter sed & libenter,*
infirmities fratrum, tam morum, quam corpo-
rum. Vide nunc an veram mansuetudinem ha-
 beas? & in puncto 2do discere media, eam ac-
 quirendi.

-PUNCTUM II. En aliqua! primum est, ut
 nunquam irascaris ex quacunque demum causa;
 ut abstineas ab omni amariori verbo, & sensim
 affuescas, omnia tua peragere, in & cum spiritu
 pacis

pacis & charitatis, juxta consilium sapientis;
 Eccles. 3. 19. *fili, in mansuetudine opera tua*
perface, & super hominum gloriam dilegeris.
 2dum ut savis sit & comis conversatio tua;
 neminem cotemnendo; neminem repellendo,
 sed cum omnibus officiose loquendo: *nec ad-*
versus plebeium quemquam, & infirmi ordinis
hominem, supercilium attollimus, ajebat S. Gre-
 gorius Nazianzenus, orat. 20. statue tibi hunc
 modum agendi pro regula. 3tium si pastores,
 considera, quod grex Christi non regatur per
 rigorem, & coacte, aut violenter, sed savi quo-
 dam modo, qui eos leniter ad se trahat; id,
 quod ulterius nos docet idem Gregorius; *ut*
grex non coactè, ibid. sed sponte & libenti
 animo pascatur. Medicus es in populo, quan-
 tum ad infirmitates spirituales illorum; conso-
 lator in eorundem afflictionibus; refugium in
 miseriis; pacificator in eorum litibus, & con-
 troversis; depositarius secretorum ipsorum;
 quomodo ergo tecum loqui audebunt, si sis
 genii nimium iracundi, aut mirabilis? an non
 amittunt omnem confidentiam, quam in te po-
 nere debuissent? si ergo ministerium tuum se-
 liciter exequi cupis; amplectere mansuetudi-
 nem, & omnia illa media, quæ te ad acqui-
 sitionem hujus virtutis juvare possunt. Pro Mis-
 sa; roga divinum agnovi, quem propediem
 oblaturus es ad altare, ut te participem faciat
 mansuetudinis suæ; ut à tuo modo agendi longe
 repellat omnem asperitatem, dominationem &

duritiam, ut ita eidem conformis fias. Considera, quomodo in hunc mundum adveniens deposuerit omnia nomina potentiae, vel maiestatis cuiusdam, quae cum hominibus formidabilem reddere poterant; assumendo potius nomen Patris & Pastoris animarum, ut ita permaneretur suam eos lucraretur, quos splendor maiestatis, & terror potestatis suae ab eo elongasset. O qualis hoc est lectio pro te! vide, ut exinde proficias, ita nimirum protectionem illius tibi conciliabis: *suscipiens mansuetos Dominus*. Psal. 146. 8. sicque dignus evades, ut in viis ejus ambules, in iisque etiam alios dirigere valeas: *diriget mansuetos in iudicio, docebit mites vias suas*. Psal. 24. 9.

* * * * *

FERIA TERTIA.

Super omnia autem charitatem habete, quod est vinculum perfectionis Coloss. 3. 14.

DE CHARITATE FRATERNA.

1. Est vinculum perfectionis. 2. Quid nos facere oporteat, ut ad eam pertingamus.

PUNCTUM I. Commendavit nobis S. Paulus mansuetudinem & alias virtutes, quae eandem comitantur; sed quia facile in exercitio harum virtutum nos ipsos fallere possumus, dicit nobis hic, quod ante omnia charitati studere debeamus, quae est vinculum perfectionis. Quamcumque demum mansuetudinem proximo nostro foris exhibeamus, sine

fructu

fructu erit, nullamque nobis utilitatem afferet sine charitate. Charitas enim anima & vita hominis novi est, & totum in religione christiana; S. August. in Joan. tr. 2. omnia alia, quæ alias bene facta essent, pereunt, & nihil valent; si charitas illis desit; sed, ut te magis adhuc convincam, considera, quod dum apostolus charitatem, vinculum perfectionis, appellat, nil aliud dicat, nisi, quod à suo divino magistro didicit, qui hanc ipsam fraternam charitatem pro charactere stabilivit, ex quo discipuli sui, essent agnoscendi. Sic enim ait: *in hoc agnoscent omnes, quia discipuli mei estis; si dilectionem habueritis ad invicem.* Joan. 13. 35. Et dum proximus morti erat, hæc erat illius pro omnibus, qui in eum credituri erant, ad Patrem suum oratio: *ut omnes unum sint.* Joan 17. 20. 23 *Sicut tu Pater in me, & ego in te; ut sint consummati in unum.* Pondera verba ista bene apud remetipsum. Majus certe exemplar unionis, quam cum fratribus nostris nos habere oportet, dari non potest, nisi illa, quæ est inter personas divinas. S. Apostoli vestigia salvatoris secuti nunquam cessarunt virtutem illam prædicare populo, recens ad fidem conversis omnes idem dixerunt cum S. Petro; 1. Ep. 4. *ante omnia autem mutuam in vobismet ipsis charitatem continuam habentes.* Admiratione sane dignum est id, quod de S. Joanne Evangelista refertur; cum sanctus hic vir non posset amplius longas habere conciones ob extremam
finem

suam senectam, tantummodo hoc discipulis suis repetebat, & inculcabat: *filioli diligite invicem*; quia autem illi tudio afficiebantur, quod semper idem audire deberent, rogarunt eundem, ut tandem aliquid novi afferret; ille respondit *dignam Joanne sententiam*, ego ita loquor, & semper antiqua repeto, *quia preceptum Domini est, & si solum fiat, sufficit.* S. Hieronymus lib. 3. in Epist. ad Galat. c. 6. hanc pulcherrimam vitæ ipsius circumstantiam, scriptam reliquit, quæ integrum sane librum valet; quia autem satis non est, scire, vel etiam prædicare charitatem esse vinculum perfectionis, hinc omnem conatum adhibere debemus illuc perveniendi, hinc

PUNCTUM II. Si volumus, ut fraternâ charitas in nobis sit vinculum perfectionis, oportet primo, ita vivere, & tam concordēs invicem esse, ut inter nos & fratres nostros. non sit, nisi unum cor, & anima una, prout scriptum est de primis Christianis: *erat cor unum & anima una*, Act. 4. 32. id est, curare debemus, ut habeamus eandem opinionem, easdem inclinationes, eandem voluntatem, in quantum id nobis permittunt lex divina, & conscientia nostra. Hæc est regulâ, quam nobis dat apostolus: *unusquisque proximo suo placeat in bonum, & adificationem.* Rom. 2. 2do Neminem pun- gere, vel tale quid dicere, aut facere, quod proximum contristare posset, sed potius accommodare nos illius genio, & omnia fieri, juxta

exemplum S. Pauli, ut omnes Christo lucremur: *factus sum infirmis infirmus, ut infirmos lucrifacerem; omnibus omnia factus sum, ut omnes facerem salvos.* 1. Cor. 9. 22. 3tio excusare eorum defectus, supportare illorum corporales, & spirituales, tegere illorum imperfectiones pallio charitatis, ita agere & conversari cum illis, ac si nihil tale adverteretur: *cum omni humilitate & mansuetudine, cum patientia supportantes invicem in charitate.* Ephes. 4. An talem te hucusque exhibuisti erga proximum tuum? vide, in quo deliqueris, & pro præparatione ad Missam propone emendationem. O Domine, qui me tanto jam tempore supportas, an non merito timeam, te tandem defatigandum miseris meis, siquidem ego adeo facile aliorum infirmitatibus me defatigari sino? verum tamen quia ad me venire dignaris, adauge quæso per hanc S. communionem, amorem proximi in me, ita quidem, ut quoscunque illius defectus supportem, quamecunque demum molestum mihi id accidat juxta monitum apostoli: *debemus autem nos firmiores, imbecillitates infirmorum sustinere, & nobis non placere.* Rom. 15. 1.

* * * * *

FERIA QUARTA.

Commoneutes vos metipsos, in psalmis, hymnis, & canticis spiritualibus, in gratia cantantes, in cordibus vestris. Coloss. 3. 16.

Clerici. in str. P.L.

S

DB

DE CANTU ECCLESIASTICO.

1. Modus cantandi bene. 2. Defectus, quos evitare oportet.

PUNCTUM I. Prædicta verba S. Pauli ad

Collossenses ostendunt, re-
citationem & cantum psalmorum, ordinarium
fuisse primorum christianorum exercitium; ha-
erant castor ipsoꝝ delicia; innocens occupa-
tio; sacra quadam illecebræ, quibus m̃s rias
peregrinationis suæ dulcorabant, & ad persecu-
tiones se parabant, verum hodie, postquam re-
fugit charitas, psalmodia inter laicos fere ex-
toto cessavit, totaque transiit ad religiosos, &
clerum, quibus ecclesiæ legem statuit, & obli-
gationem imposuit. Delegati nimirum sunt, &
deputati ab ea, ut nomine omnium filioꝝ suoꝝ
rum, qui nimis distracti, & occupati sunt, so-
licitudine rerum temporalium, preces purissimas,
& frequentissimas instar tributi laudis, &
incensæ, majestati divinæ, convenientis offerant.
Quia ergo per nos fideles Christiani, huic suæ
obligationi, satisfacere intendunt, fiat id à no-
bis tali modo, qui ad excitandam eorum devo-
tionem valeat. Oportet in hunc finem valde
exactos nos esse ad assistendum chorò, ibique
psallendi, & canendi laudes divinas, cum ma-
gnâ reverentiâ, & devotione, & expressione.
Omnes compellantur &c. in choro ad psallendum
instituto, hymnis & canticis. Dei nomen reve-
renter, distinctè, devotèque laudare. Conc. Trid.
Sess. 24. de ref. c. 18. Omnia complexit

hoc verbum *reverenter*. Oportet psallere, & canere cum tali modestia, quæ reverentiam omnibus adstantibus inspiret; vocem quamdam naturalem & non affectatam assumendo; omnia exteriora nostra ita componendo, ut nihil sit, quod non respondeat sanctitati loci, in quo sumus & functioni angelicæ, cui tunc vacamus *vocēs sonum vibret modestia*. Ambros. l. 1. c. 18. *Distincte* oportet canere, servare pausas intermedias, non transilire verba, vel tantum dimidiata pronuntiare, ut ait S. Bernardus Serm. 44. in cant. *non praecedentes verba dimidia; non integra transilientes; non effractis & remissis vocibus, muliebre quiddam balbæ de hæte sonantes, sed virili, ut dignum est, sonitu & affectu, vocēs Spiritus S. deprecantes*. Devote oportet psallere; magis spiritu & corde, quam ore: *psallam spiritu, psallam & mente*. 1. Cor. 14. 15. *Non quærentes sonum auris, sed lumen cordis*. ait S. Augustinus, in Psal. 46. 8. *debemus in animo versare cogitationem quamdam sanctam, vel accomodate affectus nostros sensui mirabili, qui in psalmis continetur*. Si orat psalmus, oratè; si gemit, gemitè; si gratulatur, gaudete; si sperat, sperate; si timet, time, ait idem S. Pater Serm. 3. *omnia enim, quæ hic conscripta sunt, speculum nostrum sunt*. An ita conatus es functionem hanc ecclesiasticam peragere? ut id melius adhuc agnoscas.

PUNCTUM II. Considera. maximam partem clericorum recitare, vel cantare, sanctum

hoc officium, tanta cum somnolentia, distractionibus, tardio, displicentia, ut non tantum non mereantur populo christiano ullam benedictionem, quam à ministerio nostro sperare posset, & deberet, sed eam ab illo elongent, ac Deum ad iracundiam provocent, quem mitigare debuissent, non attendentes ad istam maledictionem, contra tales pronuntiatam, qui opus Dei negligenter faciunt: *maledictus, qui facit opus Dei negligenter.* Jerem. 48. 10.

Quot sunt, qui cum assistere deberent officio divino, cum & ex intentione, honorandi Deum, per cantum suum, & excitandi populum, ut Deum pariter suis precibus glorificent, non nisi ex consuetudine accedant, vel, quod adhuc peius est, ex spiritu quodam avaritiæ, aut vanitatis, non aliud querendo, nisi stipendium, aut plausum humanum? quot sunt, qui cum omni reverentia, modestia & devotione canere deberent, prout ecclesia ab ipsis id exigat, psalmodiam per verba inutilia, per indifferetum risum, & gestus, ac mores indecentes, interrumpunt, aut nescio qualem sonum vocis affectant, tanque mundanum & profanum, ut potius comicum in theatro, quam clericum in ecclesia deceret. Quot sunt, qui loco distincti cantus & pronuntiationis accuratæ & expressæ, seipsos invicem adeo urgent, & verba præcipitant, ut satis clare indicent, se aliud non intendere, quam ut se quam citissime expediant, absque omni spiritu pietatis & religionis, prout
tales

tales perstringit celebre illud concilium Aquis-
graneense, sub Leone pio ad 816. Reg. canon.
*psalmi in ecclesia non cursim, & excelsis atque
inordinatis, seu intemperatis vocibus, sed plane,
& dilucide & cum compunctione cordis, reciten-
tur, ut & recitantium mens, illorum dulcedine
pascatur, & audientium aures, eorum pronun-
tiatione, demulceantur.* Denique ubi inveni-
untur inter cantores ecclesiasticos tales, apud
quos devotionem quamdam reperire sit? de-
berent illi vice aliorum benedicere, & laudare
Deum, à quibus inhonoratur, & contemnitur,
prout ipsi tam frequenter indicant per hunc
versum: *non mortui laudabunt te Domine; ne-
que omnes, qui descendunt in infernum; sed
nos, qui vivimus, benedicimus Domino.* Psal. 113.
Sed eheu! sitne hoc ab illis, quibus cor adeo
durum & insensibile est. Durum & adeo in-
sensible, ut nunquam ex hoc suo misero statu,
egredi velint; vide, utrum non aliquem, ex
primum notatis defectibus, incurreris? forte
etiam in ipso altari? noli ad illud deinceps re-
dire, nisi facto prius proposito, sacrum altaris
ministerium perfectius deinceps obeundi: *bene
psallite ei in vociferatione.* Psal. 32. O Domi-
ne, ah quam confundor! quam me pœnitet de-
fectuum & errorum, quos hucusque in cantu,
& precibus ecclesiasticis commisi, scio, quod
ibi in societate angelorum psallamus & cante-
mus; scio, quod ipse ibi sis præsens; neque in-
gnoro mercedem illam, quam iis promittis, qui
in

In hoc diligentes & accurati sunt; fac mihi hanc gratiam, ut functionem hanc meam, tam sanctam, tali modo peragam, ut tu glorificeris, populus edificetur, & ego fructum exinde referam, ut hic in tempore feliciter id inchoare valeam, quod me una cum sanctis, per totam æternitatem, continuaturum spero: *repleatur enim meum laude, ut cantem gloriam tuam, tota die magnitudinem tuam.* Psal. 70. 8.

* * * * *

FERIA QUINTA.

Omne, quodcunque facitis, in verbo aut in opere, omnia in nomine Domini Jesu Christi, gratias agentes Deo, & Patri per ipsum, Colois. 3. 17.

DE MODO PERAGENDI ACTIONES NOSTRAS.

1. Oportet eas referre ad Dei gloriam.

2. In unione D. N. J. C.

PUNCTUM I. Instruit nos S. Paulus per verba citata, quomodo actiones nostras peragere debeamus, ut sint meritorie, & sanctitati vocationis nostræ convenient. Id ipsum etiam habet in sua prima epistola ad Corinthios: *sive ergo manducatis, sive bibitis, sive aliud quid facitis, omnia in gloriam Dei facite.* 1. Cor. 10. 31. Deo gratias, qui per apostolum suum, tanti momenti doctrinam nobis dedit, & discamus exinde, quemadmodum omnia in nos ex suo amore descendunt, ita pariter omnia in eundem

eundem referri debere; si Deum diligimus, omnia in gloriam illius faciemus; quia omnia Deum honorant, si fiant propter ipsum; quemadmodum omnia eum inhonorant, si ad alium finem, quam ad gloriam ipsius dirigantur. Observatio hujus doctrinæ, faciendi omnia propter Deum, vel sola sufficeret ad reddendum nos sanctos; si fideliter hoc exequeremur, vita nostra ipsa foret bonis operibus, & exempta ab omni peccato; actiones, etiam vilissimæ in oculis hominum, & quæ pure naturales sunt, ut sunt bibere, comedere propter excellentiam tam nobilis finis, dignæ evaderent æternitate. Valde igitur infelices fiant Christiani, si ad manum habendo medium tam facile proficiendi in sanctitate, illud negligerent, & nullam ex eo utilitatem traherent. Clericorum est, eos quoad hoc instruere, quemadmodum S. Paulus hic instruit Colossenses; eorum est ad particularia quoad hoc descendere ad exemplum apostoli, eosque docere, quod Deum non tantum glorificemus canendo laudem ipsius, sed etiam eum laudare & glorificare possimus in omni alia re, si Deum pro objecto, & fine habeamus; juxta hanc S. Augustini sententiam in Plal. 43. *quidquid egeris, bene age, & laudasti Deum* Verum si clerici hanc principalem, in ecclesia moralem doctrinam populo persuadere velint, debent ipsi esse primi, qui eam exequantur, memores se esse ministros filii Dei, qui non aliud spectavit in omnibus actionibus suis, nisi gloriam Patris sui, neque

neque aliud quæsit, nisi ut placere illi, prout ipsemet dixit: *qua placita sunt ei facio semper.* Joan. 8. 29. Adora puritatem hanc divini magistri tui; meretur ille hanc omnem reverentiam, & honorem. Ut ergo illum imiteris.

PUNCTUM II. Non tantum omnes actiones tuas pro gloria Dei; sed insuper etiam, in unione meritorum Jesu Christi, filii ejus facias, oportet. Hoc ipsum est, quod nobis insinuat ecclesia, quando hanc orationem suggerit, dum officium divinum inchoamus: *Domine, in unione illius divina intentionis, qua ipse in terris laudes Deo persolvisti, has horas tibi persolvo.* Ante oculos igitur tuos continuo versetur hoc divinum originale; sollicite cura, ut omnia illius lineamenta cordi tuo bene imprimas, & postea in actionibus tuis, exprimas ad exemplum S. Bernardi Serm. 16. in cant. Anima mea! tui omnes in Jesum, & sensus dirigantur, & actus. Aiebat hic devotissimus Pater. Considera cum ipso non solum in generali, sed & in particulari, quid divinus hic salvator, toto vitæ suæ tempore, egerit? quomodo inter homines conversatus sit; qualem reverentiam, religionem, pietatem erga Deum Patrem suum habuerit; quam charitatem erga proximum, quam aversionem ab omni peccato; fugam à mundo, contemptum voluptatum, honorum, & bonorum terrenorum? imitare imaginem istam, & exemplar divinum ideo nobis datum, ut Tertullianus pro adversus Marcio. l. 2. c. 27. loquitur

ut

ut exinde actiones nostras omnes divine peragere disceremus: *conversabatur Deus, ut homo divina agere doceretur.* In Eucharistia autem precipue, hoc grande secretum, unionis istius cum illo, discere possumus, si ad eam accedamus, prout oportet; ibi dicere ad illum possumus: *omnia tua, mea sunt, & mea, tua sunt;* quia ergo totus noster est, æquum est, ut & nos toti illius simus; quotidie ad altare in nomine ipsius loquimur; igitur etiam in omni occasione in nomine illius agamus: *omne, quodcunque feceritis, in verbo, aut in opere, omnia in nomine Domini Jesu Christi.* Domine Deus meus, qui nonnisi à Jesu Christo gloriam obtines, neque tibi aliquid placere potest, nisi ad ea referantur, quæ tibi à tuo divino filio exhibentur, noli permittere, ut actiones nostræ alio spiritu animentur, quam suo, ut illo, in & per nos agente, & nos ejusdem voluntatem sequendo, in ipso, & per ipsum, & cum ipso tibi plenitudinem honoris, laudis, & gloriæ dare possimus, quæ tibi debetur, & quam aliunde accipere non potes nisi per ipsum: *per ipsum, & cum ipso, & in ipso, est tibi Deo Patri omnipotenti, omnis honor, & gloria.* Can. Missæ.

FERIA SEXTA

Simile factum est regnum calorum homini, qui seminavit bonum semen in agro suo; cum autem dormirent homines, venit inimicus ejus, & superseminavit zizania in medio tritici, & abiit. Matth. 13. 25.

DE

DE IGNORANTIA ECCLESIASTICORUM.

1. Nocet ipsismet. 2. Nocet ecclesie.

PUNCTUM I. POTest parabola ista intelligi, de ecclesia universalis,

quam Christus in mundo stabilivit, in eaque semina-
vit bonum semen, nimirum tot animas electas, quas in ea posuit, Chrysost. & Hieron. ibi. Nam, quis est, qui dubitet, ecclesiam repletam esse optimis & perfectissimis christianis; interim, dum clerici, qui ministri & servi sunt Christi J. su, qui fervorem & puritatem religionis conservare debuissent, in laboribus suis negligentes fuisse, & dormierunt; & neque se, neque alios instruxerunt, demon, qui occasione ignorantie hujus, ad suam utilitatem, usus fuerat, seminavit errores, & falsas doctrinas, per quas mores christianorum fuerant corrupti. Quis dicere valeat, quanta mala ecclesie causaverit per ministerium hæreticorum, & Novatorum? deplora hoc coram Deo! sed scito, malum hoc ab ignorantia originem trahere, quam ecclesiastici tanquam fontem omnium errorum, evitare debent, prout quartum concilium Tolletanum loquitur: *ignorantia mater cunctorum errorum, maxime in sacerdotibus Dei vitanda est; qui docendi officium in populis susceperunt, sacerdotes enim legere sanctas scripturas, frequenter admonet Paulus, dicens ad Timotheum, attende lectioni & exhortationi. Doctores semper manere, in his se sciant; igitur sacerdotes scripturas sanctas & canones meditentur, ut omne*
opus

opus eorum in predicatione divina & doctrina consistat, atque adficient cunctos tam fidei scientia, quam operum disciplina. Hæc sola doctrina pro integra meditatione valet; optandus esset, ut trabalibus literis in omnibus cubiculis & mansionibus seminariorum scriberetur, & ut omnes bepe se super eam reficerent, tunc plane non tot se in ecclesiam & functiones ecclesiasticas intruderent, qui neque talenta, neque sufficientes dispositiones habent, ut ei servire possint, ac proinde eam dehonestant per malam ac perversam suam conversationem; nam quia vivunt, ut ignorantes ecclesiasticis qualiter Missam legent, aut breviarium recitabunt? nullam affectionem erga exercitia pietatis habent; studia perhorrescunt, lusus, venationes, luxus, & debachationes, ordinaria talium sunt occupatio, & qui minus mali ac perversi sunt, saltem tempus suum otiose transigunt, vel in talibus laboribus insumunt, qui eis non conveniunt. *Otiositas autem inimica est anime*, ait Petrus Bleffensis tract. de inst. si non legeris, si non studueris dormitabit anima tua præ radio, & hostes tui anime, sabbatha tua, deridebunt. Verum si ignorantia clericis adeo nociva est; multo adhuc magis populo, religioni, & toti ecclesie dampnam affert; ut hoc capias.

PUNCTUM II. Considera, quod exinde nascatur profanatio sacramentorum, contemptus rerum sanctarum, confessiones sacrilegæ, communio

muniones indignæ, absolutiones præcipitatæ, ingressus simoniaci in beneficia ecclesiastica, susceptio sanctorum ordinum temeraria, siquidem ignorantia, irregularitas quædam est juris naturalis & divini, in qua nulla potestas, vel auctoritas, quæcunque illa sit, dispensare valet: *quia tu repulisti scientiam.* ait Deus per prophetam Osee 4. 6. *repellam te, ne sacerdotia fungaris mihi.* Ignorantia clericorum causa est omnium abusuum, & malorum, quæ in populo regnare cernimus qui cum non sint instructi in veritatibus fidei & doctrina evangelica, alii libertatem vivendi sectantur; alii in hæresim, imo quandoque in atheismum cadunt; alii totam vitam in sceleribus consumunt. Nescientes, quid lex divina præcipiat; quid prohibeat; omnes denique laborant fame, & siti verbi divini; proin iram Dei & maledictionem in totam parochiam provocant; *propterea captivus ductus est populus meus, quia non habuit scientiam, & sobiles ejus interierunt fame. & multitudo ejus siti exaruit.* Is. 5. 13. Ita vel ipse Deus apud Isaïam conqueritur. Quem non intime commoveat! bone Deus; si vel parum diligimus ecclesiam, calidissimas profunderemus lacrymas ob perditionem tot animarum, cujus se reos faciunt per suum silentium sacerdotes & pastores ignorantes, ut loquitur S. Gregorius Hom. 12. in Ezech. *tot occidimus, quot ad mortem ire, quotidie tempidi, & tacentes videmus.* Pro præparatione ad Missam; cape resolutionem ad pedes altaris impu-

impugnandi & destruendi ignorantiam vifam,
tam in te, quam in aliis. Ea igitur quotidie
aliquot horas studio, non ex curiositate, vel ad
proprium gustum aut satisfactionem, sed ut alios
instruere & exhortari possis juxta consilium &
monitum S. Pauli datum Timotheo: *attende
lectioni, exhortationi & doctrinae.* 1. Tim. 4.
13. Si tibi etiam cura animarum non incum-
beret, necessarium tamen tibi est studium ad
propriam tuam perfectionem; si autem etiam al-
iorum tibi incumbit, adhuc magis & ferven-
tius studio incumbere debes, ut aliis esse possis
utilis, quia ut ait S. Hieronymus, Epist. ad O-
cean. *nihil prodest conscientia virtutum frui,
nisi & traditum sibi populum possit instruere.*

* * * * *

DIE SABBATHI.

*Domine; nonne bonum semen seminasti in
agro tuo? unde ergo habet zizania? & ait il-
lis, inimicus homo hoc fecit.* Matth. 13. 27.

DE VIGILANTIA PASTORALI.

Extendere se debet. 1. Supra nos ipsos.

2. Et super alios.

PUNCTUM I. Hoc lolium superseminatum
in agro patrisfamilias, ab
inimico homine, dum dormirent homines, indi-
cat, quomodo clerici, maxime pastores animarum
vigilare debeant, tum supra semetipsos,
tum supra alios; ne inimicus, seu adversarius,
damnum iis afferat, quos divina providentia

cura eorum commisit; id, quod nobis S. Paulus adhuc clarius dicit per hæc verba; quæ ad omnes omnino pastores dirigit: *attendite vobis, & universo gregi* &c. Act. 20. 28. Debeant ergo clerici, maxime, quibus cura animarum incumbit, primo vigilare majori cura & solitudine supra se ipsos: considerent, & meditentur sapius, quod diabolus singulariter ipsis insidietur; crudelis hic inimicus animarum tentat eos omni modo; perbene enim scit, finem à se intentum, aliter se non obtenturum, ac sic facilius gregem ipsorum disperfurum; *percutiam pastorem, & dispergentur oves gregis.* Matth. 26. En! quid nobis oculos nostros aperire, & movere nos debeat, ut continuo ac incessanter nobismetipsis invigilemus, & cor nostrum purum conservemus, ut nihil sit, quod puritatem illius inficere, aut corrumpere valeat. Agricola non tenetur semper vigilare; potest etiam quietem admittere & somnum; post semen terræ mandatum; satis est visticcare vineam suam quandoque visitare; Christianus vero, maxime autem clericus omni tempore vigilare & in omni loco animæ suæ providere debet, quæ est vinea illa particulari curæ suæ commissa: *vigilate itaque omni tempore.* Luc. 21. 36. Vigilantia hæc eou que se extendere debet, quousque vita ipsius, incessanter e corde suo evellere, noxios illos surculos peccaminosæ cupiditatis & plantare surculos charitatis, ut ait S. Augustinus serm. 12. de V.O.c. 33

extirpa cupiditatem, planta charitatē; debet oculos suos continuo ad cælum elevatos habere, Deumque rogare, ut perficiat in ipso, quod cœpit, ut semen gratiæ, quod in illud jecit, fructifinet, & impediatur, ne dæmon illud per sua zizania corrumpat: vigilantes in omni instantia & obsecratione. Ephes. 6. 18. Anne ita buculusque super temetipsum vigilasti? sed quia talis particularis, & privata vigilantia non sufficit, ut quis sit bonus ecclesiasticus.

PUNCTUM II. Adverte, quod illa se extendere debeat etiam supra alios, maxime si cura animarum ipsi incumbat, tam sollicitè vigilare debet super gregem sibi concreditum, ut id ipsum aliquando Christo Jesu dicere possit, quod Jacob. ad Laban: *diu noctuque astu urebar & gelu, fugebatque somnus ab oculis meis.* Gen. 31. 40. Oculi pastoris evangelici nunquam clausi esse debent super necessitatibus gregis sui; imitari debet, in quantum fragilitas humana permittit, vigilantiam insatigabilem ipsius Dei; cujus locum tenet, & qui se apud prophetam virgæ vigilantem comparat; *virgam vigilantem ego video.* Jerem. 1. 11. Deus posuit illum pro custode domus Israël. *Si ergo viderit gladium, & cecinerit buccina, & annuntiaverit populo, audiens autem, quisquis ille est, sonitum buccinæ, & non se observaverit; veneritque gladius, & tulerit eum, sanguis ipsius super caput ejus erit* Ezech. 33. 3. Si autem obdormierit custos, seu speculator, tunc ipse dignus est morte,

inorte, & Deus vindictam de eo sumet, pro anima illa, quam diabolus per incuriam illius seduxit & abduxit: *sanguinem autem ejus de manu speculatoris requiram*. Ratio illi reddenda erit de strage animarum, quæ exinde secuta fuerit.

Contremiscite hic ministri Domini, nequaquam è memoria vestra elabantur obligationes vestræ, neque pondus illud, quod vobis impositum est; examina te ipsum breviter circa præteritum, quamnam vigilantiam adhibueris? o quantum zizaniorum & apud te, & apud tuos inuenies! quot abusus irrepere per tuam negligentiam, quot crapulæ, ebrietates, profanationes festorum! *speculatores cæci sc. canes muti non valentes latrare, videntes vana, dormientes & amantes somnia*. If. 56. 10. ecce qualis fortasse hucusque fueris! pete veniam à Deo, & in posterum vigilantior esto. *Vigila fide, vigila spe, vigila charitate, vigila & peribus*. S. Aug. Serm. 23. de V. D. Omni modo & ratione vigila, sit tua vigilantia continua; qualis erat illa sanctorum pastorum. S. Augustinus refert aliquid notabile valde de S. Cypriano; ait serm. 309. in natali Cypri. Mart. n. 4. edit. novæ, sanctum hunc episcopum, postquam audiit executionem mortis suæ, unum diem adhuc dilatam esse; ingentemque multitudinem fidelium concurrisse, ita, ut totam noctem, ante januam domus, in qua asservabatur, insomnem, ac vigilando traducerent, præ-

præcepisse, ut diligens cura virginum haberetur.
 O admirabilem Pastorem! exclamat hic S. Au-
 gustinus; *ibid. vicina corporis morte, non mori-*
ebatur in animo, pastoris vigilantia pastora-
dis, & cura tuendi gregis, usque ad extremam
vita hujus diem mente sobria tenebatur. Ti-
 mor carnis, cujus gladium jam capiti suo
 imminentem cernebat, non petuit in illo de-
 lere memoriam obligationis suæ, tanquam fidelis
 dispensatoris & ministri; ita se martyrem cogi-
 tabat futurum, ut esse non oblivisceretur Episco-
 pum, magis curans, quam rationem, Pastorum
 Principi de commissis sibi ovibus, redderet, quàm
 quid infideli proconsuli, de fide propria, respo-
 deret. *ibid.* Et nos timidi, & negligentes mi-
 nistri omnia negligimus; vel minimum quid, ob-
 livisci nos facit curæ nostræ, quam & propriæ,
 & aliorum salutem debemus. Pro Missa; roga su-
 premum pastorem, ut dignetur visitare terram,
 seu agrum, quem ipse coluit, & toties irriga-
 vit proprio suo sanguine, non est præter illum,
 qui noxias herbas evellere possit, quas tu in illo
 crescere sinis. O Domine, tempus est, ut vi-
 nea hæc putetur, quam aded turpiter neglexi!
tempus putationis advenit Cant. 2. 12. Fac
 bone JESU, fac istud! quia si tu manum tuam
 non ingeras, semper dormire pergam, converte
 igitur me, quæso, ut tandem laborem pro con-
 versione aliorum. Deus virtutum convertere;
respice de celo, & vide; & visita vineam istam;
& perfice eam, quam plantavit dextera tua.
 Ps. 79. 15. T DO-

DOMINICA SEX TA POST
EPIPHANIAM.

Gratias agimus DEO semper pro omnibus vobis; memoriam vestri facientes in orationibus nostris sine intermissione. 1. Tessal. 1. 2.

DE GRATITUDINE.

1. Quàm sollicitè gratias egerit DEO S. Paulus pro gratiis populo per suum ministerium ab illo concessis.

2. Curare debemus, ut illum imitemur.

PUNCTUM I. **V**erba à quibus hodierna incipit epistola, magnæ ædificationis sunt pro clericis, qui in curâ animarum occupati sunt. Discimus hic à S. Paulo gratias agere DEO sine intermissione, pro gratiis per ministerium, & laborem nostrum aliis collatis, & ut nunquam illorum obliviscamur in precibus nostris, quos è cathedra instruimus. Non possumus habere illustrius quoddam exemplum gratitudinis, quàm istud hujus Apostoli; tantummodo legere sufficit epistolas illius, ut quis cor istud planè admirabile miretur, quod tam amplum erat, ut ad universam ecclesiam se extenderit; & sanè tota ecclesia in corde erat S. Pauli, una cum omnibus bonis & malis suis; spatium illic erat pro toto mundo, orat DEUM, & gratias non solum in generali pro ecclesia agit, sed pro omnibus ecclesiis in particulari: *gratias ago Deo meo semper*, ait ad Corinthios, 1. ep. 1. 4. *pro vobis. in gratia Dei, quæ data est vobis in Christo Jesu: quod in omnibus divitè factis in illo.* Quod ad Romanos scribit notatu

dignius est; *primum quidem gratias ago Deo meo per JESUM Christum, pro omnibus vobis, quia fides vestra annuntiatur in universo mundo.* Rom. 1. 8. En! quomodo gratiarum actio, primaria & maxima illius cura, & sollicitudo fuerit; en! quomodo neminem ab eo excludat, *pro omnibus vobis.* Adverte, quod non solum gratias Deo agat, quia fidem receperunt, sed, *quia fides vestra, ut ait, annuntiatur in universo mundo.* Nullius prorsus circumstantiæ oblitus, donorum DEI. Erat quasi thuribulum in manu tenens, ut, ubicunque super ecclesiam effundebantur. Deus gloriam sanctissimo nomini ejus propterea debitam consequeretur; en! quomodo ad Ephesios scribat? cap. 1. 16. *non cesso, gratias agens pro vobis, ego audiens fidem vestram.* Id ipsum etiam ad Colossenses c. 1. 3. scribit; *gratias agimus DEO, & Patri Domini nostri Jesu Christi, semper pro vobis orantes, audientes fidem vestram.* Si quid ei innotuit de virtutibus fidelium; etsi t-ctis ocularis ipse non fuerit, illi jam erat, & sufficiens ratio Deum laudandi; neque semel tantum Deum laudavit; sed laudem & preces suas continuabat; hinc dicebat; *ex qua die audivimus, non cessamus pro vobis orantes.* Ibid. v. 9. Ignis iste jugiter ardebat in corde ipsius nec unquam destitit, offerre Deo hoc sacrificium laudis, Ministri Domini, en vobis exemplar; discite in 2do puncto curam & sollicitudinem, quam habere debetis, ut eum quod ad hoc imitemini.

PUNCTUM II. Hinc cogita frequenter quod
 nil magis divinos amores ad se trahat, quam hu-
 milis agnitio & confessio, omnium, quæcun-
 que bona & bene facere possumus, non nisi à
 Deo in nos derivari. Flumina de mari veniunt,
 ut illuc iterum revertantur *ut iterum fluant*,
 ait Sapiens, Ecclesiasti. 1. 7. *ad locum unde*
exerant, revertuntur flumina gratiarum, notat
 S. Bernardus, in calc. Sermon. 1. 3. *remittatur*
ad suum principium caeleste profluvium, quo u-
berius terris refundatur Quo magis gratos
 nos ostendimus Deo, tanto uberius gratias suas
 super nos effundet, & laboribus nostris dabit be-
 nedictionem. Credimus hoc? facimusne sic? vita
 apostolica consistit in imitatione S. Pauli, jam
 vidimus, quemadmodum vita hujus admirabilis
 apostoli non nisi continuum sacrificium laudis fu-
 erit, & gratiarum actio non interrupta; charitas
 ipsius complectebatur totum mundum; integras
 civitates, & etiam quosdam in particulari.
 Ah ubi nostra est charitas! quàm solliciti sumus,
 eum imitandi? quid respondebimus Christo Do-
 mino in judicio extremo, quando nobis objiciet,
 Apostolum hunc gratias sibi egisse pro salute o-
 mnium eorum, quos per prædicationem ad sui
 cognitionem perduxisset? & quod non obitan-
 tibus suis continuis laboribus, persecutionibus,
 peregrinationibus, diversis negotiis, & occupa-
 tionibus, solitudine, labore manuum suarum,
 necessaria sibi comparandi, nihilominus continuo
 perseveraverit orando, ut dignaretur illud com-
 plete,

plere, quod per ipsum cepisset donando his magnum illud donum perseverantiae; quod nos è contra adeò negligentès fuerimus, & aliud ad agendum nihil habentes, nisi hoc solum; liberi à curis & negotiis mundanis & secularibus, ut sic cò expeditius servitio ecclesiæ intendere possemus, ad talia non tantum non adtenderimus, sed meliorem & potiore partem temporis, etiam illius, quod orationi destinatum erat, in longè atis consummaverimus. Resolve te in posterum melius huic tuæ obligationi satisfaciendi; sanctissima Eucharistia, ad quam toties accedis, excellens tibi medium subministrat, siquidem illud offerendo, vel sumendo, talem Deo gratiarum actionem exhibemus, quæ ex omnibus illi gratissima, acceptissima, perfectissimaque est. Uni te Christo Jesu, qui se in hoc sanctissimo Sacramento recondidit, ut nostram gratitudinem suppleat, & continuò Patri suo æterno, pro nobis gratias agat. Roga ipsum, ut talem tibi sensum & affectus det, ut nunquam cesses illum laudare, & benedicere pro beneficiis omnibus, & singulis, cum interea tot ingrati existunt, qui eorum planè obliviscuntur. *Salva nos fac Domine Deus noster, congrega nos de nationibus, ut confiteamur nomini sancto tuo; & gloriemur in laude tua. Ps. 105. 47.*

* * * * *

FERIA SECUNDA.

Memores operis fidei vestræ, & laboris, & charitatis & sustententia spei Domini nostri Jesu Christi ante Deum, & Patrem nostrum 1. Thessalon. 1. 3.

DE Sanctitate PRIMORUM CHRISTIANORUM.

1. Quales illorum fuerint virtutes.

2. Quam longè ab iis nos absumus.

PUNCTUM I. **E**Logium, quod S. Paulus hic Thessalonicensibus tribuit.

materiam nobis ad meditandum valdè utilem præbet; quia in illo inueniemus, unde nos humiliemus, & confundamur, in comparatione vitæ nostræ ad eam nobis sensualis, & laxæ, cum fervore, contemptu rerum præsentium, patientiæ, & vitæ plenè celestis istorum primorum Christianorum. Illi non erant ministri altaris, vel ad alias sacras functiones destinati, aut personæ tales, quæ ab omni commercio mundi fuissent separati, quorum virtutes Apostolus hic receasset; homines erant vinculo matrimoniali alligati; qui uxores habebant, quasi non haberent; qui utebantur hoc mundo, tanquam non utentes; qui continuè ad cælum suspirabant; qui incessanter orabant; qui in tribulationibus gaudebant, semper parati; & prompti vitam pro Christo Jesu & Evangelio illius immolandi; adeò à divitiis abhorrentes, ut ad pedes Apostolorum pretium bonorum suorum attulerint; adeò temperantes in suo agape (ita vocabantur convivia ipsorum) ut fuerit schola sobrietatis; adeò penitentia dediti, ut continua habuerint jejunia; adeò submissi, & obedient es pastoribus suis, quasi ipsi Christo Domino; ita orationi dediti, ut bonam partem noctis eidem insumpserint; uno verò

bo, aded suere sancti, ut ex horrore, & fugâ vitiorum solummodò ab aliis discerni potuerint; prout Tertullianus l. ad Scapulam. c. 2. de Christianis, etiam sui temporis loquitur, *in silentio & modestia agimus, nec aliunde noscibiles, quàm de emendatione vitiorum*. Id, quod etiam reperimus in illa pulcherrima epistola Ecclesie Lugdunensis & Viennensis ad Ecclesiam Smirnenem, dum sanctam Blandinam, quæ erat mancipium, ad hoc adigere volebant, ut prætexta & Christianis falsò imposita crimina sateretur. Illa inter gravissima tormenta constanter respicit: *Christiani sumus; apud nos nil criminis admittitur*. En! qualis fuerit primorum Christianorum virtus, quos benè appellare possumus *primos religiosos Christi Jesu; verum* quantum nos ab iis distamus!

PUNCTUM II. Si bene consideremus sanctitatem, & puritatem morum, qui in primis istis ecclesie sæculis florere Christianorum, necesse erit agnoscere & sateri, nos nequidem nomen Christianorum mereri, qui sumus de stirpe Chanaan, & non de progenie Juda; aded nimirum ab illa decidimus. Ubi est illa perfecta renunciatio priorum commodorum? ille contemptus divitiarum, illa voluntaria paupertas, illa unio cordium, illa patientia in persecutionibus, ille ardor martyrii, illæ preces continuæ, jejunia, vigilia, austeritates? &c. ad quorum vel solum nomen contremiscimini? *quid ad hæc nos sumus?*

ventris animalia, ut verbis S. Hieronymi utitur, quæ nobis magis conveniunt, quàm sancto huic, qui vitam aded austeram vivebat, & qui insuper vicinus erat huic aureo ecclesiæ sæculo. An non iurissimam ingemiscendi causam hic habent omnes Clerici, quod tantam inter Christianos relaxationem, disciplinam aded debilitatam, impuritatem & scelera ferè ubique impune regnare videamus. Eheu! quomodo accidit tanta mutatio! quæ illius causa? *quomodo obscuratum est aurum, mutatus est color optimus.* Thren. 4. 1. Pastores & ministri Ecclesiæ Jure merito sibi timere debent, ut si populus hodieum aded perversus est, id non ex illorum negligentia & defectu accidat, siquidem quemadmodum Propheta ait, *grex ordinariè suo se Pastori accommodat; & erit sicut populus, sic Sacerdos.* Is. 24. 23. Primi Christiani non erant aded, ac tam excellenter perfecti; nisi quia illorum pastores tales fuere; sicut etiam nostri tales, & quamprimum etiam populus illos sequetur, & imitabitur. Pro præparatione ad Missam; recogita feriè, quam perfectus esse debeas. Et time hanc terribilem comminationem scripturæ. *Sacerdotes, qui accedunt ad Dominum, sanctificentur, ne percutiat eos Dominus.* Exod. 19. 22. Oportet vitam actiones omnes, & dispositiones sacerdotum, in oblatione corporis, & sanguinis Christi, quamdam habere relationem & similitudinem cum statu divinæ hujus victimæ, quam Patri æterno offerunt, id est, quemadmodum Jesus Christus hostia

hostia est Deo digna, quia infinitè sanctus est, infinitè purus, infinitè elongatus est ab omni vel minima sordē, ita etiam vita sacerdotis, qui minister est, hujus divinæ oblationis, esse debet vita pura, sancta, irreprehensibilis, & ab omni macula peccati exempta. Hæc tecum recogita, antequam ad altare accedas; enī quibus te occupare debeas tam ante, quàm post Missam. *Quæ passionis Dominicæ mysteria celebramus, debemus imitari, quod agimus; tunc enim pro nobis hostia erit, cum nosmetipsos Deo Patri hostiam fecerimus.* S. Gregorius M l. 4. Dialog c. 8.

FERIA TERTIA.

Evangelium nostrum non fuit ad vos in sermone tantum, sed & in virtute, & in Spiritu sancto & in plenitudine multa, sicut scitis, quales fuerimus in vobis propter vos. 1. Thessal. 1. 5.

DE PRÆDICATIONE S. PAULI.

1. Quare Apostolus iste adeò fructuosè prædicaverit.
2. Et cur nos tam modicum fructū afferamus.

PUNCTUM I. **E**N materiam meditationis non minùs utilem, quàm præcedens fuerit, siquidem pariter nos humiliandi nobis præbet ansam & causam. Indicat nobis S. Paulus maximos illos fructus, quos prædicatione sua apud Thessalonicenses attulit; id, quod planè nos summopere confundere debet, qui tam modicum fructum afferimus. Exhibuit huic felicem successum non solum miraculis, quibus
mini-

ministerium suum Deus condecoravit, sed insuper bono suo exemplo, & vita irreprehensibili, & edificatoria, quam inter eos duxit. Scitis quales fuerimus in vobis. propter vos. Afferat, populum huic, fidem veram tanto cum ardore, amplexum, tantumque splendorem virtutum & sanctitatis emisisse, ut tanquam veri imitatores sui Apostoli, imò ipsius Jesu Christi potuerint omnibus aliis ecclesiis, tanquam exemplar, & norma perfectionis proponi. *Imitatores nostri facti estis, & Domini &c.* Ita, ut facti sitis forma omnibus credentibus in Macedonia & Achaia. Ibid. v. 6. 7. Collige exinde, quam effluax sit prædicatio Evangelii, si bono insuper exemplo sufficiatur. Si vitam vivas vere Ecclesiasticam, vix necesse erit, ut aliquid dicas, prout Apostolus id ipsum notavit; *ita, ut non sit nobis necessitas quidquam loqui.* Erant Thessalonicenses adeo confirmati in fide, per exemplum S. Pauli, & in amore Jesu Christi taliter accensi & ferventes, ut sine prædicatione, & quin pedem aliquem in Patria sua extulerint, ipsi fuerint Apostoli & prædicatores Evangelii per totam Græciam, & per totum mundum; *à vobis enim diffamatus est sermo Domini; non solum in Macedonia, & in Achaia, sed & in omni loco fides vestra, quæ est ad Deum, profecta est.* En! grande illud secretum, quo apostolus usus fuit, ut animas Deo lucraretur, & ex cordibus hominum idola illa quæ ferret, quibus immolabant, volo dicere, passionibus, quibus adeo tenaciter inhaerebant, & eò indu-

indoceret, ut unice deinceps se virent Deo verò, & Jesu Christo filio ejus: sed quæso, unde hoc accidit, quod eandem veritatem prædicantes, quam prædicavit apostolus, tam parùm fructum afferamus nos? rationem hujus rei dabit.

PUNCTUM II. Hanc facile detegimus; nimirum discursus & conciones plurimorum, qui se in hoc officium ingerunt, consistunt *in sermone tantum, non autem in virtute multa*; prædicatio illorum non fuleitur, neque per orationem, neque per vim & efficaciam boni exempli, prout illa S. Pauli; illi non amant Deum, neque Jesum Christum filium ejus, sicut apostolus iste; non faciunt id ipsum, quod alios docent; en! quare verba illorum non sint nisi merus & vacuus sonus; cymbalum tinniens, nullam autem cordibus audientium impressionem faciens; *dabis voci tuæ vocem virtutis*, ait S. Bernardus, *term. 54. in Cant. si, quod suades, tibi prius cognosceris persuasisse; validioris operis, quàm oris vox &c. vox oris sonat, vox operis tonat.* Lingua oris, dicebat S. Franciscus Salesius, ad aures corporis loquitur; verùm lingua cordis ad corda audientium loquitur; vis, ut verba tua sint efficacia, vide, ut ipse prius ab iis movearis, quæ alios docere & persuadere cupis; item esto primus, qui id exqueris, quia ad omnes omnino prædicatores spectat, quod de divino magistro nostro scriptum est, *cupit Jesus facere & docere*, Act. 1. Deplora hic cæcitatem tot clericorum, qui per indiscretam quamdam præci-

pitam

pitantiam, hunc ordinem invertunt, & alios docere solitant, quod ipsi nunquam in praxim reducere, O quam raram est! quod ejusmodi predicatorum magnas conversiones evincant; *facere & docere* symbolum est omnium predicatorum, qui in suo ministerio sancti evadere cupiunt; qui aliam viam ingreditur, meretur potius considerari, ut successor phariseorum, quam Apostolorum, siquidem imponit aliis jugum, quod ipse ferre recusat; *sit igitur rector operatione principia*, conclusio est, quam debemus cum S. Gregorio Papa I, 2. Pastor c, 3. illa vox namque libentius auditorum corda penetrat, quam dicentis vita commendat. Felix Pastor! felix predicator! qui huc pervenit! & ejus vita continua ad virtutem exhortatio est; magnus erit in regno celorum, qui autem fecerit & docuerit, *hic magnus vocabitur in regno celorum*, Math. 5. 19. Ipse Dominus Jesus per hæc verba canonizavit omnes illos, qui in suo ministerio invicturi sunt. Roga illum, te ut talem reddat; celebra aut communica hodie ad hanc intentionem; predicator, qui Deum in corde suo possidet, verba Dei habet, & vox ipsius etiam maximos peccatores dejiciet, præfiguratos per cedros Libani de quibus propheta loquitur: *vox Domini in virtute; vox Domini in magnificentia; vox Domini confringentis cedros, & confringet Dominus cedros Libani &c. vox Domini præpangantis cervos; & revelabit condensa; & in templo ejus omnes dicent gloriam*, Psal. 28. 4. 5. 8.

FERIA QUARTA

*Simile est regnum calorum grano sinapis
quod accipiens homo seminavit in agro suo.*
Matth. 13. 31.

DE DOCTRINA EVANGELICA

1. Parvitas. 2. Magnitudo. 3. Et virtus seu
efficacia doctrinae Evangelicae.

PUNCTUM I. DAT nobis Dominus Jesus
in parabola ista, de grano
sinapis, imaginem quamdam doctrinae suae, mo-
do quodam sensibili, & propriis quasi oculis cer-
nere facit progressum, quem evangelium suum
in & per totum orbem facit, ad eum ferè mo-
dum, quò modica illa planta sinapis crescit, quæ
eum sit minima ex omnibus plantis, tandem in
arborum excrevit, quæ latè ramos suos ex-
tendit. Quid magis modicum? quid infirmius,
quid contemptibilius coram oculis hominum,
quàm prædicatio evangelii in suo principio? cre-
dere in Jesum Christum? qui totam vitam su-
am transegit, in paupertate, in obscuritate, in hu-
miliationibus; adorare Deum crucifixum? gen-
tibus stultitia, Judæis scandalum, philosophis
causa & objectum derisionis, principibus occa-
sio persecutionum; fuit id, quod Paulus 1.
Cor. 1. 23. insinuabat; *prædicamus Christum
crucifixum; Judæis quidem scandalum; genti-
bus autem stultitiam;* quid abjectius? quàm ferre
injurias; inimicis ignoscere, portare crucem
suam, semetipsum abnegare; contemnere divitias,
& honores hujus mundi? hæc ipsa autem erat
doctrina

doctrina Christi, quam annuntiare & evangelizare oportebat hominibus superbis; & qui nam hoc fecerant? duodecim pauperes piscatores; gens invalida, absque litteris, sine eloquentia, quos Deus elegit, ut confunderent potentes & sapientes hujus sæculi; utque totus mundus cerneret, suum hoc esse opus & negotium; non de oratore, ait S. Augustinus in Psal. 36. serm. 2. n. 14. *piscatorem, sed de piscatore lucratus est oratorem. de piscatore lucratus est senatorem; ac piscatore lucratus est imperatorem* Adora hunc modum agendi Divinæ providentiæ; & postquam vidisti doctrinæ evangelicæ modicitatem seu parvitatem in suo principio.

PUNCTUM II. Considera magnitudinem & extensionem illius in progressu, hoc divinum granum in arborem excrevit; in cujus ramis volucres cæli suaviter quiescebant; dum potentes hujus mundi principes, sapientes, ac philosophi, in ecclesiam intrarunt, & sub umbra ipsius se occultaverunt, atque fructibus illius se refecerunt. Apostolorum voce, & sono per totum terrarum orbem sparso, turmatim accurrerunt populi ad ovile Christi: imò ipsimet reges & magnates hujus mundi, gloriæ ac honori sibi duxerunt, si portare possent jugum evangelii, eiisque obedire. Rem miram! prædictum & præfiguratum longè antea hoc fuit in Daniele, per illum parvum lapidem, qui decisus crevit in montem magnum; *lapis factus est mons magnus, & implevit universam terram*, Daniel. 2. 35.

& per illum fontem parvum, quem Mardocheus per somnium vidit: *font parvus crevit in fluvium maximum, & in aquas plurimas redundavit*, Esther. 11. 10. Nullum tam grande, tamque admirabile. quàm tale spectaculum, pro iis, qui diligunt decorem & pulchritudinem domus Dei; extra se rapi se experiuntur & prægustum aliquem talis gaudii capiunt, quali fruuntur beati in cœlo, dum ita exclamant; *magna & mirabilia sunt opera tua Domine Deus omnipotens; justæ & veræ sunt viæ tuæ Rex sæculorum, quis non magnificabit nomen tuum?* Apoc. 15. 3. sed admiratione ista haud contentos nos esse oportet super doctrina evangelicâ; videamus insuper in tertio puncto vim & efficaciam illius.

PUNCTUM III. Hæc ipsa indicatur nobis pariter in & per proprietates grani sinapis, quod ex omnibus seminibus, plurimum acrimoniae habet, si conteratur; quod indicat efficaciam & vivacitatem doctrinæ evangelicæ, quæ, si benè expendatur, & masticetur, etiam induratas in malo animas movere, & gravissimis peccatoribus lacrymas eiere, & lapideâ corda conterere valet; *nunquid non verba mea sunt quasi ignis, dicit Dominus, & quasi malleus conterens petram?* Jerem. 23. 29. Audi, quid de hoc dicat Paulus Hebr. 4. 12. *vivus est sermo Dei, & efficax, & penetrabilior omni gladio acutissimo; & pertingens usque ad divisionem animæ & spiritus: compagum quoque & medullarum, & discretor cogitationum & intentionum cordis.*

Pondera berè vim & virtutem illius; gladius est ex utraque parte acutus, in intima secreta cordis penetrans; *dicit de temporalibus*, prout S. Augustinus in Ps. 49. 12. notavit, *dicit de æternis, in utroque probat, quod dicit, & eum, quem ferit, seperat à mundo.* Vide, quàm acutus sit gladius, qualem, quamtàmque divisionem facere valeat? separat sanctos, dividit impios, separat à te, quod impedimento salutis est; vult se consecrare Deo filius; Pater hoc non vult; verbum Dei unum ab altero separat; vult clericus servire Deo; statui ac vocationi suæ satisfacere; non approbant hoc consanguinei ejus; gladius iste utraque parte acutus quæstionem hanc decidit. Sacerdotes Dei! quotidie ad manum habetis gladium hunc spiritualem, ut rescindere possitis, quod in aliis malum esse cognoscitis, uterè tu illo primùm pro te ipso; quia quantumcunque perfectus sis, semper invenies in temetipso, quod abscindas; roga Christum Jesum, quem in S. Communione sumpturus es; quique advenit, ut gladium hunc in mundum secum afferret, ut gratiam tibi conferat, hunc illò utendi, & omne illud à te ipso separandi, quod te impedire possit, ne ex integro ipse sis; *non veni pacem mittere, sed gladium; veni enim separare hominem adversus patrem suum, & filiam adversus matrem suam, & nurum adversus socrum suum, Math. 10. 30.*

FERIA

FERIA QUINTA.

Simile est regnum calorum fermento, quod acceptum mulier abscondit, in farina satis tribus, donec fermentatum est totum. Matth 13. 33.

DE USU REBUM MODICARUM.

1. Qualiter contemnantur.
2. Quomodo æstimari debeant.

PUNCTUM I. **P**Arabola de fermento idem significat, quod granum sinapis, volo dicere, vim & fecunditatem verbi Dei, nova igitur non indiget expositione, Hier. ibi. admirabimur cum SS. PP. modum agendi & prædicandi Salvatoris nostri, qui dum abus similitudinibus hic utitur, quas a rebus minimis & vilissimis desumpsit, ut doceret nos haud contemni, aut negligi debere res minimas, nam si iis bene uti sciamus, nonnisi maximam nobis afferre possunt utilitatem; sufficiat itaque hic advertere, quod error sit valde communis, & ordinarius, quod nonnisi magnis uti velimus; contemnantur parva & modica; & nonnisi sublimia placent; si quis sublimi orationi vacare non possit, nullam amat; si grandem Pœnitentiam subire non valemus, tunc nullam arripimus, & sic de aliis: iste putatur esse zelus, & nihilominus in isto apparenti fervore sæpius plus vanitatis, plus de proprio amore, aut ambitione invenire est, quam devotionis & pietatis solidæ. Abstinere à modica quadam curiositate, ab inutili aliquo verbo; in re quadam modica obedire, vel alteri servire &c. quid refert? dicere *Cleric. instr. P. I.* **U** solea

Tolamus, an opera pretium sit, talibus intendere? interea nos ipsos per hunc contemptum rerum modicarum fallimus, & haud advertimus, quod sensim per illum trahamur ad majora mala, juxta illud Sapientis; *qui spernit modica, paulatim decidet*, Eccles. 19. 1. cum per fidelitatem nostram, in ejusmodi minimis, quasi insensibiliter ad perfectionem pertingere potuissemus, Testatur S. Theresia de se ipsa, quod prius, quam Spiritus S. in corde ipsius illud magnum incendium amoris accenderat, à quo feliciter consumpta fuit, se prius in rebus modicis exercuerit, & in ejusmodi sponso suo amorem suum contestari quæsierit illis horis, quas olim in rebus vanis consumebat, scopabat; chorum accedebat, dum nulla alia inveniebatur, ut ibi aliqua in ordinem componeret, & se felicem reputabat, quod sororibus suis sponis agni immaculati, quæ ad psallendas Dei laudes consecrata erant, hoc modicum servitium exhibere posset. Talia nobis videntur modica, sed fortasse illud ipsum fuit, per quod ad tam altam contemplationem ascendit, quam in illa admiramur: discet exinde assimilationem, quam de rebus modicis facere debas.

PUNCTUM II. *Magnus esse vis.* ait S. Augustinus, serm. 69 de verb. evang. alias 10. de Verb. D. à *minimo incipe*. Incipe à rebus parvis, sed bene inchoa, ut continuare possis arripe minimas occasiones orandi, & te humiliandi, quæ tibi se offerunt, & brevi in perfe-

Etiam christianum & ecclesiasticum evidēs, res
istae modicae non sunt magnae, quasi per se pla-
cere magnoperē possint Deo, sed magnus illē
amor, ex & cum quo fiunt, eas magnas reddit;
Deus non querit, nisi amorem sui, nihil magnū
facis, si parū ames, nihil modicum & parvum,
si multū ames, vasculum aquae frigidae pau-
peri datum ex amore Dei, vel ipsum cœlum
pro mereri valet. Nota, quando Christus Do-
mini suū bonum invitat in gaudium Do-
mini sui intrare, hoc non ideō factum esse, quasi
in carcerem missus, & ad mortem ob fidem da-
matus fuerit, sed quia in minimo fidelis erat;
*quia super pauca fuisti fidelis, super multa te
constituam.* Matthi 25. 21. *intra in gaudium
Domini tui,* quod S. Bernardo ansam prae-
dicendi, in solemn. SS. omnium: *In minimis
esse fidelem non parvum est, hoc parvum non
parvum est, sed fere totum.* Examina te nunc,
qualis fuerit tua in rebus modicis fidelitas? ah!
quoties neglexisti Deo dare illud modicum, quod
à te petiit in ista, vel illa occasione, ubi potu-
isses avertere oculos tuos, reprimere linguam
tuam, refrenare proprium amorem tuum &c. ?
roga illum pro hac gratia, ut deinceps nil am-
plius contempnas, quod ad gloriam ipsius, & ad
tuam propriam sanctificationem quoquo modo
aliquid conferre potest, si hodie communicas,
haud dubium est, quod rem magnam feceris, sed
cave, ne modica tua preparatio hoc ipsum non
faciat quid parvum & instructuosum, quod in se

ad ò grande quid, & excellens est. Igitur bene te ad illam præpara, & postquam omnes vires adhibuisti, tua gratiarum actio in eo sit, ut admireris Deum, quòd dignatus sit ad te venire? *ergone credibile est, ut habitet Deus cum hominibus super terram; si calum, & cæli calorum non te capiunt, quantò magis domus ista, quam ædificavi.* 2. Paralip. 6. 18.

* * * * *

FERIA SEXTA.

Hæc omnia locutus est in parabolis ad turbas. Matth. 13. 34.

DE MODO INSTRUENDI POPULUM.

1. Debent hoc ecclesiastici facere solidè & familiariter.
2. Motiva cur ità fieri debeat.

PUNCTUM I. **A** Dora verbum æternum, sapientiam DEI Patris, prædicantem populo in parabolis, atque utentem exemplis familiaribus, ut ità veritates salutes toti mundo redderet intelligibiles. O quàm admirabilis est iste modus? & dignus planè attentione & reflexione nostra! docet nos per hoc, quòd ecclesiastici, si utiliter pro salute animarum laborare velint, familiares ac vulgares se exhibere debeant in suis instructionibus, debent esse persuasi cum apostolo, quòd omni generi hominum debitores sint. *Gratias ac barbaris, sapientibus & insipientibus debitor sum,* Rom. 1. 14. Cum gaudio & gñu loquimur

mur de religione & fide nostra cum personis,
 quæ perspicacis ingenii, ac rerum intelligentes
 sunt, quia facillè id capiunt, quod illis dicitur;
 sed nonnisi cum repugnantia id à nobis fit re-
 spectu rudium, quia difficultatem patimur, ut
 eis persvadeamus veritates illas, quas docen-
 di sunt, & tamen hæc ipsa est in particulari
 occasio, ubi zelus ecclesiasticorum elucere de-
 bet, ut dicere valeant cum apostolo, *va mihi,*
si non evangelizavero, 1. Cor. 9. Pastor to-
 tum se debet gregi suo, hic autem constat &
 compositus est ex sapientibus & simplicibus,
 æquè uni, ac aliis debitor est, sed certa qua-
 dam ratione, plus simplicibus & rudibus, quam
 sapientibus & scientibus, quia hi ultimi pos-
 sunt per suam scientiam supplere instructionem
 pastoris sui, ubi simplices hoc non valent, ergo
 exactius isti debent instrui, & eadem ipsis sæ-
 piùs repeti, cum habeant intellectum valdè tar-
 dum, & non velocem, *ea, quæ sunt instructi-*
oni necessaria, sæpius oportet insinuare rudi-
oribus, ait S. Augustinus, de Bapt. contra Do-
 nat. l. 2. c. 1. Tot diversis modis & viis, ta-
 lia ipsis proponi debent, donec tandem aliquid
 capiant. Neque hoc ipsum absque fructu est,
 eorum, quibus hoc onus incumbit, necessitas ista,
 quam experiuntur unam, eandemque rem to-
 ties inculcandi, quousque eam intelligibilem
 reddant, ejusmodi tardis intellectibus ipsis ser-
 vit, ad acquirendam magnam facilitatem, in
 publico loquendi. Instruxistine tuos hõc modò?
 quòd

quot clerici ab hac methodo recedunt, qui, cum deberent se applicare, ad tractandas materias utiles & necessarias, talia gaudent ex cathedra proponere, quæ sunt curiosa, extraordinaria, sublimia, quæ transcendunt intellectum tertiaræ partis auditorum suorum? qui conciones suas implent subtilitatibus & ratiociniis philosophicis? an non dicas, tales non prædicare, nisi ut auditores suos confusos reddant, quique totam gloriam suam in eo ponunt, ut non intelligantur, nisi à valde paucis? evita hunc defectum, & errorem; & ad hunc effectum.

PUNCTUM II. Examina rationes & motiva, cur studere debeas modo alicui solido, ac familiari. Primum est, exemplum Christi Jesu, qui nobis in evangelio testatur, se specialiter venisse propter instructionem pauperum. *Spiritus Domini super me, evangelizare pauperibus misit me.* Luc. 4. 18. Visne tu negligere eos, qui principale objectum erant, missionis divini magistri tui? ad id est, intentio ecclesiæ, quæ hoc ipsum pastoribus animarum præscribit: *diebus saltem dominicis & festis solemnibus plebes sibi commissas pro sua, & eorum capacitate pascant salutaribus verbis, docendo, quæ scire omnibus necessarium est ad salutem annuntiandæque eis cum brevitate & facilitate sermonis, vitæ, quæ eos declinare; & virtutes, quas sectari oporteat; ut penam æternam evadere, & celestem gloriam consequi valeant.* Erit quomodo Tridentinum de hac re loquatur! en

regulam; quam sequi debes! 3tium desumitur ex ipsa natura veritatum, quas predicamus, quæ hoc requirunt Non indigent arte, neque præceptis eloquentiæ ut persvadeantur; sufficit, ut simpliciter explicentur, *ut fides vestra non sit in sapientia, sed in virtute Dei.* 1. Cor. 2. 5. Non opus est discursibus sublimibus, neque figuris rhetoricis, ut hominibus persvadeatur, illorum beatitudinem, & totam felicitatem consistere unice in eo, ut cognoscant Deum, & quem misit, filium suum, principalem illorum obligationem esse, ut ament Deum super omnes alias res, & evitent omne id, quod ei displicere possit, quod solummodo unicam animam salvandam, unicum cælum sperandum, unum infernum timendum habeant &c Simplex expositio harum veritatum majorem intellectui auditorum impressionem facit, quam alii vel eloquentissimi discursus. Quos fructus non afferunt tot homines apostolici, qui talia cum aliquo zelo & simplicitate prædicant! propone, quod eos imitari velis; tunc enim cum S. Paulo dicere poteris; *sermo meus & prædicatio mea non in persuasibilibus humana sapientiæ verbis, sed in ostensione spiritus & virtutis.* 1. Cor. 2. 4. Pete à Christo Domino hanc gratiam, in præparatione tuâ ad Missam, offer illi te ipsum, ut aliquid conferre valeas ad hoc grande negotium, nimirum perducendi homines ad agnitionem veritatis per prædicationem evangelii; & si te ad tam sublime officium vocavit, talem

modum prædicandi assumere stude, qui toti mundo utilis esse valeat; prædicate evangelium *omni creatura.*

* * * * *

DIE SABBATHI.

*Sine parabolis non loquebatur eis, ut imple-
retur quod dictum erat per prophetam, dicen-
tem; aperiam in parabolis os meum; eructabo abs-
condita à constitutione mundi. Matth. 13. 35.*

LE CATECHISMO.

1. Necessitas illius.

2. Modus Catechizandi.

PUNCTUM I. *¶* *Ista abscondita ab initio
mundi, & quæ nobis reve-
lata sũẽ à Jesu Christo, sunt mysteria & ve-
ritates evangelicæ, quas Dominus noster Apo-
stolos suos, eorũque successores jussit annun-
tiare in universa terra. Euntes docete omnes
gentes. Matth. 28. Considera, quàm fideliter
executi sint Apostoli hanc sibi datam commis-
sionem maximi momenti, nec unum diem in-
termittebant, ait S. Lucas, quin pluries de die,
de Christo loquerentur; *omni autem die non
cessabant in templo, & circa domos, docentes &
evangelizantes Christum Jesum. Quid dicitis
ad hoc ministri ecclesiæ, qui locum tenetis A-
postolorum? non petitur, ut quotidie, quemad-
modum illi, catechismum tradatis, sed ad mi-
nus ad hoc, ecclesiæ obedire debetis, ut domi-
nicis, & si sit diebus id fiat. Trid. Sess. 24. c. 4.*
*Anne obligationem vestram circa hoc ignorare
pos**

potestis? præsertim si cura animarum vobis incumbit? *nonne greges pascuntur à pastoribus?* Ezech. 34. quomodo prætenditis, ut tot pauperes & miseri rustici, tot mechanici & alii similes, qui neque legere, neque scribere sciunt, veritates illas addiscant, quorum scientia ad salutem est necessaria? si vos eorum curam non habetis? *pauçissimis datum est, ut nullo sibi prædicante homine doctrinam salutis accipiant*, ait S. Augustinus de bono persev. c. 9. Quamdiu ignorantes in tua parochia inveniuntur, obligatus es, ut illos instruas, nisi incurrere velis hanc reprehensionem, quam per prophetam suum facit, quæque in extremo die iudicii, tot ecclesiasticis & pastoribus ad confusionem erit, qui nullam curam adhibuere, ut ignorantes instruerent: *parvuli petierunt panem, & non erat, qui frangeret eis*. Thren. 4. 4. Quia autem non sufficit convictum esse de necessitate catechismi, disce in 2do puncto modum, illum tradendi.

PUNCTUM II. Non tam facile est, bene ac fructuosè tradendi catechismum, ac nobis imaginamur, est una ex principalioribus inter functiones ecclesiasticas, quæ summam applicationem meretur, & plus difficultatis, patientiæ, mansuetudinis, unctionis spiritualis, discretionis & perseverantiæ requirit, non est communis quidam labor, sed ad sapientem architectum pertinet stabilire fundamentum religionis seu fidei nostræ, ait S. Hieronymus, in cap. 1. epist.

ad litum. fundamentum nemo potest ponere, nisi sapiens architectus. Ut prosperè & ex sententia procedat, oportet primò aliquem priùs benè instructum esse in veritatibus fidei nostræ, antequam in statu esse possit, ut illas modo claro & intelligibili per quæstiones & responsiones, breves & faciles aliis explicare queat. *Optimus docendi modus*, ait S. Augustinus, l. 4. de Doctr. Christ. c. 10. *quò fit, ut, qui audit, verum audiat, & quod audit, intelligat.* 2dò sequi certam methodum, reducere doctrinam christianam ad certa quædam capita principalia, ut sunt symbolum Apostolorum, sacramenta, præcepta Dei & Ecclesiæ, oratio dominica &c. Ostendere dein, quanti momenti sint veritates inibi contentæ, ut majori cum aviditate audiantur, easq; sæpius repetere, ut quilibet eas capere valeat. Da infanti integrum panem; si illum non frangas, fame morietur, idem sentiendum de veritatibus christianis, si non sollicitus sis, ut eas digerās, & perceptibiles reddas, multum loquēris, neminem autem instrues, seu docebis. 3tio accomodare se captui audientium, instruere magnos & parvos, quemlibet juxta suam capacitatem, quod S. Paulus docet, scribens ad Corinthios 1. ep. 3. 2. *lac vobis potum dedi, non escam.* Et ad Thessalonicenses 1. Ep. 2. 7. *facti sumus parvuli in medio vestrū, tanquam si nutrix fovet filios suos.* Oportet omnes instruere, æquali charitate, abstinere ab omnibus quæstionibus curiosis & inutilibus, historiis incertis vel dubiis.

& aliud non amplecti, nec proponere, nisi quod fidem & mores perficere possit, hujus rei iterum nobis dat exemplum apostolus, quando ait: Act. 29. 20. 21. *vos scitis, quomodo nihil subtraxerim utilium, quo minus annuntiarem vobis & docerem vos publice & per domos, testificans Judæis atque gentilibus in Deum penitentiam, & fidem in Dominum nostrum Jesum Christum.* An ita catechismum hucusque tradidisti? vides, in quo erraveris? & pro præparatione ad Missam, pete veniam à Jesu Christo de præterito, promitto illi, quod exactior deinceps futurus sis, in satisfaciendo obligationi tuæ, & peragendam functionem hac adeo sibi gratâ, quamque ipse etiam obire dignatus est, dum in terra versabatur. O Domine! qui adeo amas animas, & qui bene possi, quod quotidie pereant per ignorantiam veritatum ad salutem necessariarum, & ob inordinatam curam & sollicitudinem catechistarum, da mihi, quæso, omnem illum amorem pro labore isto, quem meretur hæc functio, quam ipse filius tuus non est dedignatus, quamque etiam discipuli ejus tanto zelo obire, & habita semper fuit pro una ex præcipuis functionibus ecclesiasticis, fac ut eam deinceps ita strenue exerceam, ut illam mercedem recipere merear, quam promisisti eis, qui alios instruxerint, *qui autem docti fuerint, fulgebunt quasi splendor firmamenti, & qui ad justitiam erudiunt multos, quasi stellæ in perpetuas æternitates.* Dan. 12. 3.

DOMINICA SEPTUAGESIMÆ

Nescitis, quod ii, qui in stadio currunt, omnes quidem currunt, sed unus accipit bravium? sic currite, ut comprehendatis. 1. Cor. 9. 24.

DE PERSERVERANTIA IN VIRTUTE.

1. Oportet exercere se in virtute usque in finem, ut quis bravium accipiat.

2. Qualiter jure timere debeamus, in consideratione excellentissimorum virorum, qui lapsi sunt.

PUNCTUM I. **C**onsidera in epistola hujus diei, quod vita christiana sit quasi studium seu cursus, ubi omnes fideles currunt, ut bravium obtineant, verum cheu! pauci sunt, qui currunt, prout oportet, & ut remunerationem propositam accipere mereantur! omnes, qui ludos olympicos intrant, ad quos hic alludit S. Paulus, & aliqui currant quidem, aliquanto tempore, prout oportebat, sed quia non perseverarunt usque ad terminos & limites præfixos, præmium cursûs non meruerunt. Idem sentiendum de iis, qui stadium virtutum ingrediuntur, omnes ibi currunt, & similiter aliqui ex iis, prout oportet, certo tempore, quia autem ad finem usque non perseverant, pariter bravio privantur, quod Deus, pro hoc cursu, proposuit. O quam terribilis est hæc comparatio, parumper te reflecte super illam! igitur non sufficit, dum in ministerium ecclesiasticum intras, ut magnam sedulitatem, in peragendis functionibus tuis præ te seras, magnum zelum ostendas.

ostendas in satisfaciendo obligationibus tuis, ac extremam exactitudinem etiam in minimis adhibeas. Zelus iste non debet esse ignis quidam transitorius, illique similis, qui in spinis exardescit, *exarserunt sicut ignis in spinis*. Ps. 117. Oportet, ut semper sit æqualis & uniformis; ut ejusdem semper sit consistentiæ, & subsistat in mediis vel adulationibus vel contradictionibus mundi, quem nullum interesse, seu commodum, nulla prætenſio, nulla formido alterare, vel extinguere valeat, cujus fidelitas nunquam inutilis evadat, & nullam laboris sui mercedem quærat, siquidem sola perseverantia est, cui Deus præmium promisit. Visne, ait Spiritus S. ad Episcopum Smyrnæ: accipere coronam vitæ? *esto fidelis usque ad mortem, & dabo tibi coronam vitæ*. Apoc. 2. Si zelum Apostolorum patientiam martyrum, puritatem virginum possideres, si tandem remittas, & à via justitiæ aberras, omnium bonorum operum tuorum non recordabitur Dominus: *si avertit se justus à justitiis suis, & fecerit iniquitatem, omnes justitiæ, quas fecerat, non recordabuntur*. Ezech. 18. Meditare sedulò hanc grandem veritatem, & ut adhuc magis de ea convincaris:

PUNCTUM II. Conjice oculos tuos, non dico, super communes homines seu vulgus, sed super eos, qui virtuosissimi apparebant, qui omnium erant illuminatissimi? & gratiæ donis magis cumulati, quot invenies quibus perseverantia desuit, *sive quæ, nec qui pugnat, victoriam,*

nec palmam victor consequitur, ut S. Bernardus ait Serm. in cant. Ardentes & fervidi studium virtutis intrarunt, sed non continuarunt cursum suum usque ad terminum praefixum, insensibiliter lassati fuere in cursu, & fidelitati in satisfaciendo obligationibus suis, desuerunt, et quia gratiis à Deo acceptis non responderunt, privatos se denique viderunt brachio cursus sui. Bone Deus! quis contremiscat post tot & tanta exempla fragilitatis, & infirmitatis humanae, quae de super habemus! sumusne sapientiores Salomone? interim cecidit ille, & ipse illius adeo deplorandus est, ut siquid adhuc boni de illo praesumere valeamus, id solum sit, quod salus illius saltem incerta sit. Sumusne melius, & certius vocati, quam Judas? & tamen hic apostolus, ab ipso Christo vocatus, evasit in filium perditionis. Sumusne subtilioris scientiae, quam Tertullianus advers. Haeret. cujus opera in tanta estimatione erant apud SS. PP. de quibus etiam dicit Vincentius Lirinensis, *cujus quot verba, tot sententiae sunt. Quot sensus, tot victoriae.* Nihilominus postquam unus ex principalioribus Dei defensoribus fuit, tandem finiit per infamem Montani haeresim. Sumusne melius instructi ipso Origene, qui taliter in S. Scripturis versatus erat? & innumeri alii, qui adeo zelosi in, & pro fide nostra apparebant? qui tamen adeo felices non fuere, ut pervenire potuissent ad praemium ab ea promissum. Contremisce in consideratione lapsum tam funestorum,

di-

disce tibi ipsi diffidere, & in spiritu sinceræ humilitatis ad Jesum recurrere. Pro præparatione tua ad Missam, pete instantè à Deo hoc grande donum perseverantiæ, quæ est consummatio omnium meritorum nostrorum, & principium æternæ felicitatis nostræ, ut S. Augustinus ait, de dono persever. c. 6. *magnum Dei donum, quo cætera dona conservantur; sola est. æternitas redditur, vel potius, quæ hominem æternitati reddit.* Communica hodie, cum novo fervore, & devotione, ut hoc cœlesti nutrimento suffultus, ambulare possis, usque ad finem viæ virtutis, quin deficias, aut lassaris; anima te ipsum bravio tibi proposito & promisso, quæ est corona incorruptibilis & gloria immortalis. Ah! quàm benè meretur merces ista, ut tibi ipsi violentiam quamdam inferas; sic ergo curre, ut eam de manu Dei recipere merearis; *sic currite, ut comprehendatis.* O Domine! qui me ad tantam mercedem vocas, fac me per gratiam tuam in tantum laborare, ut eam recipere merear. Dirige gressus meos, adjuva infirmitatem meam, & conserva me usque in finem, ut ad promissam recompensationem curram, prout oportet. Comple ô Domine in me miserationes tuas divinas! *mirifica misericordias tuas, qui salvos facis sperantes in te.* Ps. 16. 7.

FERIA SECUNDA.

Omnis autem, qui in agone contendit, ab omnibus se abstinet; & illi quidem, ut corruptibilem coronam accipiant; nos autem incorruptam. 1^a Cor. p. 25.

DE

1. Obligatio ecclesiasticorum quo ad temperantiam.

2. In quo consistat?

PUNCTUM I. Comparat Apostolus vitam præsentem cursui & confilii, & christianos athletic; comparat vitam hanc cursui, ut ostendat nobis, quàm velociter & citò transeat, & obligationem nostram, quam habemus quotidie progrediendi in via versus cælum, per praxin & exercitium virtutum, præcipuè temperantiæ, quæ est medium efficacissimum, eò perveniendi, & ut quis victor de confilii, exeat proponit in hunc finem nobis exemplum athletarum ad imitandum. Quid faciunt homines isti, ut in publicis lusiis insigne quoddam specimen dent? observant exactam temperantiam, abstinēt à cibis exquisitissimis, & delicatissimis, ne fortè mollescant, infirmetur, delicati & effeminati evadant, frigus tolerare assuescunt, & contra omnes àëris injurias indurecunt. Quare se ipsos adeò coarctant? ad quid vitam tam duram & laboriosam assument? *illi quidem, ut corruptibilem coronam accipiant, nos autem incorruptam.* Et nos, qui pugnamus & configimus pro corda incorruptibili & immortali, non privabimus nos aliquibus, quæcunque demum sint? nos non tolerabimus, nec minimam molestiam, vel mortificationem? addiscamus hinc igitur obligationem nostram temperanter vivere; virtus hæc necessaria est omnibus christianis, siquidem regnum cælorum violentiam pat-

titur, & ad illud perveniri non potest, nisi quis propriis deliciis ac commoditatibus renuntiet, juxta doctrinam Christi Matth. 11. 12. *regnum calorum vim patitur, & violenti rapiunt illud.* Sed singulaciter necessaria est ecclesiasticis; professio ipsorum; quæ eos de hoc sæculo evocavit, ad hoc eos obligat, ut deliciis ac voluptatibus hujus sæculi renuntient; *clerici à vulgari vita seclusi*, ait concilium Moguntinum, Can. 10. *à mundi se voluptatibus abstineant.* Nam quomodo talibus personis permissum sit, partem habere in ejusmodi voluptatibus, dum per primam tonsuram clericalem, Deum pro sua parte, & hæreditate elegerunt, & mundo renuntiaverunt; *rasio capitis* ait S. Hieronymus, *Epist. 3. est temporalium omnium depositio.* Quando quis semel ad partes ecclesiæ accessit, non debet se amplius immiscere concupiscentiis & deliciis hujus sæculi. Hæc ipsa causa est, cur quartum Concilium Cartaginense, etiam ipsis episcopis, sequentia ordinavit: *Episcopus vilem suppellestem, & mensam, ac victum pauperem habeat, & dignitati suæ auctoritatem, fide, & vitæ meritis quærat.* Et ut ad praxin veniamus.

PUNCTUM II. Considera, in quo consistat temperantiâ christiana? virtus hæc non solum prohibet excessus, quos in cibo vel potu committere possumus, sed præscribit insuper justam moderationem, quam in omnibus aliis rebus nos observare oportet; ordinat convivia nostra, vestitum, utensilia, habitationem, verba, aspectus;

Cleric. instr. P.I.

V

gressu

gressus, conversationem nostram; coërcet pro-
 pensionem nostram erga voluptates, honores, &
 bona hujus mundi; impugnant rebellionem car-
 nis nostræ, & inordinata cordis nostri desideria
 crucifigit; claudit oculos nostros & aures nostras,
 ut nec videant, nec audiant, quod prohibe-
 ritur. Ligat linguam nostram & pedes nostros,
 ut ultra id, quod permissum est, non egredi-
 antur; uno verbo, est abinentia quædam ge-
 neralis, ait S. Basilus, reg. sul disp. interr. 16.
 ab omnibus iis, quæ perfectioni nostræ possent
 esse obstaculo. Clericus, qui exempli gratia,
 perfectè temperans est, non contentus est, si
 præcisè ventri suo dominetur, sed omnem cu-
 ram achibet, ut nulla in eum passio dominetur,
 quarum mancipia sunt, qui mundum amant.
 Temperans est respectu vane gloriæ, & non
 sinit se seduci laude & adulationibus seculari-
 um; temperans est in divitiis, & exactè pau-
 pertatem evangelicam observat; temperans est
 in iracundia, ejusque motus per veram pati-
 entiam reprimat; temperans est, in usu omni-
 um sensuum suorum; frænum injicit lingvæ
 suæ; præteribit limites oculis suis; & auribus
 suis non permittit, ut quidquam mali audiant.
 Estne hæc tua imago? interim temperantia, ut
 Basilus primum dixit, ad omnia se extendit
 & quicumque regulas hæcæ transgreditur, ut
 intemperans haberi debet; extra quos cancel-
 los, qui egressus sit; ille incontinentis ac petu-
 lantis est. Ibid. Examina hic tuum modum te-
 agendi,

pendi; & invenies, quòd nondum ad hanc perfectam temperantiam perveneris; pete illam à Domino JESU Christo, qui eam tantopere dilexit, & cui tibi illius tam excellens exemplum in tota vita sua dedit. Pro præparatione tua ad Missam, roga illum; ut per sacramentum sanctissimi corporis sui, ubi memoriam passionis suæ & mortis renovat, doceat te mortificare propriam carnem tuam; & dic ei viva fide, quæ toties ex Sapiente in breviario repetitis; *Domine Pater, & Deus vita mea, ne derelinquas me in cogitatu maligno; extolentiam oculorum meorum ne dederis mihi & desiderium malignum, averte à me concupiscentiam, & animo irreverenti & infructu ne tradas me.* Eccles. 23.

FERIA TERTIA.

Ego igitur sic curro, non quasi in incertum; sic pugno, non quasi ærem verberans, 1. Cor. 9. 26.

DE INTENTIONE, QUAM NOBIS
PRÆFIGERE DEBEMUS.

1. Puritas intentionis.

2. Defectus intentionis.

PUNCTUM I. **E**Xemplo S. Pauli discere debent christiani & clerici, quomodo currere debeant in stadio salutis, & virtutum; qui illum non nisi in incertum currit; ærem verberat; & non faciet magnos passus; vel si facit, cum sint extra viam,

Va

aliò

aliò non conducent, quàm ut longius à cælo aberret; non ut ei appropinquet. Non currebat hic apostolus in incertum, quia continuò ante oculos suos sibi stantebat gloriam Dei; progressum Evangelii & sanctificationem animarum; omnia facio propter evangelium, dicit, 1. Cor. 9. 23. *ut particeps ejus efficiar.* Non verberabat aerem, quia semper Spiritu JESU Christi agebatur, in omnibus sequendo normam, & modum agendi illius; nunquam gloriam propriam, sed unicè divini magistri sui quærebat, prout ipsum Deum in testem vocat, ita loquens ad Thessalonicenses; 1. ep. 2. 4. 5. *ita loquimur, non quasi hominibus placentes; sed Deo qui probat corda nostra; neque enim aliquando fuimus in sermone adulationis, sicut scitis, neque in occasione avaritiæ; Deus testis est. Auderemusne hoc ipsum testari de nobis? Scrutemur cor nostrum, & videbimus, utrum eandem puritatem intentionis cum Apostolo habeamus? ex alia intentione seu fine laborare, est currere in incertum; non est nisi bona intentio, quæ pretium & meritum actionibus nostris tribuere possit, quemcunque splendorem in oculis hominum præferant; si Deus illarum finis non est, non nihilo reputabuntur; & nos aliquandò ut hypocritæ, tractabimur; amen dico vobis, receperunt mercedem suam. Math. 6.* E contrario, quàm parùm etiam à nobis fiat pro gloria Dei, e. g. dare pauperi poculum aquæ frigidæ; inluere puerulum; recipiemus propterea

propterea mercedem nostram, *amen dico vobis; non perdet mercedem suam.* Matth. 10. 42. Collige exinde, quam necessarium sit, ut rectam intentionem in omnibus, quæ facimus, habeamus; hæc est oculus ille simplex, de quo evangelium loquitur, qui totum corpus actionum nostrarum vel tenebrosum vel lucidum reddit; hæc est pyxis illa nautica, quæ dirigit evangelicum Nauclerum; quæ bonos pastores à malis discernit, ædificia ex auro, argento, & lapidibus pretiosis constructa, & solido fundamento innixa, ab iis, quæ ex ligno, fæno & paleis constant, seu fundamento ruinoso inniuntur. Interim

PUNCTUM II. Quot errores & defectus intentionis non solum inter christianos, sed & inter sacerdotes & ministros ecclesiæ reperire est? eheu! quàm pauci directè Deum respiciunt; qui nonnisi honorem illius intendunt, sive dum amplectuntur statum ecclesiasticum, sive dum functiones illius peragunt? ubi sunt illi, qui cum propheta regio Ps. 17. 21. dicere possunt; *retribuet mihi Dominus secundum justitiam meam, & secundum puritatem manuum mearum in conspectu oculorum ejus?* ô quàm majori jure defacto exclamare possemus cum S. Augustino in Joan. Evang. c. 6. tract. 25. quàm ipse in diebus suis? *vix quæritur Jesus propter Jesum!* aliqui amplectuntur statum ecclesiasticum nonnisi ex intentione quadam mercenaria, sacerdotium pro arte & opificio teneat, unde sibi victum,

victum, & alia necessaria procurent, alii considerant divitias & pingues redditus beneficiorum, ex quibus consanguineos suos & affines ditare, & ad altiora promovere valeant, alii statum ecclesiasticum ut talem aspiciunt, per quem à communitate & vulgo distinguantur, & ut per ostentationem talentorum suorum naturalium magnam apud homines sibi famam & reputationem comparare valeant. Alii per hoc propriam familiam stabilire, vel altius extollere intendunt, alii quietem quarunt, ut magis commodè & deliciosè vivere queant, & sic tot clerici se ipsos fallunt, si ad dexteram respexissent, ait S. Augustinus, in Ps. 141. vidissent, quid ab his Deus requireret, sed quia ad sinistram respexerunt excoꝛcati sunt; *attendisti ad sinistram excataberis.* Examina te nunc, quales tuæ fuerint intentiones? *scrutare spiritum tuum, te ipsum interroga; & dic, ad quid venisti?* S. Bernad. Quare sacerdos factus es? cur intrasti in hoc beneficium? quare Missam legis? quare alias functiones clericales peragis? & quàm multos defectus & errores in tuo modo vivendi invenies! & quàm viles intentiones proprii interesse, amoris proprii, æstimationis hominum? quæ ædificium tuum periculo exponunt, ne in ultimo die iudicii igni adjudicentur, qui unius cujusque opera probabit. Nullum ex his subsistet, nisi quod factum fuerit ex intentione Deo placendi, & ex motivo gloriæ ipsius. Time, ne iudex tuus de hoc ipso te reprehendat ac illum episcopum

episcopum apocalipticum; *non inuenio opera tua plena coram Deo meo.* Apoc. 3. 2. Missam legisti per plures annos, aduentus vel quadragesimas cōcionatus es, assiduus fuisti in choro, exactus in admirationatione sacramentorum in parochia tua; multum laborasti, multum sudasti in officio tuo, interim omnia ista vana, vacua, sterilia, infructuosa sunt, & pro nihilo illa habet DEUS. Quare hoc? quia non nisi humanos fines spectasti, non nisi ex proprio amore laborasti; non quæuisti aliud, nisi applausum, hominum æstimationem, tuas commoditates, & propriam tuam satisfactionem; hinc nil minus, quàm de Dei gloria & honore cogitasti; *non inuenio opera tua plena coram Deo meo.* Humilia te coram Deo, & ab eo veniam pete; & esto impofterum fidelior, in quærenda illius gloria, *quæritis me propter aliud, quærite me propter me.* S. Augustinus in Joan. Tract. 25. Pro præparatione ad Missam; uni intentiones tuas cum iis, quas Christus Jesus habuit; & roga illum, ut purificet illas ab omni eo, quod in iis posset esse defectuosum; ita ut impofterum aliud non quæras, nisi ut ipsi placeas, quemadmodum ille in omnibus Patri suo placere studuit. Ecce oleum, quod ad altare apportare debes, ait S. Augustinus, lib. ad Honorat. seu Epist. 140. n. 75. ut ad exemplum virginum prudentum lampas tua non extingvatur; *ideo non deficiunt lampades, quia interiori oleo vegetantur, id est, intentione bona conscientia,*
quæ

quâ coram Deo sit in ejus gloriam, quidquid coram hominibus, in bonis operibus lucet

corus

FERIA QUARTA.

Castigo corpus meum, & in servitutem redigo. ne forte cum aliis prædicaverim, ipse reprobus efficiar. 1. Cor. 9. 27.

DE TIMORE.

1. Qualem timorem nobis ingerere debeat, hic modus S. Pauli secum agendi.

2. Motiva timoris.

FUNCTUM I. **E**lecti quique, ait S. Gregorius M. lib. moral. in

Job. 203. quamdiu in hac vita sunt, securitatis sibi confidentiam non promittant; bonis enim omnibus contra tentamenta suspecti, occulti hostis insidias metuunt. Hujus rei exemplum nobis hic dat apostolus, quando ait: *castigo corpus meum &c.* qualem terrorem non incutiant verba ista clericis etiam perfectissimis! quâ presumptione; quâ fiducia, in nostris bonis operibus stare audebimus contra hoc exemplum humilitatis & patientiæ? quid? S. Paulus, qui potius angelus, quàm homo est; illud vas electionis à Jesu electum; ut nomen ipsius portaret coram regibus & populo terræ; iste operarius indefessus, qui tot provincias, regnaque peragravit; maria trajecit; deserta perlustravit? qui tot pericula expertus, tam malè habuit, carceres & naufragia pertulit, ut homines ad ovile Christi perduceret, iste doctor totius

totius universi, & ut omnia uno verbo dicam; S. Paulus? (nam hoc solum nomen plus valet, quàm quæcunque dici possent) castigat corpus suum? illud tractat, ut inimicum suum, & in servitutem redigit? & nos ministri tepidi, indigni, perversi, negligentis servi, qui nihil adhuc pro Christo Jesu fecimus, & pro ecclesia ipsius; quique fortassis per fenestram tantum ingressi sumus in ovile, non tantum non castigamus corpus nostrum ob peccata, in quæ nos hucusque induxit, & quibus nos adhuc quotidie exponit, sed delicatè nutrimus? commoditates suas illi procuramus? & per crudelem quamdam indulgentiam, quietem suam illi concedimus? qualis confusio pro nobis! ille, qui in tertium cælum elevatus fuit, vivit in timore & tremore, & nos, quorum conversatio adhuc super terram est, vivere audemus in securitate? exclamat hic S. Gregorius hom. 4. in Ezech. *adhuc timet, qui in cælum ducitur, & jam timere non vult, qui adhuc in terra conversatur?* Estne S. Paulus nimium scrupulosus? an nos nimium temetarii? examinemus hoc in 2do puncto, & videamus motiva, quæ in nobis hunc timorem excitare debeant.

PUNCTUM II. S. Gregorius, qui specialem attentionem habuit, & reflexionem fecit super citata verba, notat, quòd duæ causæ, seu motiva induxerint S. Paulum ad ita severè tractandum proprium corpus suum. Recordatio peccatorum præteritorum, & conside-

ratio

ratio divinorum iudiciorum. Nunquam é memoria sua dimittebat antiqua peccata sua; ego sum minimus apostolorum, dicebat, 1. Cor. 15. 9. qui non sum dignus vocari apostolus, quia persecutus sum ecclesiam Dei. Cogitatio de iudiciis divinis pariter in illo hunc timorem conservabat; castiga corpus meum. & in servitutem redigo, ait hic ne forte, dum aliis predicavero, ipse reprobus efficiar. Quid aliud reperimus, ait hic S. Pontifex, in verbis istis, quàm manifestam convictionem & condemnationem duritiz cordium nostrorum! quia ipse plangit, quod ante baptismum commiserat; nos vero & post baptismum multa commisimus, & tamen flere recusamus. ibid. Sacerdotes, pastores, ministri Dei, quicumque sitis, & quemcunque demùm zelum pro salute animarum vòs habere, vobis imaginamini! vivete in timore & diffidentia de vobismetipsis; ac in continua praxi pœnitentiz. Exemplum S. Pauli ad hoc vos inducere debet; sed consideratio divinorum iudiciorum, defectuum innumerabilium, quos commisitistis, & adhuc in dies committitis in ministerio vestro, contra obligationes vestras, exercitium hoc vobis facit esse necessarium. Ne fatigemini igitur, in castigando corpore vestro, ut ea puniatis, ad quæ vobis ansam dedit; reducite per continuam quamdam mortificationem vestrorum sensuum carnem vestram in servitutem, ne contra spiritum denuo rebellare præsumat; exercete vos in operibus pœnitentiz, ne, dum ea

alia

aliis prædicatis, vos autem ipsi ea refugitis, re-
probi efficiamini. Plurimi, qui ea neglexerunt,
periere; & vos etiam peribitis, si eorum exem-
plum exemplo S. Pauli præferre audeatis. Pro
Missâ; pete à Jesu hunc salutarem timorem,
qui ex S. Paulo fecit tam magnum pœnitentem;
si timor iste verè ac vivaciter configat
carnes tuas, omnem conatum adhibebis cum
hoc S. Apostolo, ut æternam beatitudinem
consequaris; & tunc cum ipso pariter dicere
poteris; *ad destinatum persequor, ad brævium
supernæ vocationis Dei, in Christo Jesu.*
Philip. 3. 14.

FERIA QUINTA

*Conventione autem facta cum operariis ex
denario diurno, misit eos in vineam suam.*
Matth. 20. 7.

DE OBEDIENTIA EPISCOPO DEBITA.

1. Ad ipsum pertinet mittere inferiores mi-
nistros.

2. Hi debent ipsi obedire.

PUNCTUM 1. **U**T nos non detineamus
in referendis diversis ex-
plicationibus, parabolæ hujus evangelii, quas
aliunde addiscere, & scire possumus, sufficiat
nobis hoc dicere, animam nostram, vineam
istam esse, ad cujus perfectionem nos labo-
rare oportet, usque ad finem diei, id est,
æque

usque ad finem vitæ nostræ, si à Domino Deo
 nostro accipere volumus denarium vitæ æ-
 ternæ; præter hanc vineam particularem
 cujus cura cuilibet in particulari incumbit,
 aliam adhuc dari, cujus servitio se consecra-
 runt clerici; nempe ecclesiam Jesu Christi.
 Hæc vinea amplius se extendit, & difficilioris
 culturæ est, quàm prima; ut quis in ea labo-
 rare valeat, prout oportet, nullus se ipsum
 ad eam vocare, vel nominare debet, etsi etiam
 sanctus foret; opus hîc est aliqua missione:
misi eos in vineam suam. Oportet expe-
 ctare vocationem divinam, quæ nobis mani-
 festatur per missionem superiorum, præcipuè
 episcoporum, qui sunt apostolorum succes-
 sores; quos Spiritus sanctus posuit, ut eccle-
 siam Dei gubernent; ad hos igitur recurren-
 dum, ut cognoscamus, quid de nobis Deus
 apud semetipsum constituerit. Episcopus, ait
 S. Cyprianus, Epist. 55. tenet in ecclesia lo-
 cum judicis nomine Christi; *Judex vice Chri-
 sti.* Ipse de ministris inferioribus judicare, &
 cuilibet locum, & officium suum assignare de-
 bet; & ideo sacrosancta concilia, sanctionem
 fecerunt, ut episcopi nullum clericum ordi-
 nent, qui non sit necessarius vel utilis ecclesiis
 suæ diocesis. *Cum nullus debeat ordinari;*
 verba sunt Tridentini Sess. 32. de reform.
 c. 16. *qui judicio episcopi non sit utilis vel
 necessarius suis ecclesiis; sancta synodus, ve-
 stigis sexti canonis Concilii Calcedonensis
 inha-*

inhærendo, statuit, ut nullus impoſterum ordinetur, qui illi eccleſiæ aut pio loco, pro cujus neceſſitate aut utilitate aſſumitur; non adſcribatur, ubi ſuis fungatur muneribus, nec incertis vagetur ſedibus. O quàm benè fieret, ſi hoc ordinatio fideliter obſervaretur! ſine dubio non eſſet videre tot ſacerdotes vagabundos, & inutiles. Ora Deum pro episcopis, pro collatoribus beneficiorum, & aliis ſuperioribus, quibus cura incumbit eligendi operarios evangelicos, ut huic ſuæ obligationi ſatisfaciant, & non præſentent, vel dent eccleſiæ alios, quàm qui ſint utiles, ut illi ſerviant, & gloriam Dei procurent.

PUNCTUM II. Conſidera, quòd ſi episcopi eſt, mittere miniſtros inferiores, ad laborem, & iſtorum ſit, ut ei fideliter obediant; ad hoc ſeipſos obligarunt, dum ordinati fuere in præbyteros; ibi enim ſolemniter coram S. Altari, & infra nobiliſſimam illam, totius vitæ illorum, actionem, & ceremoniam, hoc ipſum promiſerunt. Interim judicium formando, ex plurimorum ſacerdotum modo agendi, reſpectu episcoporum ſuorum, quis non dicat, quòd ſe ad hoc non obligarint; & quòd hoc ipſorum juramentum obedientiæ & ſubmiſſionis non fuerit, niſi pura ceremonia, quæ nullo modo liget, ſeu obſtringat. Ubi ſunt illi ſacerdotes, qui judicium ſuorum episcoporum, ut oportet, ſequuntur; qui parati ſunt illud officium, ſeu functionem, ſeu locum amplecti.

plecti: quem episcopo placuerit, eisdem assignare? an invenire sit tales, qui id ipsum ad suum episcopum dicant, quod Saulus ad Dominum; fac, quod vis; ego ad omnia dispositus & paratus sum; *Domine quid me vis facere?* Act. 9. 6. pauci sunt hujus characteris, exclamat S. Bernardus, major illorum pars è contrario imitantur illum cœcum in evangelio, quem Christus interrogare debeat, quid sibi à se fieri peteret; *quid vis, ut faciam tibi?* Luc. 18. 41. *heu! plures habemus evangelici illius cœci, quàm novi apostoli imitatores &c. sic profectò, sic multorum usque hodie pusillanimitas, & perversitas exigit, ut ab eis quærì oporteat, quid vis, ut faciam tibi? non ipsi quærant; Domine, quid me vis faceret?* S. Bernard. Serm. 1. in Cõv. Pauli. An non es ex eorum numero? examina te desuper. S. Ignatius Martyr. Epist. ad Smyrn. vult sacerdotes honorari tanquam apostolos; *presbyteros sicut apostolos.* Verùm etiam vult, presbyteros honorare episcopos, & eisdem ità obedire, quemadmodum Christus obedivit Patri suo. *Episcopum sequimini, sicut Jesus Christus Patrem;* ait, Epist. ad Mag. esse quid terribile, si quis ei contradicat; *terribile est enim tali contradicere.* Nunquam fecisti hoc? nunquam ipsius modum procedendi, per insupportabilem superbiam despexisti, aut omninò calumniatus es? nunquam illius te jurisdictioni subterahere voluisti, nunquam recu-

an ejus ordinationibus obedire? consulu-
tine illum in difficultatibus circa curam ani-
marum tibi occurrentibus? conservasne in
corde tuo dispositionem seu promptitudinem
aliquam sinceram faciendi id omne, quod ipse
à te petiturus esset, quod in se justum, & ti-
bi possibile foret? esse contentus, si supra te
invigilet? an ita humiliter sentis, ac S. Ber-
nardus, cujus sunt hæc verba notatu dignis-
sima? de mor. Episc. c. 9. *quis mihi dabit
centum, in mei custodiam deputari pastores?
stupenda infantia, animarum non tantor tur-
bas mihi custodiendas colligere, & unum su-
per propriam, gravor habere custodem? vide,
in quo hucusque deliqueris, & illud reparare
stude. Pro præparatione ad Missam, renova
obedientiam episcopo tuo promissam. Vide
exemplum, quod tibi quotidie præbet Dei fi-
lius in sanctissima Eucharistia, statim in mo-
mento se sistit, vocatus à sacerdote; consi-
gnat se in manus illius, & ad hunc modicis-
simum statum unius parvæ hostiæ, se reducit.
Bone Deus! qualis & quanta hæc obedientia
obediente Deo voti hominis. Jos 10. 14. Sed
quæ confusio pro nobis, si post tale exemplum
obedire recusamus iis, qui jus habent nobis
præcipiendi? obedite præpositis vestris, & sub-
jacete eis; ipsi enim pervigilant, quasi ratio-
nem pro animabus vestris reddituri. Hebr.,
13. 17.*

FERIA SEXTA.

Quid hic statis tota die otiosi? Math.
20. 6.

DE LABORE

1. Ecclesiastici tenentur laborare.

2. Interim pauci laborant, prout oportet.

PUNCTUM I. Quot sunt ex clericis, quibus idemmet objici posset, quod paterfamilias hodie in hominibus illis reprehendit, quos in foro stantes & otiosos invenit? quot videre est, qui se servos & ministros JESU Christi dicunt, quorum tota vita transigitur vel in nihil faciendo, vel in malè faciendo, vel faciendo omne aliud, quàm quz eos facere oporteret? deploremus hic hanc infelicitatem, & benè apprehendere, & comprehendere studeamus obligationem nostram, quz nobis ad laborandum incumbit.

1. Ad hoc obligari sumus tanquam homines; *homo nascitur ad laborem, & avis ad volatum.* Job. 5. 7. Labor lex quardam est omnibus Adæ filiis a die nativitatis eorum, imposita, usque in diem mortis; *jugum grave super filios Adam à die exitus de ventre matris eorum usque in diem sepultura.* Eccles. 40 1. Ad omnes ex nobis dictum est: *in sudore vultus tui vesceris pane tuo* Gen. 3. 18. Scio benè, non omnes obligatos esse ad exequendam hanc sententiam ad literam, & ut agricultor, aut alii ejusdem naturæ labori vacent; quilibet autem laborare debet secundum proportionem.

portionem status & conditionis suæ, ita ut Deus
 à nobis requirat applicationem ad functiones
 ministerii nostri. Labor hic est, qui magis in-
 tellectum, quàm corpus fatigat, qui non minus
 aliis laboriosus est; attentio & intellectualis in-
 tensio, quam adhibere quis debet, ut aliquo mo-
 do penetret mysteria religionis nostræ, ut in
 bonum theologum evadat, ut intelligentiam ac-
 quirat eorum, quæ in scriptura sacra & tradi-
 tionibus obscura sunt, labor ille est, qui nobis
 præscriptus & ordinatus est. 2. Ad laborem
 damnati sumus tanquam peccatores. Adieci-
 mus qualitatem filiorum Adam etiam illam, quod si-
 mus peccatores; proprio nostro arbitrio & vo-
 luntate peccavimus, æque ac per voluntatem
 extraneam; oportet igitur suscipere in se labo-
 rem tanquam securissimum medium placandi
 divinam justitiam, & nos cum ipsa reconciliandi.
 Nos concernit, si primam innocentiam baptisma-
 lem semel perdidimus, quod de filia babilonis
 sub figura dictum est; *tolle molam, mole fari-
 nam, discooperi humerum tuum* Isa 47. 2. Pec-
 cator in ordinem non redigitur, nisi laboret, ne-
 que jus habet petendi à Deo veniam peccato-
 rum suorum, nisi postquam cum propheta dicere
 potest: *vide laborem meum, & dimitte univer-
 sa delicta mea.* Ps 24. 3. Ad hoc obligati su-
 mus tanquam christiani, quia ut tales imitari
 debemus Jesum Christum magistrum nostrum,
 qui à teneris annis in laboribus fuit, *in labo-
 ribus fui à juventute mea.* Ps 87. Verum &

Cleric. instr. P.L.

X

nos

nos consideremus ut clericos, inveniemus, quod labor obligationis nostræ longè strictioris sit, quàm apud simplicem christianum, quia ex eo tempore, quo Dominus ad statum hunc nunc nos vocavit, misit nos in messem, & vineam suam; *ite & vos in vineam meam*; vult ut fructum asseramus; & quidem abundantem; *posui vos, ut eatis, & fructum afferatis*. Joan. 15. 16. Concredidit nobis curam gregis sui, pro quo totum suum sudit sanguinem; *pascite, qui in vobis est, gregem* 1. Petri 5. 2. Tradidit nobis administrationem, & œconomiam familiæ suæ, & denique milites nos esse voluit, ut generosè pugnemus & impugnemus vitia, prout Apostolus hoc ipsum nobis indicit, *labôra sicut bonus miles Christi*. Timoth. 2. Omnia hæc diversa officia satis clarè nobis indicant, professionem istam, quam amplexi sumus, vitam aliquam laboriosam esse, & pleram defatigatione. Interim

PUNCTUM II. Si consideremus vitam plurimorum clericorum, putare, quis posset, Deum nos vocasse ad quietem, ad lusus, ad ignaviam; quodque exceptionem aliquam in illa lege, qua omnes homines laborare tenentur, in eorum favorem fecerit. Pastor es, ubi sunt labores tui, quos exantlasti, ut post ovem perdidisti curreres, eamque diabolo eriperes. Qui ex vobis dicere poterit Christo Jesu, quando à vobis scire cupit, quos labores pro cura gregis vestri susceperitis, quod Jacob Labano respondit pro grege sibi ab eodem concredito;

*alu nocturnae aestu urebar & gelu: fugiebatque
somnia ab oculis meis, sicque per viginti annos
in domo tua servivi. Gen. 31. 40. An vel unum
etiam diem cum omni cura & sollicitudine ap-
plicamus nos ad satisfaciendum pastoralis obli-
gationi nostrae! percurre omnes status & con-
ditiones hominum, & nullum invenies sine sua
cruce, labore, miseria & sudore; apud solos
clericos, ait S. Bernardus in hæc verba: ecce
nos reliquimus omnia, advertere est prudenti-
am aliquorum, quemadmodum nolo artificio di-
scernentes, & ab invicem sequestrantes totum,
quod delebat, eligunt, & amplectuntur; quod
molestum est, fugiunt, atque declinant. Dispen-
sant secum ipsis, sine magno scrupulo, quoad
omne studium laboriosum, vigiliis, jejunia,
longas preces, visitationem pauperum & in-
firmorum, prædicationem, & in omni eo, quod
laboriosum & difficile est in ministerio clericali,
sunt è contrario valdè & nimium exacti ad col-
ligendos redditus suos, ut lautè & commodè ex-
sistat; ut consanguineos suos ditent, ut debi-
tus eis honor, & statui eorum debita reverentia
exhibeatur, cum interea cæteri homines grave
illud onus portant, quod a die nativitatis eorum
eis impositum fuit. Sudant agricola, putant &
fodiunt vinatores, & inter hæc illi torpent otio,
vivunt tritico, bibunt uva sanguinem meracissi-
mum; parum est, impinguantur & dilatantur
adipe frumenti: madent delictis copiosis affla-
unt otiosi; ita S. Bernardus, ubi supra. An non*

fortè similem vitam hucusque duxisti? si hoc
fiste te ad pedes altaris, & pete instanter à Deo
conversionem per intercessionem tot sanctorum
sacerdotum, qui se ipsos sacrificaverunt in mi-
nisterio ecclesiastico per vitam quamdam pro-
fus laboriosam, & sudore plenam; *laboribus plu-
rimis*. Fac dein propositum eos in aliqua re imi-
tandi, ne Christus Jesus, qui hodie salvator &
redemptor tuus est, & cras fortè Judex tuus
futurus est, contra te sententiam hanc terribi-
lem pronuntiet inutilem servum: *e jicite in te-
nebras exteriores*. Math. 25. 30.

* * * * *

DIE SABBA THI

Voca operarios, & redde illis mercedem,
Math. 20. 8

1 Clerici laborantes mercedem recipient.

2. Otiosi & negligentes confusionem patientur.

PUNCTUM I. Vidimus in præcedenti me-
ditatione obligationem

clericorum laborandi in vinea Domini; conside-
remus moriò; quid recepturi sint in fine vitæ,
qui fideliter laboraverint; *si vis sustinere labo-
rem, attende mercedem*. S. Aug. in Ps 36.
serm 2. n. 16. Quia caro infirma est, & na-
tura laboriosam vitam refugit, animemus nos
metipsum consideratione hujus magnæ mercedis,
que nobis reservata est in cœlis: *itaque fratres
mei dilecti stibiles estote, immobiles, abundan-
tes in opere Domini semper; scientes, quod labor
vestester non est inanis in Domino*. 1. Cor. 15. 58.

Act.

Attende te hic habere laborem ait S. Augustinus in Pl. 53 sed attende, qualem ille requiem pollicetur; nunquid cogitare potes? si illam cogitare posses, videres te nihil laborare ad compensationem. Si vita tua mille annos duraret, & omnes illos in continuis laboribus infumeres, & poenitentiam ageres, nulla esset proportio inter hæc æternæ gloriæ pondus, quàm Deus tibi præparavit. Quod pateris, transiit, finitur, pergit S. Pater, in Pl. 84 quod accepturus es, finem non habebit; nolo jam aques penam cum præmio, temporalia aqua aternitati, si potes. Nolle itaque esse piger, laborare breviter, & gaudere incessanter, hæc est requies sempiterna. Conclusio est S. Patris ibid. Felix ille Dei minister, qui se talibus cogitationibus nutriendo, incessanter curat, ut obligationibus ministerii sui satisfaciatis talis consolationem hanc in hora mortis suæ habebit, ut idem dicere possit, quod S. Paulus ad finem cursûs sui dixit; bonum certamen certavi, cursum consumavi, fidem servavi, in reliquo reposita est mihi corona iustitiæ 2. Tim. 4. 7. Sed

PUNCTUM II. Qualis confusio & pudor pro illis clericis, qui vitam suam in otio traduxerunt, & consumpserunt, quando Dominus vocabit operarios suos, daturus eis mercedem promeritam? voca operarios, & redde illis mercedem. Nonne nos conducti operarii diurni, & servi, qui expensis ecclesiæ vivimus? ubi est labor noster? ubi est negotiatio nostra? an nos ipi

ipsi servum talem remuneraremur, aut solveremus, qui non nisi manducare, ludere, relaxationi animi vacare vellet per totam diem? nos mercedem petimus, sed ubi sunt opera nostra, vigilia nostra, cursus noster? ubi sunt animæ, quas Jesu Christo lucrati sumus; quilibet evangelicus operarius magno illo resurrectionis die apparebit circumdatus, & sociatus illis animabus, quas Christo Jesu lucratus fuerit, quæque erunt gaudium & gloria ipsius, ait S. Gregorius, S. Andreas Domino representabit Achiam, S. Philippus Scythiam; S. Joannes Ecclesias Asiae, S. Thomas in comitatu suo habebit Indos, & S. Paulus nationes totius mundi; quid autem nos nobiscum afferemus? ubi sunt animæ, pro quarum conversione laboravimus? an vel unam talem producere possumus? an non potius quam plurimæ exsurgent, quibus nos scandalo, & causa ruinæ fuimus, propter vitam nostram mollem, & negligentem; quæque nobis hoc ipsum per totam æternitatem exprobrabunt? nostrum est ducere populum christianum, in veram terram promissionis; & nos torpescimus in otio? an non idem nobis dici, & in faciem obijci possit, quod Josue Hebræis exprobrat: *usquequo marceitis ignavia, & non intratis ad possidendam terram, quam Dominus Deus dedit vobis?* deplora hic tempus illud, quod infeliciter perdidisti in rebus inutilibus, aut professioni tuæ contrariis; applica te in posterum, majori sollicitudine, ad id omne, quod obligationis tuæ est, qui in

labore hominum non sunt; in labore demonum
 profecti erant, ait S. Bernardus in caut. Serm. 13.
 Quia ergo nonnisi modici adhuc anni vitæ, tibi
 super sunt, & tandem ultimæ horæ diei appropin-
 quas; utere diligentia, & gressus tuos ac-
 celera, ut possis attingere terminum, qui tibi
 præfixus est; ac recipere mercedem, quam
 Dominus promisit operariis, qui in vinea sua la-
 boraverint, id est, ad propriam, & ad proximæ
 sanctificationem. Pete à Deo hanc gratiam,
 dum illi offers in Missa Jesum Christum filium
 suum. Noli timere, pondus diei & ætatis, hic
 ipse amabilis salvator tuus, erit protector tuus
 & tandem merces tua, si pro gloria illius la-
 boraveris: ego protector tuus sum, & merces tua
 magna nimis. Gen. 15. 1. O Jesu, ô divine
 salvator! qui ipsemet vis esse merces exiguorum
 laborum ministrorum tuorum, ego vitam
 meam in manibus tuis repono, dispone de illa,
 prout tibi placuerit. Ah vita mea absorpta &
 abscondita est in te, quemadmodum tu lates sub
 speciebus Eucharisticis, & ut sacrificio tuo de-
 bitum exhibeam honorem, vitam meam in la-
 boribus ministerii mei, & lacrymis pœnitent-
 iæ insumere volo. Si vis honorare sacrificium,
 offer animam, propter quam & Christus immo-
 latus. S. Chrost. Hom. 60. ad Pop. post
 med. Tom 5.

DOMINICA EXAGETISIMÆ.

Fratres libenter suffertis insipientes, cum his

*ipsi sapientes; sustinetis enim, si quis vos in
servitutem redigit, si quis accipit, si quis extol-
latur, si quis in faciem vos cadit 2. Cor. 11. 13.*

DE FALSIS DOCTORIBUS.

1. Magna cœcitas, si veris præferantur.

2. Unde originem trahat hæc cœcitas,

PUNCTUM 1. **C**onsidera, quàm injuste
egerint Corinthii, dum

S. Paulo falsos Apostolos, & deceptores ope-
rarios præferrebant, præcisè, quia hi perbene
sciebant, se transformare in Apostolos Jesu Chri-
sti, per prætentam aliquam auctoritatem, quam
se ab ipso habere jactitabant: *operarii subdoli,
transfigurantes se in Apostolos Christi. 2. Cor.*
11. 13. Poterantne homines isti incidere in
majorem cœcitatem, quàm ut se talibus pa-
storibus integrè committerent, qui in sua super-
bia eousque devenerunt, ut eos in extrema sen-
tentiæ & subjectione tenerent, eos depredaren-
tur, eorum bona diriperent, imò vel in ipsam
faciem caderent, cum interim sapientissimis
consiliis & monitis S. Pauli nec minimum de-
ficerent, qui eos cum omni moderatione, hone-
state, & possibili charitate regebat, & mode-
ratur. Non sine causa super hoc obstupesci-
mus, quòd homines ab ipso S. Paulo instructi,
ad tales excessus devenerint; nec minimam ta-
men attentionem, aut reflexionem facimus,
plurimos christianos, hunc ipsum modum pro-
cedendi, istorum recens converforum, imitari.
Subnò & cum magna aviditate, sicut Corinthii.
audiunt

audiunt illos, qui eis sanam doctrinam prædicant, sed dum fervor eorum sensim deficit, amplius illos perferre, & pati non possunt; quarunt magistros, qui cupiditatibus illorum adulantur, & tales evadunt, quales prædixit futuros, Apostolus, ad suum discipulum Timo. scribens 2. Ep. 4. 3. *erit enim tempus, cum sanam doctrinam non sustinebunt, sed ad sua desideria concervabunt sibi magistros prurientes auribus.* Non audiuntur solum tales doctores, cum contemptu verorum, sed res magni meriti esse putatur, si quis eis cæcam aliquam submissionem exhibeat, recipiuntur illorum decisiones, tanquam oracula, & ad exemplum Corinthiorum, tales superbi homines adorantur, & mancipia nanciscuntur. O quanta quamque horrenda cæcitas! *stupor & mirabilia facta sunt in terra; propheta prophetabant mendacium, & Sacerdotes applaudebant manibus suis; & populus meus dilexit talia; quid igitur fiet in novissimo ejus?* Jerem. 5. 30. Deplora hic perditionem tot animarum, quæ à vera via aberrant, sequendo tales doctores & in 2do puncto inquire causam hujus mali.

PUNCTUM II. Dicere possumus, id exinde quæ fecit nos amare eos, qui se effrœnibus passionibus nostris non opponunt: *nolite aspicere nobis ea, quæ recta sunt; loquimini nobis placentia; videte nobis errores.* Il. 30. 10. En Doctores! quos mundus quærit. 2do. Provenit hoc, ex transfiguratione horum ministrorum sathanæ, qui

se ad exemplum magistri sui, id est, diaboli transformant in Angelum lucis, in Apostolum IESU Christi; in ministrum iustitiæ, prout S. Paulus dicit 2. Cor. 11. 14. & 15. Eò facilius inficiuntur aliqui, hoc veneno falorum istorum Apostolorum, quia hi *operarii subdoli* præbent ipsis potum; ut ita dicam, in phials aureis, id est, sub apparentia pietatis, reformationis, & modo aliquo quasi insensibili, & inadvertibili, adeò, ut quis prius infectus hoc veneno sit, quam advertere possit; *eorum sermo* ait Apostolus, *serpit ut cancer, & sensim, quidquid sanum est, corrumpit.* 2. Timoth: 2. 17. Si perverti manifestè apparerent, quales re ipsa sunt, nequaquam inter bonos recipi possent; ut ait S. Gregorius M. L. 33. in Job. c. 28. *Sed sumunt aliquid de visione bonorum, ut, dum boni viri in eis recipiunt speciem, quam amant, permixtum sumant etiam virus, quod evitant.* 3tio denique provenit ex parvo numero prædicatorum veritatis, & ex modica æstimatione, quam de illa habemus. Pauci sunt in clero, qui hoc præceptum seu ordinationem S. Pauli, quem discipulo suo dat, observent; *tu autem loquere, qua decent sanam doctrinam.* Tit. 2. 1. Ut hæc sana doctrina prædicetur, quæ sanitatem animabus affert, oportet, ut quis eisdem vitiis non subjaceat, quæ in aliis corrigere prætendit; oportet, ait S. Hieronymus, comment in Epist: ad Tit. non solum nihil contrarium fidei docere, & quod libertati ac dissolutioni faveat; sed in

super

super persuadere populo, verbis & exemplis obligationem, quam habeant, ipsum Christum imitandi; *docere, quæ ad vitam pertinent Christi.* Sed pauci sunt clerici, qui tali modo concionantur; & illi, quibus hæc fors obtingit, ut tam fideles ministros inveniant, non semper illam æstimationem & considerationem de illis habent, quam habere deberent, Deus autem, ut hunc neglectum puniat, permittit, ut dein incidant in mercenarios, pastores violentos & superbos, quibus non caret mundus; *pauci pastores, multi mercenarii.* S. Aug. serm. 49. de V. D. Vide nunc, an non aliquo modo, ex istis recensitis, in tam funestam cæcitatem incideris, de qua hic loquimur? an non eò devenisti, ut bonos sacerdotes & prædicatores denigraveris; ut indignis adhærere possis si pastores sapientes, & directores, tuis perversis moribus se opposuerunt, an non idem dixisti, quod olim Judæi, *nolumus hunc regnare super nos.* Luc. 19. 14. Nolumus, ut hic vel ille pastor, vel director nos regat. Si talia non apertè dicis, an non ita sentis in corde tuo? muta hunc tuum modum agendi, & præparatione ad communionem vel Missam, roga Deum, ut te præservet à seductione talium falsorum doctorum; utque te securum ab iis reddas, hæc duo media amplectere. 1. Consule Ecclesiam in rebus dubiis, in quibus non es sufficienter instructus, illa enim est, ait S. Augustinus, Epist. 105. n. 16. quam Deus depositariam veritatis constituit; *in cathedra veritatis doctrinam posuit*

posuit veritatis. Omnino te submitte ejus dispositionibus. 2. Pro regula morum tuorum, & modo vivendi, sume doctrinam Evangelicam, si fideliter hanc sequare, non permittet Deus, ut seducaris; *quisunque hanc regulam secuti fuerint, pax super illos.* Galat. 6. 16.

* * * * *

FERIA SECUNDA.

Secundum ignobilitatem dico, quasi nos infirmi fuerimus, in hac parte; in quo quis audet (in insipientia dico) audeo & ego 2. Cor. 11. 21.

DE PROPRIA LAUDE.

1. Quando permissum sit seipsum laudare,
2. Quomodo hoc fieri debeat,

PUNCTUM 1. Quia species aliqua vanitatis est, quæ ad insaniam & stultitiam vergere videtur, si quis seipsum laudat sine necessitate, & quod falsi hi Apostoli, qui erant inter Corinthios; in hunc excessum prolapsi sint; sine causa seipsos laudando & extollendo, damnat, seu rejicit S. Paulus hunc modum agendi, ostendendo, quod non nisi ægrè & contra voluntatem seipsum laudet, eo quod præsentibus rerum circumstantiæ aliud non permitterent; *factus sum insipiens; vos me cõgissis*, ait ad Corinthios, hinc patet, quod non ad suum commodum vel utilitatem, de seipso loquatur; sed quia in hoc secum dispensare non posset, faciebat hoc, ut notant SS. PP. & S. Chrys. ibid; quia ad propositum, hoc est, pro bono Corinthiorum;

orum, & pro confundenda temeritate falſorum
iſtorum operariorum, ac verorum ſathanz mi-
niſtrorum erat, qui unicè in id intenti erant,
quomodo apud homines iſtos noviter converſos,
magnam illam ideam, ſeu æſtimationem, quam
de Paulo habebant, extinguerè poſſent; quod
idem fuiſſet, ac fidem illam deſtruerè, quam ille
tanto cum ſudore, ibidem plantaverat, & de-
ſtruerè Evangelium, quod prædicavit. Præ-
ter hoc neceſſarium etiam erat, ut magnus hic
magiſter & prædicator S. Paulus nos doceret,
in quibus occaſionibus & circumſtantiis licitum
eſſet, ſeipſum laudare, alias, quia adeò ad ſu-
perbiam propenſi ſumus, hoc ipſius exemplum,
pro regula generali, aſſumpſiſſemus, quæ non-
niſi particularis exceptio erat; quod idem eſſet,
ac maniſeſto nos periculo exponere, perdendi
theſaurum grætiæ, quem nobis eripere non ne-
gligunt dæmones, ſi eum magnâ curâ & ſolici-
tudine coram oculis hominum, imò etiam no-
ſtris propriis non abſcondamus, & occultemus.
Occaſio itaque, in qua quis ſeipſum abſque
peccato laudare poſſit, illa eſt, ſi alias bonum
illud deſtrueretur, aut impediretur, quod Deus
in nobis, & per nos facit; & quando reputatio,
ſeu fama noſtra abſolutè neceſſaria eſt pro bono,
& utilitate Eccleſiæ, & fidelium, quod per
ſcandalum impediretur, & everteretur; item
quando calumniamur, & malis artibus alii tu-
tuntur, ut nos apud alios denigrent: in eiſmodi
circumſtantiis; ergo, ut ait S. Gregorius Papa.

19. in Job. c. 14 *sancti viri, cum coguntur bona narrare, quæ faciunt, non elationi servant, sed utilitati. Nam qui auditorum utilitatem ante oculos sibi proponit; juxta S. Chrysostomum in h. l. etiamsi seipsum laudibus efferat, non modò nullam reprehensionem, sed coronam quoque meretur; imo si tunc tacuerit, in reprehensionem necessario incurret: Sed in quacunque occasione quis se constitutum videat, seipsum commendandi vel de donis suis, vel de virtutibus, vel de laboribus exantlatis, ut seipsum periculo cujusdam superbiæ non exponat.*

PUNCTUM II. Oportet id tali modo facere, prout S. Paulus fecit, nimirum cum eadem difficultate ac repugnantia, cum eadem modestia, eadem cautione. Dum Apostolus seipsum laudat, clarè cernimus, quòd in quodam statu violento se constitutum sentiat, & quasi in terra aliqua aliena, seu peregrina; lingua hæc, seu hic modus loquendi adèò parum ipsi familiaris fuit, ut non dubitet illam appellare, imprudentiam, *in insipientia dico*. Quare hoc? ait S. Chrysostomus, *ibid. quo nimirum nos doceat, rem hujusmodi summopere fugere*. Et verò, dum Jesus Christus nos docet, postquam omnia fecimus, ut nos ipsos *servos inutiles* nominemus, quis excusare illum velit, qui absque omni necessitate seipsum laudaret? hoc est, quod fecit phariseus in Evangelio & ideo naufragium in portu invenit. Quis unquam credidisset, eum tunc perditum iturum, dum actualiter orationi

vacabat? verum quia se à vanitate abripi sine-
bat, se ipsum laudando absque ulla necessitate,
navis illius ad hunc scopulum collissa est, &
miserabiliter naufragio periit. S. Paulus peri-
culum hoc bene prævidens, & simile infortuni-
um metuens, timet seipsum laudare, in quacun-
que demum necessitate esset, hoc faciendi; hor-
ret hoc periculum, & nominat id ipsum *insipia-*
entiam aliquam. Et hoc ipsum est, quod ma-
gna præcautione hic utendum sit, prout reipsa
fecit, dum infinita alia omisit, quæ commemo-
rare poterat, & de iis tacuit. Notarunt præ-
cæteris SS. PP. (Chrysost. ibid.) quod nul-
lam mentionem de miraculis à se patratiss fece-
rit, quamquam innumera serè patrauerit; quæ-
que optima probatio fuisset, prædicationem su-
am à Deo auctoritatem habere; verum, quia
metuebat, ne signum tam clarum & excellens
non causaret majorem de se æstimationem,
quàm ipse ad propositum facere existimabat, ta-
cuit, & tantum dicebat, se esse Hebræum, I-
sraelitam, & de semine Abraham æquè benè,
ac hi falsi Apostoli, qui adèò gloriabantur de
hac sua prærogativa & privilegio. Verè dicit,
se ministrum Christi Jesu esse, æquè ac illi imò
magis quàm illi, sed, dum hoc agebat, adjunxit,
se speciem quamdam imprudentiæ committere;
& hanc suam prærogativam non fundari in alio,
quàm quòd plus passus sit, quàm ipsi laborando
pro Jesu Christo, adèò nimirum verum est, quòd
quia ejusmodi laudes humilitati non congruunt,

& contra genium ipsius sunt, ab eis absteat, quantum potest. Superbi jam inveniunt media seipfos extollendi etiam eo ipso tempore, quo videri volunt seipfos humiliare, humiles verò seipfos deprimunt, quando videntur seipfos velle extollere. An ità te hucusque gessisti? an non te ipsum laudasti absque causa, hujus doctrinæ Sapientis oblitus, *laudet te alienus & non os tuum.* Prov. 27. 2. Et si aliquam rationem id faciendi habuisti, quaesistine per hoc gloriam Dei, & bonum Ecclesiæ? dicendo cum regio propheta, *ut lauderis cum hereditate tua.* Ps. 105. 5. Adhibuistine easdem cautelas S. Pauli? imitatusne es illius modestiam, humilitatem, continentiam? ò quàm longè ab eo aberras? non sis adeò facilis deinceps in laudando, tam activè, quàm passivè, id est, te vel alios, *ante mortem tue laudes hominem quemquam.* Eccles. 11. 30. Pro præparatione ad Missam; roga magnum hunc humilitatis doctorem, qui ad te venire dignatur, ut tibi grâtiâ hanc concedat ità contentemendi laudes hominum, ut merearis audire in societate electorum illas laudes, quas ipse Deus illis dabit, *tunc laus erit unicuique à Deo.* 1. Cor. 4. 5.

)(**)(**)(**)(**)(**)(**)(**)(**)(**)(**)
FERIA TERTIA.

*A Judæis quinquies, quadragenas una mi-
sus, accepi; ter virgis casus sum, semel lap-
idatus sum, ter naufragium feci, nocte & die,
in profundo maris fui.* 2. Cor. 11. 24.

Debet esse materia 1. humiliationis pro cle-
ricis laboriosissimis. 2. Condemnationis verò
pro negligentibus & ignavis

PUNCTUM I. **D**um legimus narrationem,
quam hic S. Paulus de iis,
quæ toleravit, affert, totum, quod facere pos-
sumus optimum, id est, ut gratias Deo agamus,
q̃ dñ sancto huic apostolo, tantum animi de-
derit, ut omnia pro gloria illius in se suscipe-
re, & quælibet tolerare paratus fuerit: item ut
confundamur, & erubescamus in consideratio-
ne tot, ac tantorum malorum, quæ S. Paulus
passus est, & illius modici, quod nos pro cau-
sâ evangelii toleramus. Equidem valde magnâ
habemus causam, & rationem nos humiliandi,
quameunque zelosi nobis ipsis esse videamur;
quia totum, quod faciunt sacerdotes, missiona-
rii & pastores etiam strenui, & valde laboriosi,
anne in comparisonem venire possit, labori-
bus & tolerantia S. Pauli? ipse prædicabat à
Jerusalem usque in illiricum; & hæc vastis-
simas regiones agnitione Jesu Christi implevit,
affligebatur; calumnias & persecutiones mille
& mille sustinuit in & ob prædicationem evan-
gelii. Pluries à propriis fratribus tuis turpiter
cæsus fuit; à gentilibus & pagânis, instar rebel-
lis mancipii, virgis castigatus; lapidatus tam-
quam blasphemus; mari, tempestatibus, omni-
bus periculis expositus, tanquam vilissimus oc-
cubitus hominum, laboribus obrutus, defatigatus

omibus, vigiliis, fame, siti, & frigore vexatus; ad nudam miseriam & nuditatem tamquam indignissimus, qui viveret, redactus, quamvis vita ipsius valde pretiosa fuerit coram Deo, quem tanto cū ardore amavit; & cui tanta cum fidelitate servivit. Quid ad hoc nos dicere habemus? ubi est episcopus, qui conqueri audeat super extensione diæcesis suæ, & laborum, quos in illius visitatione subire necesse sit? ubi ille parochus, qui nimis extensam putet parochiam suam? quòd omnis grave ipsi accidat; administrare sacramenta? invisere infirmos? u. nò verbò, ubi est clericus laborans, qui legitime conqueri possit, si, ut oportet, meditetur, ut benè secum expendat, curtus, itinera, labores, & tolerantiam omniogenam S. Pauli? interim tales querelæ non sunt nisi nimis frequentes & ordinariæ in ore etiam meliorum pastorum, quia alii minùs industrii non multùm se implicant necessitatibus eorum, qui eorum cura & solitudine indigerent. Unde ergo querelæ ejusmodi apud meliores originem habent, si non ex modico zelo, quem pro gloria Dei, & salute animarum habent, in comparatione immensi illius zeli, quo cor. S. Pauli ardebat; & quòd nimium adhuc inhæreant commoditatibus vitæ hujus; libenter vellent combinare labores apostolicos, cum sua propria satisfactione, & hoc fieri non potest; sufficit de hoc audire S. Paulum, ut quis vincatur; in itineribus sæpè, periculis fluminum, periculis latronum

latronum, periculis ex genere, periculis ex gentibus; periculis in civitate, periculis in solitudine, periculis in mari, periculis in falsis fratribus. En! quomodo & quale servitium sibi ab hoc apostolo Deus expecterit! hoc ipsum à nobis etiam expectat, qui sumus hæredes ministerii illius. Reflexistine te super hoc? verum, si exemplum S. Pauli materia & causa est humiliationis pro pastoribus ferventioribus, & magis laboriosis.

PUNCTUM II. Quam condemnationem in eo non invenient clerici pigri, segnes, & otiosi; quid respondebunt ante tribunal JESU Christi, & in præsentia S. Pauli, qui unus erit ex iudicibus illorum, quando illis exprobrabitur, quod vitam suam transegerint, in pigra quadam otiositate, dum interim tot gentes & populi gemunt in tenebris paganismi, & infidelitatis; imo etiam tot inter catholicos, qui vivunt, & moriuntur in ignorantia, & sceleribus suis ex defectu zelosorum ministrorum, qui eos instruant? si ab ipsis peteretur, ut quemadmodum S. Paulus, eant ad portandum lumen evangelii in nationes barbaras, quæ illo nondum illuminatæ sunt, non peteretur ab eis tale quid, ad quod non deberent esse dispositi, & parati; siquidem ministri Christi JESU sunt; & ministrorum ac servorum fidelium est, honorem Domini sui, quacunque ratione id fieri possit, promovere. Neque dicant, quod non possint, S. Paulus hoc potuit, & ipsi poterunt ut ipse,

si vel parùm zeli haberent; qui eùm habent, hoc possunt, & faciunt, etiam quotidie, cum multa benedictione. Tales sunt illi episcopi, clerici, ac religiosi prorsus egregii, & excellentes, qui in Indias, in Chinam, in Canadam usque penetrant ad illuminandas illas gentes lumine evangelii, cum magno sanè profectui ecclesiæ, utilitate populorum istorum, & propagatione divinæ gloriæ. Si autem zelus illorum eo usque progredi non potest; saltem laborent pro salute fratrum suorum, quos coram oculis suis mori vident in ignorantia sua, & in vitiis sepultos. An non possunt tradere & exponere catechismum in pagis, infantibus fidelium? audeantne conqueri difficultate viarum aut injuriâ temporum, quæ quandoque occurrant, quando SS. Sacramentum ad infirmos à se distantes, portant? si hunc modicum laborem comparent, cum illo S. Xaverii, & tot aliorum sanctorum missionariorum? erubescere ob præteritam tuam segnitiam; & pro præparatione ad Missam; pete à JESU Christo portionem, & partem aliquam hujus spiritus apostolici, quo S. Paulus, & tot alii sancti sacerdotes animati erant. Ipsa sanctissima Eucharistia, tanquam fornax charitatis est illa, unde neminem, seu hunc suum zelum hauserunt; hæc ipsa igitur sit, unde tuum quoque haurias, quem pro salute animarum habere debes; modo accedas ad illam prout oportet, *Dominus dabit verbum evangelizantibus; virtute multa.*
 Ps. 57. 12. FERIA

*Præter illa, quæ extrinsecus sunt instantia
mea quotidiana, sollicitudo omnium ecclesiarum.
Quis infirmatur, & ego non infirmor? quis
scandalizatur, & ego non uror. 2 Cor. 11. 28.*
DE CURA ANIMARUM.

1. Clerici principaliter solliciti esse debent
de animabus.

1. Et compati infirmis.

PUNCTUM I. Postquam S. Paulus singilla-
tim enumeravit, quæ sibi in
particulari toleranda fuerint, illis adjungit et-
iam ea, quæ proveniebant à sollicitudine pro
omnibus ecclesiis. Quia charitas ipsius non ha-
bebat limites ideo hoc ipsum augebat pondus
eorum omnium, quæ alias ipsi toleranda erant,
quod etiam capitale illius appellari potest, ait
S. Chrysostomus, *illud præcipuum omnium ca-
put*. Hoc erat, quod ipsum torquebat; quod
cor illius lancinabat; quod infinitam illi quasi
materiam afflictionum suppeditabat. Si quis
se oneratum videt, & gravatum sollicitudine,
& regimine unius solius familiæ, seu domus; si
cura unius tantum parochiæ, si debitam solli-
citudinem adhibere vult pastor, eamque fide-
liter administrare, continuus fons, & origo est
inquietudinum, & laborum; si episcopus, quam-
cunque modica sit ipsius diocesis, quieti re-
nuntiare debet, si amorem aliquem suorum
habet, & propriæ animæ suæ; si gemit sub on-
ere officii adeo formidabilis, & spiritum su-

um satis distractum sentit, & quasi dissipatum per fluxum & refluxum diversorum negotiorum, quis exprimat inquietudines. & apostolicam sollicitudinem S. Pauli, illius nempe, cui non solum regimen unitis familiar; unius civitatis, provinciar, regni &c. sed omnium prorsus ecclesiarum sollicitudo incubuit; quas non solum in fide stabilire, & confirmare, sed etiam de temporalibus subsidiis eis providere curabat; instruebat noviter conversos, consolabatur eos, qui persecutiones patiebantur; erigebat animos debiliū; reprimebat audacias scandalosorum, prædicabat evangelium idololatriæ confundebat Judæos; Epist. ad Philem. fundabat ecclesias, totas noctes in oratione transigebat, vel in laboribus, ut victum sibi compararet, & liber esset ab omni suspitione proprii interesse. Ubique eum dæmon primum in acie stantem inveniebat; sollicitudinem suam usque ad infimum mancipium extendebat. En! quid admiratus sit S. Augustinus in S. Paulo, quoddque verè dignum est admiratione hominum, & angelorum! *vide qualis sollicitudo, quàm paterna, quàm materna!* in Ps 98 v 13. dilece exinde, quod principalis obligatio boni alicujus pastoris sit, sollicitum esse pro animabus. Pœnitentiā agere debet instar reliquorum Christianorū, siquidē æquè peccator est, ac illi, & eosdē cum illis inimicos habet: sed ejusmodi austeritates pœnitentiales non sunt maximum illud suum apud Deum meritum, sed cu-

ra animarum & sollicitudo ecclesiarum ipsi commissarum, sollicitudo ecclesiarum, lacrymæ illæ sunt, quas coram Deo pro salute & conversione peccatorum, profuderit, quæ ipsum magnum efficient in regno cælorum. Esne benè persuasus de hac veritate? facisne ita? potesne dicere ad illos, qui curæ tuæ concrediti sunt, quod S. Augustinus ad populum suum agebat? *cordis nostri negotium semper estis.* Verùm ut melius adhuc instruaris in materia tanti momenti;

PUNCTUM II. Considera, quòd satis non sit in genere habere quandam sollicitudinem pro salute animarum; oportet in particulari etiam habere magnam compassionem, pro iis animabus, quæ infirmiores & debiliores sunt, hoc est, quod S. Paulus per hæc verba, omni reflexione sanè dignissima, nos docet: *quis infirmatur, & ego non infirmor? quis scandalizatur, & ego non uror?* poteratne sanctus hic apostolus uti termino magis expressivo, ut comprehenderemus, hucusque se extenderit excessus doloris sui, si aliquem ex fratribus suis, in afflictione positum, cernebat? *uror*, dicit, totus ardeo, flamma ignis me comburit; idem me depascit, quod fratrem meum affligit. Hæc videtur secundum opinionem SS. PP. excedere omne id, quod hucusque dixit: *quod quidem majus omnibus, & gravius erat.* S. Chrysost. ibid. *Quamvis alia mala, quæ perpeffus es, gravia fuerint, & violenta, nihilominus citò*

pertransibant, quod cor autem illius discernebat, id erat, si quis lapsus aut torpor inter fideles ipsi innotuit; & hoc tormentum experiebatur non tantum circa illos, qui majoris erant considerationis sed æqualiter, & quoad omnes fideles. Quodlibet ecclesiæ membrum inquietabat ipsum, & tam amare id sentiebat in corde suo, ac si tota ecclesia, in illo solo, inclusa & conclusa fuisset. Quemadmodum, ait S. Chrysostomus, *si ipse universa orbis ecclesia esset, sic in unoquoque membro discernatur*. Pro minimis etiam suis infantibus, patris dolores sentiebat, quousque Christus formatus esset in iis, plorabat cum plorantibus, & lacrymas suas cum penitentium lacrymis conjungebat, imò plorabat cum illis, qui nondum plorabant, secundum id, quod ipse testatur ad Corinthios, 2. Ep. 12. 21. ubi dicit, *timeo ne iterum lugeam multos ex iis, qui antea peccaverunt, & non egerunt penitentiam*. O charitatem compassionem! quam paucos invenisti imitatores! ubi reperiemus clericos, qui vivaciter sentiant spiritualia proximi mala, quique ea lugeant? ubi inveniemus pastores, qui sibi ipsis assumant infirmitates aliorum, quæ tamen principali squalitas est boni pastoris juxta S. Gregorium M. Pastor. l. 2. c. 5 *Sic singulis compassione proximus, ut per pietatis viscera in se infirmitatem cæterorum transferat*. Pro præparatione ad missam; roga Deum, ut tibi talem compassionem affectum, adeo necessariam.

ti frequenter nos facimus, sed ut seipsum humiliet, ut sic inveniat fortitudinem: & gaudium suum, siquidem iis Deus utatur, ad ipsum purificandum, & ut per hæc, visuma Deo digna, efficiatur; *ut inhabitet in me virtus Christi*. Verum est, quod obiter etiam mentionem fecerit, revelationum, quas habuit, ne Corinthi illius passionem, ut quid purè humanum aspicerent, sed postquam eas leviter tetigit, non erubescit referre modum prorsus extraordinarium, quo Deo placuisset, ipsum humiliare; *ne magnitudo revelationum, ait extollat me, datus est mihi stimulus carnis meæ, angelus sathana, qui me colaphizet*. ibid. v. 7. Bone Deus! quàm grave pondus, ne hic sanctus in altum se levare posset! quàm horribile remedium ad impediendum lethalem superbiæ morbum, quàm humilians tentatio pro apostolo angelis puriore. Discamus exinde, nullam esse infirmitatem, quæ nobis non possit esse proficua, si ea ratione uti illa sciremus, prout S. Paulus: in aliis Dei donis, timenda est superbia, sed effectus naturalis afflictionum, & aliorum malorum est, ut nos humilient sub manu Dei, ut in nos ipsos descendamus; nihilum nostrum agnoscamus; de viribus nostris diffidamus, & continuam necessitatem nostram, pro auxilio ad Deum recurrenti, fateamur; propter quod, pergit S. Paulus, *placeo mihi in infirmitatibus meis, in contumeliis, necessitatibus, in angustiis pro Christo*. De talibus majori ga-

stu & gaudio loquitur, quàm de cæteris favoribus & gratiis à Deo acceptis. Ecce linguam, seu loquelam hujus apostoli, imitare illum, ut non sinas te excæcari à nimio illo splendore, qui ordinariè è functionibus ministerii tui emicare non solet. Mi Deus! qui S. Paulum tam profundâ humilitate replesti, ut singulari gaudio afficeretur, in & ex omni eo, quo vel maximè humiliabatur, fac, ut ego ad exemplum illius, gaudium inveniam in infirmitatibus meis; & ut, depositis falsis ideis, & falsa opinione, deprehensis meis meritis, aliud deinceps, præ oculis meis non habeam, nisi magnitudinem tuam, & nihilum meum: *omnis propria reputatio, omnis æstimatio, quantulacunque minima in valle nihilitatis meæ submergatur, & pereat in æternum.* de imit. Christ. l. 3 c. 8. Petite hanc gratiam per intercessionem S. Pauli, &c.

PUNCTUM II. Considera, paucos esse inter clericos, qui hanc cum apostolo consuetudinem habeant arripiendi infirmitates suas tanquam occasionem humiliandi se, & evitandi tentationem superbiæ adedò periculosam, adedò communem & ordinariam, etiam inter eos, qui devotionem & pietatem profitentur. Hæc ex te ipso judicare poteris, quin necesse sit, ad alios te reflectere. Quid sentis de tuis infirmitatibus, debilitatibus, & miseris? an non tristis, imò tam amaro in iis animo fuisti, ut etiam contra ordinem divinæ providentiæ mura-

mura

auraveris? tantū abest, ut Deū laudaveris an nō sollicitus fuiti, quomodo eas occultares? cū illas cū gaudio suscipere debuisses, tanquā occasiones te ipsum humiliandi, dicendique cum propheta: *bonum mihi, quia humiliasti me, discam justificationes tuas.* Ps. 118. An non omnino æger. rimē sensisti defectus illos naturales, aut imperfectiones Corporales, quæ te in oculis hominum contemptibilem reddiderunt? non considerando, quod Deus sapiissimē sanctos, quoad exteriora quædam mancos, & defectuosos esse voluerit, ut hæc miseria corporalis illis serviret pro æquipondio illorum excellentium donorum, quibus eos condecoravit? ipsa nobis scriptura dicit. Moysen legislatorem populi hebraici tardioris lingvæ, & Eliam admirabilem hunc prophetam, formæ absurdæ & minùs grata fuisse, totumque pilis coopertum? an non ipse S. Paulus hic, & in cap. 10. hujus epistolæ de se ipso testatur, quod externa corporis sui constitutio: parū spectabilis. & consideratione digna fuerit, *facie humilis inter vos?* 2. Cor. 10. sed sancti isti adeò non affigebātur hac minùs grata, & despicabili sua corporali constitutione, ut potiùs Deum, quid per illum intendere, aspexerint & consideraverint. Imitatusne es illos? si te ipsum examinare velis super puncto tam delicato, à quo te amor tuus proprius mille viis abducere scit; facile invenies te nondum sincerè cum S. Paulo dicere posse: *libenter gloriabor in infirmitatibus meis.* Pro

prapa.

præparatione tua ad Missam, pete à Jesu Christo per omne id, quod pro te facit in sanctissimo hoc sacramento, ut concedat tibi hanc magnam virtutem humilitatis, quæ in eo consistit, ut in nihilum nostrum nos ipsos immergamus, ex eoque nunquam exeamus: & tunc dicere poteris cum regio propheta: *Iudam, & vilior sum, plusquam factus sum, & ero humilis in oculis meis.* 2. Reg. 6.

FERIA SEXTA.

Est autem hac parabola: semen est verbum DEI. Luc. 8. 11.

DE VERBO DEI.

1. Qui nam ex illo proficiant.

2. Examen, an ex eorum numero nos quoque simus.

PUNCTUM I. **N**on est necesse, ut sensum parabolæ istius quæramus. siquidem ipse DEI filius, hanc nobis gratiam fecit, ut eam explicaret, & illius intelligentiam ac sensum nobis aperiret. Comparat se agricolæ, qui exiit seminare semen suum. Pars hujus seminis cecidit super viam, & pedibus prætereuntium conculcata, vel à volucribus cæli absorpta: alia pars cecidit in terram petrosam, ubi exaruit; tertia pars cecidit in spinas, quæ illam crescere impedierunt, & suffocaverunt; denique alia cecidit in terram bonam, & fructum attulit. Declarat pariter hoc semen mysteriosum, aliud non esse, nisi verbum Dei, quod ministris suis prædicare injunxit

semen

semen est verbū Dei. Et per has tres terras infructuosas abusu nobis demonstrat in us. Aliqui id recipiunt ad instar viæ amplæ & publicæ, & sunt, qui animum distractum habent, omnibus cogitationibus & adventantibus & abeuntibus aperti & patentes; volo dicere, mille vagabundæ cogitationes, quæ veniunt & recedunt, liberum apud illos transitū habent, quāprimū ejusmodi homines verbū Dei audiunt *venit diaboli, & tollit verbū de corde eorū, ne credentes salvi fiant.* En primum altum, quo dæmonstratur, salutis nostræ inimicus, ne divinum hoc semen radicem capiat, in corde audientium, illud obsidet, illos ingenti turmā cogitationum vanarum, inutilium, & quandoque etiam de rebus bonis, de quibus tamen cogitare, tempus ibi non est, ut eos deflectat à doctrinā eorum necessitatibus congrua, quæque illis utilis foret, si se, ut oportet, illi applicarent. Alii similes sunt terris illis petrosis; seu animæ leves, quæ revera videntur cum gaudio recipere verbum Dei, producunt etiam aliquot herbas; bonas quasdam, & pias cogitationes, tenesum aliquem devotionis, aut pœnitentiæ &c. Verū, cheu! in omnia his nulla soliditas, nulla radix, nihil firmum est; statim ad primum calorem, tenera hæc herba emoritur, id est, ad primam tentationem, quæ exsurgit: à qua incalescunt, totum, quod antea de Deo gustavere, evanescit, & nullum fructum affert: *natum aruit, quia non habebat humorem.* Tales erant

Judæi,

Judæi, qui admirabantur doctrinam Christi, sed dein recedebant ab illo, quin alium fructum retulissent; *sermo meus non capit in vobis.* Joann: 8, 37. Denique per spinas, in qua aliqua pars seminis cecidit, oportet: intelligi illas animas, in quibus omnia peccata tam copiose notatas herbas produxerunt, ut divinum hoc semen ab iis penitus fuerit suffocatum; vel homines illos, qui centum negotiis & curis caput suum plenum habent; & mille alia negotia irascunt, ut vacare non possint salutis suæ negotio; inquietudo divitiarum; tumultus confluentium rerum spinæ sunt, quæ semen Dei impediunt, ne afferre possit fructum; & simul *et xerix spina suffocaverunt illud.* Ingemisce hic super hoc stupendo abusu verbi Dei, quæ injuria divino magistro huic! ipsum ne quidem audire velle an non mererentur, ut talem contemptum illorum puniret, silentiis & subtractione verbi sui? & ut id exequeretur, quod nobis per os Sapientis, dici voluit; *ubi auditus non est, non effundas sermonem* Eccles. 32. 6. Quia autem non sufficit, ut hunc abusum in aliis deplores, vide insuper, utrum non ipse eidem subjaceas?

PUNCTUM II. Examina, ad quamnam sortem terræ ex prædictis, dispositio cordis tui, auditione verbi divini, reduci possit? cui conformior sit, an non unius ex illis viis latis & spatiofis, id est, animabus distractis & dissipatis, quæ nullam attentionem afferunt ad ea, quæ

quæ illis bona & ad salutem utilia dici possunt; quique etiam talia irridere audent, iis certè similes, de quibus propheta Ezechiel *audiant sermones tuos, & non faciunt eos, quia in canticum oris sui vertunt illos.* Ezech. 33. 31. Fortassis ex illis es, qui in quodam seminario, vel alia communitate clericorum visis, quam considerare possumus ut agrum, cui benedixit Dominus. Gen. 27. 27. Et in quem descendere facit imbrem matutinum & serotinum. Joel 2. 23. Quot ibi habentur confessiones, colloquia spiritualia, instructiones sanctæ? quomodo ejusmodi interres? spiritu prorsus distracto, qui nonnisi de rebus nauci cogitat, & nullum gustum ad res divinas habet? *anima nostra nauseat super cibo isto levissimo.* Num. 21. 5. An non es ex illis levibus & inconstantibus, in quibus verbum Dei radicem capere non potest? qui initio cum gaudio illud recipiunt? postea à passionibus suis impediti, veritates salutis obliſcuntur, nequè illas in tempore tentationis, iterum revocare & implantare possunt animo suo, ubi vel maxime iis indigerent? *supercecidit ignis, & non viderunt solem.* Ps. 57. Non es denique similis campo spinis repleto? an non inquietudines hujus sæculi in te prævalent? an non amor divitiarum, voluptatum, honorum hujus mundi, ad talem excessum in te excreverunt, ut verbum Dei in te suffocent? adeo ut impetum hunc amplius sustinere non valeas, vivere velis secundum præ,

proprian phantasiam, ut proprius filius Belial, sine iugo, sine regula, sine disciplina, sine scientia obligationis tuæ? *filii Belial sine iugo, nescientes officium sacerdotum ad populum.* 1. Reg 2 13. O quot sunt clerici, qui verbo Dei abutuntur, vide an non ex illorum numerosis? an non ex illis incredulis sis, de quibus loquitur apostolus, *non profuit illis sermo auditus, non admissus fide ex iis, quæ audierunt.* Heb. 4 2. Ut hoc malum evites, frequenter te reflecte supra id, quod SS. PP. nos docent. quoddamque tibi hodie pro præparatione ad Missam servare potest; *verbum Dei non minus est, quam corpus Christi,* S. Augustini: hom alia 26. inter 50. nunc. serm. 300. in append. Quanta sollicitudinem adhibes in altari, ut vel minimas particulas, seu fragmenta hostiæ consecratæ colligas? fac idipsum respectu verbi Dei; noli perdere vel unicam particulam, collige totum; omnia ad profectum tuum trahere, & in corde tuo conserva ad exemplum Beatissimæ Virginis, de qua evangelium dicit: *Maria autem conservabat omnia verba hæc, conferens in corde suo.* Luc 3 19.

* * * * *

DIE SABBATHI

Quod autem in terram bonam, hi sunt, qui in corde bono & optimo, audientes verbum, retinent, & fructum afferunt in patientia. Luc. 8 15.

Cleric. instr. I. P.

2

DE

1. Dispositiones, quas ad auditionem verbi Dei afferre oportet.
2. Fructus, quos producit in corde benè disposito.

PUNCTUM I. **A**udiremus Dominum nostrum Jesum Christum docentem nos per istam terram bonam, in quam cecidit semen, illas dispositiones, quas afferre oportet, ut fructum ex verbo Dei referamus, nimirum debemus illud *audire*, illud *meditari*, illud opere ipso *exequi*. Oportet
 1. *Audire* illud cum reverentia, & attentione, siquidem Deus ipse est, qui nos per illud instruit, *qui vos audit, me audit.* Luc. 12. 16. Prædicatores, qui nobis verbum Dei annuntiant, non nisi locum tenentes, legati, & ministri illius sunt; *pro Christo legatione fungimur.* ait S. Paulus 2. Cor. 5. 20. *tanquam Deo exhortante per nos.* Missi sunt, ut nos instruant, in negotio omnium maximo, quale est negotium salutis, & ipsi loquuntur *ex sinceritate, sicut ex Deo, coram Deo in Christo loquimur.* An ergo illis attentionem nostram denegare possimus? an non merito id ipsum nobis exhiberi poterit, quod olim Christus JESUS Judæis? *qui ex Deo est, verbum Dei audit; propterea vos non auditis, quia ex Deo non estis.* Joan. 8. 47. 2 Non sufficit tantum *audire* verbum Dei; oportet illud etiam *meditari*, in corde versare, & exinde devotionem ac pietatem

tatem nostram nutrire, *ponite in cordibus vestris*. Luc. 9. 44. Fundus, in quo fructificare possit, cor nostrum est, oculi nostri, non nisi apparentia vident; aures non nisi sonum percipiunt; lingua non nisi verba pronuntiat; memoria non nisi operimentum illius est; solum cor nostrum cista depositaria est hujus divini verbi, cor est, quod illud adorat, gustat illud, illud meditatur; hic debet à nobis includi; prout fecerunt omnes illi, qui cum Propheta regio illi usi sunt tanquam armis. & pro defensione suâ, contra peccatum; *in corde meo abscondi eloquia tua, ut non peccem tibi* Ps. 118. 3. Denique oportet illud *exequi*; *estote factores verbi, & non auditores tantum*, ait S. Jacobus cap. 1. 22. & ipsemet etiâ salvator docet nos, tunc nos futuros discipulos suos, si verbo Dei adhareamus, *si manseritis in sermone meo, verè discipuli mei eritis*. Joan: 7. 31. Manere autem in sermone ejus, & adhærere verbo Dei, non est tantum simpliciter illud *audire*; illud *laudare*, illud *meditari* oportet, illud applicare necessitatibus nostris; id *exequi*, quod nobis ordinat; & verbum Dei habere, pro norma & regula vivendi. Felices illi, qui hoc pretiosum semen, taliter dispositi recipiunt; *beati, qui audiunt verbum Dei, & custodiunt illud*: Luc. 11. 28. fructum enim centuplicatum exinde percipiunt.

PUNCTUM II. Nihil efficacius est verbo Dei; sicut *imber descendit de calo, & inebriat*

brat eam. If. 55. 10. ita erit verbum, quod egreditur de ore meo, ait Dominus, non revertetur ad me vacuum; sed faciet, quæcumque volui; & prosperabitur in his, ad quæ misi illud; & propheta regius ad ostendendam vivacitatem illius, comparat illud cum igne; *ignitum eloquium tuum vehementer.* Ps. 118. Nihil minus hac comparatione afferri potest, ait S. Ambrosius in Ps. 118 quia nil magis *mundat, illuminat, accendit audientes.* Meditemur parumper hæc tria verba. *Mundat.* Nonne verbum Dei est, quod nos ab imperfectionibus nostris purificat? quod reformat, in nobis id, quod defectuosum est? quod corrigit peccatorem? convertit impium? quod impudicum, castum? ebriosum temperantem? aversum, misericordem &c. reddit? *Lex Domini immaculata convertens animas?* ps. 18. *Illuminat.* Confert nobis cognitionem & agnitionem obligationum nostrarum; & facit, ut eas exactè exequamur. Non est lumen magis aptum ad nos conducendos, quàm sax ista: sensus nostri nos decipiunt; sæpè passiones nostræ excæcant nos; ipsa ratio à tempore, quo per peccatum obscurata fuit, non est dux securus & fidelis; errores decumani, in quos veteres philosophi & gentiles inciderunt, non sinunt nos de hac re dubitare. Si ergo volumus lequos illos, quibus plenus est mundus, evitare, declinare præcipitia & tenebras, quæ circumstant, oportet, ut ad lumen hujus facis ambulemus; hòc.

hòcque ipsum est, quod nos propheta docet, dum ait. *Ps. 118 Lucerna pedibus meis verbum tuum, & lumen semitis meis Accendit.* Quot corda verbum hoc in ore apostolorum non accendit? quot millia hominum sic traxerunt ad Jesum! sed necesse haud est, adèd in longum ire, ad ostendendam efficaciam divini verbi, omnia sæcula ecclesiæ nostræ satis exemplorum quoad hoc, nobis suppeditant. Per hoc medium Bonifacii in Germania, Augustini in Anglia, Xaverii in Indiis, & tot alii viri apostolici, extenderunt limites regni Domini nostri Jesu Christi, per lucra, quæ Deo fecerunt, in diversis partibus, quæque incrementum superserunt diversis temporibus per Norbertos, Dominicos, Antonios Paduanos, Vincencios Ferrerios, Thomas Villanovanos, Carolos Borromæos, & alios ejusmodi sanctissimos viros, qui faciem christianismi vel extinctum, vel à prima sua puritate declinantem, restituere, per prodigiosas mutationes, quas concionibus suis effecerunt. An non adhuc hodie videmus, quanta mirabilia Dei verbum operetur, vel in animabus per peccatum mortuis, quas resuscitat, vel tepidis, quas calefacit, vel ignorantibus, quas instruit, & obligationum suarum admonet, vel justis, quæ ad perfectionem provehit; fortè in nullis minùs fructificat, quam in ipsi clericiis. Unde hoc? nisi ex modica, vel nulla eorum dispositione, quam ad id audacem asserunt. Pro præparatione ad Missam; omni

meliori modo te ad id dispone; dic ad Dominum, ut propheta Samuel: *loquere Domine, quia audit servus tuus.* Agnosco Domine, quod per distractiones & voluntarias evagationes meas, pretiosum hoc semen, infuictuolum reddiderim, quod in corda nostra jactis. Surdus eram ad vocem tuam; averti sapius faciem meam à veritatibus, quas mihi annuntiari fecisti; verum resolutus sum in posterum, melius me ad id applicare, & majori solitudine illud ad bonum meum convertere; audiam majori attentione, docilitate, & submissione, quod tibi placitum fuerit, me docere, vel ut mihi dicatur per ministros tuos; nunquam amplius tam indifferens, tam insensibilis ero quoad honorem, quem mihi exhibes, dum mihi voluntatem tuam indicare dignaris; *loquere Domine, quia audit servus tuus.* 1. Reg. 3. 9.

DOMINICA QUINQUAGESIMÆ.

Si linguis hominum loquar, & angelorum, charitatem autem non habeam: factus sum velut as sonans, aut cymbalum tinniens. 1.

Cor, 13. 1.

DE CHARITATE.

1. Excellentia illius & necessitas.
2. Estimatio, quam de illa habere debemus.

PUNCTUM I. S. Paulus in hac epistola longum & magnificum charitati textit elogium, deberetque sanè nos

convincere id, quod ap. itolus iste in 3tū usque
calū raptus affert de illius excellentia & necessi-
tate: lingvā angelorū loqui, prædicare futura
penetrare mysteria obscurissima, habere scientiā
universalem, fidem, valentem transponere
montes; distribuere omnia sua in pauperes, ex-
ponere corpus suum tormentis, ulque ad passi-
onem martyrii, absque dubio res magnæ sunt.
ait S. Augustinus. serm. 50 de V D. *illa
quidem magna sunt, sed si ego hæc, inquit. sine
charitate habeam, non illa, sed ego nihil sum.*
Vide, quemadmodum hæc charitas necessaria
sit, pergit S. P. venit ad tormenta etiam
crudelissima; ad actiones planè heroicas, & ta-
men sine charitate nihil sunt? *adde charitatem,
profunt omnia; detrahe charitatem, nihil pro-
funt cetera.* ibid Et verò, quid utilitatis ha-
buere tot peccatores ex donis etiam excellen-
tibus, quibus abusi sunt? quid profuit Salomo-
ni intellectus tam vastus & tam extraordinari-
us? tam profunda scientia secretorum natu-
ræ? illa sapientia, quæ illum in terra admi-
rabilem fecit, si cum omnibus istis mortuus est
sine charitate, quin sinceram & solidam egerit
pœnitentiam? quid utilitatis attulit Tertulli-
ano; scripsisse apologiam pro nostra religione
contra paganos? quid? subministrass. arma x-
quæ fortia ac splendida contra hæreticos, si ec-
clesiæ unitatem, schismate suo; laceravit? quæ
fructum habent hodierni protestantes ex præ-
tensa intelligentia lingvæ chaldaicæ, græcæ? ex
lecti

lectione continua sacrarum scripturarum, si-
quidem charitate privati sint, quæ inveniri
non potest, nisi in sola ecclesia Jesu Christi,
ut ait S. Augustinus ep. 61. n. edit. ad quid
nostra ipsa studia? si ea ad amorem Dei non
transferamus, ut id m ait l. 3. de doctr. Christi,
c. 10. *Ille tenet, & quod pater & quod la-
tet in divinis sermonibus, qui charitatem te-
net in moribus.* Disce ex hoc æstimationem,
quam de hac virtute habere debes, & ut de
ea excellentiorem adhuc tibi somniare possis
ideam.

PUNCTUM II. Considera, quodd chari-
tas regina sit omnium virtutum, quæ omnibus
aliis & pretium dat, & meritum; *major au-
tem horum est charitas.* Anima est, & prin-
cipium omnium nostrorum bonorum operum,
quæ illa, & accepta Deo, & meritoria cælis
reddt; sine illa sumus pauperrimi; cum illa di-
tissimi, quia ipsum Deum per illam posside-
mus: ut ait S. Joannes 1. ep. 4. *Deus chari-
tas est: qui manet in charitate, in Deo manet,
& Deus in eo.* Character est filiorum Dei, per
quem electi à reprobis discernuntur: *dilectio
sola discernit inter filios Dei, & filios dia-
boli.* S. August: tr. 5. in 1. Joan. epist. O-
leum est, quod in lampadibus nostris habere,
& vestis nuptialis, quâ induti esse debemus,
si ad nuptias introire cupimus. An plura re-
quiris, ut virtutem hanc divinam æstimes? quàm
ut scias ipsam esse, quæ animas beatas in cæ-
lum

lum adducit, & in qua beatitudo æterna san-
ctorum consistit? *charitas nunquam excidit.*
Petere à Deo instanter hoc grande donum cha-
ritatis, quæ tam necessaria est omnibus Chri-
stianis; specialiter autem clericis; ignis nimi-
rum ille est, quem Jesus Christus venit mitte-
re in terram, & testatur se nil magis deside-
rare, quam ut corda discipulorum suorum il-
lo inflāmentur. *Ignem veni mittere in ter-
ram, & quid volo, nisi ut accendatur?* Luc. 12
49. virtus hæc est, quam Spiritus S. aded
commendat in apocalysi cuidam episcopo, ut
eam erat, sub figura auri igniti; & in igne
probat, *consulo tibi, ut emas à me aurum è.*
ignitum. Denique magna & principalis est vir-
tus omnium sacerdotum & pastorum; sine qua
frustra nomen suum portant. *Sine charitate,*
ait Petrus Blessensis, tract. de charit. c. 1,
nihil es; sine charitate sacerdos dici potes; esse
non potes. Omnem igitur conatum adhibe, ut
eam obtineas, neque cessa illam petere à Deo;
charitas ex Deo est, ait S. Augustinus epist.
238. nov. edit. *oremus ergo, ut ab illo detur,*
à quo jubetur. Dona nobis Domine tuum san-
ctum amorem; dona nobis tuum sanctum Spi-
ritum, per quem charitas tua diffusa est in cor-
dibus nostris, ut illam possidendo, eo modo tibi
serviamus, qui tibi gratus sit, & qui robus
æternam nostram procuret salutem. *Diligam*
te Domine virtus mea, diligam te Domine,
per quem fortis sum. S. Augusti in Ps 17^o

Pro præparatione ad Missam, frequenter elicet actus amoris erga Deum, & JESUM Christum finem ejus. Sanctissima Eucharistia, pro ut de illa loquuntur SS. PP. ignis ille est, qui nos consumere debet. Carbo ille est ignitus, qui purificavit labia propheta. Sume illum tam sancte, ut ab altari totus inflammatus Dei amoris, & demonibus terribilis recedas. *Tamquam leones ignem spirantes ab illa mensa recedamus, facti diabolo terribiles.* S. Chrysostom. 61. ad pop. antioch.

(**)(**)(**)(**)(**)(**)(**)(**)(**)(**)(

FERIA SECUNDA.

Charitas patiens est; benigna est, &c. 1. Cor. 13.

DE SIGNIS CHARITATIS.

1. Quænam illa sunt.

2. Examen, utrum illa quis habeat.

PUNCTUM I. Quamquam nullus hominum certò scire valeat in hac vita, utrum in charitate sit, dantur tamen certa signa, ex quibus sine præsumptione; quis judicare valeat se pretioso hoc dono à Deo donatum esse, & ecce! qualia sint hæc signa ex S. Paulo, explicabimus illa, quantum ad clericos. *Charitas patiens est.* *Charitas patiens* est in iis, qui se statui ecclesiastico mancipare volunt, ut vel ipsa etiam momenta hoc perficiendi patienter expectent: Scit talis, quòd cupiditas, quæ non nisi moti-

bus inordinatis agitur, inquieta sit; charitas autem, quando etiam putat vel iudicat adesse vocationem DEI, bene scit, quod *hæreticus, ad quam festinatur in principio, in novissimo benedictione carebit.* Prov. 20. 21. Hinc subdiaconus & diaconus charitate plenus, ad litteram observat interstitia à SS. Canonibus præscripta, ut quis ab inferiori gradu ad superiorem ascendat; non festinat apportare fructum, sed in tempore suo; & in illis, qui jam sunt in sacro ministerio, efficit charitas, ut omnia onera officii sui absque querela portent; & dum pro salute animarum laborant, id observent, quod Paulus iis præscribit. 2. Timoth: 4. 2 *argue, obsecra, increpa in omni patientia. Benigna est charitas, quia inseparabilis est ab humilitate, quæ est fons & radix veræ mansuetudinis & pacis internæ seu benignitatis: nescit illa alicui contradicere; ego autem non contradico, retrorsum non abeo.* 11. 50. 5. Verum est, quod charitativus pastor sæpius obligetur, ut ovibus errantibus indignetur, sed eo ipso tempore, quo magis commotus videtur, conservat intus dulcedinem, & compassionem talem erga peccatorem, ut explicari hand possit. *O quomodo mulet, quomodo plangit, quomodo condolet, quomodo condolet, quomodo consolatur quot argumenta pietatis; querit, ut erigat desolatum!* ait S. Hieronymus. *Non amulatur charitas; optat omnibus, ut bene illis sit. æquè amat dona*

dona, & gratias in proximo suo, ad ipsa pos-
 sideret talia, perinde ipsi est, per quem Chris-
 tus annuntiatur, modò nomen ipsius inno-
 scat; si audit labores aliorum, & bonos succe-
 sus illorum, benedicit Deum, & de iis tam-
 quam de propriis gaudet. Hæc erat causa,
 cur S. Bernardus ita dixerit ad Gvilhel. Ab-
 bat. *requiris à me; cur, cum omnes ordines*
laudem, omnes non teneo? laudo enim omnes,
& diligo, ubicumque pie & juste vivitur in
eccllesiâ. Unum opere teneo, cæteros charita-
te, faciet autem charitas (fiden'ter loquor)
ut ne illorū quidē fructu frauder, quorū insti-
tutum non sequor. Non agit perperam chari-
tas; nec temere, nec præcipitanter agit. Cle-
ricus, in quo illa regnat, sapiens, prudens, &
circumspectus erit in negotio Dei, sua autem
non nisi cum reflexione & maturitate peragit,
pro aliis nil agit, nisi cum mensura & juxta
ordinationem, quia semper attendit ad glori-
am Dei, & ut voluntas Dei impleatur, & ita
dicere potest cum propheta regin; super se-
nas intellexi, quia mandata tua quæsi. Non
inflatur charitas; non tumescit superbiâ. Cle-
ricus, qui eam possidet, ut verbis propheta
uratur, ponit in pulvere os suum, si fortè sit spes.
 Thren. 3. ut aliud non videat, quàm miseri-
 am & nihilum suum; & si Deo placeat, eo
 uti ad quoddam opus conspicuum, subito re-
 cordatur præcepti, quod Christus JESUS apo-
 stolis suis dedit: *cum feceritis omnia, quæ præ-*
cepta

cepta sunt vobis, dicite; servi inuiles sumus; quod debuimus facere, fecimus. Non est ambitiosa. Minister Domini, qui hanc virtutem sibi commendatam habet, fugit honores mundanos; eligit potius abiectus esse in domo Dei sui, quàm ut se ipsum eleuet ad officia & dignitates; ultimum locum, tanquam centrum suum, considerat, oportet violentiam illi inferre, ut exinde extrahatur, & ad gradum sublimem promoveatur, quia semper indignitatem suam præ oculis habet, & continuò sibi hæc verba Sapientis applicat: *quid superbis terra & cinis?* Eccles. 10. 9. *Non querit, quæ suæ sunt.* Charitas proprium suum interesse; seu commodum non querit, nisi gloriam Dei, & utilitatem proximi: siue prædicet, siue audiat confessiones, siue aliud simile exequatur in ministerio suo; dicere potest cum S. Paulo. 2. Cor. 12. 14. *non enim quero, quæ vestra sunt, sed vos.* Non irritatur. Nemini offensa est charitas, reprimat omnes motus iracundiæ & vindictæ; & pacem, quantum fieri potest, conservat, etiam cum ipsis pacis inimicis; cum iis, qui oderunt pacem, eram pacificus. Pl. 119. 7. *Non cogitat malum.* Omnia in bonum interpretatur, & Deo relinquit iudicium in homines exercendum, dicendo cum propheta regio; *iustus es Domine, & rectum iudicium tuum.* Pl. 118. *Non gaudet super iniquitate, congaudet autem veritati:* tota facta & absorpta est in amore boni ordinis, iusti-

justitiæ & veritatis, dicenoo cum apostolo: *non enim possumus aliquid adversus veritatem, sed pro veritate. Omnia credit, omnia sperat omnia sustinet.* O Domine! quis poterit comprehendere pretium excellentissimæ hujus virtutis.

PUNCTUM II. Fac nunc reflexionem super ista signa & effectus charitatis, quos S. Paulus refert, & vide, utrum illa regnet in te? esne patiens? submissus ordinationi, divinæ providentiæ? sufferendo injurias & contumelias, quin irritari te patiaris? imò ut etiam bonum pro malo reddas? esne sine invidia erga proximum tuum? non indignaris, si quis tibi præferatur? si bona, dona, talenta, officia & alias prærogativas possideat, quas tu non habes? an non mancipium es hujus vilis passionis, quæ ex felicitate aliorum suam sibi miseriam, & supplicia accersit? esne sapiens, prudens, circumspectus in tuo modo agendi? consulisne in tuis dubiis & intricatis negotiis, spiritum Dei, qui complacet sibi in eo, ut mansvetis & charitativis succurat *diriget mansuetos in judicio docebit mites vias suas.* Ps. 24. Esne humilis & sine ambitione, parvus in oculis tuis, eousque, ut te infra omnes, utut despicabiles videantur, demittas? esne persuasus de hoc, quòd, si charitas via sit ad perfectionem, humilitas viam hanc nos ambulare doceat? *nihil excelsus viâ charitatis, & non in illa ambulant nisi humiles,* ait S.

Augustinus

Augustinus in Ps. 1. 1. v. 7. An non nimium adhaeres proprio tuo interesse? inò etiam proprio tuo iudicio? non te reflectendo, quòd clericus aliud respicere, vel quærere non debeat, nisi interesse, seu utilitatem Dei & ecclesiæ? an non ex illis suspiciosus unus es, qui de omnibus iudicant, & quolibet in malum interpretantur? *facti iudices cogitationum iniquarum*, ut S. Jacobus ait c. 2. 4. Habesne vivam fidem, magnumque amorem pro veritate & iustitia? animosam spem? patientiam, quæ inter injurias probata sit? & male tractari sustineat? ah! si te exanimes benè per talia signa, non nisi valdè modicum de charitate in te inuenies. Pro præparatione ad Missam; pete à Deo veniam, ob modicum amorem tuum, quem erga illam hucusque habuisti. Offer illi Jesum Christum in sacrificium, ut ità ei reddas, omnem illum amorem, quem ille meretur, & quem illi debes. Et pro gratiarum actione, tam bonas cape resolutiones, ut ignis iste divinus, quem recens sumpsisti, consumat in te, quidquid debile, & imperfectum est. *O ignis, qui semper ardes, & nunquam extingueris, charitas, Deus meus accende me.* S. Aug: conf. 1. 10. c. 40. Domine Deus meus, cui omnia possibilis sunt, resolve glaciem cordis mei; redde illud amore tui accensum & ardens, nil tam durum sit, quod virtuti & efficacix amoris tui non cedat! *nihil est tam durum atque ferreum, quod non amoris igne*

vincatur. S. August: de mor. Eccl. l. 1. n. 4.

FERIA TERTIA.

Respice, fides tua te saluum fecit. Luc. 18. 42.

DE EXCESSIBUS BACHANALIORUM.

1. Cœcitas Christianorum hoc tempore.

Quid clerici facere debeant.

PUNCTUM I. **E**Vangelium, quod nobis ecclesia ad meditandum

proponit his tribus diebus, considerari potest, ad instar repaguli cujusdam salutaris, quo hæc sancta mater utitur, ut excessus illos cohibeat, quos major pars filiorum suorum, hoc tempore, quasi impunè committere solet. Prædicat in illo Christus apostolis suis, principales circumstantias passionis suæ; cujus memoria seu recordatio, si illam debito modo haberemus, meritò omnium stultitiarum hujus mundi oblivionem nobis ingerere deberet, & eorum locò, excitare in nobis, illum sensum pietatis, ex quo S. Augustinus in Ps 15. ita scripsit, *bibant alii mortiferas voluptates, portio calicis mei, Dominus est.* Appropinquans deinde Salvator civitati Jericho, sanavit pauperem cœcum, qui sedebat secus viam cujus miserabilis status, imago est expressa statûs tot peccatorum, qui non vident necessitatem, quam habent agendi pœnitentiam. quique, cùm deberent se per exercitium bonorum operum præparare ad sanctè transigendum

dum tempus quadragesimale, aliud non cogitant, quàm lusus, jocos, delicias, voluptates, recreationes, relaxationes &c. Aperi oculos tuos supra illorum cœcitatem; *respice*, vide, & considera, quantum divinus magister tuus offendatur hoc tempore, quòd à mundo tempus bacchanaliorum appellatur. *Respice*, vide multitudinem hanc insensatam, qui se excessibus intemperantiæ immergunt; qui characterem bestię assumunt; qui se in manus apostatę angeli consignant, ut in eis imaginem Dei corrumpant, eamque ad ultimum usque lineamentum deleant. *Respice* ex alia parte angelos pacis, qui amarè stent super omnibus istis abominationibus, & junge te huic parvo numero animarum, ac fidelium christianorum, qui se ad adorandum sanctissimum Sacramentum conferunt, dum alii interim se à passionibus suis abripi sinunt, *Respice*, vel potius ora Jesum Christum, ut tibi illos à fide illuminatos oculos cordis concedat, de quibus Paulus loquitur; *illuminatos oculos cordis*. Et si inselicitè, olim pariter in ejusmodi excessus incidisses, dic ad JESUM, eodemmet ardore, ac hodiernus cœcus in Evangelio: *Domine ut videam*. Quia autem non sufficit clericos solummodo videre ejusmodi excessus, qui modo passim committuntur;

PUNCTUM II. Considera, quid te hoc tempore facere oporteat, quo, tot animę Christo Domino à dæmone eripiuntur? Primum

Cleric. instr. l. P.

Aa

est,

est, ut te à societate talium separe; arctiorem secessum eligas; ecclesias frequentes, & dum alii currunt ad adorandum vitulum aureum, ire debes ad exhibendum cultum Deo debitum, ad exemplum Tobix; cum irent omnes ad vitulos aureos, solus fugiebat consortia omnium; sed pergebat in Jerusalem ad templum Domini. Tob. 1. 5. 2dum. Recendere debes zelum tuum pro salute & edificatione proximi. Si pastor es, & curam aliorum habes abolere debes abusus, qui fortè ex hac occasione; in parochiam tuam irrepser; impedire larvas, inverecundas mutationes vestium, personas larvatas, spectacula profana, & periculosa, & similes alios excessus, quos licentia seu libertas ad confusionem & ruinam religionis nostræ induxit; quoniam vos estis presbyteri in populo Dei, & ex vobis pendet anima illorum, ad eloquium vestrum, corda eorum erigite. Judith 8. 21. Denique majori zelo & fervore, te Dei servitio addictum ostendere debes, dum hoc tempore tot Christiani sui ipsorum obliti, partes Domini Dei deserunt, ut se sub vexillum diaboli conferant, mortalis inimici ejus, ut idem quasi dici possit, quod olim; *toto corde universus Israël sequitur Absalon*, 2 Reg. 15. Adhære igitur tu, majori cum fidelitate regi tuo. Imaginare tibi, quasi Christus JESUS, his diebus, taliter se derelictum, contemptum, flagellatum, & crucifixum cernens, tibi dicat, non sine excessu

excessivo dolore, quod olim ad apostolos dixit: *nunquid & vos vultis abire?* Joan. 6. 68. responde tu cum S. Petro, ò Dominè; millies, ah millies libentius mori, quàm ut unquam te deseram; quò enim ire possumus, ut magis contenti, aut feliciores vivere valeamus. *Domine ad quem ibimus? verba vita aterna habes.* Ibid. 69. Pro Missa, stude coram sanctissimo sacramento, quod his diebus in pluribus ecclesiis est expositum, resarcire honorem Deo ablatum; offer illi omnem honorem, omnem cultum, amorem omnem, quem illi sacratissimum cor JESU exhibet & reddit, in & pro reparatione tot ac tantorum peccatorum, quæ hoc tempore committuntur, qualia forte & ipsemet olim commisisti. Intimum de iis dolorem concipe, & ad altare non accede, nisi ut misericordiam DEI implores, dicendo cum paupere cæco: *Jesu fili David, miserere mei:* vel cum S. Augustino Conf l. 7. c. 7. *Magna voces, ad misericordiam tuam, lactia contritiones animi mei.*

**

*

Ad

AD

num; crux illis nil amplius abjectum & grave apparuit; imò potius, & è contrario, præ gaudio crucis extra se rapiebantur, prout manifestè apparuit post Pentecosten, quando carceribus inclusi, & virgis graviter cæsi fuere in Jerusalem, ex mandato principum; tunc enim, ait S. Lucas, ibant apostoli gaudentes à concilio, eò quod digni habiti sunt, pro nomine JESU contumeliam pati. Act 5. Ecce! quid S. apostolus Andreas, una cum aliis apostolis, benè intellexerit, & comprehenderit; verùm quod in particulari, ac specialiter de illo dicere possumus, id est, quòd cognitâ semel virtute S. crucis, præ amore illius penitus languerit, ac penè defecerit. Hinc in Scythiam se contulit & Thraciam, ut ibi evangelium prædicaret, apud tales gentes, quæ semper & ab omnibus pro crudelissimis & ferocissimis totius Europæ habebantur. Quia autem non nisi omnem docilitatem in iis, & venerationem pro te ibi expertus fuit, venit in Achaiam & Patras, ubi illud invenit, quod in Scythia & Thracia obtinere non potuit. Quis eximat hic, quanta fuerit illius consolatio & gaudium, dum se tandem post tot labores, dilationes, & retardationes, eò pervenisse vidit, ut possideret id posset in pace, quod tam ardentè hucusque concupivit? vir iste sanè decrepitu, & viribus omninò fractus, non solum ibat ad locum supplicii sui, sed currebat, imò volebat; nullus unquam tanto affectu & passio-

ne ferebatur in voluptates, ac ille crucem, & passionem suam adamavit. En! quomodo cor illius se dilatat, & præ gaudio quasi naret, dum crucem sibi paratam primum vidit? ô quomodo salutatur eam? quomodo laudat? quàm tenerè illam amplectitur? o bona crux! exclamabat, adhuc longè ab illa distans; o sancta crux, quam tamdiu quæsi, & causam etiam habui, te ita quærendi, inveni te tandem! o crux pretiosa! quantam diu desideravi. noli me deferere; en, lubens in amplexus tuos ruo, ô *bona crux diu desiderata, sollicitè amata, sine intermissione quæsta, & jam concupiscenti animo præparata, securus & gaudens venio ad te.* Crux planè augusta! crux triumphalis! quæ pro lecto & throno, sanctissimo magistri mei corpori servisti; quæque illius sacratissimo sanguine decorata fuisti; noli me repellere à te, neque dedigneris me; intra brachia tua recipere, ut per te me recipiat, qui per te me redemit. Quod autem magis inexpectatum, & non tantò magis admirari debemus, illud est, quòd cruce, quemadmodum divinus magister suus, usus fuerit pro cathedra: *cathedra docentis.* Omnes apostoli crucem prædicarunt, omnes professi sunt cum S. Paulo, se aliud non scire, nisi Jesum, & hunc crucifixum: verùm S. Andreas crucem de cruce pendens, & Jesum crucifixum, dum etiam ipse crucifixus erat, prædicavit; fecit hoc integro biduo, & quidem tam efficaciter, ut ex tanto numero spectato-

rum, qui martyrio illius interfuere, plures eò exarserint, ut eum furori Proconsulis subducere voluerint. Postquam id advertit Andreas, ad Deum se convertit, & enixè eum precatus est, *tantummodo in hac voce exaudi me, ne me patiaris ab impio iudice deponi*. Exauditus fuit, & mortuus super lecto honoris, qui decebat apostolum; & ducem exercitus Jesu Christi, ut nimirum moreretur prædicando, & quidem in cruce; vel potiùs crux ipsa versa est ipsi in altare, super quo se unà cum divino agno in perfectum obtulit holocaustum. Laudemus Dominum, quòd S. Andrea talem, tantumque crucis amorem inspiraverit, & in puncto 2do.

PUNCTUM II. Considera obligationem nostram, quam habemus, eum imitandi. Quia crux, apostolorum pars & hæreditas fuit, etiam nostra esse debet, *in hoc enim vocati estis*, ait S. Petrus 1. Ep. 2. 21. ut veritatem istam capiamus; memores esse debemus, quòd filius Dei, dum voluit homines salvare per crucem, & per multas tribulationes ad se eos revocare, pro cooperatores tanti negotii tales apostolos elegerit, qui laboribus assveti, sibi ipsis mortui, & capaces ac prompti essent, omnia subeundi, & tolerandi pro salute animarum. Et sane, qua ratione homines suis commoditatibus assveti, & necquidpiam sibi detrahi volentes, suscepissent in se laborem istum, ut peccatores multo sudore investigarent, & ad Deum reducerent? jam sic discuro & nos sumus, qui homini-

minibus istis, crucis & pœnitentiæ adeò deditis, successimus; nos sumus hæredes non solum ministerii, sed & passionum, & tolerantia illorum; ergo parati esse debemus pati quæcunque, ut animas quoquo modo, Christo lucremur. *Semper enim nos; qui vivimus, in mortem tradimur, propter Jesum.* En, quale symbolum nobis cum S. Paulo eligere & assumere debeamus, id est, quod crucem amare debeamus. *imo. amore quodam ardenti,* 2. Cor. 4. 11. ut S. Andreas, qui eam semper in corde suo habuit; adeò, ut nec minæ, nec persecutiones, nec aliud quidquam terribile in mundo separare nos possit à Jesu Christo, & evangelio ejus. *Sacerdos Dei evangelium tenens, & Christi præcepta custodiens, occidi potest, vinci non potest.* Dicebat S. Cyprianus Epist. 55. 2. Amare debemus crucem, *amore perseverante,* si vita simplicis cujusdam christiani esse debet crux aliqua continua, cui ille die ac nocte affixus sit, prout S. Augustinus dicit, qualis ergo debet esse nostra? cruci affixi esse debemus, non solum ut christiani; sed etiam ut clerici, id est, ratione statûs, & propter vivendi modum, quem amplexi sumus, qui aliud non respicit, nec intendit, nisi ut continuò laboremus, pro salute animarum; *sicut misit me pater, & ego mitto vos,* ait Redemptor noster Joan. 20. 21. Jam sic: missusnè est Dei filius ad alium finem, quàm ut pateretur? cessavitne ille pati, nisi cum cessavit etiam vivere? *non est enim in hac vita*

tempus evellendi clavos. ait S. Augustinus serm. 205. Hinc, dum S. Andreas semel cruci affixus erat, noluit ab ea descendere, tam parùm, ac ipse Christus; *biduo vivens pendebat in cruce, donec ad eum migraret, cujus similitudinem mortis concupierat.* Vide nunc, quem amorem erga crucem habeas? noli dicere, te libenter moriturum in cruce, si se occasio aliqua offerret, nam, quomodo dares tu vitam tuam pro Christo, qui nè quidem modicam injuriam, modicum contemptum: modicum frigus, modicam submisionem perferre vales? nolim tibi imaginis, S. Andream, aliosque sanctos Martyres subitò ad hoc pervenisse, ut sanguinem suum pro evangelio profunderent; pluries se antea sacrificarunt, quàm coronam martyrii acceperint; & quod in morte passi sunt, non nisi continuatio, vel potius recompensatio erat illius? quod in vita sua sustinuerunt: Id quod ipse S. Paulus testatur, dum ait Rom. 8. 36. *propter te mortificamur tota die, aestimati sumus sicut oves occisionis.* Vult dicere: O Domine! non tantùm ab hoc die, vel ab hac hora est, quòd aliquid patiamur; sed quemlibet diem ac horam vitæ nostræ, non aliter consideramus quàm ut continuam aliquam mortem. Id ipsum & nos faciamus, hoc erit medium & ratio imitandi hunc magnum apostolum, quem hodie veneramus. Memores simus ad altare accessuri, verborum istorum S. Andree ad proconsulem; quæ in actis ejus, à Presbyteris &

Dicitur

Diaconis Achaiz conscriptis legimus. *Ego quotidie in altari immolo agnum immaculatum, cujus carnem, posteaquam omnis populus credentium manducaverit, agnus, qui sacrificatus est, integer perseverat, & vivus.* Eadem cum apostolo isto praeogativâ fruimur; sed pari dispositione accedere nobis oportet. Hanc nobis concedere dignetur Jesus Christus. Domine JHSU, sacerdos in aeternum, qui nos elegisti, ut quotidie sacrificium sanctissimi corporis & sanguinis tui immolaremus, concede, ut huic magnò sacrificio unire valeamus illud, quod de nobis ipsis tibi offerimus? ut nunquam cessemus immolare nos pro gloria tua, quemadmodum nunquam cessas te immolare amore nostri, pro nobis; *introibo in domum tuam in holocaustis.* Ps. 63. 12. *Quid est holocaustum? totum incensum, sed igne divino &c. Totum meum consumat ignis tuus, nihil mei remaneat mihi; totum sit tibi.* S. Augustinus ibid.

DE S. FRANCISCO XAVERIO
INDIARUM APOSTOLO.

Non in vacuum cucurri, neque in vacuum laboravi. Philipp. 2.

DE ZELO S. FRANCISCI XAVERII.

1. De magnitudine illius.

2. Quas virtutes eidem adjunxerit;

PUNCTUM I. Nullus miretur, quòd S.
Xaverio id ipsum hic ap-
plices

plicemus, quod S. Paulus de se ipso ait, scribens ad Philippenſes; ſiquidem iſte ſanctus, a deo preſſè veſtigiiſ huius magni apoſtoli, inſtitit, & haud minores regiones luſtravit, ut eas magiſtro ſuo divino, ac Domino ſubjiceret. Plures tomi non ſufficerent, ut ea, quæ annis decem & dimidio, pro gloria evangeliſ præſtitit, deſcriberentur. Silentio involvamus ze-lum ipſius, & converſiones, quas in Gallia, Italia, Portugallia, effecit. Et eum in magno theatro Indiarum orientalium & Japoniæ propiùſ inſpiciamus, quæ ibi lucra fecerit. Hic nempe & hominibus & angelis, imò ipſi angelorum Domino, dignum ſe ſpectaculum exhibuit. Non ambitio, utut inſatiabilis, quæ, Alexandrum flere compulit, quòd nonniſi unum mundum ſuæ poteſtati ſubigere poſſet, non avaritia, quæ nunquam dicit, ſufficit, neque ullum periculum horret, ubi de lucro quodam ſaciendo agitur, tam violentos motus & affectus, in ullo unquam corde, quod poſſederant, excitârunt, quàm quales gratia divina in corde Xaverii excitavit, ut regnum JESU Chriſti extenderet, ac propagaret. Ante oculos nobis ponamus regna & inſulas Goam, Cambayam, Travangor, ora Commoria Paſheja, Meliapor, Ceilan, Malaca, Molucca, & quaſi inſinitum quendam mundum inſularum Japoniæ, gentes tales, quæ & moribus, & ritibus, & lingvis plurimùm inter ſe differēbant, in hiſ omnibus magnus hic evangeliſ præ-

dicat

dicator vocem & prædicationem suam audiri fecit, innumeros infidelium istorum instruxit, in fide, & sacramentis ecclesiæ munivit. Vix in Indiis apparuit, & enim populi isti magnis veritatibus, quas prædicabat, & sanctitate vite ipsius attracti & commoti per multa millia accurrerunt, ut sacro baptismatis fonte ab illo abluerentur. Non contentus tot & tantis lucris, aliud non suspirabat, quàm ut & in Chinam penetrare posset. Intendebat insuper post subjugatum Christi imperio tam vastum regnum, uti & illud Tartarorum, per Septentrionem denovo in Europam reverti, ut & hic quoque in & pro conversione hæreticorum suscare & laborare posset. O hominem verè apostolicum! ò animum sanè heroicum! ò zelum inimitabilem! ò seraphinum incarnatum! æternum benedictus sis Domine Deus meus, pro omnibus gratiis, quibus vas istud electionis replevisti, quod separasti, & destinasti ad prædicandum filium tuum exteris nationibus & gentibus; accende in nobis scintillam quamdam hujus ardentissimi zeli, à quo sanctus iste adeò feliciter, pro salute proximi fuit consumptus. Verùm quia non sufficit solummodo zelum quemdam habere.

PUNCTUM II. Considera, S. Xaverium zelo suo omnes alias virtutes, homini apostolico necessarias, & convenientes adjunxisse. Et imò *Obedientiam*. Non erat in ipso curiositas quædam, quæ eum animabat, seu im-

pelle-

pellebat ad perecurrendum tot provincias, sed obedientia in causa erat, cur tam longa & difficillima itinera in se susceperet. Electus à S. Ignatio, & missus à S. Sede, quæ est centrum communionis ecclesiæ, aliud non volvebat animo, quàm ut ordinationi divinæ obediret, quâ in voluntate superiorum suorum reverebatur. Muros proprii paterni castelli pertransiit, quin vel obtutum in illis sigeret, reputans secum, aliam se domum, vel patriam non habere, quàm quò Deus eum vocaret. Currit ad conversionem Indorum, & aliò se non occupat, quàm hoc grandi objecto, & negotio, quod tantis laboribus & sudoribus illi constitutum esse. Postquam Goæ advent; Episcopo hujus magnæ civitatis, apostolicum suum Breve, statim exhibuit; non, ut ei commissionem suam significaret, vel jurisdictionem quamquam independentem sibi arrogaret, sed ut illud pedibus illius submitteret, suæque privilegia episcopali auctoritati sacrificaret. Hæc ipsa obedientia fuit, quæ laboribus ipsius apostolicis copiosam de cælis benedictionem impetravit, ac tot victorias eum reportare fecit; *vir obediens loquetur victorias.* 2do *Humilitatem* Ut ut admirabilis coram oculis hominum fuerit Xaverius, & à regibus in summo honore habitus, tanquam legatus Altissimi, & ab eo missus, se ipsum tamen aliter non considerabat, quàm ut vilem creaturam; tanquam jumentum; ut terræ vermiculum, & miserabilem peccatorem. Post

tot

tot admirandos bonos successus & eventus; postquam Dominum suum, in possessionem hæreditatis suæ, immiserat, eique, ut instrumentum, ad implètionem magnificarum prophetiarum, quæ ei omnes nationes promiserant, servierat; novus iste thaumaturgus, qui per sua prodigia terram obstupescere fecit; *fluit terra in conspectu ejus.* 1. Machab. 1. 3. Qui fuit admiratio angelorum, terror dæmonum; cujus sublimis sanctitas vel ipsis hæreticis laudem & approbationem extorsit, humillimus omnium erat: non solum protestatur se servum inutilem, sed obstaculo se esse propter peccata sua progressui feliciori S. Evangelii, credebat. Bone Deus? quæ & quanta humilitas! an non meritò confundantur, & erubescant, in consideratione illius tot Clerici, qui tã facile abripi se sinunt à vanitate, & propria cõplacentia, ab illo modico; quod pro JESU Christo faciunt? 3. *Zelum* conjunctum cum spiritu *paupertatis & mortificationis.* Hic incomparabilis Missionarius sensim se assuescebat, ut omnia ad instar Pauli patienter & libenter sufferret: *scio & humiliari, scio & abundare* (*ubique & omnibus institutus sum*) *& satiari, & esurire, & abundare, & penuriam pati.* Philip. 4. 12. Scimus eum statum servilem elegisse, & mercatori cuidam operam suam locasse, ut civitatem quamdam ingredi posset, ubi propositum sibi erat prædicare; malebat, de domo ad domum mendicare pauperem, quàm convivii magnatum interesse

teresse, & licet nuntius fuerit apostolicus; hospitari tamen in hospitalibus & ad infima servitia ex amore proximi se demittere non erubuit. Scimus hunc verum Apostolum JESU Christi, ex mortificatione quadam insuperabili, liberalitati etiam violentæ, cujusdam magni regis, & ministrorum ejus restitisse, qui virtute & sanctitate ejus capti, magnam pecuniæ summam, ei obtulerunt ad sublevanda apostolatûs sui incommoda; quam recusavit, eligens cum S. Paulo, potius mori, quam ut hanc gloriam amittere, anuntiandi nimirum, & prædicandi Evangelium Dei gratis. Quid dicemus de oratione illius, quæ quasi continua & interrupta erat? de charitate prorsus universalis, quæ se in omnes pauperes æque, ac divites, parvos & majores effundebat? o quoties visus fuit discursare per plateas, & vias publicas; cum tintinabulo in manibus, ut infantes, pueros, ac mancipia ad catechesin vocaret; eos, matutinas & vespertinas preces persolvere doceret, & in primis elementis, ac fundamentis fidei instrueret? mirentur alii quantum velint, Xaverium diversis linguis loquentem, cæcos illuminantem, surdis auditum restituentem, senesum & motum paraliticis, vitam mortuis largientem, à peste integras civitates liberantem, tempestates & turbines sedantem; erit nihilominus in oculis meis Xaverius semper magis admirandus, pauperibus evangelizando, quàm tot tantaque prodigia patrando. Verùm non detine-

tineamus nos tantum in admiratione quadam sterili & infructuosa. Vidimus arma, quibus, grandis iste heros christianismi, usus fuit, ad lucrandas JESU Christo animas; uramur & nos illis; sequamur virtutes illius; quas ex re cuit, & Deus etiam nostris laboribus benedictet, qualiter laboribus Xaverii benedixit. Si non possumus plantare & propagare fidem inter infideles, laboremus pro ea perficienda inter christianos, per frequentes instructiones nostras, & sanctitatem vitæ, ac morum nostrorum. Hæc est illa gratia, quam in hoc festo, quod zelum nostrum pro salute animarum, de novo accendere, & inflammare deberet, à Deo petere debeamus. Pro Missa; dicitur de S. Indiarum Apostolo, quod eam, tanta cum devotione celebraverit, ut non semel tantum cum copioso torrente consolationum, & suavitatis cœlestis se persusum senserit, præcipuè post S. communionem, ut coactum se senserit rogare Dominum, qui eas moderari vellet, hinc illæ notæ, illius voces: *satis est Domine, satis est.* Turfelin, primus h. storiz illius scriptor. Hæc sunt gratiæ & favores, quales nos non meremur; sufficiat nobis colligere micæ, quæ cadunt de mensa sanctorum; & oremus Dominum nostrum JESU Christum pro gratia ista, ut aliquid saltem imitari valeamus, de hoc sancto sacerdote, qui ei tanto cum fervore & fidelitate servivit; *Deus, qui Indiarum gentes beati Francisci predicatione & miraculis*

Pro Feflo immacul. Cōcept. B.V.M. 403
lis, Ecclefia tua, aggregare voluiffi; concede
propitiuſ, ut cujus glorioſa merita veneramur,
virtutū quoque imitemur exempla. Orat. eccleſ.

))(**)(**)(**)(**)(**)(**)(**)(**)(**)(

OCTAVA DECEMBRIS.

PRO FEſTO IMMACULATÆ CONCE-
PTIONIS B. V. M.

Tota pulchra es amica mea, & macula non eſt
in te. Cant. 4. 7.

DE GRATIIS B. M. V. CONCEſſIS.

1. Quasnam Deus illi, in hac die Conceptionis
conſerat:

2. Quam partem ex illis nos ſumere debeamus.

PUNCTUM I. GRATIAS cum univerſali

Eccleſia agamus Deo pro
gratiis & favoribus ſanctiſſimæ Virgini hodie
collatis. Primo, præſervat eam à peccato o-
riginali, ut dignam efficeret, quæ ſuo tempo-
re, Mater JESU Chriſti, filii ſui eſſet, ita ut
quævis nos omnes in Adam peccaverimus, &
filii iræ omnes naſcamur, haud difficile nobis
accidere debeat, excipere Mariam ab hac re-
gula generali. Ipſamet prima, humiliter id
agnoscit, ac ſatetur, puram Dei gratiam & mi-
ſericordiam eſſe, quæ eam ab omnibus aliis,
Adami deſcendentibus, diſtinxerit, & à maſſa
corruptionis ſeparaverit, eamque in benedictio-
nibus dulcedinis prævenerit: *fecit mihi magna,*
qui potens eſt. Luc. 1. 49. Agnoſcamus id
ipſum & nos cum illa, ut ita debitam Chriſti

Cloric. inſtr. I. P.

Bb

ſto

ſto JESU, noſtro & ipſius ſalvatori, gloriam reddamus. *In laudem gloria gratia ſua* Ezechiel. 1. 6. Legimus in principio libri tertii regum, quòd ſummus Pontifex Abiaſhar una cum Joab, partibus Adonæ acceſſit; his autem brevi diſperſis, Sàlomon ad thronum David patris ſui elevatus, ſententiam mortis, contra omnes eos pronuntiaverit, qui ſe contra eum declaràſſent, ſed Pontifici ſummo pepercit; mortem quidem, agebat ad eum 3. reg. 2. 26. promeritus fuiſſes, ut alii rebelles. *equidem vir mortis es*, ſed gratiam tibi faciam, & favorem, eò quod arcam Domini portaveris. En, filiam Adæ, quæ electa fuit à tota æternitate, non ut portaret, ſicut Abiaſhar arcam veteris teſtamenti ſuper humeros ſuos, ſed cujus viscera ſimul, futura eſſent arca quædam viva, ubi verbum divinum incarnatum requieſceret; ſcilia mortis eſt, ſi eam ſecundum naturam ſuam conſideremus, ſi verò eam, ſecundum ſuum miniſterium, Deo exhibendum, aſpiciamus, filia, imò Mater eſt ipſius vitæ; & ſub qualitate illa, & conſideratione hac, ad differentiam aliorum electorum, prædeſtinata fuit ante alios, non ſolùm quo ad animam, ſed etiam quo ad corpus, itaque non tantùm optimam animam ſortita eſt. *ſortita ſum animam bonam*, ſed hæc ipſa anima, tale corpus reperit, quod nullo unquam peccato ſedatum erat, & *veni ad corpus incorruptum*. Sap. 8. En primum privilegium Concepti.

ceptionis ſuæ ! 2do. Dedit ei Dominus plenitudinem gratiarum, quam primum capax erat illas accipiendi. S. Jeremias, & S. Joannes Baptiſta, ſanctificati, & Spiritu ſancto repleti ſcēte de ventre matris ſuæ, non dubitemus, quin mater DE, fuerit magis, & ſupra ſervos iſtos privilegiata; quodque non ſolum plus gratiæ, quam dicti duo prophetæ, ſed etiam angeli & ſancti omnes unquam, acceperit, & in hoc ſenſu, plures docti interpretes expli- cant hæc verba, *Psalmi 86: Fundamenta e- jus in montibus ſanctis.* Ita eſt, ait S. Gre- gorius M. in 1. reg. 1. *an non mons ſublimis Maria, quæ omnem electa crea'tura altitudi- nem, electionis ſuæ dignitatis, tranſcendit, quæ ut ad conceptionem æterni verbi pertingeret, meritorum verticem ſuper omnes angelorum cho- ros, uſque ad ſolum Deitatis, erexit ?* 3tiò. Primo iſta gratia, quam ſanctiſſima Virgo ac- cepit, tam plena & abundans erat, ut ſe in om- nem ætatem vitæ illius extenderit, & ab omni peccato liberam & exemptam fecerit; puto. ait S. Bernardus epiſt. 147. n. 5. *quod copioſior ſanctificationis benediſſio in eam, de- ſcenderit, quæ non ſolum ipſius ſanctificaverit ortum, ſed & vitam, ab omni deinceps peccato, cuſtodierit immunem.* Privilegium incompa- rabile, nulli alteri conſeſſum; quòdque in illa etiam pro ſemper extinxit & ſopivit rebelli- onem carnis contra ſpiritum, & illos inordina- tos, ac turpes motus, ſuper quibus vel ipſi

sanctissimi ingemuerunt; & adhuc ingemiscere coguntur. Subsiste hic parumper, & considera hæc gloriosa privilegia Beatissimæ Virginis à Deo concessa; contestare illi gaudium tuum, quod exinde sentis. O quam æquum fuit Virgo sanctissima! nullum unquam fuisse tempus, vel momentum; in quo non fuisset tota sancta, & acceptissima Deo! *sancta corpore & spiritu.* Quàm iustum erat, serpenterem infernalem, nunquam in potentia sua, habuisse illam, quæ suo tempore, contrituro esset caput ipsius, & quod, antequam domus seu habitaculum Domini fieret; nihil unquam in ea fuerit, quod oculos divinæ maiestatis offendere potuisset! *sanctificavit tabernaculum suum Abissimus, DEUS in medio eius non commovebitur* Ps. 45 Verùm, quia hæc privilegia illi solummodo propria, & peculiaris fuerunt.

PUNCTUM II. Considera, quem fructum ex hoc mysterio capere, quamque partem Clericus exinde sumere debeat. 1. Vivere debet in magna puritate tum animi, tum corporis, ad exemplum sanctissimæ Virginis; *inoffensor & immaculatos decet Dei existere sacerdotes*, ait 4tum Concilium Toletanum cap. 19 si oportebat Mariam præservatam fuisse in conceptione tua ab originali peccato, & tot ac tantis gratiis repletam, quia destinata fuerat, ut Dei filium conciperet, & mundo paritureret, si pariter necesse fuit postea, quando

.proxi-

proximè elevanda erat, ad dignitatem hanc
maternitatis divinæ, Spiritum S. in eam de
novo supervenire, & secum novam plenitudi-
nem gratiarum afferre, *ut dignum filii Dei*
habitu aculeum effici mereretur, qualis ergo esse
debet puritas, & innocentia sacerdotis, qui
singulis diebus in altari, eundem fidum Dei
producit, illumque de calis in terram ad se
trahit efficacia verborum suorum? qui non so-
lùm eundem intra se recipit, sed singulis mo-
mentis, etiam aliis, illum dispensare potest?
quam munda esse debent manus illa! quam pu-
rum os, quàm sanctum corpus, quàm immacu-
latum cor sacerdotis; exclamat hic piissimus
author libri de imitatione Christi l. 4. c. 5.
ad quem totus ingreditur author puritatis? 2do.
Evitate debet vitia non solùm graviora, & no-
tabiles excessus, sed etiam defectus, & erro-
res veniales, & minimas etiam sordes pecca-
torum. Si in veteri lege illi, qui vel minimam
maculam, vel defectum habebant, à ministe-
rio altaris exclusi erant, *homo, qui habuerit*
maculam non offeret panes Deo suo, nec accedat
ad ministerium ejus. Levit. 21. 17. quantam
curam adhibere debebunt sacerdotes novæ le-
gis, ut corda sua purificent ab omni affe-
ctu terreno, & inordinatis moribus? illi nempe,
qui adeò felices sunt, ut quotidie offerre va-
leant Patri æterno carnem purissimam, &
prorsus immaculatam Jesu Christi Filii ejus,
cujus omnes veteris legis victimæ, non nisi
umbra

umbra quædam & figura erant? *valde præpo-*
ferum ait Petrus Damiani Cardinalis, de in-
 temper. Cler. differt. 1. c. 2. *si illa nunc*
denegetur reverentia veritati, quæ tunc ad-
umbrata deferebatur imagini.

3tiò. Renovare debet hodierna die de vo-
 tionem suam erga sanctissimam Virginem Ma-
 riam, consecrare se ejus servitio, imitari vir-
 tutes illius, & super omnia horrorem illum,
 quem illa de omni peccato habuit. Quamvis
 præservata ab omni peccato, à primo conce-
 ptionis suæ instanti fuerit, nihilominus non o-
 misit fugere, & declinare etiam minimas oc-
 casiones ullius peccati perpetrandi, non ali-
 ter ac si omnia ipsi timenda fuissent. Qualis
 lectio, seu doctrina pro nobis? Studeamus igi-
 tur asserre eandem vigilantiam, ut nobis vel à
 minimo etiam lapsu caveamus: abscondamus
 thesaurum gratiæ Dei, ne à dæmonibus nobis
 auferatur, vivamus in continua diffidentia de
 nobis; & elongatione à commercio mundi, a-
 memus silentium, & solitudinem ad exemplum
 Mariæ. Hoc est, quod à nobis exigit infinita
 puritas adorandæ hujus victimæ, quam in al-
 tari offerimus. Pro Missa, præparemus nos ad
 illam humilitate quadam sane profundissima.
 Ah! Domine Deus meus! quomodo ego au-
 deam celebrare Missam, ac peragere sacrosan-
 cta mysteria? producere in altari Filium tuum
 JESUM Christum; eumque mundo dispensa-
 re? quale prodigium! tale nihilominus, quod
 quæ

quotidie in manibus meis peragitur: prodigium tale, quod me rubore perfundit, si confitero, quis tu sis, & quis ego? quid in & à Maria desideraveris, & modicum illud, quod in me est? mi Deus! dona mihi partem aliquam de iis, quibus hanc sanctissimam Virginem exornasti, à primo instanti conceptionis suæ; quia satis benè intelligo, quòd; cùm sacerdotes; tui ministri, & quasi procuratores sint, tale etiam quid habere debeant, per quod à vulgo fidelium, seu Christianorum distinguantur. *Mundiores debent esse cæteris, quia actores Dei sunt.* S. Ambros. in Epist. ad Tim. c. 3

PRO FESTO S. THOMÆ APOSTOLI.

Infer digitum tuum huc & vide manus me. as; & asser manum tuam; & mitte in latus meum: & noli esse incredulus, sed fidelis. Jo. an. 20. 27.

DE SANCTISSIMIS VULNERIBUS CHRISTI DOMINI.

1. Quantam in corde S. Thomæ impressionem fecerint sanctissimæ hæc plagæ:

2. Quam etiam in nobis facere debeant.

PUNCTUM I. Mirare hic infinitam salvatoris bonitatem, qui dignatus est per specialem apparitionem S. Thomæ ostendere sanctissima vulnera sua illi inflicta in cruce. O quam meretur charitas ista divina pro salute alicujus peccatoris, o

mnē sanē adorationem & reverentiam noſtrā? videamus deinde, quānam impreſſionem hæ ſacræ plagæ, in animo apoſtoli hujus fecerint, & quē effectū habuerint. 1. Curant infidelitatem ſeu incredulitatem illius; obſtinatus erat, noluitque ullatenus credere reſurrectionem divini magiſtri ſui, niſi propriis manibus contritarer vulnera ejus. Demiſit ſe Chriſtus JEſUS aded, ut ad incredulitatem illius convincendam, vel hoc ipſo medio uti voluerit. quod ipſe præſcripſit. *Inſer digitum tuum hoc.* En Thoma! manus, quæ per ſuum contactum t & infirmos curarunt, & mille benedictiones in homines effuderunt; en, quomodo perforatæ ſunt? en pedes iſtos, ſub quibus mare ipſum induruit; & quibus terra, non niſi ſub ſcabello ſervit; benè eos inſpice; iſti ſunt, qui trabalibus clavis cruci affixi fuere. Vide hoc latus lanceā apertum; inſer digitum tuum, in iſtud ſanctuarium amoris & gratiæ, & diſce deinceps fidelior eſſe. Thomas non tam citò tetigit ſacratiffima hæc vulnera, quā ſtatim plaga incredulitatis ipſius ſanata fuerit, & ipſe exclamaverit; *Dominus meus, & Deus meus.* Bona foramina, ait S Bernardus, in cant. ſerm. 61. n 3 *quæ fidem adſtrunt reſurrectionis; & Chriſti divinitatem,* 2. Zelum illius animant, & accedunt, & instrumenta evadunt, omnium magnarum illarum actionum, quas deinceps operatus eſt. Haurit ex aperiturâ iſtâ lateris ſalvatoris ſui, ardentem quēdam

dam amorem, erga humanitatem ipsius deificatam; & pro ecclesia, quæ est corpus ipsius ex aperturâ illâ, quam clavi in pedibus ejus fecerunt, itupendam ac tantam agilitatem, ut laborem suum longius ac remotius extenderit, quàm ullus apostolorum. Nolo hic uti opinatione S. Chrysostomi, qui prædicit, Hom. 61. in Joan. amorem & charitatem hujus apostoli, omnium aliorum apostolorum charitatem superasse. Nulli propterea nec sollicitudini, neque labôri, neque defatigationi peregit; missus velut agnus in medio luporum, secretum illud invenit mutandi lupos in agnos: & mansuetos reddendos homines, qui feris bestiis similiore erant, quàm hominibus, & ad eos iugo Christi submittendos. Verum est, miracula ipsius plurimum ad hoc contribuissè, & magnam verbis illius auctoritatem conciliassè; sed fateri oportet, quòd vita ipsius prorsus divina, quæque erat fidelis quorundam copia, seu imago magistri sui, potentissimum illud motivum fuerit conversionis barbararum istarum nationum. Videntes enim vitam adeò mirabilem, & à sua quàm longissimè differrentem, qualem hucusque non viderunt, coacti fuêre, oculos suos levare in cælum, & agnoscere in hoc opere digitum Dei; & magnificare seu extollere misericordiam illius, quâ venerit visitare, & eripere eos de potestate principis tenebrarum, ut transferret eos in potestatem filii sui unigeniti summè dilecti. 3.

San-

Sanctissima JESU Christi vincta coronâ, imponunt apostolatu illius. Torus in eo considerando & expendendo, quod redemptor; ac divinus magister suus pro salute hominum, pertulisset, aliud non suspirabat, nisi martyrium; moritur multoties, ut verbis S. Pauli utar, antequam vel semel moriatur; modò carceri inclutus, & in profundam fossam demissus; modò crudelissimè virgis laniatus, modò lapidatus, & ignominiosè civitate pulsus, famem, sitim, nuditatem, longa itinera, mille pericula iis annexa, gravissimos labores perpeffus; ut adeò sensim tanquam victima in odorem suavitatis consumptus fuerit. Tandem invenit in Indiis, ac in civitate Calamina, quod tactopere optârat, & ibi sacrificium suum cõplevit. Rex regionis illius, tam rebellis verbo divino, ac Herodes, & crudelior etiam hoc principe, lanceâ eum cõfodi præcepit. Exspirat Thomas, corpore lanceâ perforato, sed corde illius longè vivacius, sanctissimis vulneribus salvatoris sui, pretio redemptionis suæ vulnerato, & percusso, O mortem verè pretiosam in conspectu Domini! o cursum gloriosissimè consummatum, o incredulitatem, sanè dignè reparatam, & emendatam? vidimus quam impressiorem sanctissimæ plagæ Christi Jesu in corde S. Thomæ ficerint, videamus nunc, quamnam etiam in nostris cordibus facere debeant?

PUNCTUM II. Possimus nos æquè ac

S. Thomas, ex fontibus hifce Salvatoris, aliquid haurire, & ingredi in sanctuarium istud divinum, sanctissimorum vulnerum Christi Domini, quæ summus hic Pontifex, juxta mentem ambrosii in corpore suo, etiam in cælo, retinere voluit, non solum ad confirmandam fidem, sed insuper ad excitandam devotionem nostram, & ut efficacius pro nobis apud Patrem suum intercedere posset, exhibendo & monstrando illi, tanquam pretium redemptionis nostræ, hæc signa, *Non solum fidem firmat, sed etiam devotionem acuit; quod vulnera suscepta pro nobis cælo inferre maluit; aboleri noluit, ut Deo Patri nostra pretia libertatis ostenderet.* lib. 10. Luc. 24. Accedamus cum fiducia ad fenestram arcis hujus sanctissimæ, non enim clausa est; civitas est refugii, quod peccatores liberè confugere possunt in angonibus suis, in quos à peccatis suis, cōsiderando justitiam DEI vindicis conjiciuntur. Si remorsus conscientie nostræ nos perturbant, si inimici nos persequuntur; conspiciamus nos in hoc apertum latus Christi JESU; in hoc sanctuarium amoris, gratiæ & benedictionis; eligamus insar columbæ, hic nidum nobis, & refugium nostrum; *columba mea in foraminibus Petre.* Cant. 2. Videbimus exinde infernum contra nos conjuratum, quin vel in minimo nos lædere possit, audientes frementes demones, & mundum contra nos irritatum; nos verò omnes eorum minas ridebimus: in illis

illis dormio securus, aiebat S. Augustinus En-
chirid. 2. 12. Progrediamur deinde ad vulne-
ra sanctissimorum pedum; verum thronum grac-
tiae & securissimum pro peccatoribus alylum.
Ex his sanctissimis pedibus torres defitigatis,
eò quod prout oves errantes domus Israël cu-
currerint. S. Thomas admirabilem illam agi-
litatem hausit, & desumpsit, quâ Evangelium
Christi Parthis, Medis, Persis, Scythis, Hir-
canis, ac denum in Indiis predicavit. Hic in-
venient pariter cum illo Clerici fontem inex-
hauribilem veri & Apostolici cujusdam zeli,
quò DEO animas lucrentur, & se ipsos instar
aquilarum quàm rapidissimo volatu usque ad
Deum elevent; assument pennas ut aquile;
volabunt, & non deficient. II. 40. Manus de-
nique Salvatoris ostendent nobis extensionem
illam infinitam charitatis ejus; nunquam illas
cruci affixas aspicimus, quin recordemur quatenus
ti nos ei confiterimus; dicamus ei cum quo-
dam vero servo Dei: opus manuum tuarum Do-
mine, ne despicias, vulnera manuum tuarum
precor, ut aspicias; ecce, in manibus tuis de-
scripsisti me, lege ipsam scripturam, & sal-
va me. Solil c. 2. inter opera S. Augustini
Tom. 6. Pro Missa reflectamus nos super
hanc felicem sortem nostram, quòd quotidie
ad altare trahere, & contingere possimus san-
ctissima Christi vulnera, dicere tunc possumus
cum S. Apostolo, ac dilecto suo discipulo:
manus nostrae contraxerunt de verbo vitae.

1. Joan: 1. Verum, quia ad nos venit tanquam medicus cælestis, nos ipsi potius eum rogemus, & conjuremus instanter, ut ipsemet plagas nostras tangere, & virtutem vivificantem sanctissimæ carnis suæ, infirmitatibus animæ nostræ, applicare dignetur, nil esse potest efficacius ad has curandas, quàm continua quædam meditatio vulnerum D. N. J. C. secundum S. Bern: studiamus ad exemplum hujus Sancti, per hoc nutrire pietatem & devotionem nostram, hacque meditatione incessanter nos occupare. *Quid enim tam efficax ad curanda conscientia vulnera; nec non ad purgandam mentis acriem, quàm Christi vulnerum sedula meditatio.*

* * * * *

IN TESTO S. FRANCISCI SALESII.

In fide & lenitate ipse sanctum fecit illum.

Ecclesi. 45. 4.

DE FIDE ET MANSVETUDINE ILLIUS.

1. Fides illius gratum eum Deo reddidit.

2. Mansuetudo & lenitas, hominibus.

PUNCTUM I. **N**on potest Sanctus aliquis magis laudari, quàm à fide, quæ est fons & origo omnium bonorum operum, quæ nos justos & gratos Deo efficiunt juxta hanc scripturæ sententiam. *Justus autem meus ex fide vivit.* Hebr: 10. Hæc virtus emicuit in S. Francisco à primis statim vitæ suæ annis; hæc fuit arca, quæ illum

illum tanquam alterum Noe ab aquis diluvii salvavit, volo dicere, à corruptione mundi, ubi tot animæ adeò miserè perierunt, *fide aptavit arcam in salutem domûs suæ.* Hebr. 11. In vanum laboravit dæmon ei obijcere scorpulos, in quibus naufragio interiret: scuto enim fidei munitus, semper victor è pugna exivit: & generosè retudit omnia tela agnita inimici salutis suæ. Armavit se aliquando tione ardente ad repellendam impudicam faminam, quæ eum ad peccatum sollicitabat; & quia benè noverat portare se thesaurum divinæ gratiæ, in vase fictili, extrema sollicitudine, & cura fugiebat omnes periculosas occasiones, studiis Parisiis incumbens, nonnisi Ecclesias & Collegia frequentabat; castigabat innocens corpus suum, & in servitutem redigebat per orationem, jejunium, & macerationes alias. Verum nonnisi præludia erant vitæ suæ pœnitentis; fides in eo alia adhuc mirabiliora operata est. Oblatâ illi ab Episcopo suo missione ad laborandum pro conversione hæreticorum Anuarensium; & transitu omni, à cæcis istis hominibus, illi ocluso, per medias nives, & prærupta montium, quasi reptando, aditum sibi ad illos fecit; prædicavitque illis Ecclesiæ doctrinam, tanto cum zelo, ut tandem non obstantibus quibuscunque malis præjudiciis & præventionibus, quibus rebelles veritati reddebantur, tamen audierint. Exhibuit illis in seipso prædica-

rorem caſtum, temperantem, amoroſum, à propriis commodis abhortentem; reſolutum, ut vel viſſima etiam evaderet fidei & religionis. Foreſt de ipſo æquè benè, ac de magno Apoſtolo Paulo illud dici, quòd ſigna Apoſtولاتus ſui fuerint, deſatigationes, labores, vigilæ, jejunia, calumnie, injuriæ, inſidiæ, perſecutiones. Omnia hæc ſanctus noſter Miſſionarius tanta cum patientia ſuſtinuit, ut vel ipſi magis obœcati, & omnium duriffimi, inſenſibiliter quaſi ſe ab eo ſcſcinari permiſerint, quem etiam propterea magum quendam, verſificiorumque magiſtrum appellabant: qui quæ à Chriſto JESU tanquam agnus inter lupos ad eos miſſus pro eo, ut ab eis devoraretur, virtutem & poteſtatem tantam habuit, ut ipſe lupos iſtos verteret in agnos. O quoties, à tempore aſſumptionis ſuæ in Epiſcopatum Genevenſem, conſiderans ruinam ſpiritualem hujus infidelis & incredulæ Jeruſolimæ, ad exemplum Jeſu Chriſti flevit ſuper illam? quoties zelo plenus, generoſo animo, è manibus miniſtrorum hæreticorum, innocentem prædam jamjam ab ipſis devorandam rapuit & ſalvavit? quoties & ipſe oravit gemens & ab aliis fidelibus chriſtianis rogari ſecit, divinum magiſtrum ſuum; ut injuriæ illæ, quæ intra muros Genevenſes illi inferebantur, repararentur? quoties ardore fidei & charitatis ſuæ impulſus, reſolutionem cepit, recuperandi non ſuos Epiſcopales redditus, qui ei adeò injuſtè abla-

ti fuerant, sed animas illas, quæ pretioso Dei sanguine emptæ fuerant, pro quibus ipse quæque libenter millies propriam vitam suam dedisset? quàm resolutè & inrepidè per civitatem hanc ingratiſſimam curſitabat, quæ Prophetas suos occidit, & manibus inimicorum suorum se objecit, quin vel minimum sibi à furore ipsorum timeret, ut infirmis Catholicis Sacramentum pœnitentiæ adminiſtraret: & uni ex principalibus capitibus hujus partis schismaticæ ac hæreticæ, (Beza ſucceſſor Calvi. ni) ad aperiendos veritatis lucis oculos; dux fieret? gratias Deo; quòd ſanctum hunc fide adeò viva illuſtrarit ac nunciarit; & ora illud, ut illam etiam in te augere velit.

PUNCTUM II. Veniamus modò ad manſuetudinem & lenitatem S. Prælati noſtri, qui præ omnibus etiam magnis, ac excellentibus illius ſæculi viris, promeritus fuit elogium illud, quod Spiritus S. Moyſi dat, *neque vir erat mitiſſimus ſuper omnes homines, qui morabantur in terra.* Num. 12. Videre eſt hanc ipſius manſuetudinem, omnes quaſi fascinantem per curſum totius vitæ ipſius. Dum quadam die diſputaret cum quodam miniſtro acatholico, qui reſiſtere haud poterat Spiritui divino, qui in illo, & per illum loquebatur, confugit infelix homo iſte, ad injurias & verba contumelioſa tamque atrocias etiam effuſit, ut vel maximam patientiam concutere, vel omnino ſubruere potuiſſent, patientiam.

tientia autem nostri Prælati, nullam exinde difficultatem sensit; possidebat nimirum in pace animam suam, memoria secum revolvens, magistrum suum divinum, pro stulto, pro famaritano, & dæmoniacò, habitum; compassio- nem potius, medicum charitativum decentem, furori hujus phrenetici exhibuit. En! innocentia illa venefica, quibus hæreticos passim incantavit. Hic erat modus illius, & pugnandi, & vincendi; convertitque longè plures hac viâ & ratione, quàm omnes alii, quicunque demum illa sua arte & disputationibus unquam efficere potuissent. Id, quod ex omni parte, tot peccatores ad tribunal illius sacræ attraxit, habebat nimirum talem, tantamque erga eos compassionem & teneritudinem, ut verbis explicari non possit. Bluebat hæc mansuetudo, & dulcedo, vel ex ipsis etiam ejus oculis, quemadmodum in Christo JESU, qui propterea & publicanos, & faminas pessimæ vitæ & sanæ ad se attraxit. Videre erat in labris ejus subrisum quemdam plenum hilaritate; & manus illius promptæ, paratissimæque erant ad sublevandos, & amplexandos peccatores quoscunque. Videor mihi videre partem filii prodigi, qui in amplexus hujus deperditi juvenis, ruit, qui lacrymas suas, lacrymis illius commiscet, & mirum in modum illi blanditur. Sed minimè persuadere nobis debemus; quasi peccatores reconciliaffet, & absolvisset, quin veram mutationem, con-

versionem, & fructus dignus poenitentia, ab eis exegerit. Talis fore est mansuetudo illa, quam nobis ipsis optaremus, & expereremus; talis autem lenitas & dulcedo, ut ex principis fidei nostrae loquar, latrocinium est, & verissima crudelitas, subversio est totius Evangelii, & ruina religionis. Sanctus hic Episcopus Genevensis longe ab erat à tali mansuetudine, demittebat se, ut lapsos elevarer per charitatem aliquam condescendentem; sed ipse non pariter cadebat cum ipsis, reddendo se complicem alienorum peccatorum, per eam quamdam coeniventiam; omnibus omnia fiebat, non ut eos in sordibus suis putrescere permitteret, sed ut Jesu Christo omnes lucii faceret. Bonus iste Samaritanus oleum & vinum plagis & vulneribus infirmorum infundebat, oleum compassionis, & vinum correctionis; non quidem operabatur poenitentes suos pondere insupportabili, neminem tamen etiam eximebat à portanda cruce sua; à crucifigendâ carne sua; à vitiis, & inordinatis desideriis refrænavit: Faciles reddebat vias Domini; non longas faciendo, sed complanando difficultates illas, quas sibi mundus, in observandis præceptis evangelicis, præfixerat. Denique dici de ipso potest, quod S. Augustinus epist. 82. N. edit de magno Apostolo Paulo dixit: *omnibus omnia factus est; non simulantis affectu, sed compatiens affectu.* Benedictus sis Domine Deus meus! quod Ecclesiae tuae, hunc S. Episcopum, & magnum ducem spiritus dederis,

ris, sæculo ad id corrupto, quale nostrum mor-
dorum est, effunde super corda nostra, dul-
cedinem charitatis tuæ, & fac per gratiam
tuam, ut instructionibus ac exemplis ejus e-
rudiamur. Non est unus ex Sanctis primo-
rum sæculorum; vel qui in desertis Thebaidæ
vixerit, sanctus talis est, qui in memoria ad-
huc est Patrum nostrorum. Dantur sancti, quo-
rum vita plus admiranda, quam imitanda sit;
torrentibus similes sunt, qui magnum rumo-
rem, ac mirabiles effusiones virtutum prorsus
extraordinariarum post se reliquerunt; in S.
Francisco Salesio, totum & omne, est imitabi-
le, fluminis alicujus valde pacati, & quieti
instar erat, cujus aquæ absque strepitu ullo
defluerunt; DEUS illum sanctum fecit in mo-
do quodam vivendi ordinario, & communis
semper sibi erat æqualis, & uniformis; nun-
quam à se ipso deflexit, neque vestigia sua
eum sefellerunt. Studeamus igitur imitari e-
xemplum adeo recens, ut vivamus per fidem,
prout ipse; & obligationibus nostris satisfac-
amus, eadem cum ipso fidelitate; observemus
solitudinem quamdam interiorem etiam in me-
dio mundi: utamur illo, tanquam non utentes,
& Deum nostrum in omnibus, & per omnia
glorificare studeamus. Pro communione san-
ctus hic noster talem dat regulam, à qua nun-
quam declinare debemus, nempe: *communione*
singulis octo diebus requirere, ut quis peccato
mortali, & omni affectu ad peccatum veniale

PUNCTUM I.

Quicumque se Deo con-
 sacrare vult modo ta-
 li, qui ei gratus, & acceptus sit, ducere de-
 bet vitam omnino puram; *circumcisus viti-*
is, ait S. Ambrosius, in Luc. 11b 2. *dominica*
dignus judicatur obtutu, id, quod nos docet
 sanctissima Virgo, in & per hanc ceremoni-
 am purificationis suæ. Scimus eam nec mini-
 mum habuisse, quod purificatione indiguisset,
 utpote Matrem Dei, seu illius, qui ad hoc
 venit, ut universam naturam purificaret, & qui
 origo est omnis puritatis angelorum, & san-
 ctorum omnium. *Nihil in hoc partu impurum*
fuit; nihil illicitum, nihil purgandum, nimi-
rùm, cum proles ista, puritatis fons sit, &
purgationem venerit facere delictorum S. Bern.
 Serm. 3. de Purif. B. V. M. Aded nihil for-
 didum contraxit per hunc partum supernatura-
 lem, ut potius purior, & magis virgo exin-
 de evaserit, ait S. Augustinus. Serm. 15. de
 temp. Nihilominus non omisit Beatissima Vir-
 go quidquam de ceremoniis purificationis,
 perinde, ac si una de cæteris, huic legi sub-
 jectis mulieribus fuisset. Prouti illæ, sic &
 ipsa secessum tenuit septem diebus, & habita-
 tionem separatam, ab omni humano commercio,
 ut illæ, sic ipsa abstinuit per quadragin-
 ta dies, ab ingressu templi & contactu cujus-
 cunque rei sanctæ: ut illæ, sic & ipsa, ad pu-
 rificationem se sistit & offert, & victimam
 à lege præscriptam, secum affert. Non id
 Cc3 fecit,

fecit, quasi his mediis indigeret, illo tempore tam pura ac antea fuerat; & sine interruptione Deo applicata, intenta, & unita; sed docet nos exemplo suo, solitudinem, secessum, abstinentiam reverentialem à rebus sanctis, ac humilitatem, excellentia quædam media esse, ad nos purificandos, & tales efficiendos, ut de nobis ipsis sacrificium Deo gratum, & acceptum fieri, & offerre valeamus. Recessus ab hominibus, & solitudo, magnam remedium, & adjumentum sunt ad purificandum nos, ab inevitabilibus maculis, quas per commercium & conversationem cum hominibus, contrahimus. Volo Clericum assiduam esse in oratione; fervidum in exercitio bonorum operum, zelosum pro salute animarum; si se à consortio aliorum se non subducat, & in se ipsum descendat, planè haud immunis erit ab isto pulvere, qui nobis, etiam in actionibus nostris sanctissimis, adhæreæ solet, *neceffe est, de mundano pulvere, etiam religiosa corda jor-
dejacere*, ait S. Leo serm. 4. de quadrag. Huic solitudini adjungere oportet, quandoque abstinentiam quamdam reverentialem, & voluntariam ab usu rerum sanctarum. Servit nobis Maria in hoc puncto pro exemplari, non contenta observasse solitudinem septem dierum, ut aliz mulieres Judææ solebant, insuper utut innocentissima, abstinet ab ingressu templi, totis quadraginta diebus. Pulcherrima figura! quæ non solum sacerdotibus, qui

san

sanctitatem sacerdotii sui per turpes excessus inhonorarunt; sed iis etiam, qui vel modicum, à primo suo fervore defecerunt quàm necessarium ipsis sit, vel saltem utile, & fructuosum, aliquanto tempore, à ministerio suo angelico abstinere, ut postea sanctius, & dignius Deo appropinquare valeant. Refert Granado Dominicum de Martyribus, cujus vita tam pura, exercitia pietatis adeò ordinaria erant, nihilominus, uero die intra septimanam, à celebracione abstinuisse, ut alius sibi horrorem illum sacrum imprimeret, quem ad hoc tremendum mysterium asferre oporteat; & sacerdotes illi, quorum vita tota mundana, & secularis est, nullum intervallum unquam faciant, ut melius se ad tantum mysterium præparare valeant? Barthol. de vit. Domin. de Martyribus l. 4. c. 27. Denique 3tium medium purificandinos à defectibus & erroribus nostris, est, ut imitemur humilitatem Beatissimæ Virginis. En! quomodo se submittit tali cœremoniæ, quæ adeò contraria innocentiz suæ videbatur, & gloriam virginitatis suæ minuere, quamvis nullo modo ad illam fuerit obligata; disce exinde, ut non solum iis in hæreas, quæ tibi præcepta sunt, sed ea quandoque exequaris, quæ præcisè consilii, & perfectionis sunt. Noli esse ut certi quidam Clerici, qui continuò interrogare soient: estne hoc absolūtè ad salutem necessarium? sumne ad hoc obligatus sub peccato mortali? qui Deum amat, & qui ve-

rè ei placere desiderat, tui modo non loquitur; dicit potius cum aliquo ex antiquis Patribus; *debeo non tantum obsequi Deo, sed & adulari.* En! habes media, ut in statu sis offerendi & sacrificandi te Deo! vide, ut exinde proficias; & pro secundo puncto considera in oblatione Christi Domini modum & rationem, quem in tali oblatione teneas.

PUNCTUM II. Tres qualitates, & circumstantiæ specialiter annotandæ sunt in oblatione Christi Domini, dum se hodie Patri suo divino obtulit. imò *maturè* se offert; hac die non aliud fecit, quàm, quòd ratificaverit publicè in templo, quod in primo momento conceptionis suæ fecit, ubi se ad omnè voluntatem Patris sui promptum obtulit, secundum Apostolum, Hebr. 10. *Ideo ingrediens mundum dicit; ecce venio, ut faciam Deus voluntatem tuam.* 2do offert *se integrè*, absque ulla reservatione aut restrictione. Ipse nobis declarat, quòd totus in eo sit, ut voluntatem Patris sui, exequatur, hæc erat regula omnium cogitationum intellectus sui; omnium motuum & affectuum voluntatis suæ, & omnium eorum, quæ officium & ministerium suum ab eo exigebat; *quæ placita sunt ei, facio semper.* Joan. 8. 3tiò: offert se modo aliquo *perpetuo. & irrevocabili.* Sacrificium hoc matutinum, certum est præsagium, sequenti sacrificii vespertini, neque cessavit unquam illud offerre, quousque illud non in cruce

ce consummarit, hinc tam frequenter ad Apostolos suos dicebat; Luc. 12. *quomodo coarctor, usquedum perficiatur?* o exemplum sanè puicherrimum pro Clericis; oblatio igitur, quā de seipsis facere debent Deo, ut imitatores sint oblationis Jesu Christi, de se factæ, debet esse imo. *prompta*, Nil magis refert, ad reddendas Deo oblationes nostras gratas, acceptasque, quā ut maturè fiant. Quia nullius, quod illi offerre possumus, quodcumque demum sit, vel esse possit, indiget, valorem illius, quod offerimus, aliter sublimare, & extollere non possumus, quā ut promptè & hilariter illud offeramus; *hilarem enim datorem diligit Deus.* 2. Cor. 9. 7. Hinc in lege veteri petit primitias omnium rerum, voluit sibi offerri princiicias animalium, & hominum, & primos fructus terræ. Esto igitur promptus ad offerendum Deo omne illud, quod à te petierit, ut ita grata ei possit esse oblatio tota.

add. Debet esse *integra*. Ex eo tempore, quo te ad statum & ministerium ecclesiasticum obligasti, per susceptionem sacrorum ordinum, debes te non aliter considerare, quā Deo consecratum, & absolutè pro servitio illius destinatum; non est tibi permittum, de tuis bonis, de tua anima, de persona tua, aliud, vel aliter disponere, nisi pro illius gloria. Vel minima reservatio totam oblationem tuam scinderet, & omne meritum illius auferret; nam quia oblatio ista esse debet,

per

perfectum holocaustum, nihil exinde tibi ipsi
 retinere potes; rapina enim foret, ut ait Pro-
 pheta Is. 61. 8. *odio habens rapinam in holo-*
causto 3tio. Oblatio esse debet *perpetua &*
irrevolabilis. Parum tibi prodesset, quod se-
 mel te Deo obtuleris, si postea defatigeris,
 & id ipsum iterum repetere velles; quod se-
 mel eidem consecrasti. En! qualitates, quas
 sacrificium tuum habere debet; renova illud
 hodie, ad pedes altaris; sed cum omnibus istis
 conditionibus, quæ solæ illud Deo gratum,
 reddere possunt, & acceptabile.

O JESU! qui te obtulisti hodierna die Pa-
 tri tuo æterno, fac per tuam, ex omni par-
 te sanctissimam oblationem, ut nos omnino &
 integrè, tibi consecrati simus, per talem abre-
 nuntiationem, quæ sit sine omni reservatio-
 ne; adeò, ut prompti ac parati simus, sani-
 tatem, vires omnes, vitam nostram ipsam
 impendere, pro, & in tuo servitio, per obla-
 tionem perennem permanentem, & irrevocabi-
 lem. *Quid enim mihi est in calo? Deus cor-*
dis mei, & pars mea, Deus in æternum.
 Ps. 47.

FINIS PARTIS HYEMALIS.

I N D E X

MATERIARUM HUIUS PARTIS

hyemalis.

DOMINICA PRIMA ADVENTUS

De usu temporis. 1. *Pauci sunt; qui bene utuntur tempore.* 2. *Qua ratione utendum tempore sit.* pag. 1.

FERIA SECUNDA.

De progressu in virtute. 1. *Obligatio progrediendi.* 2. *Quam parum proficiamus* 5.

FERIA TERTIA.

De promissis in Baptismo factis. 1. *Quanam sint?* 2. *Et quam sollicitè renovanda?* 8.

FERIA QUARTA.

De Sanctitate Ecclesiasticorum. *Inducere debent Dominum Jesum.* 1. *Intus;* 2. *& foris.* 11.

FERIA QUINTA.

De extremo iudicio. 1. *Timor iudicii.* 2. *Utilitas huius timoris.* 14.

FERIA SEXTA:

1. *Confusio,* & 2. *damnatio mali Ecclesiasticæ et in extremo iudicio.* 18.

DIE SABBATHI

De ultimo adventu Domini. 1. *Desiderare hunc debemus, ad exemplum omnium sanctorum.* 2. *Quare pauci illum desiderant.* 22.

DOMINICA SECUNDA ADVENTUS.

De lectione sacre scripturæ. 1. *Necessari*

Index

ria est Ecclesiasticis ad instructionem aliorum.
2. Et ad propriam sanctificationem. 26.

FERIA SECUNDA.

De unione, quæ inter Ecclesiasticos esse debet. 1. Nihil dissolvere debet hanc unionem. 2. Quàm utilis illa sit ecclesiæ & proficua, 29

FERIA TERTIA.

De Spe. 1. Hac virtus nos sustentare & animare deberet. 2. Pauci illam admodum curant. 33.

FERIA QUARTA.

De persecutionibus. 1. Ecclesiastici ordinariè persecutionem patiuntur. 2. Quid tempore persecutionum eos facere oporteat. 35.

FERIA QUINTA.

De bono exemplo. 1. Necessitas illius. 2. Et illius effectus. 39.

FERIA SEXTA.

De constantia in bono. 1. Quàm necessaria sit hac virtus ecclesiasticis. 2. Examen, an illam habeamus. 43.

DIE SABBATHI.

De habitu clericali. 1. Quanti illum aestimare debeamus. 2. Quàm obligati simus illum portandi. 46.

DOMINICA TERTIA ADVENTUS.

De recreatione. 1. Utrum quandoque liceat recreatione uti? 2. Quomodo illa utendum? 49

FERIA

Index

FERIA SECUNDA.

De modestia. 1. *Quam necessaria sit clericis.* 2. *Præsentia Dei est optimum medium illam acquirendi et conservandi* 53.

FERIA TERTIA.

De pace animæ. 1. *Qua nam sit hæc pax?* 2. *Signa, ex quibus cognosci possit, an eam habeamus.* 57.

FERIA QUARTA.

De cognitione sui ipsius. 1. *Nil magis necessarium.* 2. *Nihil magis à nobis negligitur:* 60.

FERIA QUINTA.

De prædicatione S. Joannis Baptistæ. 1. *Omnia in ipso prædicabant.* 2. *Omnia in nobis pariter prædicare debent.* : 64

FERIA SEXTA.

De cognitione Jesu Christi. 1. *Mundus eum non cognoscit.* 2. *Obligatio Ecclesiasticorum, ut eum mundo manifestam faciant.* 67.

DIE SABBATHI.

De humilitate. 1. *In quo consistat.* 2. *Quanti à nobis æstimanda sit.* 71.

DOMINICA QUARTA ADVENTUS.

De dignitate clericali. 1. *Quomodo populus honorare clericos.* 2. *Quomodo ipsi clerici suam dignitatem conservare debeant.* 75

FERIA SECUNDA.

Fidelitas in ministerio sacro. 1. *Quilibet punietur; aut præmium accipiet secundum fidelitatem suam.* 2. *Quisnam sit fidelis dispensator.* 79.

FERIA

Index

FERIA TERTIA.

De iudicio hominum. 1. *Contemnere debemus iudicia hominum.* 2. *Et Dei iudicia timere.* 82.

FERIA QUARTA.

De iudicio temerario. 1. *Quomodo in illud quis cadat.* 2. *Quam injuriam sit.* 83

FERIA QUINTA

De vocatione. 1. *De necessitate vocationis ad statum Ecclesiasticum.* 2. *Quenam sint signa hujus vocationis* 89.

FERIA SEXTA.

De fidelitate vocationi debita. 1. *Non sufficit vocatum esse, sed fidelem vocationi suae.* 2. *Media, ut quis se fidelem exhibeat.* 93

PRO VIGILIA NATIVITATIS

Dispositio ad festum Nativitatis. 1. *Obligatio preparandi se ad hoc festum* 2. *Quanam sint hae dispositiones, seu preparatio:* 95

PRO FESTO NATIVITATIS D. N. I. C.

1. *Adoremus.* 2. *Et imitemur infantem JESUM.* 98.

PRO FESTO S. STEPHANI PRIMI.

MARTYRIS.

1. *Gratia & fortitudo veritatis in ore Stephani.* 2. *Gratia & fortitudo charitatis in corde ipsius.* 102.

PRO FESTO S. JOANNIS. EVANGEL.

S. Joannes erat discipulus. 1. *Summe dilectus à Jesu.* 2. *Et summe diligens Jesum.* 105

Index

PRO FESTO SS. INNOCENTII.

1. *Crudelitas Herodis.* 2. *Bonitas Dei in jugulatione SS. Innocentii* . 109.

PRO FESTO S. THOMÆ EPISCOPI CANTUARIENSIS & MARTYRIS.

1. *S. Thomas animatus fuit spiritu fortitudinis & constantiæ* 2. *Eundem spiritum quoslibet pastores animarum habere oportet* 112

PRO DIE TRIGESIMA DECEMBRIS.

De incarnatione Filii Dei. 1. *De malis, à quibus nos liberavit.* 2. *De bonis, quæ nobis procuravit.* . 116

PRO DIE TRIGESIMA PRIMA DECEMBRIS.

De contradictionibus, quas passus est Jesus Christus. 1. *Ipse erat signum contradictionis* 2. *Veri discipuli ejus similiter talia signa esse debent, quibus homines contradicant.* 119

PRO FESTO CIRCUMCISIONIS.

Circumcisio est mysterium. 1. *Humiliationis pro Jesu Christo.* 2. *Et instructionis pro nobis.* . 122.

SECUNDA JANUARI.

De renuntiatione. *Ecclesiastici renuntiare debent.* 1. *impietati & secularibus desideriis;* 2. *Ac temporalibus negotiis.* . 125

TERTIA JANUARI.

De temperantia 1. *Vivere oportet in hoc mundo temperanter, justè & piè.* 2. *Motiva ad ita vivendum.* . 129

QUARTA JANUARI.

De circumcissione spirituali. 1. *In quo*
602

Index

consistat. 2. Media illam exequendi. 132

QUINTA JANUARIIL.

De sanctissimo Nomine Jesu. 1. *Mirabiles effectus illius. 2. Modus & ratio illud pronuntiandi. 135*

PRO FESTO EPIPHANIÆ DOMINI.

1. *Felicitas, qua hac die Ecclesia obigit. 2. Pars, quam exinde nos sumere debemus 139*

SEPTIMA JANUARIIL.

1. *Sollicitudo Magorum. 2. Negligentia sacerdotum in querendo Jesu. 142*

OCTAVA JANUARIIL.

1. *Fidelitas Magorum in correspondendo gratia. 2. Motiva cur eos imitari debeamus. 145*

NONA JANUARIIL.

De hypocrisi. *Quam 1. Commune, & 2. abominabile sit vitium. 148*

DECIMA JANUARIIL.

1. *Munera, qua Magi Christo Domino offerunt. 2. Quid nos illi offerre debeamus 151*

UNDECIMA JANUARIIL.

De itineribus clericorum. 1. *Regula, quomodo instituenda sint. 2. Examen supra defensus, qui in illis committi solent. 154*

DUODECIMA JANUARIIL.

De spiritu hujus mundi. 1. *Non debemus nos illi conformare. 2. Sed potius laborare, ut reformemus spiritum nostrum. 157*

DECIMA TERTIA JANUARIIL.

De presumptione & bona opinione de se ipso. 1. *Quam*

Index

1. *Quid sit communis error* 2. *Quid facere oporteat ad corrigendum illum.*

DECIMA QUARTA JANUARI.

De abnegatione parentum & contrariis vine rum.

1. *Obligatio imitandi Christum in hoc p[ar]te*
2. *Comparatio inter ipsum & nos.* 164.

DECIMA QUINTA JANUARI.

De iactura gratiae. 1. *Quam graviter sentire debeamus hanc iacturam.* 2. *Quid nos facere oporteat ad eam recuperandam.* 168.

DECIMA SEXTA JANUARI.

Sollicitudo satisfaciendi obligationi suae 1.
Debemus insistere functionibus ministerii nostri. 2. *Et evitare eas, quae nos ab eis impedire possint.* 172.

DECIMA SEPTIMA JANUARI.

De vita occulta Christi Domini. 1. *In quo consistat?* 2. *Quomodo Ecclesiastici illum, quoad hoc, imitari possunt?* 175.

DECIMA OCTAVA JANUARI.

1. *De baptismo Christi.* 2. *De gratia, quam nos in sacramento baptismi consecuti sumus.* 178.

DOMINICA SECUNDA POST

EPIPHANIAM.

De donis Clericorum.

1. *Dona clericis propria.* 2. *Examen ad cognoscendum, utrum illa habeamus?* 182.

FERIA SECUNDA.

De vigilantia. 1. *Quam necessaria sit illis, qui curam animarum habent.* 2. *Rationes, quare ad illam sint obligati.* 185.

De

FERIA

Index

FERIA TERTIA.

De fervore in servitio divino. 1. *Obligatio, quam habemus, Deo serviendi cum fervore.* 2. *Cur illi tam negligenter serviamus.* 189

FERIA QUARTA.

Media conservandi spiritum fervoris & devotionis. 1. *Gaudium, quod affert spes* 2: *Patientia in afflictione.* 3. *Perseverantia in oratione.* 193.

FERIA QUINTA.

De cura pauperum. 1. *Zelus, quem clerici habere debent, ut eos solentur.* 2. *Quâ ratione id facere debent* 197

FERIA SEXTA.

De matrimonio. 1. *Sanctitas hujus sacramenti non in sufficienti honore est apud eos, qui illud recipiunt.* 2. *Instructio, quam Ecclesiastici iis de hoc dare debent.* 201

DIE SABBATHI.

De conviviis. 1. *Cur Jesus interesse voluerit nuptiis in Canâ,* 2. *Cur Ecclesiastici convivia evitare debent?* 205

DOMINICA TERTIA POST EPIPHAN;

Reule prudentiæ Christianæ. 1. *Proprio suo judicio diffidere.* 2. *Consultere alios.* 209

FERIA SECUNDA.

Qua ratione & modo vivere debeant clerici, inter & cum secularibus. 1. *Debent illos edificare, & pacem habere cum illis.* 2. *Pax ista eos impedire non debet, ab impugnandis, & debellandis eorum vitiis,* 213

Feria

Index

FERIA TERTIA.

- De vindicta. 1. *Quam dedecet clericum.*
2. *Remedia contra illam.* 218

FERIA QUARTA.

- Methodus bene orandi. 1. *Debemus nos s.*
stere coram Deo, tanquam agrotus coram me-
dico 2. *Et accere ad illum cum fidu-*
cia. 223

FERIA QUINTA.

- De sacramento poenitentiae. 1. *Commoda*
atque utilitates illius 2. *Quenam ad il-*
lud requirantur dispositiones 226

FERIA SEXTA.

- De visitatione infirmorum. 1. *Obligatio,*
quam habemus eos invisendi. 2. *Modus,*
quem in tali visitatione tenere debeamus. 230

DIE SABBATHI,

- De sacra communione. *Ut Jesum in*
sacra communione dignè sumas, oportet cum
Centurione cognoscere. 1. *Dignitatem illius;*
2. *indignitatem nostram.* 234

DOMINICA QUARTA POST EPIPHAN:

- De pietate seu devotione. *Vera devo-*
tio consistit in eo, ut quis sati faciat. 1. *Obli-*
gationi iustitiae, & 2. *Charitatis,* 238

FERIA SECUNDA.

- De amore proximi. *Consistit primò in*
eo, ut nihil mali ei facias. 2. *Ut omne bonum,*
quod in potestate tua sit, ei procures. 242

Index

FERIA TERTIA

Pleinitudo seu extensio charitatis. 1. Omnia continentur in hac virtute. 2. Sollicitudo & cura, quam adhibere debemus ad hanc acquirendam, conservandam, & augendam. 248

FERIA QUARTA

De statu Ecclesie hic super terram. 1. Exposita est magnis tempestatibus. 2. Quam graviter & dolenter id sentire debeant Ecclesiastici. 249

FERIA QUINTA

De dormitione, seu somno. 1. Dispositio exterior. 2. Et interior, ut christiane cubitum ire, & dormire quis possit. 253

FERIA SEXTA

De cura animarum. 1. Quam terribile onus sit. 2. Quid facere oporteat, antequam quis huic curæ se ingerat. 256

DIE SABBATHI

De fiducia in Deum. 1. Omnem fiduciam in Deo collocare debemus. 2. Et ab ipso expectare consolationem & tranquillitatem nostram. 261

DOMINICA QUINTA POST EPIPHANIAM

De mansuetudine. 1. Estimatio, quam de hac virtute habere debemus. 2. Fructus, atque commoda illius. 265

FERIA SECUNDA

De mansuetudine. 1. In quo consistat mansuetudo.

Index

mansuetudo Ecclesiasticis necessaria. 2. Mendacia illum acquirendi, 269.

FERIA TERTIA

De charitate fraterna. 1. Est vinculum professionis. 2. Quid nos facere oporteat, ut ad eam pertingamus 272.

FERIA QUARTA

De cantu Ecclesiastico. 1. Modus cantandi bene. 2. Defectus, quas evitare oportet. 275.

FERIA QUINTA.

De modo peragendi actiones nostras. 1. Oportet eas referre ad Dei gloriam, 2. In unione D. N. F. C. 280.

FERIA SEXTA.

De ignorantia Ecclesiasticorum. 1. Nocet ipsismet. 2. Nocet Ecclesia 283.

DIE SABBATHI.

De vigilia pastoralis. 1. Extenderetur debet. 1. supra nos ipsos, & 2. supra alios. 287.

DOMINICA SEXTA POST EPIPHANIAM

DIE DOMINICA

De gratitudine. 1. Quam sollicitè gratias egerit Deo S. Paulus pro gratiis populæ per suum ministerium ab illo concessis. 2. Cuius gratiam debemus, ut illum imitemur. 292.

FERIA SECUNDA.

De sanctitate primorum Christianorum. Quales

Index

Quales illorum fuerint virtutes. 2. Quam longe ab iis nos absumus. 295.

FERIA TERTIA.

De prædicatione S. Pauli. 1. *Quare Apostolus iste adeo fructuosè prædicaverit. 2. Et cur nos tam modicum fructum asferamus. 299*

FERIA QUARTA.

De doctrina Evangelica. 1. *Parvitas. 2. Magnitudo: 3. Et virtus seu efficacia doctrina Evangelica. 313*

FERIA QUINTA.

De usu rerum modicarum. 1. *Qualiter contemnantur. 2. Quomodo assumari debeant. 307.*

FERIA SEXTA

De modo instituendi populum. 1. *Debeant hoc Ecclesiastici facere solide & familiariter. 2. Motiva, cur ita fieri debeat. 310.*

DIE SABBATHI.

De Catechismo. 1. *Necessitas illius. 2. Modus Catechizandi. 314*

DOMINICA SEPTUAGESIMÆ.

De perseverantia in virtute. 1. *Oportet exercere se in virtute usque in finem, ut quis bravium accipiat. 2. Qualiter jure timere debeamus in consideratione Excellentissimorum virorum, qui lapsi sunt. 318.*

FERIA SECUNDA.

De temperantia, Obligatio Ecclesiarum
ficc-

Index

*sticorum, quoad temperantiam. 2. In quo
consistat?* 321.

FERIA TERTIA.

De intentione, quam nobis præficere debe-
mus. 1. *Puritas intentionis.* 2. *Defec-
tus intentionis.* 325.

FERIA QUARTA.

De timore. 1. *Qualem timorem nobis in-
gerere debeat hic modus S. Pauli secum ac-
cendi.* 2. *Motiva timoris* 330.

FERIA QUINTA

De obedientia Episcopo debita. 1. *Ad
ipsum pertinet mittere inferiores ministros.*
2. *Hi debent ipsis obedire.* 333.

FERIA SEXTA.

De labore. 1. *Ecclesiastici tenentur
laborare.* 2. *Interim pauci laborant prout
oportet.* 338

DIE SABBATHI.

De labore & otio.

1. *Clerici laborantes mercedem recipi-
ent.* 2. *Otiosi & negligentes confusionem pa-
tientur.* 342.

DOMINICA SEXAGESIMÆ

De falsis doctoribus 1. *Magna cæcitas, si
veris præferantur.* 2. *Unde originem trahat.
hæc cæcitas* 345.

FERIA SECUNDA

De propria laude. 1. *Quando permissum
sit se ipsum laudare.* 2. *Quomodo hoc fieri
debeat.* 150

FERIA

Index

FERIA TERTIA.

De tolerantia S. Pauli. Debet esse ma-
teria. 1. humiliationis pro clericis laborio-
sissimis. 2. Condemnationis verò pro negli-
gentibus & ignavis, 354

FERIA QUARTA:

De cura animarum. 1. Clerici principalt-
ter solliciti esse debent de animabus. 2. Et
compati infirmis. 359

FERIA QUINTA.

De infirmitatibus, 1. Ad exemplum Apo-
stoli complacere nobis in infirmitatibus nostris
debemus. 2. Quam pauci ejusdem cum S.
Paulo mentis sint. 363

FERIA SEXTA.

De verbo Dei. 1. Quinam ex illo pro-
ficiant. 2. Examen, an ex eorum numero nos
quoque simus. 367

DIE SABBATHI

De verbo Dei. 1. Dispositiones, quas ad
auditionem verbi Dei afferre oportet. 2. Fruct-
us, quos producit in corde bene disposito. 371

DOMINICA QUINQUAGES.

De charitate. 1. Excellentia illius &
necessitas. 2. Æstimatio, quam de illa ha-
bere debemus. 376

FERIA SECUNDA.

De signis charitatis. 1. Quanam illa sint.
2. Examen, utrum illa quis habeat. 380

FERIA

Index

FERIA TERTIA.

De excessibus Bacchanalium. 1. *Cecitas christianorum hoc tempore.* 2. *Quid clerici facere debeant.* . . . 386.

**ADDITIO MEDITATIONUM,
DE S. ANDREA APOSTOLO,**

Trigesima Novembris

De amore Crucis. 1. *Qualem S. Andreas habuerit.* 2. *Quam nos sumus obligati, eum quoad hoc imitandi.* . . . 390

**DE S. FRANCISCO XAVERIO
INDIARUM APOSTOLO, TERTIA
DECEMBRIS**

De zelo S. Francisci Xaverii. 1. *De magnitudine illius.* 2. *Quas virtutes eidem adjunxerit.* . . . 396

**PRO FESTO IMMACULATÆ CONCE-
PTIONIS B. V. M. OCTAVA DECEM.**

De gratiis B. V. concessis. 1. *Quasnam Deus illi in hac die conceptionis conferat.* 2. *Quam partem ex illis nos sumere debeamus.* . . . 403.

**PRO FESTO S. THOMÆ APOSTOLI.
VIGESIMA PRIMA DECEMBRIS.**

De sanctissimis vulneribus Christi Domini.
1. *Quantam in corde S. Thomæ impressio-*

Index

*nem fecerint sanctissima he plage. 2. Quam
etiam in nobis facere debeant. 479.*


DE FESTO S. FRANCISCI SALESII.

Franciscum Salesium 1. *Fides illius gra-
tum eum Deo reddidit. 2. Mansuetudo & le-
nitas hominibus. 415.*

JN FESTO PURIFICATIONIS B. V.
MARIE.

1. *Invenimus in Purificatione B. V. media hoc
Sacrificium offerendi 2. In presentatione au-
tem; seu oblatione Jesu modum id faciendi. 422*


SOLI DEO HONOR Et GLORIA.



BIBLIOTHECA



1845



Biblioteka Jagiellońska



stdr0025431

